





Ex Bibliotheca
majori Coll. Rom.
Societ. Jesu

22. D


10-D-12

10-D-12.

10
D
10

A

H





JOH. HENRICI URSINI
CONTINUATIO

HISTORIÆ PLANTARUM BIBLICÆ,

Sive

1. De SACRA PHYTOLOGIA,
2. HERBARIUS SACER.
3. HORTUS AROMATICUS.

Cum

SYLVA THEOLOGICÆ SYM-
BOLICÆ, ET S. JEREMIÆ VIR-
GA VIGILANTE TERTIA VICE
RECUSA.



NORIMBERGÆ,
Sumtibus JOHANNIS DANIELIS TAUBERI.
Typis Christiani Sigismundi Frobergii.

ANNO M. DC. LXXXV.

VIRIS

*Plurimum Reverendis, Clarissimis
Doctissimis*

Dn. SEBASTIANO Fran-
cken / Verbi Divini in Ecclesiâ
Suinfurtenfi orthodoxâ, Ministro fide-
lissimo, Adfini charissimo.

Dn. JOH. SEBASTIANO
Mitternachten / Illustris Ruthe-
nei Rectori meritissimo.

**Dn. CUNRADO TI-
BURTIO** RANGONI, Gym-
nasii Berlinensis Rectori vigilantissi-
mo.

Theologis, Philosophis, Philologis
eximiis,

*Fautoribus, Amicis, Fratribus
conjunctissimis;*

TRIGÆ charorum nominum,
TRIGAM meorum libellorum,
ex debito,

Par pari referens,
Inscribo, offero, addico,
simulque

Animam, Preces, Officia

AUCTOR

AD plantas, Herbas, Flores, & Aro-
mata, Fratres,
Vos invito, Sacer quæ Paradisus
habet.

Namq; erit hæc spectare animis non
nulla voluptas,
Quæque piis aliquâ se utilitate
probet.

Hæc ego consevi, fessus; vos, namq;
potestis,
Excolite, & studio culta rigate sa-
cro:

Verùm etiam vestri memores, ut
semper, amici,
Fundite, pro sensim deficiente,
precès.

At, Tu Cœlestis Sophiæ studiosa ju-
ventus,
Crede mihi, in Sacris cuncta re-
posta libris;

Quidquid Aristoteles, quicquid no-
visse Galenus,
Jurisconsultus, Theologusve queat.

Argumenta Capitum.
I.
PHYTOLOGIÆ.

Prefatio : Libri Primi.

- Cap. I.** S. Phytologiæ definitio & partes.
II. Plantarum definitio & divisio.
III. Causa Efficiens Prima.
IV. Causæ Secundæ Naturales.
V. Artificiales, S. Geoponice delineata.
VI. Materia & forma, SEMEN,
VII. Communes affectiones.
VIII. Finis & Usus.
IX. Accidentia & differentia.
X. Locus & Tempus.
XI. Contraria.

Libri Secundi,

HERBARI.

- Cap. I.** Herbæ definitio & divisio.
II. Nomenclator Biblicarum.
III. Frumenta & Legumina.
IV. Oleræ.
V. Herbæ condimentariæ & medicamentosæ.
VI. Flores.
VII. Agrestes & Palustres.
VIII. Vestiarie & Coronariæ.

Libri Tertii,

HORTI AROMATICI.

- Cap. I.** Nomenclator Biblicus & generalia.
II. Ahalim & Aloe definitio & divisio.
III. Specierum aliquot forma.
IV. Specierum aliquot generis diversitas.
V. Unguenti Sacri species.
VI. S. Thymiamatis species.
VII. S. unguenti & Thymiamatis explicatio mystica.
VIII. Horti Aromatici Salomonis species.
IX. Thuris definitio, differentia, usus & abusus, balsami
& Casiæ.
X. Lenticis, Mastichis, Amomi Parallipomena.

CONTINUATIO

P R Æ F A T I O.

*Neglectis urenda filix innascitur agris;
gladius usu splendet, sita rubiginat, Apulej
verbo; &*

A

Quod-

*Quodcumq; mola intuleris , non respuit un-
quam :*

*Veltu triticum , vel lolium , aut indid avenam
Nihilominus urgens ruit , & rotat , quod in-
fers :*

*Sive infers nihil ; illa ruens terit seipsam ;
Scaliger.*

Sic animus, ajunt , est hominum ; inquit
perpetuâ agitatione gaudens , cognatus Cœ-
lestibus : Sed si nihil habet , quod agat boni
statim malè agere incipit. Ita *homines nihi-
agendo malè agere condiscunt.* Adde , quocir-
cudia obrepunt , languorque & curæ edaces
quodque Ægyptii Monachorum Patres ver-
dixerunt ; *laborantem ab uno pulsari Damone ,
otiosum ab innumeris* , apud Cassianum l. 10
cap. 23. Sanè , ut pulcherrimi versus Enni
habent ,

Otio qui nescit uti , plus negotii habet ,

Quàm cum est negotium in negotio.

*Nam cui quod agat institutum est , nullo ne-
gotio*

*Id agit , studet ibi , mentem atq; animum dele-
tat suum ;*

Otioso in otio animus nescit , quid velit.

*Hoc idem est ; neq; domi nunc nos , nec militi-
sumus ,*

Imu

*Imus huc; hinc illuc: cum illuc ventum est, ire
illinc lubet; (vivitur.*

Incerd' erras animus: præter propter vitam

Hæc quàm vera sint, credo mecum experi-
ri, quotquot sine literarum studiis vitam si-
ci non ducunt vitalem esse. Equidem, etsi
perparum temporis munerum mihi meo-
rum occupationes publicæ relinquunt; ta-
men hoc ipsum ita dispensare, occulto quo-
dam animi sive morbo sive impulsu, cogor,
ut nuspiam nisi in literis invenire possim ju-
undius laxamentum. Et si quid in his labo-
ris est, tamen dulcissimum aliorum laborum
condimentum est. Atq; hunc autumo esse li-
erarum præcipuum fructum, quod *nutricula
necutis* sint ingruentis: quæ & ipsa mala
verx est, & *res plurimas pessimas, cum advenit,
deferit*. Hæ animum à sollicitudinibus abdu-
cunt, mœrores adimunt, curas mordaces se-
dant, vivendiq; pretia augent, ut quantil-
lum superest lucro apponatur. Quamobrem
novo me subinde quasi penso exerceo, ac la-
porem ex labore necito, maloq; aliquid sen-
per agendo sensim confici, quàm animi
næstitudine, vitæque tædio, qui senibus ex-
itio certissimus proventus est, obrui. Hinc
super exorsus eram *de Plantis Bibliis* aliquid
A 2 medi-

meditari accuratius. Sed mox ad elaborandum, quod cœperam, neq; virium mihi satis esse, neq; otii, intellexi. Quicquid tamen est, quod cogitanti in mentem venit, in medium affero. Fortè juventutis aut alius alterius excitaverò studia, ut quæ ad ornandas illustrandasq; sacras Literas huc congressi melius disponant, quæ omisi suppleant, *Sacramq;* nobis aliquando *Botanicen* pulcherrimam oppidò, ac voluptate juxta atq; utilitate eximiâ scientiam, omnibus suis numeris absolutam perficiant. Nunc ergò ad rem ipsam accedamus.

LIBER PRIMUS PHYTOLOGICUS.

CAP. I.

S. Phytologia Definitio & Partes.

S *Actra Phytologia* est descriptio historico-Theologica stirpium Biblicarum ad laudem Creatoris.

Autor inventorq; saluberrimæ hujus Doctrinæ Deus est, naturæ Scripturæque Sanctæ conditor, qui hanc quoque operum suorum particulam adipisci voluit, ac considerari, ut Matth. 6, 28.

Itaque in hoc studium ab ipso rerum primordio excitavit omnium ferè nationum *Sapientes*:

San-

Sanctosque Viros, *Prophetas & Apostolos* inspiravit: ut cujus Spiritus hæc creâset, ejusdem in Sacris paginis describeret, hominum informationi ad salutem.

Unde *finis* claret. Nam qui homini *Animali* ex stirpibus *escam* paravit & *medicinam*; idem eadem *Spirituali*, sed spiritualia, per Verbum suum subministrat, in laudem gratiæ suæ gloriolæ.

Objectum materiale, proprium stirpes sunt; *adaquatum*, Biblicæ: *formale*, quatenus non tam à Naturali Historico, quam à Theologo considerantur.

Norma igitur doctrinæ hujus propria, & quam normantem dicimus, S. Scriptura est; cui *ancillatur* historia Naturalis, ad ædificationem morum, & dogmatum illustrationem.

Ex quibus de ejus *antiquitate*, *dignitate*, *jucunditate*, *utilitate*, imò *necessitate*, ferri potest judicium.

Partes duæ sunt: *Generalis*, quæ Stirpium naturam in universum considerat: *Specialis*, quæ de singulis speciebus agit.

Observationes.

I. Quis Autor hujus doctrinæ? Ut Moles omnis Herbariæ rei autorem nobis retulit Deum, cui tota S. Scriptura suffragatur; sic eandem omnem Deorum beneficiis adscriptis pagana religio. Hinc duodecim illi apud Romanos *Dj Consentes Rustici*, quos in principio de

Re Rust. recenset Varro : Sunt illi, *Jupiter Pater, Tellus Mater, Sol & Luna : Ceres & Liber : Robigus & Flora : Minerva & Venus : Lympha ac Bonus Eventus.* Itaque à Poëtarum Principe 1. *Georgic.* invocantur 1. *Clarissima Mundi Lumina*, 2. *Liber & alma Ceres*, 3. *Fauni & Dryades*, 4. *Neptunus, Lympha Pater*, 5. *Aristaeus*, qui & *Apollo ἀγρεύς καὶ πόσις*, *Rusticus & Pastoralis*, 6. *Pan*, Custos ovium ; 7. *Minerva*, oleæ inventrix, &c. *Venus* verò præcipuè à Lucretio --- cui *suaves Dadala tellus submittat flores*, & quæ rerum *Naturam sola gubernet*. Cui tamen Ver proprium, ut *Cereri æstas*, & autumnus *Libero*.

It Ver & Venus, & Veneris prænuncius ante Pennatus graditur Zephyrus vestigia propter, Flora quibus Mater præspargens ante, Viai Cuncta coloribus egregius & odoribus opplet, Lib. 5. Idem,

Ubi etiam *Flora* officium, ex antiquo more ἀνθοβολίας sive *Florum sparsionis*, de quo suo fortè loco. Neque hæc Romanis peculiaris fuit superstitio; ex Oriente in Græciam traducta; inde propagata est in Italiam. Et ut antiquissima fuit ἀσρολατρεία, cultusque Solis, & Militiæ Cælestis, & Reginæ Cœli, quæ dubia procul *Venus*, etiam ante Cataclismum viguisse videntur; sic omnes gentes nationesque persuaserunt, vide *Selden. de Djs Syris, & qua in Exercitat. de Zoroastre dixi.* Hic obiter meminisse sufficit. Hinc apostatæ Israëlitiæ, Diis Gentium, amatis suis, *Panes & aquas, linum & lanam, oleum & potum* impu-

imputabant, de quo Sacrilegio, ingratiſſimo-
rum hominum, vide querelam Dei, *Hose. cap. 2.*
v. 5. 8. 9. adde locum Jerem 44. v. 17. Sic Plinius,
homo minimè religiosus: *Summum munus homi-
ni datum arbores Silvaq; intelligebantur: hinc pri-
mum alimentum; harum fronde mollior specus, li-
bro vestis. Etiamnum gentes sic degunt.* Inde su-
perstitio: *Hæc, inquit, fuere Numinum templa, pri-
scog; ritu simplicia rura etiam nunc Deo præcullen-
tem arborem dicant. Nec magis auro fulgentia atq;
ebore simulacra, quàm lucos, & in iis silentia ipsa
adoramus. Arborum genera Numinibus suis di-
cata perpetuò servantur: ut, Jovi esculus, Apollini
laurus, Minerva olea, Veneri myrtus, Herculi popu-
lus, lib. 12. princ. Qui & ipsam hanc, de herbarum
stirpium naturâ & facultatibus, scientiam, negat
humani operis esse inventionem: Nam Deorum, in-
quit, fuisse eam apparet, aut certè divinam, etiam
cum homo inveniret, eandemq; omnium Parentem,
& genuisse hæc, & ostendisse, nullo vita miraculo
majore, si verum fateri volumus, lib. 27. c. 1. Vidit
ipsa naturalis ratio hanc notiçiâ Dei munus esse,
sed quis ille esset dator muneris Deus: ignoravit.
De uno tamen Deo omnium pænè una opinio est.
Huc usq; humana scrutatio, etsi cum labore, delibe-
rare potuit: at ubi ratiocinatio defecit, fides subve-
nit, ut ait Paul. Orosius l. 6. adv. Pagan. c. 1. Ea nos
docuit, quis ille Deus esset, cujus dono Salomon,
inter cætera Sapientiæ suæ, differentias planta-
rum radicumq; virtutes cognoverit, ut de singulis
scitissimè dislerere, variasque similitudines & pa-
rabolas proferre posset, 1. Reg. 4. v. 29. 33. Sap. 7.
v. 15. 20. Sir. 47. v. 18.*

2. Qui hanc doctrinam primi excoluerint? Primum & Summum Botanicum fuisse *Adamum*, constat ex Genes. 1. v. 29. 30. & cap. 2. v. 15. 16. Quàm naturalis homini cibus fuit, tam hæc noticia esse debuit, quâ salubria à noxiis discerneret. Antelapsum tamen non puto vires facultatesque Medicas magis novisse, quàm morbos, quos experimento postea mortales sensim didicerunt. Neque enim talium noticia ad Imaginem Dei pertinebat; Sed illa, de quâ Apostolus Coloss. 3. 9. & ad vitam animalem ducendam satis erat Protoplastis, nosse primas herbarum fructuumque qualitates, & usum ad esum. Hinc tamen postea provecti homines, duce ratione & magistrâ experientiâ, Medicinam condiderunt.

*Sic primū auspiciū Deus artibus atq; circum
Fundamenta dedit; tūm partēis quīq; secutus
Exegere suas, tetigitq; industria finem.*
ut Gratius de Venatione cecinit.

Quàm eximia fuerit Mosis, cæterorumque Prophetarum in hoc genere peritia, res docebit. Itaque *Mosen* Eupolemus de Regibus Judæorum, *Primum*, ait, fuisse sapientem, inventorem literarum & Grammatica. Ejus Philosophiam quadripartitam facit Clemens Alexandrinus 1. Stromat. sub fin. ἰσοεικὴν καὶ νομαθητικὴν, quæ ad Moralem partem spectant; tūm ἱεραρχικὴν, quæ Physicæ contemplationis est; & demum θεολογικὴν. quæ ὑποπλάειαν continet, & ab Aristotele μετὰ τὰ φυσικά appellatur. Sed & Megasthenes in 3. Indicarum dixit: *Ea quæ de rerum Naturâ à Veteribus tra-*
dia

dita sunt, etiam asseri ab iis, qui extra Graciam
 philosophari sunt, partim apud Indos à Brachma-
 nis, partim in Syria ab iis, qui Judæi appellantur.
 De Salomonis Sapientiâ jam prædixi. Fuit enim
 hoc quoque Regum Studium. Hinc herba
 Gentiana, Lysimachia, Mithridatia, quæ & Scor-
 dium, à potentissimis Regibus, Illyriorum Gentio,
 Macedonum Lysimacho, Ponti & Bithynia Mithri-
 date appellata: ut Teucrium à Tencro, ab Achille
 Achilleia, à Chirone Centauro Centaurium; Ar-
 iemisia, à Caria Regina Mausoli conjuge, ut ait
 Fuchsius in Dedicat. de Histor. Stirp. qui & addit
 Atcalum Pergami, Evacem Arabum, Jubam
 Mauritania Reges de Plantis scripsisse, ut & Phi-
 losophos, Pythagoram de bulbis, Chrysippum de
 Brassicâ, Zenonem de Cappari. Varro recenset
 ad quinquaginta, qui Græcè de Agricultura, cu-
 rag, hortensi, scripserint: quos inter Reges Hie-
 ron. Siculus, & Attalus Philometor. Magonis
 Carthaginensis, quem rusticationis parentem ve-
 neratur Columella, volumina duodetriginta,
 quæ de agrorum, hortorumque cultu Punicâ
 Linguâ conscripserat, Senatusconsulto in Lati-
 num sermonem conversa sunt. Nam captâ Car-
 thagine, cum Bibliothecæ variis Africæ Regulis
 donarentur, jusserrat Senatus hæc Magonis scri-
 pta accuratè servari, Romamque reterri. Ita
 Hortos quoque post Salomonem Reges ac Prin-
 cipes coluisse leguntur, Cyrus apud Cicronem
 de Senect. Tarquinius Superbus, & Diocletia-
 nus, postquam Imperii fasces reliquisset, aliique
 multi, vide Mizaldi Præfat. de Secretis Hortor.

Ec. Salomonem de plantarum naturâ & facultatibus, quæ & quoto gradu essent calidæ, aut frigida, sicca aut humida, libros scripsisse, ex quibus multa deinceps Medici decerpserint; quosq; Ezechias Rex pius tandem de medio sustulerit, quod populus inde medelas morborum acciperet, nec à Deo opem peteret, ex Eusebio & Hippolito recitat Anastasius Nicænus, Quæst. 39. in S. Script. Sed verisimilius videtur, ideò abolitos hos libros, quod nefandas superstitiones continerent; sive à Magis conscripti fuerint, nomine Sapientissimi Regum abutis, qui & hodiè quosdam specioso hoc titulo Salomonis venditant, de quibus Delrio Disq. Mag. l. 2. Quæst. 3. Sive Rex ipse, qui Apostata factus & Idololatra, ad Magiam infamem quoque deflexit, ut ad hanc à Naturali facilis est transitus (quâ de re Pineda in Salomone Prævio lib. 3. cap. 23. & l. 7. cap. 12.) talia ediderit. Quod tamen cur credendum sit, non intelligo. Magicas artes, cum Idololatriâ Gentium Sororio quodam vinculo conjunctas, jam olim Israëlitas coluisse & calluisse certum est; quarum infamix prætextus quæsitus à magnorum Autorum nominibus: accepisse ab Adamo, Setho, Abrahamo, Salomone se gloriabantur. Sic Onirocritices autor habitus Josephus Patriarcha, quem puto Jotapen dixit Plinius lib. 30. cap. 1. & Capnomantie illius, quam Delrio Thurisumiam dixit, lib. 4. cap. 2. Quæst 7. origo fuit à Vanâ Sacerdotum quorundam observatione, qui ex fumi adscensû, aut rotatione in Sacrificiis, divinabant, utrum accepta essent Deo,

Deo, & litarent, an averſo numine irrita? Sic apud Philoſtratum Apollonius, cum Sacra facturus Thuo in ignem conjeciſſet, conſideravit, ὅπῃ διανίσταται, καὶ ὅπῃ θολῆται, καὶ ὅπόσαις κορυφαῖς ἀτλή, καὶ ὅπως: quo ſe pacto attolleret, & adſcenderet, quasq; faceret vertigines & quousq; exſilteret ignis cum fumo, lib. 1. cap. 20. vide eundem lib. 5. cap. 9. Pythagoras itaq; ab Hebraeis tum illam περὶ ὀνείρων γνῶσιν, de Somniis noticiam accurate didiciſſe, cum illā διὰ λιβανὸς τῆς μαρτείας primus uſus fuiſſe perhibetur, apud Malchum in vitā. Fieri tamen potuit, ut ſummi indicio, aut rectā aſcendentis in cœlum, aut in obliquum & deorſum ſe inclinantis, Deus præter ordinem aliquando oſtenderit, ſacrane approbāſſet, an reſpuiſſet? Ita Aloyſius Navarinus in Moſe expenſo ad cap. 4. Genef. *Quarunt Interpretes, quali ſigno reprobatum Caini Sacrificium, quali approbatum Abelis? aliqui ex fumo in cœlum directo, ut accidit in Sacrificio Abel, & ex fumo in terram demiſſo, id conjeciſſe fratres arbitrantur, &c.* Sic pictores vulgò. Eò alluſiſſe videtur David, cum erat, *ut preces ſua dirigantur, firmentur, & rectā adſcendant, ſicut thymia-ma, aut Virgula ſummi*, Pfalm. 141. v. 2. Sed in viam redeundum eſt. Patet ex his jam

3. Quæ doctrinæ hujus ſit dignitas, jucunditas, utilitas? Inter ea, quæ benignâ tellure proveniunt, vel per ſe tantum herbarum immenſa contemplatio eſt, ſi quis aſtinet varietatem, numerum, flores, odores coloresq;, & ſuccos,

succos, ac vires earum, quas salutis aut voluptatis hominum gratiâ gignit, ut rectè Plinius l. 18. cap. 1, Neq; parum facit hæc ad gloriam Dei Creatoris,

præsentemq; refert qualibet herba Deum.

Inde fictitium Marcionis Deum meritò ridet Tertullianus, *quod ne unam quidem circerculam produxerit*, unde agnosci potuerit: quasi ad Divinitatis argumentum vel unica suffecisset. Sanè, qui in medio lilii stantem crocum, qui unicum aliquod minutulum semen ineffabili arte tornatum, attentè spectat, æquè ac qui cœli sidera, -- *non negat esse Deum. Natura nusquam magis, quàm in minimis tota est*, Plinius l. 11. cap. 2.

Sic adamas, punctum lapidis, pretiosior auro est,

Parvula sic totum pervadit pupula cælum,
ut canit Manilius. Sed de his ubi de *sine plantarum* mox. Quàm necessaria sit hæc cognitio S. Literarum interpreti, docet Augustinus l. 2. de Doctr. Christ. cap. 16. *Rerum ignorantia facit obscuras figuratas locutiones, cum ignoramus vel animantium, vel lapidum, vel herbarum naturas, aliarumve rerum, quæ plerumq; in Scripturis similitudinis alicujus gratiâ ponuntur. Ita muli, inquit, propter ignorantiam hyssopi, dum nesciunt, quam vim habent, vel ad purgandum pulmonem, vel, ut dicitur, ad saxa radicibus penetranda, cum sit herba brevis atq; humilis, omnino invenire non possunt, quare dictum sit; adsparges me hyssopo & mundabor.*

4. An Doctrinæ hujus, quæ ratione & experientiâ constat, vera scientia ex S. Scripturâ peti possit? Scio Philosophos quosdam & olim & nunc censuisse, Moſen cæterosque Viros Dei, ubi de rerum naturâ quæritur, de ponte quasi suffragiorum esse deſiciendos: cum vulgo loqui ſolere, ajunt, nec ad hæc humilia animum applicuiſſe. Quantum hi abſunt ab illâ in Moſen blaſphemiâ; multa cum dixiſſe, paucos probaſſe? Mihi ſemper placuit pulcherrimum Caroli Magni, in ſuo de Imaginibus libro, judicium: *Omnia in Scripturarum Sanctarum ampliffimis pratis per partes invenire poſſe, qua Artigraphi in ſuorum hortorum areolis poſuere.* Quare ſi ratio contra divinarum Scripturarum autoritatem redditur, quamlibet acuta ſit, fallitur verifimilitudine; nam vera eſſe non poteſt. Rurſus ſi manifeſta certa q̃ rationi, velut Sanctarum Scripturarum objicitur autoritas, non intelligit, qui hoc facit; & non Scriptura ſenſum, ad quem penetrare non potuit, ſed potius objicit veritati: nec quod in ea, ſed quod in ſeipſo, velut pro ea, invenit, opponit, ut ait Auguſtinus Ep̄ſt. 7. ad Marcellin.

CAP. II.

Plantarum Definitio & Diviſio.

Planta, ut fere cum Moſe deſcribit Ariſtoteles, eſt corpus vivens, e terra natum, quod in terra vivit, creſcit, ſeque propagat.

Genera ſumma duo ponit Moſes, *Herbas & Arbo-*

& *Arbores*: vulgò sunt Quatuor; *Herba*, *Arbor*, *Frutex*, *Suffrutex*.

Partes aliæ *perpetuæ* & *principales*; ut, *Radix*, è qua *surculi*, *stirpes*: in arboribus *Caudex*, cuius pars inferior *truncus*; superius diffunditur in *ramos* & *frondes*: at in herbis, *caules*, *scapi*, *culmi*: vestiontùr *corticibus* & *libris*; intus *vena*, & q. *arteria*, & *cor*, quasi *matrix* ac *medulla*.

Aliæ *accessoriae*, & *serè temporales*, ex quæ innatæ aut agnatæ: nam in *ipsis* nascuntur *gemmæ*, *flores*, *folia*, *fructus*, *semina*, quibus alia & alia accidunt; ut, *floribus* *umbellæ* & *corymbi*, *foliis* *erenæ* & *fibræ*, *seminibus* *filiquæ*, *valvulæ*, *loculamenta*, *pappi*, *lanugo*: *foris* adnascuntur *Stolones*, *propagines*, *lacryma* item, & *resina*, *fungi*, & id genus alia: vide cap. i. in Arboreto meo.

Observationes.

i. *Herbà אֵדָה*, varia habet nomina. Genes. i. v. i. i. *Germinet*, inquit Deus, *terra Desche* דֶּשֶׁחַ, *Eseb* עֵשֶׁב, & *Yy* יַי. Ubi duo summa plantarum genera. Quid inter *Desche* & *Eseb* intersit? quæritur. Respondent; prius significare herbam tenellam, quæ recens orta, nondùm crevit in caulem; posterius, grandiusculam, quæ adolevit, & jam demeti potest, *Buxtorff. Avenarius, Vatabl.* Neque aliter videtur accepisse *Vulgatus*: *germinet terra herbam virentem*, herbam scilicet facientem semen: aut *D. Lutherus*, qui prius vertit *Glaß*/posterius *Kraut*.

Desche à radice *Dasch* est, quod est *שְׂדֵה* *germ*

germinare, quasi dicas βλάστημα, aut φυτὸν ein Ger
 wächſ/quod è terrâ nascitur, Joël. 2. vers. 22. No-
 men esse generale videtur, quamlibet herbam
 significans: nam pabulum dicitur onagrorum,
 Job. 6. 5. Cervarum, Jerem. 14. 5. Vitularum,
 Jerem. 50. 11; ubi *Vitula graminis*, βοῖδία ἐν βο-
 τάνῃ, D. Luthero; genle Rälber/ab effectu. Solent
 enim lascivire pabuli copiâ: unde Proverbium:
ſænum in cornu gerit. Τίκτηι γὰρ κὺρθ' ὕβρις, satie-
tas parit contumeliâ, ut habet Solonis sententia.
 Eodem sensu alii vertunt, *vitula triturantes*, qui-
 bus licebat mandere de subiectis frugibus, quan-
 tum vellent: à radice, *Dusch*, quod est ἀλοῦν
 triturare, vide *Bootium S. Animadvers. l. 3. cap. 4.*
mm. 4. Strictè tamen & εἰδικῶς accipitur pro-
 germine primùm è terrâ propullulante, Prov.
 24. 27. quod propriè נעץ נצ'ד *mozza Desche*
egressus germinis, Job. 38. 27. Græci quoque aliàs
 χορτον aut & χλόην interpretati sunt.

2. Huic apponitur ergò *Eseb*, non quasi Sy-
 nonymum, ut Deut. 32. 2. sed specificativè; quasi
 diceret Moſes, terram non quamlibet aut quo-
 modolibet germinâſſe ac protuliſſe herbam, sed
 perfectam & jam ſeminificantem: aut ſimul
 utrumque genus, *herbam pabulo aptam*, cui *De-*
sche jungitur Job. 6. 5. Prov. 27. 25. eiq̃ue quaſi
 fructus tribuitur *Jarak* olus, viride germen,
 quo feræ & aves paſcuntur, Genes. 1. 30. Exod.
 10. 15. 2. Reg. 19. 26. Psal. 37. 2. El. 37. 27. &
herbam jam ſemen facientem, ad generis ſui pro-
 pagationem. Nam *Eſeb* ſativam herbam pro-
 priè

priè notat, autore Buxtorff. quæ semen producit, ad panem conficiendum in usum hominis, ut jumentorum proprium est *Chazir*, Psal. 104. 15. Græci verterunt χέρτον χλωρόν Gen. 1. 29. παμώριον, Job. 5. 25. & quod in montibus nascitur χέρτον όρεινόν, Proverb. 27. 25.

3. *Chazir* יֵצִיף graminè longiusculum, quasi à קצר *Kazâr* demetendo; unde & *fœnum* verti solet: aut quale sub dio crescit in atriiis ex pluviis: nam *Chazer* αὐλῶν, atrium, impluvium exponunt: & quale inter tegulas in tectis, Pl. 129. 6. El. 37. vers. 27. Per antonomasiam, cum *He Emphatiko Porrum* sic dicitur, Num. 11. 5. quod subinde in condimentum ciborum, & pro obsequio, demeti solet, unde à nostris: Schnittlauch.

4. Hoc igitur *primum genus* est Plantarum; *alterum* dicitur Ez, lignum, quod nomen γενικῶς etiam *frutices* continet, & *suffrutices*. Hæc tamen ita solent distingui, ut *Arbor* sit δένδρον μονοέλεχες: *Frutex* θαμνός, arbore minor: *suffrutex* φρύγανον, à radicibus statim πολυέλεχες ή, πολύκλαδον. Videtur tamen Hebræis Frutex, aut potius Suffrutex, proprio nomine appellari פִּיט *Siach*, *Virgultum*, Genes. 2. 5. Job. 12. 8. cap. 30. 4. 7. ein Gebüsch/Gestäude. Sic Hagar dicitur abjecisse Ismaëlem *sub unum Hassichim*, ὑποκάτω μιᾶς ἐλάτης, inter eimen Baum/ Genes. 21. 15. Vel ut Pagninus; *sub Virgultum quoddam*; aut ut Junius; *sub unum fruticem*, cujus umbraculo --- *tenero capiti*, defenderet *estum*. Nomen habet à פִּיט *Suach*, meditando, multando, querulando; quia ista ventis agitata,

loquen-

loquente sapè sibilos edunt comâ,
ut Catulli quondam Phaselus. Habet enim tenuiores caudices & ramos flexiliores, ut quâcunque aurulâ mota tremant ac strepant.

5. Quæ ab Herbis & Arboribus, γεινῶς dictis, *metaphora & similitudines* ducantur in S. Literis, commodius exponetur libris sequentibus. De Partibus hic agendum est distinctius. Sunt autem præcipuæ;

1. *Radix*, שרש *Schoreseh*; cujus *fundamentum*, aut *firmamentum*, der Stocf/D. Luthero interprete, quo alvo segerminare potest planta; Dan. 4. v. 12. Dicitur עקר *Ikkar*, Chaldaicè.

2. *Propagines* שתילים *Schetilim*, Psal. 128. 3.

3. *Planta consita*, נטע *Nata* & מטע *Matta*, Psal.

44. 13. Novellæ plantationes, Esai. 5. 7. cap. 17. vers. 10. 11. cap. 60. 21. & 61. 3. Ezech. 17. 7. Mich. 1. 6.

4. *Surculus*, נצר *Nezer*, diligenter custodiendus, in gepropfter Zweig/Esai. 60. 21.

5. *Stipes*, *Caudex*, *Truncus succisus*, גז *Geza*, Esai.

1. 1. cap. 40. 24. Job. 14. 8. Sic gramen resectum defecio גז *Gez*, dicitur à *Gazaz*, detondit, Psal. 2. 6. Amos 7. 1.

6. *Ramus* varia habet nomina: Metaphoricè dicitur בן *Ben* filius, Gen. 49. 22. Psalm. 80. 16. Arbor mater & parens, apud Plin. l. 12. cap. 15.

Rami procetiores & oblongi instar vectium, בדים *Baddim*, Ezech. 17. 6. Joh. 18. 13. Similes caulibus lini arborecentis, Stangen.

Palmities & rami, vel etiam stolones, propagines,

nes, דליות *Dalioth* live propter tenuitatem, unde *Dal pauper*, attenuatus; live à *Dalah exhaustus* & extulit, quod succum hauriant, & in altum tollant, Jerem. 11. 16. Ezech. 17. 6. cap. 19. 1. cap. 31. 7. &c.

Ramus incurvus, fructibus onustus, *Kippa* כפה à *Caphaph* curvavit, Esai. 9. 14. Job, 15. 32. Lev. 23. 40.

Ramus frondosus, ענף *Anaph*, Levit. 23. 40. Psalm. 80. 11. ubi LXX. habent ἀράδεν ἐδάς, *arades edas*, *virides arbutivæ*.

Ramus fructibus ornatus; à פאר *Peer* ornavit aut פארוו *Parah* fructificavit, in plurali פארוו *Poroth*, schône fructifera Nefte/Esai. 10. 33. Ezech. 17. 5. & cap. 31. 5. Græci habent modò ἀρόσυγας *arosugas*, *propagines sub terrâ defossas*, Einsläger, vocant *Vinitores nostri*; modò ἀποσπᾶδας *apospadas* *soboles adnatas stolones*.

Sic *Rami prominentes*, in quibus aves nidificant, סעפורה *Saphoth*, Ezech. 31. 6. Esai. 10. 33. cap. 27. 20 Græci vocant ἀξουάδας. Sic *Scopolus prominens & cogitatio propendens* Hebræis סעף *Selph*.

7. *Frondes*, rami teneriores, עפאים *Aphaim*, Psalm. 104. 12. Dan. 4. v. 11. fortè ab אבה *Abha* densus fuit: unde per παράγου βαίον *paragou baiou* *ramus palmarum*. Hinc componitur

Sarapha ex סור *Sir* Spina, & עפה *Apha* ramus. Vulgatus vertit *Virgulta*, Tremellius, *ramusculos*: propriè ramus virgultis densus, dict von Deynfig/Ezech. 32. 5. Ibidem legitur

Cho

Choresch, חרש, quo tota ramorum frondium-
que densitas opaca significatur, quæ nemus &
imbram facit, v. 3. ubi Græci συνὸς ἐν τῇ σκία,
lensus umbraculo: Vulgatus, *frondibus nemo-*
sius; Pagninus, *nemore umbram faciens*: D.
Lutherus, dict von Laub. Hinc *Coreschà*, nemus,
locus sordidus, & silens, ubi umbra multa, 2. Para-
p. 27. 4. 1. Sam. 23. 16. 17. Esa. 17. 9.

Condensa frondium, inter se implicata, eodem
loco Ezech. 31. v. 3. dicuntur עבותים *Abothim*,
prosse dicte Zweige / ut Lev. 23. 20. Ezech. 6. 13.
20. 27. 28. ubi, Idololatria sub talibus exerci-
tis: Alibi *funes Abothim*, ἕρπον πλοκῆς, Exod. 28.
4. &c.

8. *Palmes* qui amputatur קצר *Kazir*, Psalm.
90. 12. *Resecem* vocant Latini, vide *Atrium*
neum Latin. cap. 41. num. 532. ein Schneidrebel
ήμα. Sic Esa. 27. 11.

Palmes, ramulus, tener, *novellus*, quem Latini
alleolum vocant, innatum prioris anni flagel-
lus, יונקת *Joneket*, q. d. *lactentem* sugentem ad-
duc, ein junger Sprosse / Job. 8. 16. Ole. 14. 7.
Psalm. 80. 12. Ezech. 17. 4.

Palmires densi & implicati סנסנים *Sansinim*,
istar ruborum, Cant. 7. 8. de Palmâ.

9. *Spinosi arbusci*, arborumque densarum,
arbus, quo Sepimenta fiunt, שוכת *Soca*, אשך
שוכח, *sepivit*, Judic. 9. 48. 29. Græce ὑπερίον, *sa-*
vis lignorum, eine Welle oder Büschel Holz / ein
traget Reissig. Sic enim rustici sepire solent vi-
tas & hortos.

10. *Eacumen tenerum, lanuginosum, succulentum*, qui ad infitionem solet resecari *צמר* *Zamméretb*, vel à radice *זמר* amputavi, vel à *צמר* *Zemer* lana, ein *Wipffel* / *Wfropf* / *Zweig*. Ezech. 31. 3. LXX. vocant *ἀρχὴν*, & *ὀφθαλμοὺς*.

11. *Fastigium arboris*, quod perticis verberari solet, ut excutiantur fructus, *אמיר* *Amir*, ein *Wipffel* / *Trag-Zweig* / unde Latinum *Ramulus* literis inversis, Esa. 17. v. 6. 9.

12. *Cortices*, *פצלית* *Pezaloth*, à *Pizzel* de corticavit, *λέμματα*, & *λεπίσματα*, *Kinden*. Gen. 30. 37.

13. His adde, *עלה* *Aleh* folium, quod ascendat, & vento facile tollatur. *Flos erumpens* *נץ* *Nez*, *נצה* *Nizza*, Gen. 40. 10. Esa. 18. Job. 15. 33. Cant. 2. 12. Esa. 1. 31. *Semiapertus* *פרח* *Perach*, Num. 17. 8. Es. 5. 24. Psalm. 92. 14. Proverb. 14. 11. *apertus* *צץ* *Ziz*, Esa. 40. 7. qui alas quasi suas expandit, & mox avolat. Jerem. 48. 9. Esa. 27. 6. cap. 28. 36. hinc *Zizith* fimbria.

Fructus *ניב* *Nibh*, unde *thnabha* proventus. Sed & *בול* *Bul*, atque *Jebul* fructum notant, Se hæc sufficient.

CAP. III.

Causa efficiens prima.

1. **D**EUS est, qui plantas primò creavit, & conservat. Testatur S. Scriptura innumeri

neris locis : ut Genes. I. v. 11. *Dixit Ebbim:*
terminet terra germen, herbam qua faciat se-
men, & arborem, &c. Gen. 27. 28. *Det tibi Deus*
de rore cæli, & pinguedinibus terra, & multitu-
dinem frumenti & musti. Levit. 26. 4. promittit
 Deus obedientibus *pluvias tempestivas* de cælo,
 & de terrâ *uberem proventum.* Confer v. 19. 20.
 maledictionem rebellibus intentatam. Similis
 promissio est Deut. 11. v. 14. 15. ubi *duplex Plu-*
via, altera *Forè*, altere *Malkosch*, ut & Jerem. 5.
 24. Joël. 2. 23. Jacob. 5. v. 7. inter *caussas*
secundas referuntur cæli *ros*, terræ *abyssus*, *Sol* &
Luna, Gen. 49. 25. Deut. 33. 13. 14. Celebrat
 anc Providentiam Dei, David, Psalm. 65. v. 10.
 & seqq. & 104. 13. & 147. 8. Eodem spectant
 omminationes & promissiones Prophetiæ,
 Isa. 17. 10. 11. cap. 41. 18. 19. cap. 42. 15. Je-
 rem. 4. 23. 28. cap. 8. 13. & 12. 4. 13. & 14. 5. 6.
 2. Hos. 2. 8. 9. 12. 21. 22. Amos. 4. 9. & 9. 13.
 1. 2. 3. 4. 6. 7. Mich. 6. 14. 15. Hagg. 1. 6. 9.
 2. 16. 20. Zachar. 10. 1. Malach. 3. 10. adde
 Matth. 6. 30. Actor. 14. 17. & alia.

2. Ac si *primam* quidem plantarum *originem*,
 iuxta Mosaicam Physiologiam, spectemus ; sin-
 gula verba accuratè expendenda sunt : *Elohim*,
 inquit, *produxit* : qui cælum & terram & o-
 mnia. Unus essentiâ, & potentiâ creandi ; in-
 personis Trinus : quod nomine plurali indicari,
 Christiani ferè Interpp. consentiunt. Neque
 operâ ullâ opus fuit alicujus creaturæ. Æquè
 Deus est, qui *Cicerculam unam*, ut dixit Tertul-
 lianus, creavit, ac qui immensam cæli molem :

qui



qui & in minimis maximus. Esse igitur DEUM ipsa quoque docet Terra, *vestita floribus, herbis, arboribus, frugibus: quorum omnium incredibilis multitudo insatiabili varietate distinguitur*, Cicer. 2. de Nat. Deor. Plantarum origines fabulosas narrant profanae Gentes. Inde superstitio multiplex. Sic, exempli causâ, vetitum erat in quibusdam sacris, ὁλοκαυτωσὶν inferre mensis, quod natum esset è sanguine Corybantino: & mulieres: qua Thesmophoria agebant, cavebant edere mala Punica: nam τὰς κόκκους, grana illa, ex Bacchi sanguine nata credebant, apud Clem. Alex. in Protrept. Rosas unde fabulae producant, notum est. Ausonius:

Sideris & Floris est Domina una Venus.

Turcae ex Sudore Muhamedis sui natas persuasit, folia humi jacere non patiuntur, Busbecq. Epist. 1. Apud Christianos alia fortè ratio fuit, cur tot plantas Sanctorum nominibus decorârint? Sed neque superstitio abfuit. *Abrotanum mas Vulgus Picardorum & Francorum herbam & lignum S. Johannis vocant, eoque in coronamentis, & lumborum superstitioso cinctu, ad Epilepsiam, morbum S. Johannis putatum, averruncandam expetunt.* Bauhinus de Plant. à SS. denomin. ubi plura. Verùm si loqui plantæ possent, clamarent singulæ; *Dei sum!* & indignarentur, in tanto numero unam herbam floremque unicum appellari; SS. Trinitatis, ut quondam Διὸς ἄνατορ. Ipse Deus factor seminatorque plantarum, earumque educator & altor, quod de Mundo dixit Cicero l. cit. ideò Elobim dicitur, hoc est, Deus Judex; quia & iudicio sapienti

sapienti condidit, & severo injuriam sibi suisque creaturis factam vindicabit.

3. Produxit autem Deus plantas Verbo: *Et dixit!* Frustrâ igitur quæritur; *An semen prius naturâ extiterit quàm planta?* ut, an ovum prius gallinâ: de quo Plutarch. 2. Sympos. 3. & Macrobius. 7. c. 16. Mosis sententia est, c. 2. Gen. v. 4. 6. *Fecit Dominus Deus Jehova*, autor omnis vitæ & essentiae, quod nomen perfecto denique opere creationis hîc primum legitur; *Cælum & terram, & omne virgultum agri*, stirpes & frutices in agris & silvis, ubi nunc sponte suâ provenire videntur; *antequam futurum esset quicquam tale*, lege & ordine naturæ: *omnemque herbam agri*, nullâ hominum curâ culturâque latam aut natam, *antequam esset oritura*, aut oriri posset. Nam Verba *יהי Fihie*, & *יצמח Fizmach*, futuri temporis sunt. Scilicet in creatione, miro divinæ Sapientiæ ordine, effectus causis suis priores fuerunt. Nam necdum *Sol* erat; nec *semen* ullum quod animaret, nec *pluvia* quæ educaret, nec *homo* qui coleret. *Ipsè Vapor ille*, exhalatio humida, ipse ille fons aquarum cœlestium, & *Oceanus æreus*, de quo Aristot. 1. Meteor. cap. 1. *Posteâ ascendit de terrâ*: in Hebr. futurum est. Theodoretus; *Terra nullo eam colente, neque ullis nubibus pluviam effundentibus, germinavit, pro Creatoris nutu & voluntate: irrigita ab humore & vapore, qui superat a separatione aquarum, &c.* quo tamen non egebat terra, cum solo nutu Dei produceret plantas; sed posteâ, ut aleret productas. Alii de h. l. aliter.

4. Dixit igitur Deus: *Germinet terra germen!* & protulit terra germen. Ita illicò respondit imperiali Creatoris Verbo. Mira plantatio! Terra erat *Tohuwabohu*, ἀνοσις & ἀκατασκήνα-
ς.

--- *rudis indigestaq; moles*:

ad unicum DEI Verbum momento vestitur herbis, floribus, arboribus. Quæri solet hîc, 1. *An Deus, hac tertiâ Mundi die, plantas actu produxerit*; an tantum in causis suis, datâ terræ, suo tempore, producendi virtute? posterius *Augustino* visum: prius affirmat *Moses*, vide *Thomam* p. 1. Quæst. 69. art. 2. Voët. Tom. 1. Disp. Select. de Creatione pag. 662.

Quæst. 2. *An ergò omnes ubiq; planta, toto orbe, actu tum producta*? Rectè negat *Tornielus*, num. 8. Credibile tamen, ita productas, ut cujusque climatis naturalis dispositio, ratione temporis, poscebat: ut alibi vernæ primum propullularent; alibi æstivæ & autumnales, vel florent, vel semina fructusq; ederent; alibi hibernæ viverent vel in radice, vel in semine &c.

Quæst. 3. *An terra activè protulerit*? Resp. non tantum *materialiter*, verum etiam *efficienter* concurrat, ut fecunda mater, DEI benedictione imprægnata, quæ fecunditatem, Verbo DEI, *Germinet*, inditam, jam tum exseruit, suprà tamen naturam, in momento operante Deo. Quare frustra negat *Bonfrerius*, *terram activè & efficienter concurrisse*, eò quod vi suâ naturali nequiverit producere plantas, herbas & arbores, in instanti, & quidem in statu perfectò. Nam

con-

concesso hoc antecedenti, negatur Consequen-
tia. Moles sanè & Verbum imperiale, *Germi-
net*; quo DEUS benedictionem impertiit; Con-
festim ait, *Terram protulisse*. Sic Salianus, Cor-
nel. à Lap. &c. vide Voëtium l. cit. p. 643.

*Ut pluma, atq; pili primum, setaq; creantur
Quadrupedum in membris, & corpore penni-
potentum;*

*Sic nova tùm tellus herbas, virgultaq; primum
Sustulit,* Lucretius l. 5.

Quæst. 4. *Anergò ex istâ divinâ benedictio-
ne spontanea quarundam plantarum progenies?*
Sanè in Cretâ quocunque quis loco terram mo-
verit, nisi quid aliud leratur, gigni Cupressus fer-
tur. Terra virgo, ad quam nulla semina perve-
nisse suspiceris, commodo loco repozita suas da-
bit stirpes. Porta, cùm è profundissimis ædium
fundamentis egestam humum convalâsset, atq;
sub dio exposuisset, paucis post diebus, è variis
terræ qualitatibus, varia herbarum prodiçe ge-
nera, Neapolitano cœlo soloque familiaria, con-
spexit: aliasque argilla, alias pulvis Putcolanus,
alias contriti lapilli, vel topi produxere, ut bene
Virgilius:

*Namq; alia, nullis hominum cogentibus, ipse
Sponte suâ veniunt, camposq; & flumina late
Curva tenent.* Hæc Jonstons in Præfat. Den-
drographiæ: quæ ante annum prædiit, & si prius
venisset in manus, Arboreto excolendo meo
non parum attulisset adjumenti. Tractavit hanc
Quæstionem doctè & fusè, contra eos, qui omnem
Generationem aquivocam negant, Laurember-

gius Horticult. l. 1. cap. 13. & 14. Thesis est: *in-
esse Tellurigenitalem vim producendi plantas pe-
culiaries, etiam absq; seminis foris subministrati
adminiculo.* Quibus argumentis hanc confir-
met, vide ibid. Videturque & S. Literarum sen-
tentia, & divinæ admirandæ providentiæ, &
ipsi naturali experientia consona. Terra, inquit,
*è profundissimo puteo extracta, tenuissimè cribra-
ta, in turris altissima fastigio asservata, ad quam
neq; venti, neq; aqua vix semina advehere valet,
nihilominus plantas è penu suo producit.* Sanè S.
Scriptura divinæ benedictioni adscribit, ut steri-
lis fiat fœcunda; & maledictioni, ut fœcunda
sterilescat. . . . *Has leges aternag; fœdera certis
imposuit Natura locis,* Virgil. 1. Georgic. Prima
illa vox Dei, *Germinet terra ex sese! Natura lex
est, qua terris in ævum remansit,* Ambros. 4. He-
xaëm. &c. Recurret deinceps hoc Problema.

Quæst. 5. *An ergò herba omnes cum semine, &
arbores cum fructibus creata?* Certum quod ali-
quæ, jam tum & cibum necessariæ, Genes. 1.
v. 29. & 2. v. 9. 17. Non omnes simul: Quia
Deus omnia facit in tempore suo, Eccl. 3. 11. Ne-
que enim, si ve vere conditus est Mundus, si ve
autumno, sine multiplici miraculo omnia extra
tempus suum vel semen vel fructus edere, & ul-
tra tempus suum habere potuerunt. Deus Crea-
tor ut absoluta potentia suâ rerum Naturam in-
stituit; sic Sapiencia suâ ordinem legemque per-
petuam constituit, juxta quam suis quæque locis
& temporibus nasci deberent & denasci, Genes.
8. v. 22.

Quæst.

Quæst. 6. *An quædam plantæ steriles?* Neg. omnes vel semen, vel fructum cum semine, vel aliquid ἀνάλογον præferunt.

Quæst. 7. *An & fungi, boleti, muscus, viscum & id genus creata?* Dubium expediendum est alio: an talia plantæ sint, licet imperfectæ? an potius plantarum vitia, & excrementa, in caussis suis producta? Sunt in his tot & tanta Divinæ Sapientiæ miracula, ut nihil invideant quibusdam perfectis plantis, nec minori terræ matri ornameto sint, aut homini Protoplasto Spectaculo esse potuerint. Eò pertinet 8. *An etiam venenata plantæ & spine, ut in rosis, producta?* Negabant aliqui veterum, ut Basilii, Augustinus: Sed affirmatur tutius, vide Voët. p. 663. & citatos. Denique 9. *de Plantis aquaticis* supervacuum est quærere: nam et si aquis innatent & nutriantur, terra tamen gignit.

CAP. IV.

Causa secunda naturales.

1. **I**N ordinariâ productione DEI Ministra est *Natura*; Naturæ adjutrix & æmula *ars*. Naturales causas primæ subordinatas exponit locus apud Hoseam elegans, cap. 2. v. 21. 22. Summam Hieronymus: *Postquam Christus advenit, omnia suo current ordine, & utilitati hominum cuncta deserviet creatura, ut ab initio condita est: quæ omnia Judæi & nostri Judaizantes, post Antichristum, in fine Mundi, corporaliter præsto.*

præstolantur. Et erit in die illâ, dicit Dominus, ut exaudiam 1. cœlos, 2. & illi exaudient terram, & 3. terra exaudiet triticum, vinum, & oleum: & 4. hæc exaudient Jezrahel; id est, *semen DEI*, dispersum olim, nunc in Christo recollectum. Hæc est Catena illa Homerica: quam Plato *Solem* solum vult intelligi, *cujus motu & περισφοῖ omnia vivunt, & consistant; at si stet ipse velut ligatus, omnia corrumpantur, & pessum eant, ζωὴ καὶ αἶσα*, in Theæteto. Hoseas noster divinitus indicat motorem, orbes, orbiumque inter se nexum, indigentiam & desiderium. *Motor* DEUS est. Nam *sine DEO & superno nutu, nec cœlum aliquando imbres in terram demitteret, nec terræ fructus suos omitteret*, Cyrillus h. l. Movet itaque Deus per potentissimam, præsentissimam, sapientissimam & liberrimam παντοκρατορίαν καὶ διοίκειν, quâ perrenni quodam influxu causas creatas, in suo esse & operari, conservat, dirigit, dispensat: aut & cum vult impedit, mutat, tollit: ut sine illis ipse liberè negat, quod vult; hæc sine ipso nunquam quicquam. David, Psal. 104. 29. 30. totum hoc tribuit *divino aspectui*, & vivificis quasi oculis, ut ibi Calvinus; & *Spiritui*, quem Spiritus Dei, qui totus vita est, rebus creatis vitalem communicat: non per partitionem, velut

--- *divina particulam auræ*, ut delirabant Manichæi; sed *caussaliter*, efficiendo per continuam quandam creationem, Actor. 17. 28. &c.

2. Inter *orbes* caussarum secundarum concatenatos, 1. est *Cœlum*, quod exaudit Deus, ut ex-
audiat

audiat terram. Quonam modo? per Pluvias respondent plerique Interpp. *Mandabo cælis, ut mittant pluviam suam super terram*, Chaldaus. Cælum caussa universalis est, calorem & humorem vitalem impertiens: Caloris effector in primis Soli est: humorem maxime dispensat Luna. Calor patris, humor matris in generatione vicem tenet, vide Deuter. 33. v. 14. Hinc *Solem*, dextrâ gestantem gratias & arcum cum sagittis sinistra; *Lunam* verò πολύμασον, *multimammiam*; pingebant veteres. Hi ergo Cæli Siderumque effectus sunt, ad fœcundandam Terram. Eoque pertinent non tantum Ros, Pluvia, Nix; verum etiam venti, & tempestates: à cælo quidem, sed non absolute; verum exaudiente Deo, Jerem. 14. v. 22. Omnia tam benedictioni divinæ inservientia, quam versis vicibus etiam maledictione. Nam ut Valerius Flaccus

-- omnia circum

Prona, parata Deo, ventiq; imbresq; nivesq; &c.
Imò, ut cum Papinio dicam:

*Servit & astrorum velox chorus, & vaga servit
Luna, nec injussa toties redit orbita Lucis.*

Sirac. 40. v. 30. & seqq.

3. Spectant hæc ad *S. Meteorologiam*, quam utinam nobis aliquam daret naturæ Scripturæq; arcanorum conscius. Nam quò nobis Aristoteles, nisi serviat Mosis & Prophetis? Inspergam hic aliqua, sed obiter. Solum Judææ omnem suam fœcunditatem cælo ferè debebat & tempestivis imbribus. Nam erat qualis Ægyptus, ubi in hortos & agros, ad irrigandum, ducendi erant, ma-
gno

gno cum labore, *fulci aquarii*, quos nonnulli *elices* vocant, vide Atrium meum num. 445. Itaque in Ægypto Tellus:

--- *nullos postulat imbres,*
Arida nec pluvio supplicat herba Jovi,
 Tibullus. Nilo fecundatur

--- *cælog, vacante*
Terrestrem pluviam diffusus porrigit amnis.

Alcimus Avitus. vide Deuter. 11. v. 10. Judæa itaque cælum respiciebat & Deum. Sic *Atergatis* Assyriorum Dea respiciebat *Adadum* suum versis fursum radiis; ille deorsum inclinabat radios suos, Macrobius 1. Saturn. c. 23. Hic mutus est cæli & terræ adspectus, hoc illud ætheris & terræ conjugium. Si de cælo nihil illiquebatur, nec Judæa biberet aquam de cæli pluviam, Deut. 11. v. 11. siccitate omnia terrâ nata emoriebantur. *In his locis, in quibus nunc degimus,* ait Hieronymus, *prater parvos fontes, omnes cisteruarum aqua sunt: & si imbres divina ira suspendere, majus sitis quam famis periculum est,* in Amos. cap. 4. v. 7.

4. Indè Judæa igitur à Cælo expectabat rorem & pluviam. Ros gratissimus, quia ad æstum & ardorem Solis mitigandum maximè necessarius. Esa. 18. 4. Dan. 3. 50. Sirac. 18. 16. Proverbio dicebatur; *Ros super herbam*, Deut. 32. 1. Ole. 14. 6. Mich. 5. 7. Est autem alius *nocturnus*, *gutta noctis*, Cant. 5. v. 3. Catullo in Pervigilio:

Humor ille quem serenis astra rorant noctibus:
alius matutinus, filius Aurora, Psalm. 110. 3. ut

ab Alcmane Lyrico, *Aëris & Lunæ*, Macrobo. 7. Saturn. circa fin. & Plutarchus in Sympof. 1. 3. Quæft. ult. qui quoniam à Sole superveniente abforbetur, *prore evanida* poni folet, Ofe. 6. 5. & 13. 4. Dixi plura in S. Analect. Volum. 2. *Pluvia* Judææ tempeftiva duplex, *matutina & ferotina*, juxta Vulgat. πρωιμου, οψιμου, LXX. Jacob. 5. 7. Jerem. 5. 24. Ofe. 6. 3. Joël. 2. 25. Amos. 4. 6. Zachar. 10. 1. Verum non ita pluvia matutina intelligi debet, ut ros: hinc enim à tempore diei: quomodo Dores vocant πρωκα, ut apud Theocritum: πρωκας οτιζεται ωσπερ ο τέτλιξ, *rore vefcitur ut Cicada*. Ita Latini *pruinam*, quæ ros eft concretus frigore; quali πρωινον. Illa vero à tempore fementis. Nam *matutina*, D. Luthero, Früh Regen / poft jactam fementem erat autumnalis, גשם Geschem dicta, & cum epitheto יורה Jore, terram quali erudiens; ut *Malkosch*, contra quæ *fruge novâ*, juxta Symmachi antagoniftam Prudentium,

Conceptas tenero folidaret lacte medullas:

vel potius; terram ad femina maceranda humectabat [*matutina pluvia*, eamq; germinantibus aperiebat, ne sub aridis foli crustis fuffocarentur: *Serotina, vernalis*, Hebræis & Chaldæis לקיש *Lakisch & Malkosch*, q. d. *tarâda, serò veniens*, aut *stipulas implens*, ex *Male & Kasch*, quæ ante messem grana faciebat turgescere. Plura de his in Joëlem dixi, cap. 2. & aliàs.

5. Coeli orbem sequitur 2. *Terra*, quæ magna mater & omniparens audit; quæq; concepta *femina*

mina utero fovet, cœlestique calore & humore
 fœta ac fœta vim vegetabilem excitat & alit, post
 quam ---- *secundis Imbribus Æther conjugis in
 lata gremium descendit.* Hinc jam 3. *Orbis ve
 getabilium*, inter quæ tria maximè necessaria, *Vit
 num, oleum, triticum.* Hæc igitur exaudita à ter
 ræ matre, vicissim exaudiunt homines, eorumque
 votis respondent. Quod faciunt *in suis semini
 bus*, quibus non tantum materia & forma; sed &
 efficiens aliqua fructuum causa inest, univoca
 quæ naturæ suæ congeneres producant, in usum
animalium. Superest 4. *orbis horum*, in quo deli
 nit hæc catena, & cujus causâ cæteri moventur,
 ut in hoc quiescant. *Finis* tamen motus homines
 sunt, & *in primis fideles, Jezrabel dicti.* Unde
 etiam apparet mutua *indigentia & desiderium* :
 --- *alterius nam*

Alter a poscit opem res, & conjurat amice :

Nam & animantia alimoniam quærent à terræ
 fructibus : hi à matre Terræ : Terra verò Cœlum
 quasi supplicat, quo habitu *statuam Telluris Jovis
 Pluvio supplicantis* habet Pausanias in Atticis.
 Cœlum verò Deum quasi invocat, qui solus *Schæ
 dai ad rapunt* omnia sufficit omnibus, nullus indi
 gus sibi quæ solus sufficiens.

6. Hic igitur *Causarum nexus* est : de quibus
 Theophrastus l. 2. de Caus. Plantar. cap. 1. & seqq.
 usque ad 10. *Eligendi & bene colendi agri ratio
 quatuor rebus constat; aëre, aquâ, industriâ, Palla
 dius l. 1. de Re Rust. tit. 2. & seqq.* Cato confi
 derare jubet *salubritatem cœli & ubertatem soli*
 & Virgil.

Vento

--- *Ventos & varium cæli perdiscere morem.*

Nam ut Catullus:

--- *mulcent aura, firmat Sol, educat imber.*

Nihil tamen omnia sine DEO, qui solus omnia potest & facit in omnibus & singulis, per omnia & singula ut vult, ac quando vult, etiam sine omnibus & singulis, ut præter naturæ seriem. Ille est, qui cælo dat influentiam, & vim agendi in hæc inferiora: Ille, qui vocat aquas maris, qui amarissimas æthereo calore suspensas excolat & liquat, in dulcem pluviarum saporem; instar medicinalis cucurbitæ, quæ calore superioris pyri humorem & sanguinem sursum trahit, ut ait Hieron. in Amos. 5. v. 8. *quiq; eas aquas, in nubibus, ut in sinu suo, Job. 26. 8. Prov. 30. 4. ligatas, inde nubes lagena, & utres cælorum, Job. 38. 37. effundit super terra faciem: emissio Noto, humilo vento, quem ideò Hieronymus vocat Pinernam pluviarum, cui*

--- *rorant pennasq; sinusq;.*

Utg; manu latè pendentia nabilia pressit;

Fit fragor, & densi fundantur ab aquore nymbi,

Ovid. 1. Metam. Ita cælum imbris quali gratidum amat se exonerare, & eos effundere in terram, Aristot. Ethic. 8. cap. 2. & vicissim dixit Euripides, ἐπὶ δὲ μὲν πορ γαῖαν ἐνεργεῖσθαι, *terram aridam & siticulosam amare pluvias.* Sic apud Coint. Annyrn. 1. 1. v. 65. *ἀλυσαι ἐπὶ δὲ μὲν πορ Διὸς ὕδατος, arva desiderare Jovis aquam, dicuntur.*

7. Quæri hic potest, 1. *An planta alia aliis astris, Planetis imprimis, subjecta sint?* Esse quandam Sympathiam inter sidera & plantas, respectu

C

quali-

qualitatum, quâ manifestarum, quâ occultarum non negandum : Sed has certis Numinibus quæ fidereis esse sacras, à quibus illæ vim capiant & efficaciam, pagana videtur superstitio, ex antiquissimâ, Ἀσρολατρία orta : nec in Christiano Philosopho toleranda. 2. *An Zephyrus animam inspiraret plantarum seminibus?* Plinius ait : *Maritima eo vivifcens à terra : ut & equa ex Hispania.* Hic inquit, est genitalis spiritus mundi, à fovendo dictus Favonius. Flat ab occasu Æquinoctiali, Ver inchoat : catulitionem vocant rustici : gestiente natura accipere eoque animam inferente omnibus sat lib. 16. cap. 25. Falsum hoc esse, nisi commodè interpretemur, mox discemus. Est tamen æris, cuius agitatio venti sunt, vis in eliciendis plantis, in aperiendo terræ gremium, denique in provehendis, recreando, defendendo terrâ nata, manifestum. Sin accidat intemperies, pestem & perniciem adfert : nec aliunde frequentiores plantarum morbi & interitus, de quibus suo loco. Atque hoc est Cælum illud, in quo nubes, pars expansi, in S. Luteris, Cant. 4. 16. Apocal. 7. v. 1. 3. Amos. 4. 9. Hagg. 1. v. 10. 11. Hos. 13. 15. Joël. 1. 19. 20. Eccl. 11. 4. Sic Zephyrus humore & calore temperato terram aperit, & confovet; ut catulire incipiat, pronaque fiat ad parturiendum & apta, dum vim vegetabilem suscitât. Unde flores ἀνθὶς αἶψα Sap. 2. 7. Zephyri & Terra filii. Confer Ezech. 37. v. 9. 10. Eurus contra, Zephyro oppositus adurit & exsiccât, pestis & perniciēs plantarum Ezech. 17. v. 10. & 19. v. 12. Jonæ, cap. 4. v. 7. De catulitione Cantic. 2. v. 11. 13.

8. *De Terra qualitatibus*, Virgilius 2. Georg. & ex eo Laurembergius, lib. 1. Horti culturæ cap. 2. Veteres item Varro l. 1. cap. 9. & Columella l. 1. capp. 1. & 2. & Palladius l. 1. cap. 5. & alii. Dignoscuntur, visu, gustu, olfactu, & tactu. *Optima* nigra, aut misti coloris, *quæq; frequens herbis, & fertilis ubere*; dulcis, suavem odorem exhalans, pinguis & glutinosa, & quæ picis in morem ad digitos lentescit. *Non bona*; alba, nuda, salsa aut amara, ingrati odoris, macra, sicca, frigida. Nec hæc ignota S. Scriptoribus nostris. Mentionem faciunt rubræ, suaveolentis, pinguis, lapidosa, salsa amaræ, malè olida, sicca, arida, &c. De odore terræ benedictæ locusque est elegans Genes. 27. v. 27. *Ecce odor filii mei, sicut odor agri pleni, cui benedixit Dominus*, ita Vulgatus, ut LXX. *ὡς ὁσμὴ ἀγροῦ πλήρους*; fragrantibus scilicet herbis & floribus referti, *Bonsfrerius*. Sed vox pleni redundat, *ut notat Amama in censurâ Vulg. Vers.* Nam in Hebræo est tantum vox שָׂדֵה *Sade*, tam campum & pascuum, quam arvum & sativum, cultumque significans. Videtur itaque rusticâ similitudine respicere bonus colonus Isaac, ad *halitum illum divinum, quem terra benedicta emittit*, cum à siccitate continuâ imbre iminaduerit ex Sole conceptum, cui comparari nulla suavitatis possit, Plinius l. 17. cap. 5. Nam & tunc benedici à Deo dicitur, cum tempestivos imbres coelitus superfundit. Verum hæc tantum exempli gratiâ. Habet Sacræ veræq; Physiologiæ Studiosus, ubi se exerceat.

CAP. V.

De Cauſſis artificialibus.

1. **A***Rs* quæ naturam adjuvat & æmulatur, γεωργική est vel γεωπονική. Pulcherrimum argumentum, ſi quis è S. literis exponat. Nos ſummas ducemus lineas. *Auctor* ejus Deus eſt, qui terram cum plantis creavit & conſervat; culturam ejus homini mandavit, Genes. 2. 15. & cap 3. v. 17. 23. iſte rationem inſpiravit & docuit, Eſa. 28. 26. Dan. 2. 20. laboribusque benedicit, Pl. 107. 37. 1. Cor. 3. 7.

2. **DEI** συνεργός *Colonus* eſt, 1. Cor. 3. v. 9. אדם אדמה *Obed adama*, cultor terræ, Genes. 4. 2. אכר *Ikkar*, fortè à fodiendo, γεωργός ἀρουρῆς, Jerem. 51. 23. ג'ג' *Jogeb*, à jegeb, agro, 2. Reg. 25. 12. נטע *Note*, plantator, Jerem. 31. 5. כור *Corem*, ἀμπελουργός, vinitor, Joël. 1. v. 11. κηπουρός, hortulanus, olitor, Joh. 20. 15. &c. Tales fuerunt & Patriarchæ antiquiſſimi, & ipſi quandoque Reges, Eccl. 2. 4. 1. Reg. 21. 2. Paralip. 26. 10. &c. *Requiſita*; *ſcientia*, quid quoque tempore agendum ſit? Habent enim omnia tempus ſuum, Eccl. 3. v. 2. & ut Boethius ait:

*Quicquid certum deſerit ordinem,
Latos non habet exitus.*

Induſtria, labor ſudorque, nihil procrastinando. *Arator niſi incurvus prævaricatur*, vetus lex eſt apud Plin. & *Res agreſtis inſidioſiſſima eſt cunctanti*, apud Columell. Genes. 3. v. 17. 19. Eccleſ. 11.

v. 6. *Spes & Patientia*, Jacob. 5. v. 7. *Spes alit agricolas, spes sulcis credit aratis semina*, &c. *Hæc sunt, veneficia illa Furii Cresini*, Plinius l. 18. cap. 6. De his plura *Cornarius de Vite viniferâ*.

3. *Instrumentorum* tria genera, *vocale, semi-vocale, mutum*, vide *Atrium meum* Latinit. cap. 57. num. 807. *Vocale*, operarii, mercenarii, cum suo præfecto, *ὑπονόμος*, Genes. 14. 14. Job. 1. 3. Matth. 20. 1. Jac. 5. 4. 1. Paralipom. 28. v. 26. 28. Rhut. 2. 5. ubi & Josephus. *Semivocale*, boves aratores, vitulæ triturantes, & id genus, 1. Cor. 9. v. 9. *Mutum*, supellex rustica, de qua Palla- dius lib. 1. Tir. 43. & *Atrium* cit. cap. 31, & 32. ac S. Scriptura passim.

4. *Opera rustica* varia: ut arare, 1. Reg. 19. 19. proscindere, aperire, occare, sarrire, Esa. 28. 24. Serere, metere, triturare, ibid. transponere, so- lum præparare, & q. verrere, elapidando, & pa- stinando, Esa. 5. 2. & 57. 14. Psalm. 80. 10. pan- gere malleolos, demittere taleas, ut poni solent falices, Ezech. 17. 5. novellare, Jerem. 4. 3. Ho- se. 10. 11. 12. irrigare per areolas, ductis elici- bus, Ezech. 17. 7. 10. fœdere, ablaqueare, sterco- rare, Luc. 13. 8. sarcularare, putare, Esa. 5. 6. & 7. 25. Levit. 25. 3. aridos palmites defringere, & colligere, Es. 27. 6. 13. Joh. 15. 6. spicilegium facere, Rhut. 2. v. 2. fœnum secare, Psalm. 37. 2. & 129. 3. eruncare, evellere, eradicare, Jerem. 1. 10. Matth. 13. 28. & quæ ad messem spectant, Rhut. & Matth. 11. cit. Joël. 3. 13. Apocal. 14. 15. quæ ad trituram, Levit. 26. 5. Esa. 21. 10. & 30. 24. & 41. 15. Amos. 9. 9. Matth. 3. 12. Luc.

22. 31. 1. Cor. 9. 9. quæ ad vindemiam, Esa. 16. 8. c. 65. 8. &c. quæ ad olivationem & pomorum collectionem, Deuter. 24. 20. Esa. 24. 13. & 17. 6. Jer. 24. 1. Amos. 8. 1. Nahum 3. 12. aliaq; id genus plurima; ubi & memorabiles historiæ, ritus ac mores, & inprimis elegantissimæ similitudines, atq; Emblemata rustica sine numero. Argumenti varietas, jucunditas, utilitas, jure meritoque invitare debeat ad tractandum. Res indigna adeò fastidiri S. Literarum plenitudinem adorandam!

5. *Objectum circa quod* Terra est; *proximum* agri, prata, Vineæ, horti: ubi considerari possunt, natura loci, conditio situs, partes, fructus & redditus, singularis culturæ ratio, &c. v. g. *Locus* vel est frugifer, vel sterilis, vel pestilens, Luc. 8. 8. Deut. 32. 32. *Situs* in planicie, in collibus, ad aquas, Esa. 5. 2. Cant. 4. 6. &c. *Partes* sepimenta, sulci, liræ, areolæ, Marc. 12. 1. Pl. 129. 3. Ole. 12. 12. Cant. 5. 13. Ezech. 17. 7. *Fructus* ad sementis mensuram non raro centuplus, ut Gen. 26. 12. qualis in agris Leontinis Siciliæ, alibi Plin. l. 5. cap. 4. & lib. 18. cap. 10. *Nuper in Belgio nostro juxta Liram Brabantia urbem, & uno sementis grano, collecta sunt spica quinquaginta tres, è quibus grana 2295. expressa sunt,* ait Bonfrerius in Exod. cap. 3. v. 8. Verum hæc aliis memoranda relinquemus.

6. *Effecta* & inde commoda agriculturæ sunt cum divinâ benedictione *proxima*; Vinû, oleum, triticum, linum; inde annonæ copia, & pabuli, variaque emolumenta per totam vitam animale, Prov. 12. 11. & 27. 26. cap. 28. 19. Ole. 2. 8. &c.

Cur

Cur pabula animalium sponte suâ nascuntur ; alimenta hominum non sine curâ & labore ? an quia semina graminis & pabuli , cum pluviis cœlo demittuntur ? ut Anaxagoras & Theophrastus putabant , de quo suo mox loco , vide Gen. 3. 17. Noluit DEUS hominem otiosi : Non passus torpere gravi sua regna veterno. --- Vendit sua dona labore : vide Bodinum Theatr. Nat. l. 3. p. 273.

An arte & curâ nova produci possint plantarum species ? Negat Danæus Traët. 3. Phys. Christ. cap. 70. p. 124. Facilis est transmutatio plantarum. Caussam indagabimus postea.

8. Hinc artis hujus *dignitas , utilitas , necessitas , & alia adjuncta* : quò etiam pertinent *Rei rustica leges & privilegia* : ut jura illa Divina : ne quis aret bove & alino junctis : ne vinea aliis conferatur seminibus ; ne ager unus diversis : ne quis comedat de fructibus arborum incircumcisarum , durante earum præputio ; ne locus plantetur juxta altare Domini : de Terræ Sabbatho ; ut pauperibus & viduis aliquis in agro vineæve , in messe vel vindemiâ , relinquatur angulus : Si quadrupes pauperiem fecerit , aut alius quis damnum dederit : de immunitate rusticorum in bello ; de non vastandis arboretis , & id genus aliis , Levit. 19. 9. 10. 19. 23. cap. 25. 3. & seqq. cap. 23. 21. Deut. 16. 21. & 22. 9. 10. & 24. 19. 21. Exod. 22. 5. Deut. 20. 20. 6. 19. de his D. Hottingerus de Jure Hebraeor. & alii Interpp. Verùm hæc obiter : quæ si quis explicare & illustrare velit , magnum conficiet volumen , maximo cum bono Sacras amantium Literas.

CAP. VI.

*De Plantarum materiâ & formâ,
sive de SEMINE.*

1. **O**Mnes plantæ naturaliter produciuntur ex semine aliquo : etiam quæ per propagationes radicum se multiplicant, quibus vis seminalis & vita per traducem inest. Est autem *semen* corpus naturale, vivum per se, quâ tale est, actu primo, in potentiâ propinquâ ut sit planta. Itaque in semine est *materia* plantæ, & *formâ*; quæ & semen actuat, ut sit, quod est; & animat, ut fiat, quod nondum est. Ita in semine non tantum est materia, ex quâ plantæ; sed etiam anima, per quam semen est, & causa organica, & quasi artifex, à quo plantæ formantur : vide Scaliger, Exercit. 6. sect. 7. & seqq. & Exercit. 268.

2. Dicitur וְרִי à Zarâ, serendo, ut σπέρμα, & semen, quasi *serimen*. Varroni tamen, quasi *semlanta* : quia non planè id est, quod inde est, 4. de L. L. Non tantum collectivè usurpatur de pluribus, sed etiam individue, ut κόκκον αἰνε singulari, 1. Cor. 15. 37. 38. ita Galat. 3. 16. Neque caret numero plurali vocabulum Hebraicum. Ipsi Thalmudistæ triplicia זרעוֹת Zeronin, semina distinguunt, annonæ, leguminum, & hortensia, apud Buxtorff.

3. *Causa Efficiens prima*, DEUS est, qui in Creatione vim sementandi omnibus plantis indidit, Gen. 1. v. 11. & adhuc semen dat seminanti, illudq; multiplicat, ut sufficiant sementes, & alimenta,

menta, 2. Cor. 9. 10. Gen. 26. 12. efficitq; *corpus semini* suum, id est, *natura sua*, juxta Syrum, scilicet τὸ γεννώμενον, quod ex semine naturaliter prodit, ita tamen, *ut voluit* Deus, qui naturam liberâ voluntate instituit & conservat, 1. Cor. 15. 37. 38.

4. *Causa Secunda*, ut supra, Cœlum & Terra, Ose. 2. 22. *An hinc αὐτομάτως plantæ nullo jazzo semine?* Videtur affirmari, Marc. 4. v. 28. αὐτομάτη ἢ γῆ καρποφορεῖ. Verùm hoc opponitur hominum curæ & sollicitudini, v. 27. Neq; favet Esaias, cùm ait: *Terram fecundari pluvius, ut proferat semen*, cap. 55. v. 10. Nam de generatione univocâ fit sermo, quâ pluvius sota & excitata terra semen conceptum in plantam transmutat, & ex plantâ iterum semen producit. Magis tamen urget, quod Propheta ad literam agit *de Regeneratione Spirituali*; ut per allegoriam à generatione naturali, Apostolus; 1. Petr. 1. v. 23. 25. & Dominus ipse, Luc. 8. v. 11. 15. At hic Verbum DEI & pluvia est & semen, quod cum pluviam de cœlo venit. Sic Theophrastus observat *per aërem, perq; aquarum eluviones, semina, sæpè advehi, ac non rarò naturas eorum latitare, ut salicis, ulmi, thymi*. Hac latente seminum naturâ fit, ut & plantæ subinde aliæ in alias mutantur, & animalia ex seipsis gignant: non omnis generis promiscuè, sed cognata, ut docet Scaliger Exerc. 59. sect. 2. Sed & hæc generatio univocè fit, non sine semine; undecunq; illud adveniat.

5. Contrarium docere experientiam putant: Ad terram enim tenuissimè cribratam, ex profun-

fundissimo puteo extractam, in turris altissima fastigio asservatam, neque venti, neque aquæ vis advehere semina valet: nihilominus tamen plantas è sinu suo producit, observante Lauremberg. lib. 1. Horti cult. cap. 14. Addit argumentum à majori: *Si absq. præjecto semine, per putredinem, animalia è tellure progigni sæpenumero contingit, quidni plantis idem usu veniat?* Repetit Jonstonus, ut dixi cap. 3. num. 4. quæst. 4. Sanè, qui omnia viva ex semine suo univocè nasci pugnant, in nodos inexplicabiles se induere videntur. Unde *vermis in fona Ricino?* cap. 4. v. 7. Creatum dices? non nego, sed addo: non sine naturæ adminiculo, aut ex nihilo: nec Vocabulum Hebraicum {D'} *Vajman*, creationem significat, sed constitutionem, præparationem. *Omnia habent vermem suum*, ait Augustinus: Plantæ, fructus, frumenta, legumina, radices, scapi, semina, ligna, singula sui generis peculiarem: ipsi homines diversi generis, aliis aliisque partibus corporis, acaros, tænias, lumbricos, lendes, pediculos. Lapis Scoticus durissimus herbescit, & in silicibus reperiuntur vivi bufones, docui Theologiæ Symbol. cap. 146. & 198. Neque tamen talia prorsus sine semine; quanquam non ex suo univocè dicto semine; sed ex latente aliquo, per putrefactionem orto in materiâ dispositâ, & animato divinâ benedictione: quæ à principio terræ hanc vim indidit, non semper, sed hîc & nunc exserendam, concurrente cœlo. Qualia non actu à Deo producta diximus, sed in suis causis, cap. 3. quæst. 7. Verùm hæc Physicis relinquamus, vide
interim

interim Voëtj Disp. de Creat. Part. 8. Tomo 1. Select. p. 727. & ibi citat.

6. *Materia & forma seminum specifica varia est.* Itaq; etiam accidentibus & propriis differunt. neq; adeò quidvis ex quovis nasci potest. Alia forma est coriandri, Exod. 16. 31. alia Sinapi, Matth. 13. 32. non tantum specifica, quæ sunt, quod sunt, naturâ & indole propriâ; sed etiam accidentalis, quæ alia semina magna, parva, minima; oblonga, rotunda, angulosa; foliacea, canaliculata, &c. vide Atrium meum Latin. num. 204. ex Plinii lib. 19. c. 7. Differunt etiam *partibus materialibus*, de quibus cap. 2. suprà. Earum ἀναλογίαν cum partibus humani corporis, eleganter explicat Laurembergius l. cit. cap. 12. ut vel hæc ratione Platonici rectè dixerint: *Plantam esse hominem quasi inversum.*

7. *Forma verò generica anima vegetativa est.* quæ est spiritus quidam à Deo creatus, Psal. 104. v. 30. in quo est δύναμις ζωτικὴ, facultas vivifica, per quam plantæ & nascuntur, & quædam quotannis renascuntur, nutriuntur, crescunt, vitæq; suæ munia perficiunt, divinâ ordinatione. Per hanc formam *semen verè bonum* dicitur, Matth. 13. 24. *semen veritatis*, Jerem. 2. 21. perfectum suo genere, & vivum; ut mortuum, quod vel computruit, Joël. 1. 17. vel exaruit, Matth. 13. 6. &c. Hinc φθαρτὸν, quod mori potest, 1. Petr. 1. 23. Sic *vivere planta, & senescere, & mori* dicuntur, Cicer. 5. de Finib. occidi, Psalm. 78. 47. mori & reviviscere, Job. 14. 7. 8. Esa. 6. 13.

8. Hinc

8. Hinc Quæstiones: 1. *An seminibus anima insit actu?* Resp. Actu ad esse suum, ut sit semen quodque verum, non cadaver quasi seminis: potestate, ad esse speciei, ut ex se producat plantam, Scaliger Exercit. 6. cit. At Apostolus ait: *Semen non vivificatur, nisi mortuum fuerit prius*, 1. Cor. 15. 36. Resp. Mori dicitur, cum definit esse; non simpliciter, sed quod erat, scilicet semen: vivificari contra, cum incipit esse; non simpliciter, sed quod non erat, scilicet planta. Nam verè & simpliciter mortuum, vivificari nequit, vitamque actu secundo exlerere, nisi miraculo; cum actu primo non insit.

2. *An eadem anima in semine & in planta?* Resp. Eadem: ut quanquam semen nondum sit planta actu, tamen sit potestate. Nam & semine, ut Apostolus dixit modò, mortuo & mutato, quoad formam corporeitatis suæ, transit in radices, & germina, ipsaque sibi aptat corpus aliud, proprium pro ingenio suo, divinâ benedictione.

3. *Ubi sit anima?* Resp. *Seminum*, non in tegumento sive involucro, in quo velut utero clauduntur; neq; in externis corpusculi ornamentis, quibus quasi amicitur multiformibus; sed *in corde*, in nucleo ejusq; succo: quo extincto sterilefcunt. At *plantarum*, etli per omnes partes diffusa sit, sedem tamen principalem habet, magisq; habitat, vel in radice, vel in stirpe; unde aliter atque aliter exteris se partibus communicat; ut avulsæ vel vitam servant & se propagent; vel paulò post amittant & tabescant. Est enim materia-
teria-

terialis hæc anima, & divisibilis. Hinc vitium *malleoli*, salicum *salea*, olearum *furculi* infititii crescunt, Psalm. 80. Ezech. 17. Rom. 11. &c. de quibus in Arboreto. In quibusdam diu latet anima, nullo exteriùs accedente alimento, suo sibi succo vivens, ut regerminent quasi mortuæ, & velut miraculo: atruli exempla de *Clavâ Herculis*, & *Hastâ Romuli*; ibid. in explicatione *Virgæ Aaronicæ*; & alia: vide de *Oleâ* ib. cap. 38. p. 499. & apud Jonstonum in Præfat. Dendrograph. p. 2. b.

4. *An in unâ planta plures anima?* Resp. Una specifica actu, quæ tamen in alias & alias formas transmutari apta sit. Hinc plantarum degeneratio, de quo suo loco mox.

5. *An sexus insit?* Resp. ἀναλόγως. Omnibus vis generandi inest, Genes. 1. 11. Virium, fecunditatisve respectu, aliisq; de conditionibus, quædam masculinæ dicuntur, quædam foemininæ, & hæ aliquando *mascullescere*, Plin. l. 18. c. 13. Aristot. 1. de Plant. c. 7.

6. *An & sensus?* vide Plutarch. de Placitis Philol. & in Arboreto cap. 1. *Odor aquæ*, Job. 14. 9. tribuitur per *αἰσθητικὴν*, Sed hæc obiter.

CAP. VII.

De communibus Plantarum affectionibus.

1. **A**ccidunt plantis, ex effectu spiritus sui vitalis, de quo modò dictum, *Germi-*
natio,

natio, Augmentatio, Perfectio : & ex ejusdem defectu *corruptio*.

2. *Germinatio* βλάστησις, quod Hebræis est זמח *Zamach*, pullulare, פרח *Parach*, germinare tribuitur.

1. *Semini* cùm rumpitur, & prima sursum ac deorsum emittit germina, rudimenta radicis ac stirpis, wenn der Same keimet/auffgehet/Esa. 61. 11. Marc. 4. 27.

2. *Radici*, cùm ἀνω ὀύσσα protrudit stirpes & surculos, Hebr. 12. 15. Deut. 29. 18.

3. *Plantis ipsis*, ut cùm in ficu grossi apparent, & in vite florente, non sine grato odore, principia uvarum, סמדר *Semadar*, Hebræis, Cant. 2. 13. & 7. 12.

3. Estq; vel naturalis, quando insitus calor spiritus vegetantis, ab ambiente calore terræ excitatus, quem à cœlo terra concepit, incipit trahere & combibere humorem, quo fœcundata semina, vel radices, vel plantæ, ruptis folliculis aut corticibus suis, fœtum suum protrudunt, Job. 14. 9. Cant. 2. 11. Hebr. 6. 7. vel miraculosa, cujus exempla Gen. 1. v. 11. Num. 17. 8.

4. *Augmentatio*, αὐξησις, fit, quando plantæ, succo terræ alimentoso, quem foris impellente calore cœlesti naturaliter si tiunt & hauriunt, Ose. 2. 21. Esa. 35. 7. cap. 44. 3. cap. 53. 2. Joël. 1. 20. &c. per poros radicum & fibras accepto, insitâ vi suâ crescunt, & pro ingenio gemmas, flores, folia & frondes edunt, Marc. 4. l. c. Sic pluvia dicitur, גזל *gadal*, מגדלני, arbores, Esa. 44. 14. Hoc

est

est *סגא* *Saga* augescere, Job. 8. 11. Psal. 92. 13.
unde & *סגשג* *Sigseg*, crescere fecit, Esa. 17. 11.
Miraculosum exemplum Jonæ cap. 4.

5. Sequitur *Perfectio*, ἀπαρτισμός, quando jam fructus pariunt plantæ & semina. Quod virili quasi earum ætati competit. Nam cum germinant, infantia est: cum crescunt, adolescentia: sequitur tandem Senectus, quæ & ipsa tamen non est sterilis, Job. 14. 9. & Psalm. 92. cit.

Manè puer flos est, mediæ Vir tempore Lucis,

Deniq; sub noctem, Sole cadente, senex.

Sic de Tripolio fertur manè album habere florem, meridiè purpureum, vesperi phoeniceum, apud Dioscoridem. Fabulosum ait esse Dodonæus: non tamen repugnare simpliciter veritati, ut florum colores unico subinde die mutantur, l. 2. Pentade 3. cap. 22. Sic Ausonius:

Quàm longa una dies, atas tam longa rosarum:
Quas pubescentes junc̃ta senect̃a premit.

Quam modò nascentem rutelus conspexit Eous,
Hanc rediens sero vespere vidit anum.

6. *Corruptio* alia accidit semini, alia plantis & fatis: mortem imitatur. *Semina* moriuntur, vel *totaliter*, per vitæ extinctionem, Esa. 15. 6. Joël. 1. 17. &c. vel *ex parte*, per transmutationem naturalem; vel per alterationem, præter naturam; vel per suspensionem actus secundi.

Naturâ moritur semen tritici, quando *transmutatur* in segetem, ut ex 1. Cor. 15. 36. dictum. Ita in Bombyce moritur eruca, & fit bombylius, inde

inde renascitur in Necydalo. Plinius, l. 10. cap. 22.
Quare Paulinus piè de Obitu Celli:

*Cuncta resurgendi speciem meditantur, in omni
Corpore, & in terris germina, & astra polo.*

7. *Alterantur* semina, vel vicio spiritus insiti,
vel cœli soliq; differentiâ, vel curâ aut incuriâ co-
lentium, aliisq; de causis: unde degenerant, &
alias producant species, aut qualitatibus sanè dif-
ferentes. Sic ex tritico fit lolium, ex hordeo ægi-
lops, Matth. 13. v. 25. etiamsi nemo ferat.

Vidi lecta diu, & multa spectata labore,

Degenerare tamen, Virgil. 1. Georgic.

*Deprehsus, Triticum Wittebergæ satum tertio
anno degenerasse in secale: Hoc autem in Thurin-
giâ satum tertio anno mutatum in triticum,* Lau-
renbergius ex Manlio, lib. 1. Horti cult. cap. 13.
ubi multa. Adde Aristot. lib. 1. de Plant. cap. 7.
Theophrast. l. 2. de Caus. Plantar. cap. 18. &
seqq. Nieremberg. l. 6. Histor. Nat. cap. 21. &
seq. Sic ex Vite fit labrusca, ex Oleâ Oleaster,
Esa. 5. 4. Jerem. 2. 21. Rom. 11. 17. Sic Esa.
34. 13.

Neglectis urenda filix innascitur agris.

Miraculosæ transmutationis exemplum dedi-
mus in Arboreto, ex Esa. 55. 13. quod tamen in
ταύροι spectat ad artificialem. Curâ enim humanâ
pro spinis & rubis educantur arbores utiles: sed
divino beneficio fit, ut steriles & noxiæ mentes,
quasi sentes, mutantur in arbores justitiæ. Sic
homines in arbores transformant fabulæ Poëta-
rum; qui & vicissim homines producant ex cavis
arborum, ex duris lapidibus, ex formicis, &c.

8. *Plan-*

8. *Plantarum* corruptio non absimilis est, alia partialis, alia totalis : utraque vel ab extra, à cœlo, ventis, terrâ, feris, hominibus ; vel ab intra, ex defectu spiritus vegetantis, & morbis, quales sunt *obscuris*, *inægris*, & alia contraria mox dicenda : quædam tamen reviviscunt & regerminant, ut ex Job. 14. 9. Dan. 4. 12. 13. 11. cit. Aristot. 1. 1. de Plant. capp. 1. & 2. &c.

Mors hæc, reparatio vitæ est !

Sic semina sicca virescunt,

Jam mortua jamq; sepulta :

Qui reddit a cespice ab imo,

Veteres meditantur aristas !

ut canit Prudentius Cathemer. 10. & Tertullianus de Judicio Domini :

Arida sic vacuis redduntur semina terris,

Et penitus fixis putrescunt mortua sulcis :

Nonne animatur & hinc reparatis culmus aristis ?

Atq; iterum vivis flavescunt fortia granis ?

Consurguntq; nova, vario tum sænore messes ?

CAP. VIII.

Plantarum finis & usus.

1. **P**lantæ creatæ sunt propter Deum, mundum, animalia, homines : Scilicet 1. *ad Dei gloriam*, cujus potentiam, sapientiam, bonitatem mirificè concelebrant, Psalm. 148. 9.

2. *ad mundi perfectionem* & ornatum. Terra chaos similis, *Tohuwabohu*, informis & inornata, luget sine plantis, Jerem. 4. 23. 28. Hose. 4. 3.

D

Joël.

Joël. 1. 10. 12. &c. *Turpis sine gramine campus
& sine fronde nemus.*

3. *ad animalium*, hominum imprimis multiplicem usum.

2. *Uusus* ille vel sacer est, vel profanus. *Sacer* vel *Physicus*, ex ipsâ naturâ ejusque contemplatione vel *etheticus*, ex lege aliquâ positivâ. Ipsa natura inspectio ad Creatoris laudem invitat. Ita laudant, cum nos ad laudandum exsuscitant, Dan. 3. Fragm. v. 73. 75. Docentque varia, de DEI cum primis beneficiis, nostrisque debitis officiis, Job 12. 7. 8. Matth. 6. 28. Quare passim, ad mysterium fidei illustranda, à Spiritu Sancto in S. Literis adducuntur, ut Joh. 15. v. 1. & 8. Qualia multa in *Arboreto*.

3. Tritum est Virgilii ænigma Bucolicum:
*Dic quibus in terris, inscripti nomina Regum,
Nascantur Flores.*

Hyacinthos esse Grammatici ferè conspirant: qui appellant Lilia purpurea, quorum folia, nigra quibusdam sparsa punctulis, literarum quædam rudimenta ostendunt. Hinc Theocritus vocat *ῥεγπλὰν ὑακινθον*, scriptam *hyacinthum*. Sic Ovidius ænigma videtur exposuisse, etsi ad aliam fabulam retulit, 10. Metamorphos. ubi Apollo:

Ipsè suos gemitus foliis inscribit, & ai, ai,

Flos habet inscriptum, funestagq; litera ducta est

Nam alii primas nominis Ajacis literas apparere putant. Pulchrior est piorum quorundam observatio; in quodam genere Cotyledonis, *ῥῆν ἀμφὸν ἁλὸν*, *Venerisve umbilicum* vocant, à *figurâ*; flosculi candidis, minutissimis sanguineis punctulis, in

scri

criptum reperiri, nomē Tetragrammaton, JEHO-
VA! Verissimè dixeris; notis in conspicuis illud
extare in quolibet seminis granulo, florū apiculo.

4. *Ex divinā Lege* sunt plantarum quarundam
& fructuum *Décimæ*, Exod. 22. 29. Deut. 14. 22.
Nehem. 13. 5. &c. *Primitiæ* item & *fructus primiti-
vi*, Exod. 34. 26. Lev. 2. 12. 14. c. 23. 10. Num. 18. 12.
28. 26. Deut. 26. 2. Prov. 3. 9. &c. Quæ quodam-
modò jus Naturæ attingunt. & Gentium quoque
moribus recepta fuerunt. Adde usum Ceremo-
nialem in oblationibus & libaminibus, *Mincha*
& *Nesech*, vocant Hebræi, Gen. 4. 3. Levit. 2. &
passim. Pertinent eodem festarum frondium ge-
stamina, & coronæ Deorum, & *φύλλαβολία*, & alia,
de quibus plura in *Arboreto*.

5. *Uſus profanus* est communis. Ita *profanare
vineam*, v. g. est post initiationem ex Sacra com-
munem facere, Lev. 19. 23. 25. Deut. 20. v. 5. 6. &
28. v. 30. Jer. 31. 5. Neque licebat in Terrâ San-
ctâ populo vesci de fructibus arborum *durante
earum præputio*, & ante annum tertium à planta-
tione exactum, vide D. Hottinger. Jus Hebr. Lege
220. de Proventu quarti anni, & L. 25 1. de non
edendo præputio.

6. Est autem usus hic plantarum, aliis hominū
cum bestiis *communis*, aliis *peculiaris*. Communis
ad escam, ad medicinam, ad habitacula; peculiaris
ad vestimenta, ornamenta, instrumenta, & alia.
Ajo, inquit Lauremb. in *Præloq.* à plantis hominem
accipere pleraque omnia, quorum vitæ indiget
usus: seu vivendum sit simpliciter, seu commodè,
seu voluptuosè: Nimirum humana imbecillitas

opus habet, 1. Cibo, 2. Potu, 3. Medicamentis, 4. Amictu, 5. Habitatione, 6. Suppellectili, 7. Navigiis, 8. Oblectamentis sensuum & animi. Nil horum est, quod plantæ nobis de suo penu non largiantur. Quod postea pluribus exsequitur, ut & ante *Job. Bapt. Porta Neapolit. lib. 1. Villæ suæ capp. 1. & seqq.*

7. Commendat hunc multiplicem usum S. Scriptura passim. *De Cibo & Potu*, Gen. 1. v. 29. 30. Psalm. 104. 14. Hinc arbores fructiparæ Hebræis *עץ חַיַּים* *Ez Maocal*, lignum cibi, Levit. 19. 23. Deut. 20. v. 19. Herbarum tamen, & graminis esus jumentis & feris proprius, Dan. 4. 29. velut olerum pauperibus, Genes. 3. 18. Prov. 15. 17. & frugalibus, Rom. 14. 2. Quo pertinent olera Prophetarum, ut 2. Reg. 4. 39. & legumina Danielis ac sociorum, cap. 1. v. 12. & familia. De rapis Genistarum dixi in Arboreto. De melle in arboribus, & de acridibus, cibo S. Johannis Baptistæ, multa Interpp. Matth. 3. v. 4.

8. *De Medicinâ*, nam, ut canit Macer:

Escas antiquis hortus dabat, & medicinas;
passim quoque S. Literæ, 2. Reg. 20. 7. Genes. 50. 1. 3. Luc. 23. 56. Johann. 19. 39. Jerem. 8. 22. Sap. 16. 12. Sirac. 38. 4. Varia remedia ab animalibus reperta, usus futura & homini, describit Plinius lib. 8. capp. 26. & 27. *Cervus sagittâ transfixus, scit sibi dictamno medendum: Himundo pullos novit oculare Chelidoniâ. Peccator exomologesin præteribit?* Tertull. de Pœnit. De his in *Sacrâ Pharmaceuticâ, & Diateticâ* dicendum esset, de quâ nonnulla Alstedius in Encyclopæd. Biblicâ, sect. 48.

9. *De habitaculis*, non est dubium quin primi homines sub arboribus habitarent, rudesque deinde sibi ex frondibus fecerint casas, Genes. 3. 8. & 4. 20. & 9. 21. & 12. 8. & 13. 5. Sic Pastores & pecuarii, Esa. 38. 12. & vulgò libenter sub vite, ficu, oleâ, aliisque umbrosis arboribus. Unde Festivitas annua Tabernaculorum, de quâ in Arboreto. Pertinet huc, quæ ad *S. Architectonicam* spectant, & *Naupegian*, vide dicta in Atriomeo Latin. cap. 48. Sic & in arboribus nidulantur aves, sub iis stabulatur feræ, Psalm. 104. 12. Ezech. 17. 23. & 31. 6. Dan. 4. 12. 21. Matth. 13. vers. 32. ubi & apum alvearia, Esa. 7. 19.

10. *De Vestimentis*, ex foliis arborum, Gen. 3. 7. ex lino, lanâq; quæ & ipsa ex plantis, ex serico, aliisque, de coronis & sertis, florum odorumque fasciculis, Cant. 1. 13. Sap. 2. v. 8. & c. passim. Nec *arma, instrumenta, utensilia*, magnamq; partem urbanæ rusticæque suppellectilis enumerare lubet. *Crema*, arida & tenuia ligna, Psal. 102. v. 4. apud Vulgat. Interp. & Columellam l. 12. cap. 19. & quæ arbores facile ignem concipiant, inter se attritæ, Seneca 2. Quæst. Nat. cap. 22. Atrium dictum num. 47. Esa. 44. 14. 15. & alia nota, dictaque sunt in Arboreto.

11. Neq; *Abusus* minùs latè patet: ad luxum, fastum, voluptates illicitas, superstitionem, & Idololatriam. Hinc arbores Diis consecratæ, Luci & fana Deorum, simulachra, Deut. 16. 21. 22. Esa. 44. 13. Hose. 4. 12. 13. ubi & de *Xylomantiâ*, divinationis specie, ut Deut. 8. 11. Ezech. 21. 21. de quâ

Delrio l. 4. Disquis. Magic. cap. 2. quæst. 7. sect. 3.
Verum hæc præfunctoriè : quæ si quis exsequi
vellet justum volumen facile conficeret.

CAP. IX.

De Plantarum accidentibus, & inde differentiâ.

1. **A**ccidentia plantarum, quibus inter se dif-
ferunt, alia *externa* sunt & sensui obvia,
ut color, odor, sapor : alia *interna*, quæ ratio
usu & experientiâ deprehendit, ut sunt variæ il-
larum facultates & vires.

2. *Color* varius est: *Albent* virgæ frondium de-
corticatæ, Gen. 30. 37. rami à locustis arrosi, Joël
1. 7. semen coriandri, Exod. 16. 31. Seges maturæ
ad messem, Joh. 4. 35. & inprimis lillorum cala-
thi, stantibus in medio aureis crocis, ut vincant
argenteam Salomonis trabeam, candore; & auro
intexta lilia, Matth. 6. 29.

Flavet, rubetve potiùs, vinum in vitro, Prov.
23. 31. Esa. 63. 2. *purpureæ* sanguis vermiculi è
cocco expressus, Esa. 1. 18. *Aurea* sunt quædam
poma, Citria, Aurantia, Chrytomela, & quod dici-
tur Pomum amoris, Prov. 25. 11. *Puniceum* est
fragmen mali Punici, Cant. 4. 3. & 6. 6. Florum
varietas infinita, *ὑπέρπειρα τὰ ποσώπια*, eleganter
vocat S. Jacob. cap. 1. v. 11. *Viriditas* communis
est: ut in arboribus foris, *ἡ χλωρότης*, & intùs, *ἡ λευκί-
της*, Arist. 2. de Plant. c. 8. initium in plantis omni-
bus Colorum, *τὸ ποῶδες*, color herbaceus, Id. de Col.

5. Nullius coloris gravior oculis adpectus est, quàm cum terrâ viridi segete, quasi Smaragdina tunicâ, amicitur, Sir. 40. v. 22. *Plin. l. 37. c. 1.*

3. *Mutantur colores plantarum, cum ætate & incremento, tam integris, quàm in partibus, foliis, floribus, fructibus; mirifico naturæ lusu. Sic seges in germine viret, in culmo flavescit, in spicis albescit. Uvæ, prunæ, & id genus fructus alii, primò ποῶδες herbacei, mox ἐπιφοινίξουσιν; demum ex rufo transeunt in purpureum, aut nigrantem, Aristot. de Color. cap. 2. & 5.*

4. *Causa istius tam varietatis, quam variationis, vulgò poni solet, partim in elementorum multiformi contemperatione, partim in humoris alimentarii dispari concoctione, Aristot. l. cit. Danaus Phys. Christ. Tract. 3. c. 58. Scalig. Exerc. 325. sect. 8. Sed hic rectè affirmat; misera esse ingenia, qua ab elementis colorem, non à formarum facultatibus elicerent, Exerc. 176. & Aristoteles ipse ait: Flores cum maturuerunt, mutari, ἡς τὸ καὶ φύσις χρῶμα. Plinius fatetur; inenarrabilem esse florum subtilitatem: quando nulli potest facilius esse loqui, quàm rerum natura pingere, l. 21. c. 1. Ad Sapientiam & Providentiam Causæ primæ nos respicere jubet Dominus noster, Matth. 6 v. 28, 30. Deus, inquit, Deus est --- qui pingit flores, & vestit lilium campi. Quis enim Deus artifex, ait Ambros. l. 3. Hexaëm. c. 8. Possit tantam rerum singularum exprimere venustatem? Naturæ benignitatem miratur in his Columella l. 3. c. 21. nos Dei, cujus beneficio tot floribus ver, tot undiq; versicoloribus pomis gravidus collucet autumnus.*

5. Ita ad DEUM quoq; & Naturam DEI ministram referendæ sunt, quæ in plantis apparent, *signatura* dictæ: quæ vel in succorum tincturâ, vel in plantarum partiumq; figurâ, aut similibus considerantur. Sic *Mandragoram*, de quâ Genes. 30. 14. ex formâ radicis *semihominem* appellavit Columella l. 10. Pythagoras ἀνθρωπομορφον. *An ex ejusmodi Characteris plantarum natura & facultates medica cognosci possint?* Nostri seculi hoc inventum, aut verius commentum esse, ait Dodonæus, & multis probat, Pemptade 1. lib. 1. cap. 11. Ludit natura cum putamina nucum ad humani cranii; cum castanearum involucria ad echinorum instar fingit. Antirrhinon flore clauso os ranæ, aperto rictum Leonis refert: Capitulum foraminosum, in quo semina, canini aut vitulini capitis similitudinem habet: hinc nomina, *βουκεφάλιον, πιδήκιον, κυροκεφάλιον, &*

... *hiantis sava Leonis ora.*

6. *Odorum saporumq; eadem ratio est.* Suaviter olent agri, Gen. 27. 29. & aromata, Jer. 6. 20. Lilia item & flos vitis, Cant. 2. 13. & 17. 13. &c. Dulcem fructum fert ficus, & malus, Judic. 9. 11. Cant. 2. 3. Amaræ sunt agrestes lactucæ, Exod. 12. 8. & uvæ labruscæ, Deut. 32. 32. Jerem 31. 29. Ezech. 18. 2. absynthia quædam Proverb. 5. 4. & alia. *Esurienti amara sunt dulcia*, Proverb. 27. 7. Optimum enim condimentum est fames. Sic *dulcia vertere in amara, nigra in candida*, Proverbio dicitur, Esa. 5. 20. Soli tamen cœli quæ bonitate multa mitescunt, accedente culturâ: ut mala Punicæ

nica in Ciliciâ : & Perseæ arboris in Ægypto, *translata oblita nocendi*, de quâ melioratione Theophrastus l. 2. de Causs. Plant. cap. 18. & seqq.

7. *De caussis saporum odorumve*, Aristotel. de Plant. 2. cap. 10. & Danæus l. cit. Scaliger rectè dixit; *odorem esse rem divinam*, Exerc. 104. sect. 4. *Accidit à formâ*, inquit, *quemadmodum & color & figura*, Exerc. 141. sect. 1. Sæpiusque reprehendit istos, ut ait, *materiales. qui ducunt omnia à primis qualitatibus*, Exerc. 298. sect. 8. *Cur uva immatura acerbo, matura dulci sapore sint?* ut Jerem. 31. 29. *Cur folia ficus amarissima, fructus nihil dulcius?* ut Judic. 9. 11. *Cur coriandri semen suaviter oleat, folia pessimè?* ut Exod. 16. 31. jucunda sunt problemata. *An licitum sit naturas plantarum arte adulterare, & transformare?* ut v. gr. cerasus ferat uvas, persica poma amygdala, generet rosas luteas. Bodinus negat: nam *naturam ingenuam sic turpissimâ servitute depravari*, aitq; vetari lege Divinâ, Deut. 22. v. 9. Non credo. Vide hæc & alia apud eum Theatr. Nat. l. 3. p. 289. & seqq.

8. *De Facultatibus* agunt Medici, ut Dodonæus l. cit. & Neander in Syllogâ Phys. p. 1. pag. 153. *aliæ alimentosa* sunt, quæ substantiam augment; *aliæ medicamentosa*, quæ alterant qualitates: Quædam ex manifestis viribus, quædam ex occultâ naturæ proprietate. *Deleterium* est Cicuta, Deut. 29. 18. hominî, sturnis pabulum est. Ita
 --- *nobis veratrum est acre venenum,*
At capris adipēs & coturnicibus augēs,

Lucretius l. 4 de uvis deletetiis vide Deut. 32. 31. de Colocynthide, 2. Reg. 4. 39. ad *ἀειμαρτα* spectant coronæ ex rosis, contra fuligines ex crapulâ, Sap. 2. 8.

9. *De Sympathiâ & Antipathiâ*, Sir. cap. 33. 15. & ex eo Vallesius de S. Philosph. c. 75. Sic amicitia causâ plantatur ficus in vineis, Luc. 13. 6. *De occultis qualitatibus* multa narrantur vulgò, non tantùm falsa, sed & superstitiosa, & Magica: ut, quod carmine quodam admurmurato plantæ quædam, aut sub certo siderum adspectu collectæ, maiorem acquirant efficaciam: *ruta* sagas arceat & Dæmonas: *Scilla* in limine suspensa domum à veneficiis tueatur: *Æthiopide* herba, addito carmine, claustra referentur: Qualia multa apud Bodinum l. cit. & Matthiol. in Dioscoridem Præfat. ac Epist. Nuncupator. Refutat nonnulla Scaliger Exerc. 344. & alibi. Confer Delrii Disquis. Mag. l. 1. c. 3. quæst. & l. 2. quæst. 9. & l. 6. cap. 2. sect. 2. quæst. 3. ubi de remediis naturalibus contra maleficia. *An venena à Deo creata? & quâ de causâ?* Bodinus l. c. p. 287. 293. Voëtius de Creatione p. 663.

10. *An Brassica oderit vitem?* Negat Lauremb. l. 1. Horti cult. c. 11. & ad Rheni vitiferos colles aliud testantur oculi, ubi inter vites brassicæ luxuriant frequentissimæ. Posset quis suspicari, ex veterum persuasione, impium Regem Achabum vineam Nabothi vertere voluisse in hortum oleorum, excisis puta vitibus, re nocerent, l. Reg. 2 l. 2. Nam *Can Farak*, non est hortus viridis odorifer, ut putat Sanctius, ib. Sed vilis, at utilis culina; qualem

qualem Romani agricolæ alteram succidiam appellabant, *plebis macellum*, in Atrio meo c. 31. Ole-ribus autem, quo cucumeres, pepones, cucurbitæ, acetaria, & alia pertinent, etiâ hodiè delectantur Syri, nec in hortis eorum aliquid studiosius curatur. Talia vitibus inimica esse, manifestâ ratione constat; quod succum intercipient.

CAP. X.

De Loco & Tempore.

1. **N**ascuntur plantæ communiter in Terrâ, Genes. 1. 29. & copiosè quidem gramen, Job. 5. 25. Plal. 72. 16. --- Quod nutrit gramina tellus. Hinc aliæ in agris, Gen 3. 18. Matth. 6. 30. aliæ in silvis, Plal. 96. 12. aliæ in desertis & siticulis locis, Esa. 35. 1. cap. 41. 19. exsuccæ & steriles, ut quæ ad aquas, contra Jer. 17. 6. 8. Pl. 1. 3. quædam in paludibus, Job. 8. 11. 12. in montibus, Plal. 147. 8. in hortis, Eccl. 2. 5. 1. Reg. 21. 2. Luc. 13. 19. unde Proverbium:

--- *riguo formosior horto*, Num 24. 6.

2. Sed & in ipso mari. Sic in rubro miraculo crevisse dicitur, sub pedibus Israëlitarum, *χρονόβου πείσιον*, campus germinans, Sap. 19. 7. An verè Negant aliqui, ut Jansenius, & figuratè accipiunt, per hyperbolen; alij affirmant, & plures.

Profilit herbosus violento è gurgite campus.
Sed quomodo? an Loci naturâ? Quia in mari rubro frequentes silvæ, Plinius l. 13. cap. 25. Parium mare in novo orbe, sic implicitum herbis florentibus, ut navigari nequeat, Majolus Collog.

loq. 10. At tùm non fuisset *via* Israëlitarum in mari *sine impedimento*, Sap. 1. cit. nec apparuisse dicuntur arbores ac frutices, sed herbæ, quæ molle stratum præberent. Ergone *miraculum in miraculo*? Negat Pineda multis, l. 4. de Reb. Salom. cap. 14. ubi de hæc quæstione, pro & contra. At Auctor Sapiëntiæ, si quis attendat, omninò videtur triplex prædicare miraculum: 1. Quod *Terra*, tot seculis alta maris tecta, repente *arida apparuerit*: 2. quod *omnia* Scopulorum, rupiumque, silvarum & dumetorum *remota fuerint impedimenta*: 3. quod *campus apparuerit*, ubi sperare nequiverit, *herbiger*, crecens sub transeuntium pedibus, seq; calcari stupens quasi & gaudens. *Primum* verè miraculum: *alterum* divino consilio accidit, ut illac mare aperuerit, ubi transitum dare facilem posset: *Tertium* non infrequens. Certum tamen Auctorem, Rabbinicas subinde traditiones secutum, multa *οὐκ ὀρθῶς* per hyperbolam, aut auxesin, in majus extulisse.

3. *De plantis aquaticis* vide Dodonæum Pent. 4. l. 5. & Aristot. de Plant. 2. cap. 4. qui etiam in calidis aquis nasci docet, & è duris lapidibus, cap. 5. de lapide fungifero, Scaliger Exerc. 137. de Scotico herbascente, Cardanus & in Acerâ Philolog. meâ. *De Loto Ægyptiâ*, quæ occidente Sole se contrahat, caputque totum sub aquâ condat, orienteque emergat iterum, & se explicet Ruellius, Matthiolus, Dodonæus, imprimis Prosper Alpinus in Exot. & Ægypt. & Veslingius in Observat. Nymphææ speciem esse docet

docet Athanasius Kircherus in Obelisco Pamphyl. l. 4. Hierogramm. 19. De eâ Proclus : *Lotus folia complicat ante Solis exortum ; oriente eâ paulatim explicat , usq. dum medium cæli culmen attigerit : cum verò ad occasum declinat , paulatim iterum contrahitur , de Sacrif. & Mag.* Hinc Soli Sacra fuit. *Deum sequere !* vetus Verbum est. *Cur quadam planta se cum Sole circumagant ? aut accessu ejus se aperiant , discessu claudant ?* inquit Theophrastus l. 2. de Caus. cap. 25. ubi etiam de Loto.

4. Viruit, floruitq; *Rubus in igne*, Exod. 3. 3. majore miraculo, quàm quod Achilles Statius refert : *Oleam, apud Tyrios, loco sacro, & muro septo, ramos diffundere inter flammâs innoxias , quas Soli natura emittat : Subtiles scilicet, & quæ materiâ depasci nequeant, vide Aceram meam l. 1. num. 149. & S. Analect. Volum. 2. l. 3. cap. 4.* Quin & *in nivibus crescere flores, easq; perrumpere* docet Aristotel. l. c. cap. 3. Quales sub ipsâ brunnâ videmus in hortis nostris. Nasci herbis *in Draconum dorsis, & in Cetorum, ex Bultamantio* habet Nieremberg. l. 1. c. 10. *Spicam farris in naso cujusdam mulieris exortam pullulasse, & rubum floribus coronatum in abdomine, aliaq; Jonstonus in Præfat. Dendrograph.*

5. *Non omnis fert omnia Tellus.* Frustrâ est qui rupes, qui Saxa, qui non profecturis litora bobus arat, Amos. 6. 13.

*Hic segetes, illic veniunt felicius uvæ,
Arborci satus alibi ; atq. injussa virescunt
Gramina, Virgil. 1. Georgic. Habet etiam quæq;
regio*

regio propria sua quædam bona: *eterna*: ut Idem, *natura lege*: quæ alibi aut nulla, aut rara, aut non æquè perfectæ. Sic *Cedri Libani*, Psalm. 92. v. 13. *Rosæ Saronis*, Cant. 2. 1. *Vites & Balsamum Engedi*, Cant. 1. 14. &c. celebrantur.

6. Sic quoque omnia tempus habent, Gen. 8. 22. Eccl. 3. 2.

Tempora sunt florum, retinet sua tempora messis;
Sic iterum spisso vestitur gramine campus.

Omnia dat, tollit, minuitq; volatile tempus.

Ver, æstas, autumnus, hiems, redit annus in an-
num:

Omnia cum redeant, homini sua non redit ætas!
S. Columbanus ad Sethum. *Quæ semina quoto die erumpant*, dixi è Plinio in Atrio Latin. cap. 12. *Kikajon Jona*, noctis filia fuit, filia noctis periit, cap. 4. 20. *Flores natura in diem gignit: magnâ, ut palam est, hominum admonitione; quæ spectatissimè florent, celerrimè marcescere*, Plin. 21. cap. 1. Sic Job. 14. 2. Esa. 40. 6. Psalm. 103. 15. Jac. 1. 12.

7. *Solstitialis velut herba sumus*, Plautus in Pseudolo Act. 1. Scen. 1. *Hemerocallis*, cui & *spinas* addidit natura. Nam *ubi uber, ibi tuber*, Apulejus. *Viret gloria hominis in carne, tanquam flos sæni: & quæ putatur sublimis, exigua, quasi herba est: præmatura, ut flos: caduca, quasi sænum*, Ambrosius in Hexaëm. *Sicut rosa delectat quidem, sed celerimotu temporis tollitur: ita & libido libet momentaliter, & fugit perenniter*, Fulgentius Gram. Mythol. 1. 2. de Venere, cui rosa sacra habita. Nos florem ita carpamus, ut caveamus spinas; nam ut Petronius;

--- non omnibus unum est

Quod placet ; hic spinas colligit, ille rosas :

& quæramus cœlestia. Τὰ ἐνθάυτα ἀρδισιν τοῖς κατὰ
ἐαυτοῖς : ἐκεῖνα δὲ πείρασ ἀκινήτοις , Chrysosto-
mus.

8. Contrà *arboris dies multi*, Esa. 65. 22. de
Ligno Vitæ accipiunt Interpp. Plinius l. 16. cap.
44. *Vita arborum quarundam*, inquit, *immensa
credi potest. Cur tamen fecundæ brevioris ævi
sint, steriles longioris?* disputat Theophrastus l. 2.
de Causs. c. 15. Sed apud Deum fecundæ justi-
tiæ fructibus perennes sunt ; steriles æternum
moriuntur.

9. Quæri hic multa possunt : 1. *Cur Deus plan-
tas, ante alia, produxerit?* Resp. *Ambrosius* : Quia
cibus sunt sobrietatis, reliqui deliciarum & lu-
xuriæ. *Augustinus* : Qui nemo incipit à perfe-
cto. Ita Deus ab imperfectioribus progredi vo-
luit ad perfectiora, & desinere in homine perfe-
ctissimo. Confer Pelargum in Genes. Danæum
Physicæ Christ. p. 106.

2. *Cur prius pecori pabulum creatum, quàm cibus
homini?* Resp. *Ambrosius* : Ut Deus ostenderet,
se minima quoque non negligere : & quod etiam
illa De i gratiâ pascuntur, ne quis de suâ libi
industriâ & virtute blandiatur, Psalm. 36. 7.
Matth. 6. 30.

3. *Cur cibus & Paradisi habitaculum ante homi-
nem?* Sic hodiè quoq; prospicit paterna Dei cura;

So bald der Mensch sein Leben hat /

Seine Küche vor ihm steht.

vide Calvin, Instit. l. 1. cap. 14. sect. 22.

4. *Cur*

4. *Cur planta ante Solem?* Sciant omnes Solem auctorem non esse nascentium. Dei clementia terram relaxat: Dei indulgentia prorumpere facit fructus. Sol junior est herbis, junior scæno, *Ambros. in Hexaem 3. cap. 6.* Sciant Deum non alligatum esse caussis secundis; id Moses ipse docet, *Genel. 2. vers. 4. 5.* Calvinus loc. cit. c. 16. sect. 2.

10. *Quid de temporis certorumq; dierum electione in plantando & serendo, ac similibus statuendum?* Resp. *Alia* ex naturâ & ratione nixa est, de quâ *Eccl. 3. 2.* & *Rei Rüst. Scriptores.* Varro l. 1. c. 27. & seqq. Columell. l. 2. c. 8. &c. *Alia* superstitiosa & ἀνακταλόγηται, Ptolemæo ipsi dicta. Hæc inter cæteras vanas observationes à Deo prohibita, *Deut. 18. 10. 14.* ubi *Meonen* Hebraicè *Planetarius* est, qui, ut exponit R. Akiba, *observat horas & tempora, dicens: hodie pulchrum est egredi: cras bonum est negotiari.* Hi dies distinguunt, in *fastos*, *faustos*que, & *inaustos*, *nefastos*, ἀποφεύγας, *Ægyptiacos.* Putant Ambrosius, Augustinus, & alii reprehendi vanissimam superstitionem ab Apostolo *Galat. 4. v. 10.* de quâ multa *Delrius l. 3. Disquis. p. 2. quæst. 4. sect. 6.* *Alex. ab Alex. l. 4. Gen. Dier. cap. 20. Cornarius de Re Vinitor. l. 2. cap. 5. p. 369. &c.*

11. Sed & in naturali modum tenere prudentiæ est. *Qui nimis anxie & curiose observat ventum, non seminat,* ait Salomo; jubetq; serere *mane & vespere*, *Eccl. 11. v. 4. 6.* Non vetans tamen observare legitimum *sationis* tempus: Ea duplex fuit, *autumnalis*, & quasi matutina; & *vernalis*, *vero.*

erotina; Hagg. 2. v. 20. ubi Franc. Junius in Not.
 & Delrius in Adag. Sacr. 300. p. 2. ut & Zehne-
 us Cent. 2. Adag. 44. 45.

Signat tempora, propriis

Aptans officium Deus!

loëthius. Favonium opperiri lentus est agricola, Co-
 umella l. 2. cap. 11. Confer Galat. 6. v. 7. 10.

12. *De Prognosticis Agricolarum* idem statuen-
 lum est: alia enim Prognosis *Physica* est, ut Matth.
 6. v. 2. 3. alia *superstitiosa*, & vana. Exemplâ vide
 pūd Plinium l. 18. c. 35. Prognostica tempesta-
 um describunt Poëtæ, ut Aratus, Cicero, Virgi-
 lius, Avienus & alii. Vide quoq; 1. Reg. 18. 43.
 & 2. Reg. 3. v. 22. Sed hæc ad lacram μετεωρολο-
 γία spectant.

13. *An & in Mundo futuro, in vitâ aternâ flo-
 es coronariis exituri sint? Ligna vitæ*, Apoc. 22. 2.
marantj, 1. Petr. 5. 4. & id genus? Affirmat Cor-
 nelius à Lap. in Apocal. l. cit. Sed talia per ana-
 logen accipi debent. Sic ibi:

Flos perennium rosarum ver agit perpetuum:

Candet liliū, rubescit crocus, sudat balsamum.

Neque reprehendi debuit ab Aristotele l. 1. de
 Plant. cap. 2. quod dixisset Empedocles: *Plantas
 habere genesin suam in mundo imperfecto, & non-
 dum consummato: post consummationem nihil vi-
 vum amplius generatum iri*. Haustum hoc ex an-
 tiquissimâ πατρων ἀδότη Theologiâ. At Stagi-
 rites noster contemptor τῷ παλαιῷ λόγῳ, solam
 lecutus rationem, ducem cœcum, rerum omnium
 generationem cum mundo statuebat esse æter-
 nam.

CAP. XI.

Contraria Plantarum.

1. **D**E *Corruptione*, quæ quasi mors est, dictum cap. 7. n. 6. & seqq. *Causa prima* est nunc, post lapsum, *maledictio Dei*: peccantium pœna, ut innumeris S. Scripturæ locis intentata, ubi & de causis impulsivis, de quibus bene Cornarius l. 2. cap. 13. Consideranda dicta, Genes. 3. 17. Lev. 26. 14. 20. Deut. 28. 16. 18. Esa. 5. 10. Jer. 5. 17. Me. 2. 9. & 9. 2. Joël. 1. 5. & seqq. Amos 4. 1. 7. 9. cap. 5. 11. Mich. 6. 10. Hagg. 1. 10. & 2. 17. 20. & exempla, Exod. 9. 24. & 10. 15. 1. Reg. 17. & 18. 2. Reg. 6. 7. & 8. capp. &c.

2. Epicuræum itaque est, quod Deus μήτι πέγματα ἔχῃ, μήτ' ἄλλω παρέχῃ. Quam blasphemiam Jobo imputare velle videtur Eliphaz, Job. 22. v. 13. 14. Et propè accedit, quod Poëta dixit, ex Stoicorum mente:

Non vacat exiguis rebus adesse Jovi.

Minora Dei negligunt, neq. agellos singulorum, nec viticulas persequuntur: nec si uredo, aut grandio quippiam nocuit, id Jovi animadvertendum fuit. Nam ne in regnis quidem Reges omnia minime curant, Cicero 3. de Nat. Deor. vide ibid. l. 2. extremo.

3. Sed & naturæ lex est, à Deo creatore fixa, ut omnia terrâ orta, occidant. *Nihil tamen funditus interit: unde rectè dicitur, quod ex vitâ mors efficiatur, & ex morte vitâ: quod ex vigore vivendi, compositi cujuslibet corporis, fiat usq. ad*

certa

rearsolutio: & rursùm, in aliam compositionem eodem conductis, fiat ex morte reparatio. Marius Victorinus Afer contra Arium lib. 4. Itaque ab ipso conditu plantis indita vis seminandi, quæ mortuæ reviviscerent, vitamque propagarent perpetuâ successionem. Solius hominis privilegium fuit, naturale, sed ex gratiâ Creatoris, nemini posset, nisi peccaret, de quâ immortalitate lectum. Volum. 2. S. Analect.

4. *Causse mediæ vel intra plantas sunt, vel extrinsecus.* Intra ἐν βλαστῶσι, *luxuria*, apud Theophrastum; ex abundantia humoris & soli ubertate: λεγνοῖς contrâ, ex defectu & exsiccatione: ἀβλαστῶσι, *extinctio* à frigore, &c. Hinc גפן גפן Gepheneh, vitis frondosa, ὄλομανθῶσα, Symmacho, ὄλομανθῶσα, Aquilæ. ein perwüster Weinstock / *quæ in putata, in flagella frondesq; luxuriat, & humorem, quem debuérat in vinum mutare, vanâ frummac foliorum ambitione disperdit*, Hieronymus, Ose. 10. 1. Ita falx, --- *minuendo augetur*, ἀθήματα, μαθήματα. *Non minuitur persecutionibus Ecclesia, sed augetur*, Leo M. Serm. 1. in Nat. A. Petri & Pauli. *Cadebantur Ecclesie membra, fidei fructus crescebat, floremq; proferebat amara*, S. Nilus de Adscens. Christi Hom. 2. *Vitis enim à Deo & Salvatore Christo plantata, populus ejus est*, S. Justinus M. in Tryphone, &c.

5. Hinc ergo varii plantarum morbi, vitia, excrementa, mors: *Vermiculatio*, Deut. 28. 39. Jon. 7. *Clavus, aut fungus*, de quo Joël, 1. v. 7. *posuit summam Likzapha in spumam*, cum humor ra-

dicalis crudus, circa imam arborem sublidens, tubercula excreat Fr. Junius ibid. Plinius l. 17. cap. 24. *Defluvium* foliorum & fructuum, Job. 15. 33. Ela. 34. 4. Jerem. 8. 13. *Tabes*, Jer. 12. 4. Ezech. 17. 10. *adustio*, cum --- *Borea penetrabile frigus adurit*, aut *pruina*, à perurendo dicta, quod fruges & virgulta perurat, Festus, de quâ Sirac. 4. v. 22. 23. de his Theophrastus passim, Aristoteles 2. de Plant. cap. 9. Mizaldus de Secretis hor. tor. capp. 2. & seqq.

6. *Extra*, Vis coeli, aut alia. Cæli quidem duplex noxia; altera major dicta, altera *silens*. Du genera cælestis injuria: unum, quod tempestate vocamus, in quibus grandines, procellæ, ceteraque similia intelligantur: quæ cum acciderint, Vis major appellatur. Hac ab horridis sideribus exeunt, velut Arcturo, Orione, Hædis. Alia sunt illa, quæ silente cælo, serenisque noctibus fiunt, nullo sentiente, nisi cum facta sunt. Publica hac & magnæ differentia à prioribus: aliis rubiginem, aliis uredinem, aliis carbunculum appellantibus; omnibus verò sterilitatem, hæc Plinius 18. cap. 28. extremo. Eadem repetit C. Cæsius Bassus, in Germanici Aratea. Mox de caussis, injuriæ silentis, astralibus disserens, & denique addens: *Rudis fuit priscorum vita & sine literis, non minus tamen ingeniosam fuisse in illis observationem apparebit, quam nunc esse rationem. Tria namque tempora fructibus metuebant, propter quod instituerunt ferias, diesque festos: Robigalia, Floralia, Vinalia, & quæ sequuntur.*

7. Ad vim majorem itaque pertinent calamitates

toræ tempestates, fulminei ignes, grandinum lapides, venti urentes aut vastantes, de quibus in Meteorologiâ dicendum esset, vide Exod. 9. 22. & seqq. Levit. 26. 19. 20. Psal. 78. 45. & 105. 32. Esa. 29. 6. Ezech. 13. 13. & 17. 10. & 19. 12. Ose. 13. 15. &c. Græci *Θύραξ*, *vim Dei*, vocant, de quâ Cajus l. 25. §. 5. D. de Locat. Gottes Gewalt nostri. Tempestates in Judæâ crebræ & horrendæ סַעֲרֹת *Saoroth* dictæ, cum Epitheto magnæ, Jon. 1. 4. & Themaniticæ, *ab Austro*, Zach. 9. 14. quem & Poëtæ dixerunt *fulmine pollentem*, Esa. 21. 1. Job. 9. 9. & 37. 9. Habac. 3. 4. Inter ventos maximè nocens, qui & *urens* vulgato Interpp. כַּדִּים *Kadim* Hebræis, propriè *Orientalis*, *Ventus Domini*, id est, magnus & vehemens, noto Hebræis חַרִּישִׁית *Charissith silens*; καύουσα vocant LXX. Ose. 13. 15. Jon. 4. 8. Jerem. 4. 11. cap. 18. 17. Ezech. 17. 10. Job. 27. 21. Eurus itaque est, qui vel *Charischit silens*, subtilissimus, vel *Azza fortis*, cum fragore, Exod. 14. 21. uterque spiritum igneum secum ferens: unde & à Phycis cholæræ comparatur. Verum hæc obiter, quæ in Meteorologiâ pluribus essent deducenda.

8. Ad *vim silentem* ergò hic Ventus spectat, ipsumque nomen ab Hebræis. Eodem alia referenda, ut i. *Hazzlazal*, Deut. 28. 40. ubi Vulgatus: *Omnes arbores tuas, & fruges terræ tuæ rubigo absument*: LXX. ὁ ἐρυσσὶς. Tremellius, *sideratio*. D. Lutherus, *das Ungezieffer*: Sic Rabbini *locustas* interpretantur, ex vocabuli radice, quod cœlum

quasi nube obumbrent. Favet huic Subjectum prædicatum. Nam neq; rubigo arbores absumit nec fideratio propriè fruges terræ; pestes istæ utrasque. Itaq; *Hazzlazal*, ad vim silentem cœli non pertinebit. Adde, quod *Zal* Thalmudicis crepitum aut sonitum significat; qualem edunt *Zelzelin*, crepitacula, labia trementia, & locustæ, quando agros depascunt, Habac. 3. 16. Joël. 2. 5. ubi Cyrillus & in Comm. meo ante hos annos 23.

9. Spectat potius huc 2. *Ferakon*, *flavedo*, *aurigo*, *æruugo*, *rubigo*, à colore pallescente. Græci *ἡλκιστον*, dicunt & *ἡλκίαν*, *ἡλκίαν*, D. Lutherus Brand: Korn / Deut. 28. 22. 1. Reg. 8. 37. Amos. 4. 9. Hagg. 2. 18. & non multum differens *ros matutinus* viscosus, in æstu, *Meelthau* / qui à Sole mox absumptus, plantas quasi farinâ conspersas adurit, Esa. 18. 4. ex versione vernaculâ Lutheri. & Ose. 6. 4. de quo in S. Analect. Volum. 2. ut & Ose. 13. 3. Jungitur huic malo 3. *Schiddaphon* II. cit. Vulgatus modò *aërem corruptum*, modò *æruginem*, modò *ventum arentem* vertit: Græci *ἀνιμιοφθορία*, *πύρωσις*, *ἐμπυρρυσμὸν*: Tremellius, *urentem*, Lutherus, *Dürre*. Et eodem pertinet *ἀσποβολισμὸς*, *σφακελισμὸς*, *fideratio*, quando maligno, ut ajunt, fidere percussæ radices nigrescunt, ut Ose. 9. 16. De his, ut dixi, accuratius agendum in S. Meteorologicis.

10. Superfunt calamitates à *brutis*, avibus, insectis, hominibus, & malis Dæmonibus, quam Theophrastus vocat, *τὴν ἐκ τῶν Δαίμονων αἰτίαν*. Nota lex Romana XII. Tabb. de iis, qui *fruges excantassent*, *pelliciundo* avertissent, Plin. 28. cap. 2. & ibid.

z ibid. Dalechamp. De insectis multa dixi ad
oël. capp. 1. & 2. Sæpe etiam *sturnus*, --- *grau-*
ulus *veraptor*

aut cornix anas, aut aquosus anser,

aut corvus nocuit siticulofus,

ut in Priapejs. Exempla horum passim in S. Li-
beris, ut Exod. 10. 12. Joël. 1. 4. 6. c. 2. 25. Job. 1.
10. 16. Psal. 80. 13. 14. Cant. 2. 15. Esa. 27. 12. 13.
Jerem. 6. 3. &c.

II. *Remedia* præscribunt Geoponici varia:
Magica & superstitiosa multa, Expiationes, Aver-
runcationes, sacrificia, preces, festa, de quibus
Cato de Re Rust. capp. 139. & 141. Plin. 18.
cap. 28. & seqq. Palladius 1. cap. 35. & recentio-
res Mizoldus de Secretis Hort. Porta lib. 10.
Villæ, capp. 7. & seqq.

Hinc mala rubigo, virides ne torreat herbas,

Sanguine lactentis catuli placatur & extis.

Hecatz hoc sacrum fuit, id est, Lunæ triformi, à
quâ ista pestis. Sacrificii canini mentio fit
Esa. 66. 3.

Hinc caput Arcadici nudum cate fertur aselli

Tyrrhenus fixisse Tages in limite ruris.

Quis ille Tages, haruspicinæ auctor, docebit vel
solus Cicero, 2. de Divinat. De cultu asinorum
solus Natal. Comes, & in S. Analect. Volum. 1.
pag. 325. Judæos quoq; caput asini aureum co-
luisse, mentitus fuit Appion. Palladius l. c. *Item*
equa calvaria, sed non virginis, intra hortum po-
nenda, veletiam asina: creduntur enim presentia
suâ fecundare, que spectant. An quia salacia bru-
ta sunt, & ideo Priapo sacra? addit hujus generis

alia Columella, ex quo hæc, & inter alia *Dardaniæ artes* contra erucas, & id genus pestes :

*Fœmina, quæ justis tùm demùm operata juventa
Legibus, obscæno manat pudibunda cruore, &c.
Ter circum areolas, & sepem ducitur horti.*

Quod & ipsum ex Sacris ortum videtur traxisse. Nihil illo sanguine abominabilius Deo, ut in Arboreto docui ad locum Esa. 64. v. 6. Simulavit itaq; DEI simia Diabolus, sibi quoque abominabilem esse; fugariq; cum pestibus à se immixtis posse: vide Plin. l. 28. cap. 7. & ante l. 7. cap. 15.

12. Jam olim Israëlitis sceleratos hos mores affricuerunt vicinæ gentes. Hinc ἀσρολατρεία, cultus *Meléchet*, & *Militia Cælestis*, *Priapi*, &c. *Mensa item Gad & Meni*, Esa. 65. 11. Jerem. 44. 17. Ose. 2. 5. Zephan. 1. 5. & alia. Inde hæret superstitio usque in hanc diem etiam in Ecclesiâ. Vidi ipse vicinum, olim hortulo nostro, omnes arbores onerâsse calvariis & ossibus cadaverum: hunc arborator jusserat adscendere, & talia de ramis suspendere, cum ridiculo carmine, in arborem sterilem: Wilt du nicht Frucht tragen/so frag Schelmen Wein: & ferebat ea, cum bipedem bardumque istum asellum ferret. Neque fungus intellexit, se dicterio isto feriri. Sic olim inter Christianos erant γεφελодиώκται & φυλακτήριοι, anathemate damnati in Concil. Constantinopol. in Trullo, can. 61. & hodiè, qui tempestates, ut ajunt, alloquuntur, die das Wetter ansprechen. Quales illi γαλαζοφυλάκται, apud Senecam 4. Quæst. Nat. cap. 6. Mitto plures *Paganias*,

gantas, ita dictas, diversis Conciliis damnatas nec dum funditus extirpatas. *Cura & industria* optima remedia sunt, vide Luc. 13. 8. Ela. 33. 4. *Pœnitentiam* denique contra ista *θειάτα* suadet S. Scriptura, ut Joël. 1. cap. toto. Plura Cornarius l. 2. de Re Vinitor. cap. 15. Adde Lauremberg. l. 1. capp. 35. & 36.

Atque hæc *de Plantis* ex S. Literis in universum, nunc quidem breviter dicta sunt. Quæ si quis pro copiâ explicatius tradere cupiat, habebit materiam amplissimam, jucundissimam, & tam ad S. Scripturæ illustrationem, quam ad prudentiam Christianam, utilissimam.





LIBER SECUNDUS HERBARIUS.

CAP. I.

Herba definitio, divisio



Herba est planta minor; minusque vivacis naturæ, crescens in superficie terræ, animalium usui, per se apta ad eorum sustentationem.

Differt itaq; ab Arbore, & fruticibus lignosis, arborum nomine comprehensis, proprietatibus: parvitate, vivacitate, situs humilitate, & usus commoditate.

Est autem *discrimen* multiplex: v. gr. *Ratione perfectionis*; aliæ sunt teneræ, nascentes, crescentes; aliæ adultæ & statum perfectum adeptæ. *Ratione quantitatis*; quædam minores & humiliores; quædam proceriores, quæ altiùs surgunt, & aliquando arborelescunt. *Ratione qualitatibus*; differunt figurâ, colore, sapore, odore, facultatibus; hinc aliæ salubres, aliæ noxiæ; aliæ alimentariæ, aliæ medicamentosæ, aliæ coronariæ; Item *ratione causæ*, aliæ naturales absolutè, exq; sativæ, aut insativæ; aliæ artificiales, ubi industria naturam adjuvat: Tum *ratione situs*, agrestes, silvestres, palu-

palustres, hortenses, & id genus. De his libro. I. satis dictum est.

Observationes.

I. *Quodnam sit nomen ζυζυγίς, apud Hebraeos plantarum?* Puto *Zemach*, צמח. Radix vocabuli transitivè & intransitivè significat βλάσκειν, ἀνα-
τελλειν. Ita de gramine, de frumento, de arboribus usurpatur, Gen. 41. 6. Exod. 10. 5. Psal. 65. 11. & 104. 14. Convenit Latinum *Germen*, quali *gemi-*
men dictum: nam & *hortorum* & *frondium ger-*
mina apud Plinium leguntur, & apud Virgilium:

--- alienâ ex arbore germen.

Sic DEUS coelesti igne perdidisse *Zemach baada-*
mach germen terra, & contra *germini benedicere*
legitur, Gen. 19. 25. Psal. 65. 11. De singulari male-
dictione locus est Holo. 8. v. 7. *Culmus stans, non*
ei germen: non faciet farinam. Sensus est, quam-
vis seges in culmum excreverit jam stantem, ta-
men non inerit arista: & si erit, tamen inane ca-
rebit farinâ. Hieronymus: *Qui seminant ἀν-*
μόβορα, à vento corrupta semina, qua medullam
non habent, quam Græci ἰννεῖωρα vocant, inania
vacuâq; recipiunt, ex LXX. sic Rufinus: *Nulla*
cultura respondebit industria: nihil fertilis fir-
mitatisq; remanebit; ut solet in culmo, cujus proce-
ritas, per aliquam aëris injuriam, spica plenitudi-
nem non creaverit.

Metaphoricè, *Christus Zemach germen justum*,
quod Deus se Davidi promittit excitaturum, Jer.
23. 5. & c. 33. 15. *In tempore illo faciam germinare*
Davidi

Davidi Germen Justitia, & faciet judicium, quod rectum est, & *justitiam in terrâ*. Hinc Zacharias: *Ecce adducam servum meum Germen*, qui scilicet *Zemach* jam olim dictus est, cap. 3. 8. & cap. 6. v. 12. *Ecce Vir, Zemach Germen nomen ejus*. Vulgatus: *Ecce Vir, Oriens nomen ejus*, sic LXX. ἀνατολή: sed benè Cyrillus Alex. ibi, in Hebræo esse βλάστημα. Chaldæus: *Ecce vir, cujus nomen Messias*. Confer Esa. 4. 2. & 11. 1. & 45. 8. & 53. 1. Quorum locorum collatio ostendit, sic dici, 1. *propter occultum conceptum*: nam ut ex arbore emortuâ, aut terrâ sitienti, præter opinionem & supra sensum, germen, rore cœlesti ac pluviâ fecundante, repentè erumpit, sic ex domo Davidis succisâ, & sterili Virgine, operante Spiritu Sancto natus est homo Dfi Filius. Quod rectè *Maximum omnium operum & miraculorum Dei*, dixit Leo Rom. *Opus mirabiliter singulare, & singulariter mirabile*! 2. *Propter despectum ortum*: Nam tenero germine quid humilior? frugilior? vide quæ de *Statu Exinanitionis Domini* l. cit. Esaias subtextit, cap. 53. & adde Philipp. 2. 7. Sic Dominus imple cum grano se tritici comparavit, Johann. 12. 24. & *semine sinapi*: quod *minimum in semine, maximum extat in olerè*, ut ait S. Paulinus Epist. 1. ad Amandum, Matth. 13. 31. Jam 3. *propter ingens incrementum*: Nam ex tantillo germine quanta succrevit arbor? quàm patulis diffusa ramis? quàm grata umbrâ? quàm fertilis fructu? de quâ passim in *Arboreto*: vide *Cedrum* ibi, & de *Ficu Indicâ in Acerrâ meâ*. Deniq; 4. *propter mirabilem effectum*. Ideo enim *Zemach*; quia

quia non tantum crescet ipse, sed & *de sub eo crescere* debuit propaginum & stolonum innumera multitudo, ut apud Zachariam est cap. 6. 12. Pulcherrimum emblema, cui picto germine, quod manus è cœlo irriget, adscribi possit: è *minimo maximum*! Fortè *de Sinapi & Ficu* plura dicam, huc spectantia. Nota: Putabant veterum non pauci Zachariam in cantico suo, Luc. 1. v. 78. ad hæc vaticinia allulisse: itaque *cum oriente Sole* Christum compararunt. Sed Prophetas *de Germinibus* locutos manifestissimum est. Sic apud Ezechielem cap. 16. 7. dicit DEUS, *se multiplicasse Israël in multa millia, sicut Zemach, germen agri.* Pergamus.

2 *An Moses rectè plantas dividerit in duo genera, Herbas & Ligna?* Rectius, quam qui in quatuor, ut lib. 1. dixi cap. 2. suprà. Nam *Arbor, frutex & suffrutex*, quod vocabulum primus reperit Gaz, Latinis *εὑχάρον* *cremium* est, ut docet Scaliger Exercit, 139: lignoso constant cortice: *herba* caule, eoq; non omnes, nec perenni. Itaq; & staturâ minores, & vitæ breviores sunt, ut vel quotannis è semine renascantur, vel ex radicibus se propagent, paucis exceptis: cum cætera duro firmata caudice, & tectâ cortice, contra hiemis injurias, etiam in secula perennent. Deniq; *supra terra superficiem* crescere dicuntur Genes. 1. 29. Statim enim à radice folia fundunt, nec adeò altè attolluntur, & radices non agunt profundas. Ita providit DEUS animalium usui; ut quotannis haberent recens pabulum. Nam quò teneriores sunt

sunt herbæ, eò suaviore ferè, ut *fennum cordum*: & quæ in cibum veniunt vel *radices*, ut rapa, vel *caules aut capita* ut brassicæ, intra unam ætatem perficiuntur: alterâ, si supervixerint, semen emittunt, ac insipida fiunt. Sed de usu jam satis libro priore. *Quid inter Desche, Esch, Chazir, & Farak discriminis sit?* ibidem cap. 2. exposui.

3. Metaphoræ & similia ab herbis: Eucherius Lugdun. l. 1. Formul. Spirit. intelligentiæ, cap. 3. *Herba*, inquit, *jucunditas quadam proficientis animæ, in Genesi: producat herbam virentem terræ. Item in malam partem: Manè sicut herba transeat.* Videbimus elegantiora quædam exempla.

Numer. cap. 22. v. 4. *Ita abliguriet, deglutiet hic populus*, Judæorum congregatio, *omnes qui in circuitu nostro, sicut bos פֶּרֶק Jerek virorem. viride olus, agri: vel ut Vulgatus; quomodo bos solet herbam usq; ad radices carpere.* Comparat Moabiticus Rex Populum Israëliticum Bovi pascenti; se verò cum suis *herba tenera*, in agro, aut patente campo, crescenti. Ominatur sibi suisq; *exitium*, 1. *Certissimum*: quid enim obstat bovi famelico, ne carpat tenerum gramen, ubi neq; sepes, neq; tutamen aliud, neque bubulcus, qui arceat? 2. *Crudelissimum.* Sciebat enim domitis à se Gentibus Israëlitas non imponere jugum, sed funditus eas delere: neque parcere magis posse aut solere, ex præcepto DEI, Deuter. 7. v. 2. quàm herbæ. Addunt Origenes Homil. 13. in Numeros, & Augustinus Serm. 93. de Temp. ideò Bo-
vi

ri comparâsse Populum DEI, quòd non tam manu, quàm ore & linguâ, per preces, pugnaret & vinceret; & ideò ad Bileamum confugisse, ut diris hujus devotionibus Israëlitarum preces retunderet. *Scriptum est*: quia sicut vitulus in campis ablingit herbam viridem, ita populus Israël ablinget populum Amalech super terram: *Per quod indicari videtur, quia populus Dei non tam manu & armis, quàm voce pugnabat & linguâ, id est, orationem ad Deum fundebat.* Ergò & tu si vis vincere, audi Apostolum dicentem: *Orationi insistentes & vigilantès in eâ.* Hac est Christiani pugna gloriosissima, non in suis viribus præsumere, sed semper Dei auxilium implorare, ita Augustinus. Pulcherrimum Emblemata de Precum victoriâ: Bos herbam depascens, sub Sole sereno: cuius lemma sit; --- *non ense, sed ore!* vide locum Judith cap. 4. vers. 13. Simus modò Boves DEI, & erunt hostes omnes velut herba & fœnum.

4. *Vanitas & fugacitas vite rerumq; humanarum crebrò per herbas ostenditur.* Quatuor, ut puto, extant ejus rei similitudines, 2. Reg. 19. v. 26. *Erunt, inquit Deus, sicut Esch gramen agri, & Farek Désche, olus herba, & sicut Chazir herba virens, ut fœnum tectorum, & uredine corrupta seges, dùm messis in herbâ est, ad facies culmi, ante stantem culmum, sic Esa. cap. 37. v. 27. Usus ante talibus David: Psalm. 37. 2. Ne succenseas malignis: Quia sicut Chazir, חֲזִיר, gramen fœni velociter succidentur, & sicut Farek Désche olus virens*

virens germinis decident, ac marcescent. Et Psal.
90. 6. homines somnio comparantur; & chazir
gramini, quod manè transit ac mutatur, maturino
tempore floret & transit, vesperi reseratur & are-
scit. Sicut persecutoribus Ecclesiæ comminatur re-
pentinum exitium, Psalm. 129. & 6. Erunt sicut
Chazir gramen tectorum, quod antequam evella-
tur, ehe mian es außraufft/non expectat a evellen-
tis manū, exarescit: Quo messor non implet ma-
num, nec finum, aut ulnas suas, seine Arme/ qui
manipulos colligit: q. d. ita interituros illos im-
pios, ut sterilia & inutilia germina; quæ neque
demeti solent, neque colligi aut asservari. Alia
priorum mors est, de quâ Job. 5. v. 26. & suo loco.
Confer Psal. 92. 8. & 102. 5. 12. & 103. 15. Ho-
minis sicut herba dies ejus, &c. Ela. 40. 6. Matth.
6. v. 30. 1. Petr. 1. 24. Jacob. 1. 10. 11. adde etiam
Job. 8. 12. Habemus hinc materiam variis exco-
gitantis emblematis: ut, ex Psalm. 90. de
vitæ brevitate; pictâ herbâ cum triplici flore, clauso;
aperto, & marcido, delabentibus foliis: Lemma
fit illud Lucretii l. 2. --- brevis est hic fructus
homullis. Item ex Psalm. 129. de Tyrannis; vario
gramine picto supra ædium tectum, quod Solis
æstu marceat & exarescat: Lemma fit --- brevis
etas, rara Senectus. Ex illo Martialis:
Immodicis brevis est ætas, & rara Senectus. Nam:

Ad Generum Cereris sine cade & sanguine pauci
Descendunt Reges, & sicca morte Tyranni.

--- Tolluntur in altum, ut lapsu graviores ruant.

Ergo --- jam non ad culmina rerum injustos cre-
viffe

Te queror, Claudian. in Rufin. Sic Seneca in
ppolyto:

Admotæ atheræ culmina sedibus

Duros excipiunt Notos, &c.

in Agamemn.

Quicquid in altum fortuna tulit

Ruitura levat. Modicis rebus longius ævum est.

ota autem; *Tecta Syrorum* fuisse plana, & apta

solandis frugibus: ubi mulieres lini stipulas fic-

re solebant, in contrarium inter se versis fascium

cuminibus, ut semina in medium caderent, Plin.

19. cap. 1. Ita faciebat Rahab, Josuæ cap. 2.

6. Hinc facile accidebat, ut inter lapidum com-

missuras germinarent: sed cum neq; radices pos-

sint agere, & totâ æstate in Judæâ non plueret,

im miraculo, ut 1. Sam. 12. 16. vide Hieronym.

cap. 4. Amosi & Cornel. à Lap. in c. 2. Joëlis v. 23.

nequam in culmum excreverent, æstu ene cta

arescebant, nec ad maturitatem veniebant

quam. Ita hostes Ecclesiæ Tyranni nullâ

arâ aut culturâ, sed sponte & casu quodam ex-

sti, cum neque radice nitantur, & de coelo non

rigentur, quantò altius stant, tantò citius con-

cidunt, neque ad frugem perveniunt, elusâ spe,

quam de se præbuerunt, Psalm. 146. vers. 3. 4.

taque *salum vanitatem* eò magis ostendit Da-

vid, quod non campi, sed tectorum sæno compa-

et, quod naturâ & loci conditione citius arescit.

Tales, inquit, sunt hostium insultus, ut qui nec

radicem, nec subsistentiam habeant; & quam-

vis brevi tempore florere videantur, tandem ta-

men invalidi & infirmi deprehendantur, Basi-

lius in Scholiis. *Fœnum tectorum* est herba, qua nascitur in tectis, in solario, in tegulato: in alto videtur, & radicem non habet. Quantò melius humiliter nasceretur, & latius viresceret? modò nascitur altius ad celeriores ariditatem, Augustin. h. l.

Deniq; quia Scriptura locis citatis *fœniseccii* minit, pingi potest falx aut secula, quæ fœniseccii uti solent, præto herbofo & florulento impacta, & inscribi illud: --- *sic transit gloria mundi!* Quod restat, cur totius herbis, aut floribus, res humana assimilentur? expediam in capite de Floribus.

5. Pertinent huc quoq; illæ Metaphoræ & Similitudines, quod 1. Moyses optat, ut Cygnæa ipsius cantio *sic stillet*, & animis auditorum influat, vel ut Chaldaeus habet, *dulcescat*, & ut LXX. *avidè excipiat*, quomodo ros irrigans teneras herbas, & pluvia adultas, Deut. 32. 1. Ita apud Ægyptios *hieroglyphicam* fuit *doctrina*. Nam ut est apud Horum l. 1. Hieroglyph. cap. 37. *doctrinam scriptam*, cælum pingebant rorem fundens. *Doctrina enim* velut ros communiter ad omnes pertingit quidem, sed non omnia corda emollit, quod quædam, vel dura & exsucca germina, humorem non rapiant, & tñs idias φώσως. 2. De piis dicitur, Job. 5. 25. quod *liberi ipsorum at posterius augendi sint*, quasi graminum terra, conf. Pl. 72. 16. Est enim gramen perquam fecundum, longè lateq; serpit, & radices dulces ac geniculatas spargit, unde à gradiendo dictum autumat Fuchsius: terræ decus ac ornamentum, nec facile extirpatur, nisi cum cespitibus tollatur

--- *Turpis sine gramine campus,*
Et sine fronde nemus, & sine prole domus.

CAP. II.

*Herbarum Biblicarum**Nomenclator.*

Herba Biblica sunt vel *escaria*, vel *coronaria*, vel *medicamentosa*, specialiter sic dictæ: ad id; vel & *vestiaria*.

Escariæ, quæ in cibum veniunt, sunt vel *fruges*, vel *olera*.

Frugum duo prima genera: *Frumenta*, ut *tritum*, *hordeum*: & *légumina*, ut *fabæ*, *cicer*, *Plinius* . 18. cap. 7.

Olera vel *radices* cibum præbent, ut *rapum*, *raphanus*; vel *foliis*, ut *lactuca*, & *acetariæ* ejus generis, quarum etiam *caulis* edulis est; vel *fructu*, ut *pepones*, *cucumeres*, &c.

Coronariæ, coronamenta vocat *Cato*, qui in mortis quoque feri jussit, flore, semine, & odoratis olis commendantur.

Medica, etsi omnes sint, tamen specialius, quæ erè nullum alium præbent usum homini, nisi in medicinis: ut sunt *palustres & aquatica*, *junci*, *cañices*, *ulvæ*, *algæ*; & quæ magis gaudent *ficcioribus locis*, *absinthia*, *urticæ*, *lappæ*, &c.

Vestiaria sunt *linum*, *cannabis*. Alii aliter dividunt.

Observationes.

1. Ut in conspectu sint, præcipuarum exhibeo catalogum, ordine Alphabetico digestum, annotatis quibusdam S. Scripturæ Locis.

1. *Agmon* אגמון, *juncus*, ab *Agam*. stagno dictus, ubi crescit, Job. 40. vers. 21. Esa. 9. v. 14. cap. 19. 15.

2. *Achu* אחו, *ulva*, carectum, pabulum jumentorum, Genes. 41. 2. Job. 8. 11. LXX, habent, ὄχθιν, ἀέπυρον, βύτομον.

3. *Azob*, ὕσσωπον, *Hyssopus*, Exod. 12. v. 22. Ps. 51. 9. Joh. 19. 29. Hebr. 9. 19.

4. *Bascha*, באשה, *lolium*, vel herba foetida; alii spinam vertunt. Nomen habet à באש *baasch*, foetuit, Job. 31. 40.

5. *Bad*, בר, *linum* & linteum, sacerdotibus peculiare gestamen, Bad / Leimwad / q. d. solitarium, singulare, Levit. 6. 10. 2. Sam. cap. 6. 14. Ezech. 9. v. 2. 11. Dan. 12. 6. 7.

6. *Buz*, בז, *Byssus*, 1. Paralip. 4. 21. & 13. 27. 2. Paralip. 2. 14. Esther. 1. v. 6. cap. 8. v. 15. Exod. 26. 1. Luc. 16. 19. &c.

7. *Bättich*, Abattichin, *Melones*, *Pepones*, Num. 11. 5. ubi alia olera: Kürbiß / Psoben / Lauch / Zwiebel / und Knoblauch / אבטחין.

8. *Bazal*, בצל, *Zwiebel* / per ὑστάθιον, *cape*, *capula*, ibid.

9. *Borith*, בריח, *herba fullonum*, *Saponaria*, Jerem. 2. 2. Mal. 3. 3.

10. *Gad*, גד, *Coriandrum*, Exod. 16. 31. Numer. 11. 7.

11. *Gome*, גומא, *Scirpus*, à *Gimme*, hauriendo, quod aquam sorbeat, & in palustribus crescat, Exod. 2. 3. Job. 8. 11. Esa. 18. 2. cap. 35. 7.

12. *Dudaim*, דודאים, *Mandragora*, violæ, Gen. 30. 14.

13. *Dóchan*, דָּחָן, *miltum*, Ezech. 4. 9.

14. *Dardar*, דָּרְדָר, *carduus*, tribulus, lappa, Gen. 3. 19. Ose. 10. 8.

15. *Zeroim*, זֵרַעִים, *legumina*, Zera semen, Dan. 1. 12. 16.

16. *Chabazélet*, חַבְצֵלֶת, *Rosa*, aut *lilium*, Cant. 2. 1. Esa. 35. 1.

17. *Chitta*, Chinta, חִטָּה, *trititum*, Gen. 30. 14. Ezech. 4. 9.

18. *Chazir*, gramen, *Porrum*, Numer. 11. 5. חֲצִיר.

19. *Charul*, חָרוֹל, *urtica*, Prov. 24. 31. Job. 30. 7. Zeph. 2. 9.

20. *Farak*, יָרֵק, *olus*, quicquid viride terra excreat; sæpissimè.

21. *Cüßemet*, כִּסְמֵת, *spelta*, Zea, Exod. 9. 32. Esa. 28. 25. &c. 'אֲלֻעָא, vicia Vulg. Ezech. c. 4. v. 9.

22. *Carmel*, כֶּרְמֶל, *spica virens*, Levit. 2. 14. cap. 23. 14. 2. Reg. 4. 42.

23. *Lanaab*, ablinthium, Deut. 29. 18. Prov. 5. 4. Jerem. 9. 15. cap. 23. 15. Thren. 3. 5. 7. Amos. 5. 7. לַעֲנָה.

24. *Malucha*, מַלּוּחַ, *matua*, halimus, salsi saporis herba, Job. 30. 4.

25. *Merorim*, מֵרֹרִים, *lactuca* agrestes, herbæ amaræ, Exod. 12. 8. Num. 9. 11. Job. 9. 18. לַעֲנָה ablinthium jungitur, Thren. 3. 15.

26. *Suph*, סוּף, *alga*, juncus, Exod. 2. 3. 5. Jon. 1. 2. 6. & alias sæpè.

27. *Arœr*, ערוער, *Myrica*, herba neglecta, Jerem. 17. 6. & 48. 6.

28. *Abadafsch*, ערש, *Lentis*, pisum, Genes. 25. 34. 2. Sam. 17. 28. ubi plurae ejus generis, 2. Sam. 23. 11. Ezech. 4. 9.

29. *Pol, faba*, ervum, apud Ezech. & 1. Sam. 17. loc. cit. פול

30. *Pischa*, linum, Josue, 2. 6. Ose. 2. 5. 9. & sæpè. פשהה

31. *Kana*, קנה, *Canna*, calamus, arundo, Esa. 42. 3. & 19. 6. &c.

32. *Kikajon*, קיקיון, *Ricinus*, Jonæ, 4. 6. Hedera, 2. Macc. 6. 7. & 3. cap. 2. 21.

33. *Kumofsch*, קימוש, *Carduus*, Chamæleon. Esa. 34. 13. Holo. 9. 16. Prov. 24. v. 13. paliurum quidam vertunt: vide Choach, in Arboreto.

34. *Kezach*, קצח, *Gith*, nigella, μελανθιον, jungitur Cymino. Wiesen und Rümml / Esa. 28. 27. ter legitur: כסם Cammon, Cyminum.

35. *Kissuëm*, קישוים, σίκυοι, per μετάθεσιν, cucumeres, *Mukscha*, cucumerarium, Num. 11. 5. Esa. 1. 8. huc pertinet.

36. *Paka*, in plur. פקעים, *colocynthis*, fungus, 1. Reg. 6. 18. & cap. 7. 24. foemin. Pakuoe 2. Reg. 4. 39.

37. *Schium*, שום, *allium*, Num. 11. 5. σκόροδο.

38. *Scheora*, שערה, *bordeum*, Exod. 9. v. 31. Deut. 8. 8. & aliàs sæpè.

39. *Schesch*,

39. *Schesch* שש, *byssus*, & marmor candidissimum, Gen. 41. v. 42. Exod. 25. 4. Prov. 31. 19.

40. *Schoschan* שושן, *lilium*, quasi flos byssinus, ut sex folia habens, 1. Reg. 7. 22. *Sofanna*, fusa, Cant. 2. 2. & שפè.

41. *Thekélet*, *hyacinthus*, תכלת, Exod. 25. 4. Jerem. 10. v. 9. &c. Hæ ferè sunt herbæ ex V. Testam. si quæ omittæ, suis fortè locis apparebunt.

2. His addi possunt partes peculiares, ut in genere frumentorum sunt, אביב, *Abib*, *arista*: גבשור, *Gibbeol*, *culmus*, *caulis*; מוז, *Moz*, *gluma*, Psalm. 1. 4. Esa. 29. 5. *Melilot*, מלילות, *spica*, Deut. 23. v. 25. *Ziklon*, *folliculus*, *gluma*, 2. Reg. 4. 42. *Kama*, קמה, *seges stans*, Exod. 22. 6. Judic. 15. 5. &c. *Kasch*, קש, *stipula*, *stramen*, Exod. 5. v. 12. *Schibalel*, שבלל, *spica tenuis*, Genes. 41. 5. Job. 24. 24. vide Psalm. 69. 3. 16. *Theben*, תבן, *palea*, Gen. 24. 25. Job. 21. 18. Esa. 25. 10. *Neoret*, נערך, *stupa lini*, Judic. 16. 9. Esa. 1. 31. Item *Florum & Spinarum* nomina varia, de quibus deinceps, & multa in Arboreto.

3. Accedunt è Novo Testamento. *Anethum*, *Mentha*, *Ruta*, *Sinapi*, *Zizania*. Aromatica reservo in suum locum. Ac de his agam non eo ordine, quo hic exhibui, sed quo ad explicanda.

S. Scripturæ dicta videbitur aptius: ne simul posita uno loco divellantur, aut idem locus sæpiùs repetendus sit.

CAP. III.

Frumenta & Legumina.

1. **P**roposueram de his eâdem diligentia agere, quam in *Arboreto* adhibui. Verum cum alia atq; alia interpellent negotia, neque vel respirare sinant, vel sperare finem; quæ in promptu sunt dabo; reliqua aliorum relicturus industriæ.

Incipiam à *frugibus*, quæ generali nomine פרי *Peri*, dicuntur *fructus*: epitheto discernuntur, sunt enim alii *Peri haëz fructus arboris*, Exod. 10. 15. alii *Peri Haadama fructus Terra*, Gen. 4. 3. &c. Huc pertinent fruges, תנובת שרי *tnubhot Sadai*, proventus agri, Deuter. 32. 13. quæ & אוכל *Ochel*, *cibus agri*, Gen. 41. 48.

2. Frugum duo sunt genera: *Frumenta & legumina*, Plin. 18. cap. 7. Frumentum דגן *Dagan*, dicitur: cujus quinq; sunt species: duæ videlicet *tritici* Chitta, & *Cussemet*: & tres *hordei*. *Sheora*, *hordeum*; *Schibolet* שועל *Ichual*, *Spica vulpis*, seu *panicum*; & שיפון *Schiphon*, *avena*, σιμόνιον, aliàs βρώμη, aliis *secale*, *Kocken* / *Schindler*. & *Buxtorff*. in *Thalm. Lex.* A *Dagon* nomen est *Dagonis* Idoli. Sic appellabatur ὁ ζεὺς ἀγροτεῖα, Σιτῶν, *Jupiter agricultura præses*, datorq; frugum, de quo Philo Byblius apud Euseb. de *Præparat.* & præter alios *Seldenus* de *Dys Syris Syntagm.* 2.

3. Est & aliud frumenti nomen בר *Bar*, sed jam expurgati, puri, & ad vescendum apti. Hinc

Far

Far Latinorum, ut & purus, & verba, purgare, purificare; quin & βρώστω, unde βρώμα, βρώμας, & voro. Itaque & Hebræi alii *Bar*, à purgando, *Barar*; alii à comedendo, *Barà*, derivant, ut Avenarius. Hinc elegans Proverbium: מה לתבן את-הבר *Ma-lattheben et-h-habbar*.

Quid palea cum tritico? Jerem. 23. v. 28. Ubi frumento electo comparatur verbum Dei; paleæ somnia Pseudoprophetarum. *Quid sibi volunt hereticorum palea, ad triticum Ecclesia?* Hieronym. h. l. ubi pluribus docet paleis comparari perversam doctrinam, 1. quod sint inanes, 2. non habeant medullam, 3. non possint nutrire credentium populos, 4. ventis dispergendæ, & ignibus urendæ relinquantur, ex Matth. 3. 12. Triticum Dei λογικὴν τροφήν est, paleæ λόγῳ διάνειον καὶ τροφίμῳ ἀλόγων, Origen. in Catenâ h. l. Paleæ τροφή πυρὸς: triticum ἀνθρώπων ζωτικὴν χαρίζεται δύναμιν, Olympiodorus ibid.

4. A *Bar* farre est *Berià*, ἢ *Baroth*, pulmentum, farreum, cibus, edulium; unde Germanica *Brey* & *Brod* / 2. Sam. 13. v. 5. 7. Psalm. 69. 22. Thren. 4. 10. *Berià* delicatum aliquod, & ægrotis idoneum edulium fuisse, indicat historia Thamaris, 2. Sam. 13. quæ & Regias Virgineas docet coquinarias artes didicisse. Inter cibos ut *antiquissima puls*, ita simplicissima: etiam in sacris ideo adhibita: quæ & alia paucis docui in Atrio c. 33. & 34. Proximæ, apparatus majoris, *placenta*, ut quæ ἐγκυφία, *subcineritia* dicuntur, quarum pistricem nobis ostendit Moyses Saram, Gen. 18. Verum

rùm hæc & id genus novum Thema parient Studioſis Bibliſis, καὶ ἰδεσμάτων, aut de arte Magica Sacra: quam innumeris locis S. Literæ attingunt.

5. *Legumina*, Dan. I. v. 12. זרעים, *Zeroim*, & v. 16. זרונים *Zeronim* dicuntur, *semina*: hoc enim manent, cum in cibos veniunt. *Quare Daniel cum sociis abstinerit cibis Regiis, contentus leguminibus?* Varias affert causas Cornel. à Lap. quæ ad unam referuntur, ab ipso Daniele indicatam: *ne pollueretur*: erant enim cibi illi polluti, 1. Quia immundi plerunque, contra legem Levit. 11. passim. 2. Quia, *Idolis antè libati* & oblati, Ezech. 16. 19. itaq; religioſè abſtinebant à profanâ menſâ, & ab ἰδωλοθύτοις, tam Judæi olim, quàm & poſtea Chriſtiani, Gen. 43. 32. 2. Macc. 6. 18. Oſe. 4. 15. 18. Joh. 4. 9. Act. 11. 3. & 10. 14. &c. De his libationibus, & primitiis ciborum Djs datis, diligenter egit Stukius Conviv. Antiq. l. 2. cap. 37. Eſt & alia pollutio per accidens: orta tamen non tam ex ciborum genere, quàm ex uſu immoderato, Rom. 13. ult. Non enim ſolæ Regum dapes & lautitiæ mentem polluunt; verùm gula omnis & ſagina

6. Clemens Alexandr. l. 2. Pædag. cap. 1. *Antiphanes*, inquit, *Delius Medicus unam imprimis morborum cauſſam cenſuit eſſe*, τὸν ἰδεσμάτων τὴν πολυειδίαν. *Contra, qui ἐντελεσάτοις ὕμνουν, non tantum robuſtiſſimi, ſaniſſimi, generoſiſſimi evadunt, ut ſervi præ dominis, & coloni præ poſſeſſoribus prædiorum; ſed etiam φρονιμώτεροι, ut Philoſophὲς divitiibus, &c.* Itaq; prudenter hanc ſibi abſtinentiam

tiam indixerunt Daniel ejusq; focii. Sed & piè ;
*Nam alienis legibus vivere coacti, patriam pietatem tueri accurate studebant : videbant Babylo-
 nios obsonia sua idolorum invocatione inquinare, & vinum libationibus pollucere, Theodoretus h. l. Non temeritatis, sed fidei est, ob quam regias dapes contempserunt, Hieronym. ibid.*

7. Sed cur leguminibus tamen folis, uti maluerint, nondum ex his patet. Autumat Genebrardus apud Stukium l. 2. cap. 8. religionis causa ; quod legumina non offerrentur idolis, ut nec olera. Verum hoc falsum est. 1. Quia Græci in pompis Deorum, & dedicationibus ἀγαλμάτων, legumina primum offerebant, quæ cocta in ollis capite gestabant mulieres ; hoc sacro χαιρήσια sua inchoabant, gratias agentes pro primo mortaliū victu, ut ex Aristophano & ejus Scholiastâ ib. Stukius, p. 167. Sic Ægyptii Harpocrati suo legumina offerebant mente Mesori, dicentes : *Εσθγυα ἐστὶν ὁ θεὸς, ἡ γλῶσσαις ὁ θεὸς*, Plutarch. de Iside & Osir. Nota sunt Atheniensium πρᾶνέσια, apud Suidam & Hesychium : sunt autem πρᾶνοι, κύαμοι, καὶ πᾶν ὅσπερ οἷον. Sic Calenda Junia, Romanis Fabaria dicta, Sacrae Carnes ; cujus in tutelâ credebantur esse cor, jecur, & reliqua viscera, eiq; sacra fiebant pulte fabaceâ, & larido : Lil. Gyrard. Syntagm. Deor. 1. p. 43. Sed & 2. Olera quædam Adonidi Sacra offerebantur, Theocritus Idyll. 15. & laribus supplicabatur thusculo, atq; olusculo : mortuisque, sive inferis, dicata erant legumina quædam, lactucæ, & aliâ, Kirchmann. de Funer. l. 4. cap. 7.

8. Leguminum usus antiquissimus & frugalissimus fuit, in populo DEI, & alibi. Stoicorum decretum fuit; *Sapientem omnia recte agere, etiam prudenter coquere lenticulam*: unde Proverbium: *Zenonius est condire lentem*. Eam *Ulyssis Sororem* aliqui dixerunt, & *Orestem* sorbitione ejus ab infantiâ convaluisse, apud Athenæum l. 4. *Lenticularum edulio*, ruto, quod coxerat Jacob, *primogenita sua vendidit Esau*, Gen. 25. 34. Davidi profugo afferuntur inter alia quasi Xenia, *Chitrim*, frumentum, *Waihen*; & *Sheorim*, hordea, *Gersten*; & *Kémach*, farina, *Mehl*; & *Kali*, tostum, polenta, *ἀλευρον*, D. Luther. Sengen; & *Pol*, faba, *κίανον*, Bonen; & *Adaschim*, lentes, *Linsen*; & *Kali*, frixum Cicer. Vulp. Grûß; Luther. 2. Sam. 17. v. 18. Ager refertus lentibus legitur ibid. cap. 23. v. 11. Ex tritico, hordeo, fabâ, lentibus, & milio, *Dochau* dicto, atque *Cussemim*, speltâ, panem conficere sibi jubetur Ezechiel, 4. vers. 9. Ex quibus quàm frequens in Judæa leguminum fuerit usus in cibis satis apparet. Panis, ex miscellâ istiusmodi seminum farragine confectus, summæ egestatis index fuit, ut & hodie est. *Jubetur itaq; Propheta famem futuram & inopiam populi Israël opere demonstrare. In rerum omnium penuriâ non quaruntur ciborum diversitates & delicia; sed quomodo venter impleatur*, Hieronym. in Ezech. De tali panis genere Bruyerin. de Re Cibar. l. 6. cap. 9. pag. 419.

9. Hinc vera apparet caussa, *cur solis leguminibus* ali voluerint Daniel & socii ejus? Sed quo genere?

genere? Resp. Omni. Nam Zeronim nomen ζερων est, semina quæq; significans, quæ Hebræi distinguunt in thebua proventus, & Kitonith parva, sic vocant legumina, & Ghina hortensia, ex Majemon. Buxtorff. Isiaci sacerdotes ita abhorrebant, ab extrementorum naturâ, ut non legumina modò plerâq; averfarentur, & carnes ovillâs ac suillas, quæ multum supervacaneî gignant; sed & salem cibis detraherent, quò tempore purè casteq; vivere studerent, quod sitim & edendi appetitum excitet, Plutarch. de Iside & Osir. Idem in Quæst. Rom. 95. inquit; Cur castimoniam servantibus leguminû usu fuerit interdictum? Quia, inquit inter alia, flatus generant, & ad rem Venerem instigant, &c. Eâ tortè de causâ condimentis quibusdam apposis coqui solebant, ut noxa tolleretur, ut docet Bruyerinus l. 7. cit. passim. Talia erant cæpe, apium, latureia, pulegium. Taurus Philosophus in ollâ lentis Ægyptiæ cucurbitas minutim concisas edebat cœnâ frugaliore. Heraclidi Tarentino ex betâ & lente, naturis pugnantibus, edulium dicebatur σευτλοφακή. Zeno duodecimam coriandri partem lenticulæ injici præcepit. AGellius, Athenæus, &c. Spes tamen omnis Danieli fuit, non in Coquinariâ arte, quâ leguminum crimina caverentur, sed in DEO.

10. Potuit & alia esse causâ hujus usus: quod legumina lugentibus in cibis essent frequentia. Hanc ob causâ fingunt Hebræi, *Jacobum lentes coxisse, in funebri luctu Abrahami.* Mos hodiè quoq; durat, ut hoc solo cibo utantur aliquando in domo funestâ; quod homines reddat aquanimi-
mes:

mes : unde *lentum & lentitudinem* dici quidam volunt, vide hæc & alia apud Stuk. l. 1. Conviv. cap. 25. Buxtorff. in Synagogâ cap. 25. Conveniebat itaque cibus hic captivis patriæ funera lugentibus. Alia fortè suis locis.

II. Dicendum non nihil *de singulis speciebus*, & primò quidem Leguminum, ut pertexam hanc telam. Historiam Frugum, frumentorum scil. & leguminum, seorsim scripsit Dodonæus; postea Pemptade IV. persecutus est: Alios taceo, nec uti hic opus est, nisi ubi sacra attingunt. Sed & apud Hebræos variæ leguminû species leguntur, apud Buxtorff. in Thalmud. Lex, verum nos intra orbitam maneamus. In indiculo nostro sunt *Doshan, Hadasch, Pol.*

Dochan semel legitur, Ezech. 4: 9. omnes *milium* interpretantur, ut notat Marinus, κείνον, Hirsén. Radix *Dachan*, cum *chet* punctato, apud Arabes significat *sumum fecit*. Columella modò inter legumina, modò inter frumenta retulit. *In panes venit, frugum inopiâ: sunt tamen exigui alimenti & refrigerantis: lacte coctum & suavius fit & salubrius.* Galenus de Aliment. Facult. Nomen Latinum Festo autore habet à *summâ miliarâ*: tantæ fertilitatis, ut ex uno grano terni nasci soleant sextarii. Durat annos plus centum, si condatur, quo venti non perveniunt. Si densius seratur, novam trahit: quando vix jugerum recipiat, quantum plena manus concinet. Panes & placentæ, si antequàm refrigerant, comedantur, non ingrata palato. Famis remedium maximum, quia contra omnes tempestates & aëris malignitates

ates resistit, nulloq; deficit tempore, quanquam
 cæterarum frugum sterilitas invalescat, hæc &
 alia plura *Brucherinus l. 5. cap. 18. & Villa Baptista*
Porta, l. 11. cap. 33. Qui & plerisque Gentibus in
 usu esse docent, Symbolum potest præbere do-
 ctrinæ Catechetiæ. Præcepta debent esse pau-
 ca velut semina, Sen. Epist. 38. *Manu serenda, non*
hyloco, juxta Proverb. Barbarum est equino lacte
 aut sanguine coquere, quod Sarmatæ faciebant
 olim apud Plinium: Sic *lac gypso miscent* hæretici,
 ap. Irenæum. Qui nimis subtiliter tractant, verè
milium terebrant, ut dicitur, & *torno sculpunt*.

12. Hadâsch quater legitur, locis citatis
 num. 8. *Lentem* significat, ut cognatas species non
 excludat, Schindler. *Esau* dum ἐφύμα & αὐτὸν præ-
 tulit primogenituræ, *floccipendit partem futuri*
seculi, & *negavit resurrectionem mortuorum*,
 Thargum Genes. 25. Vigilius contra Eutychen
 l. 3. observat, *Jacob populi gentium & Esau Ju-*
daorum fuisse figuram. Hic igitur *edax & sa-*
ciens, per cocturam, passionem scilicet Christi san-
 guine rubricatam, primatum, quem habuit, ven-
 didit & perdidit, Prosper. p. 1. Promiss. cap. 20.
 Qui terrenas voluptates sectantur hos olim Ter-
 tullianus de Jejuniis cap. 17. *Sapere Esau Venato-*
rem ferarum ait: Si tibi, inquit, *lenticulam defru-*
cto irrusatam obtulero, statim totos primatus tuos
 vendes: *apud te agape in caccabis fervet, fides in*
culinis calet, spes in ferculis jacet. Quem alloqua-
 tur, patet. Ubi verbo expedita quæstio: *Cur*
lenticulis edulium rufum dixerit Esau? nimirum quod
defructo fuerit cœtum. Alii condimento colo-
 rem

rem hunc habuisse putant, croco fortè adperso, ut apud Corn. à Lap. At ut lentis quoddam genus majus est album; ita & minus, subrosum aut luteum nobis frequens, ut pulmentum ex eo per se rubeat: In *Egypto* adèò usitatum, ut à teneris et pueri nutriantur, totaq; *Alexandria* sit canivora πλῆρης, tabernis institorum lenticularum plena. Athenæus l. 4. Unde & Poëta *Pelusiacam* appellat lentem, non quod ibi genus hoc leguminis vel maximè nascatur; sed quod è *Thebaide* & omni *Egypto*, per rivum *Nili*, illuc plurimam deferatur, Hieron. in cap. 30. Ezechiel. Martialis:

Accipe *Niliacam*, *Pelusia* munera, lentem.

Elegantèr quoque Hieronymus in cap. 4. Ezech. Quod *Jadaiens* populus, post offensam Dei, usq; bodie subcineritios panes comedit, mixtos frumento, hordeo, fabâ, lente, milio & avenâ: quorum alter hominum, alter jumentorum cibus est. In eo enim, quod videntur, (Nota, videntur) in unum Deum credere, habent aliquid & frumenti: quod autem filium negant, hordeo jumentorum pascuntur & fabis, quibus comedentium venter inflatur, & mens opprimi dicitur: in tantum, ut Pythagoricis quoq; cibus detestabilis sit. Propter lentem *Esau* primogenita perdidit. Milium rusticorum & altium cibus est. Avenâ, sive *Viciâ*, & *Olyrà*, bruta pascuntur animalia &c.

13. Pol, faba his reperitur locis citatis num. 8. cum epitheto dicitur *Hammizri*, *Ægyptia*. Porro fabulam veterum, non esse quam vulgò Germani vocamus *Bonam*; sed aliud planè leguminis genus, pluribus disputat Dodonæus. Notat au-

tem,

em priscis autoribus, 1. fructum habere parvum, rotundum, numerosum, cum scapus aliquando inventus sit centum fabis onustus: 2. Colore aliam esse candidam, aliam nigram, & illam sapore dulciori. 3. Nasci alicubi sua sponte, ut in Oceani septentrionalis insulis, quas Romani *fabarias* appellarint. 4. Dici *Fabam Gracam*, & propriè *πυραυ*. Farinam ejus lomentum, &c. *Ægyptia* & *Colocasia* nascitur. Describit Dioscorides: *Folia habet ampla: caulem cubitalem digiti crassitudine: florem roseum, duplo papaveris ampliorem: uno flore exauritur, fert folliculos vesparum favis similes; in quibus faba, supra operculum, bullantis impullâ modo, prominet. Radix crassior quam vundinis cruda coctave estur.* Frequens olim visse fertur in Nilo, & quibusdam Asiæ Ciliciæq; acubus: at quam plantam hodiè *Ægyptii* & *Arabes Calcas* appellant, *Aro* similis, solâ radice in cibus expetitur, fructumq; fabaceum fert nullum, de quo multa *Alpinus* in *Exotic*, & *Veslingius*, ubi ad vivum depingitur. Neque, quantum invenire potui, usque in hanc diem repertus est, qui fabam *Ægyptiam*, qualem veteres, secuti *Theophrastus*, describunt, reperisse se gloriatus sit. Meminit *Thalmud*, *folia Colocasia inter se complexa poculorum usum prabuissè*, vide *Buxtorff*. Lex. in קולקס *Calcas*, de quo *Plinius* l. 21. cap. 16. Inter *Bona Ægypti*, quorum mentio *Genes. 45. v. 18.* à Rabbiniis imprimis recensetur, גריס *Geris* comminutio fabæ, id est, *faba fresa* aut fracta, *Buxtorff*, ibid. in *Geris*: *quod profit contra ma-*
rorem animi, somnum inducendo. Sic & *faba*

credita hebetare sensus, & insomniâ facere: vnde
 hæc Pythagora sententiâ damnata: vel ut alii tra-
 diderunt, quoniam mortuorum animæ sint in eâ
 quâ de causâ parentando utiq; assumitur, Plini
 l. 18. cap. 12. Romæ quoque Flamini Diali neg-
 tangere, imò ne nominare quidem fas fuit. Sed &
 in Parâsceve festi Expiationis, Sacerdoti Magni
 interdictum fuit fabâ fresâ velci, hæc pluribus
 Buxtorff. Verum cum nec hec, næcalia quæ
 de Fabis dicenda essent, ad S. Literas quid faciant
 h. l. plura addere non est opus. Radix Pul, Ara-
 bicè *fejel*, significat, sparsit, &c. *Apuliam* à Po-
 fabis dictam autumat Benjamin Tudelens. in Iti-
 nerario apud Schindler. Convenit ἡ πύλα in
 plantis, & *pila* Latinorum, quæ & *sparsiva*. Ave-
 narius, *ervum* exponit, seu *erviliam*, de quibus
 non minor inter botanicos lis est; & hinc detri-
 vat nomen *pultis*, ac *pulmenti*. *Polam* Istriæ
 urbem à Colchis, Ægyptiorum colonis, con-
 ditam & ab exilio dictam docet Bochartus
 in Phaleg. l. 4. cap. 31. à radice פלח, *Pala*
 separavit, amovit. Sed de Sacris leguminibus
 satis.

14. Videamus quoque frumenta. Eminet
 Chitta, quod ex Chaldæo *Chinta* ferè omnes
 deducunt, quod tamen in solo plurali uti solent
 Radix est חנא, *chanat*, protrudere fructus, &
 quidem dulces, ac quasi molle saporatos: atque
 inde condire ad sepulturam. Quod tritico ele-
 ganter tribuitur. Arabes *Hanta* vocant. Sic *Hun-
 ta* Chaldaicè, & *Henta* Syriacè, unguentum
 חנא, Joh. 19. 39. Abundabat Judæa Tritico opti-
 mo

mo, unde & *Terra tritici*, Deuter. 8. 8. & *adepts tritici* ejus, Psalm. 81. 17. & 147. 14. quod Tyrii mercatores inde avehebant, Ezech. 27. 17. *Triticum Minnith*, & *Pannag*, de quo quid sit Bochartus in Chanaan cap. 1. *Minnitham* urbem fuisse in confiniis Ammonitarum, non procul à Rabba, ex Judic. 11. v. 33. patet, ut Serarius ibi Quæst. 15. & Adrichom. in Tribu Gad, ex Hieronymo de Loc. Hebr. *Pannag*, alii vertunt Græci *μύσων*, alii *καρίας*; Vulgatus secutus R. Joseph. & alios *balsamum* posuit, &c. Bochartus ex Zohar *panis dulciarii genus quoddam*: Mihi succum illum in Syriâ celebrem, qui Græcis & Latinis *ὀποβάναξ*, sic dici in mentem venit, de quo ex Theophrasto Plinius l. 12. cap. 26. & l. 25. cap. 4. *ipso*, inquit, *nomine omnium morborum remedia promittit*: scil. quod in eo sit *πᾶν ἄνϑρ*, & *Panacea* quædam *Panneg*, aut *Pannek*, potius delicatum quid Syris significat: ut, *Phœnticiam* inde dictam putare, non sit absurdum; etsi Bocharto displiceat. Vide Fuller. Tremell. h. l. & Buxtorff. in Thalmudico Lex. Græci Syriacum vocabulum in *Panace* retinuerunt, etymologiam confinxerunt. Opobalsamo & dignitate & usu proximum est. Pertinet huc, quod de Tributo Ammonitarum legitur, 2. Paralip. 27. 5. Cætera de *Tritico* ad S. Geoponica spectant, nec magnâ difficultate expediuntur. *Serere triticum & metere spinas*, Proverbium est Jerem. 12. 13. Symbolum est Verbi Divini & electorum, Matth. 3. 12. cap. 13. 25. Apocal. 6. 6. &c. Sic Hebræi dicunt apud Buxtorff. in Chitta:

Omnes indigent Domino Tritici, id est, Viro docto & sapiente.

15. Sequitur *Cuslémét*, de quo Hieronymus in cap. 4. Ezech. v. 9. *Pro eo quod in Hebraeo dicitur Cusseim, quam nos viciam interpretati sumus, LXX. & Theodoro posuerunt ὀλβια, quam alii avenam, alii sigalam putant. Aquila autem prima editio, & Symmachus, ῥας sive ῥαυ interpretati sunt; quas nos vel far, vel gentia Italia Pannoniaq; sermone, spicam, speltam, dicimus.* Legitur præterea ad huc duobus locis Exod. 9. 32. De Plagâ grandinis: *Et limam & hordeum percussam est: quia hordeum אביב, abib, viride erat, vel in spicâ, jam germinaverat, hatte geschosset / sic alii aliter, sensu eodem: & limam גבעול, Gibeol, in calamo; Vulgatus, jam folliculos germinarat, hatte Knoden bekommen.* *ut Triticum & Cuslémét, far, spelta, Rotten / ὀλβια, Zea, tot enim modis vertitur, non percussa sunt, quia אפילוס, Aphilos ipsa, obscura adhuc & latentia, id est, Scrotina, spâht Betrânde / Zea in.* *Varia hic quæri possunt: 1. Quæ species non percussa? Resp. Chista, & Cuslémét. De illo dictum jam: de hoc variant. Zea tritico similis est, spica nullis vallatur aristis, granum multis includitur folliculis, Spelt / oder Dünckel-Korn. Olyra, Latinis Arinea. Zea quædam species, Amyli Korn / quod ex eâ fiat amyllum: quidam etiam sigine, quæ tritici species est, confundunt: sic puto apud Hieronymum in Ezech. loc. cit. pro sigalâ legendum esse. Zea Romanorum far fuit, quod*

quod & ador & adorem, ut probat Dodonæus ex Dionytio Halicarnass. & Asclepiade apud Galenum, &c. Quod nos *Korfen* / & generali nomine, *Korn* / vocamus, ut Romani suum far, propter præstantiam, semen, Latinis *secale* & *arrago*, ut apud Plinium: Itali, *segalam* dicunt, unde apud Hieronymum *sigala*. Ex quibus apparet, *Cussémet* rectè verti *speltam*. 2. *Cur hæc species non vastata grandine?* quia adhuc vel latebant sub terrâ, vel vixdum in gramine erant. Quædam enim hoc genere, ut & hodiè, ferebantur ante veris initium, *Commer-Korn* / *Commer-Waisen*. *Triticum Setanum* vocatur, *τέτριτον* & *τρυπός*, *far halicastrum*, *trimestre*, quod tertio mense à satione maturescat, de quo Columella &c. Unde 3. colligendum, *quo tempore hac grandinis plaga acciderit?* Mense Februario putat Cornel. à Lap. &c. In Exod. cap. 7. quæst. 3. sub fin. qui Hebræis *Adar*, anni ultimus. Nam *Nisan* primus, *Novarum frugum* mensis est, Exod. 13. 4. Eaque messis in Judæa inchoabatur, quod h. l. Exod. 9. pluribus demonstrat Bonfrerius, & docui olim in Joëlem cap. 2. &c.

16. *Alter locus est* Esa. 28. v. 24. & seqq. ubi varia semina & tota agriculturæ ratio, paucis illustranda. Totum locum Hieronymus eleganter *παράγωγις* explanat, ut ipse ait. Exscribere longum est. *Semina* sunt 1. *Kezach*, *μελάνθιον*, LXX. *gith*, Vulgatus: alii nigellam, alii viciam, *Wiesen* / habent, 2. *Cammon*, *κύμινον*, *Kummel*. De his postea. 3. *Chitta*, triticum. 4. *Sheora*, hordeum. 5. *Cussémet*, *spelta*, ubi Vulgatus habet

bet vicium, LXX. *קאן*, quod Hieronymus ver-
 tit, far. Addunt post hordeum, *קלר*. milium
 de quo mox. *Ratio cultura* spectat sationem &
 collectionem. 1. *Arat* agricola, ad seminandum
 2. *Aperit*, proscindit, & 3. *occat*, vel ut Vulga-
 tus, sarrit, humum suam. 4. Cum adaquaverit
dispergit, aut inspergit, primo nigellam & Cymi-
 num. Tum, 5. *ponit* triticum, & quidem *קורא*
Shora, principale, præstantissimum, vel in men-
 surâ, in seiner Maasß: Vulgatus, per ordinem
 & 6. *hordeum* *קורא*, Nisman, signatum, unde
קורא; pro quo milium LXX. & Vulgat. posue-
 runt: & hæc quidem *Gebältho*, in termino suo,
 in finibus suis, *juxta varietatem terra & tempe-*
rum: neq; enim omnia simul seminantur, Hiero-
 nymus; ein jegliches/wo ers hin haben will/ an sei-
 nen Ort / Luther. *Sic enim satorem erudit Deus*
naturaliter judicio suo, & docet illum, ut sciat
quam cui sementi culturam adhibeat, Hieron.
 Quo auctore etiam didicit diversam collectionis
 rationem. *Non enim*, cum metendi tempus ad-
 venerit, *gish & cuminum*, quæ infirmiora sunt
 semina, *rotis planstrorum teruntur*; quæ in terra
 similitudinem ferreæ circumaguntur, & trahun-
 tur super demessas segetes: *sed virgâ excutiantur*
& baculo, quæ vulgò flagella dicuntur. *Panis*
autem, id est, fruges, ex quibus panis conficitur
comminui solet, rotis ferreis teritur, & omnisejus
 stipula comminuitur in paleas, quin & postea
 molâ frangitur, wird zu Brod gemahlen / D. Lu-
 ther. *Veruntamen non semper vexatur & teri-*
tur, non trititando tritatur in finem, in per-
petuum

petuum, wird nicht gar zu nicht gedroschen: *nec rota plaustræ cum conterit*, Parascav, *dentibus suis*, ungulis suis, equis suis, *planè comminuit*. Pertinet hic locus ad S. Geoponica. Ἀνάδοσις est in versu ultimo. Miranda est divinæ providentiæ & justitiæ ratio, quâ sapientiam suam glorioso eventumagnificat. Profanæ gentes & reprobi Melanthio & Cymino pulcherrimè comparantur, de quibus suo loco: Electi seminibus frugum optimarum, ex quibus panis conficitur: ubi notanda: 1. *Natura seminum*, Tria sunt, & tres vitæ ordines indicare possunt: laudatur triticum à præstantiâ, & hordeum, quod *signatum* sit, ad seminandum. Lectissima enim semina serenda sunt, ut docet Columella l. 2. cap. 9. eaque in sacculis seorsim, ad sementem servabantur, signatis. Sic quoque bonus colonus, i. Georgic. v. 263.

Es pecori signum, & numeros impressit acervis: distinctionis gratiâ. 2. *Curâ & cultura*. Nam & tempus & locum observare decet. Omnia tempus habent: & --- *non omnis fert omnia tellus*. Sed & officii variæ sunt partes, in arando, occando &c. Aliterque serenda sunt, viliora illa gith & cuminum, quæ manu sparguntur; aliter præstantia ista ad panificium, quæ cum attentione & industriâ ponuntur. 3. *Collectio & triturâ*, quæ quoque longè dispar. Possunt hæc ex Atrio meo illustrari, de Agriculturâ cap. 32. Facile jam est conferre singularem Dei erga suos providentiam; quâ & eligit, quos ipse gratiâ suâ præparavit, eosque signat; in Ecclesiâ,

clefiâ, suo quemque loco, ordine, & tempore, ponit, ut ad messem crescant, fructumque ferant uberrimum : denique quanquam triturâ opus habent, ut à paleis & fœno, ac stramine, separentur tamen custodit, ne pereant, ex iisque panem libi conficit candidissimum, suavissimum; dixi de hi panibus multa Volum. 1. S. Analector. & in Atrio de Panificio cap. 34. vide Matth. 13. v. 23. Eccl. 3. v. 2. Jerem. 4. 3. Matth. 3. 12. Amos 9. 9. &c.

17. Superest Sheôra, hordeum, ejus frequenter mentio : Hebræis dicitur quod *hirsutum* sit, aristarumque quasi pilos surrigat, ut in horrore fieri solet; nec aliundè puto, Latinis. *In corpore pili. aristæ in spicâ hordei, horrent*, Varro l. 5. L. L. Vilius tritico frumentum est, cibus pauperiorum & famelicorum, Rhut. 2. & 3. capp. 2. Reg. 4. v. 42. Ole. 3. 2. Johann. 6. 9. quo & equi pascebantur, 1. Reg. 4. 28. Hinc illud : *Prophanare nomen Dei propter pugillum hordei, & buccellam panis*. Ezech. 13. 19. Pseudoprophetæ sunt *ἰψασπιυβαί*, ventris causâ quidvis facere ac dicere parati. *Frusta panis conduci queunt*, Catonis verbo, *vel uti ta-ceant, veluti loquantur*. Messis hordeacea prima fuit in Judæâ, vide modò num. 15. Rhut. 1. 22. 2. Sam. 21. 9. Serebatur enim in autumno, quibusdam locis, jam præcipiti: ut apud nos ferotinum vere. In Judæâ mense Nono, qui Decembri respondet, nondum satum fuisse ex Haggæo colligere est, cap. 2. v. 19. ubi Hieronym. Franc. Junius tamen eam concionem intra duas sementes, autumnalem & vernalem, habitam ait.

ait. Pro tritico spina, proque hordeo nascatur ægilops! Job. 31.40. Dira imprecatio, de quâ in Bascha deinde. Et hæc quoque de Frumentis dicta sunt.

CAP. IV. De Oleribus.

1. **O**Lus, ab alendo dictum, eò quodâ primum hominis ab oleribus alerentur, antequam fruges & carnes ederent? tantum enim pomis arborum & oleribus alebantur, sicut animalia herbis. Isidorus Etymolog. l. 17. cap. 10. Veteres adspiratè dicebant, *Holus*, quod in eo esset τὸ ἔλον, obsoniorum, Scalig. de Plant. Varro ab *ollâ* derivat, quod in ea coquerentur. Sed alia cruda esicantur, ut acetaria; alia cocta: utraque vel per se sola, vel cum aliis condimentariis: Mihi ab *olendo*, olescendo placet; unde adolescere, & indoles, & alia. Hebræis *Jarak* & *Jerek*, fortè quia ex tertiâ exspuatur, & *spuma* quædam sit virescens. Græcis λάχανον, ἀλαχάνειν, quod est fodere, σκάπειν.

2. Cibus antiquissimus, à Deo hominibus concessus, Genes. 1. 30. & 9. 3. *Melius Aruchas* viaticum, viatoris ferculum, ex *olere*, cum dilectione; quàm bos saginatus, cum odio, Prov. 15. 17.

Si det oluscula, mensa minuscula, pace quietâ;

Ne pete grandia, lautaq; prandia, lite repleta.

Ὁ ἀδυνῶν λάχανα ἐδίς, infirmus, scil. in fide, olera manducat, Rom. 14. 2. Alluditur ad vulgare dictum: *Olera agrotis conveniunt*, Plaut. in Capt.

Act. 1. Scen. 2. In deliciis tamen ea, ut hodiè, sic olim fuerunt. Inde *Hortiolerum*, etiam regibus grati, ut. 1. Reg. 21. v. 2. Quali horto comparatur Ægyptus; Deut. 11. 10. nam etsi Nili inundatione irrigaretur; tamen fossæ passim & *fulci aquarii*, quos *elices* vocant, duci debebant, quibus horti humectarentur; magno cum colonorum labore, & *pede quasi* impresso fossorum, vide h. 1. Bonfrerium. Deficiente humore pallet olus, & pūdefit, languet & emoritur. Inde 2. Reg. 19. v. 26. *pūdesieri, velut germen agri, & olus herba, & gramen tectorum, & percussa vento sementis ante segetem*. Confer Psalm. 37. 2. & Ela. 15. 6. Oleribus victitabant filii Prophetarum, 2. Reg. 4. 39. de qua mox: & quidem agrestibus: memores priscae frugalitatis, primævæ ante lapsum felicitatis, & post lapsum indictæ pœnæ, Genes. 3. 18. Imitati Indorum Brachmanæ, Philostratus l. 3. cap. 8. & Pythagoræi. Ovidius 15. Metamorph.

Prodiga divitias, alimenta q̃q̃ mitia, tellus.

Suggerit, atq̃ epulas sine cade & sanguine præbet.

Plura de his apud Plinium l. 19. cap. 4. Alex. ab Alex. l. 3. Genial. cap. 11. & ibid. Tiräquell. ut Stukium, Bruyerimum, & alios taceam.

3. *Olera cibaria*, nam de condimentariis seorsim dicam, celebria in S. Literis, sunt c. 2. notata. Nos præcipua quædam loca notabimus, & illustrabimus. Num. 11. 5. Israëlitarum deliciarum Ægypti memores recensent quoq̃ species. 1. Kisuim, quod semel legitur h. l. *Cucumeres* interpretantur,

tur, à difficili concoctione; *quod graves sint corpori humano, ut gladii*, Buxtorff. in Thalm. LXX. vocant *oixús*, Luth. Rürbiß. 2. Abattichim, quod & alibi non reperitur; *Pepones*, Pseben. Arabicè *Battich*. Fortè à securitate & salubritate. *Abta* utrem significat ex Corio, quo vinum ferunt. Fieri solebant ex Cucurbitis excavatis lagenæ, dixi in Jonæ cap. 4. de *Kikajon* ex Hieronymo. Sequitur 3. Chazir, gramen, καὶ ἕσυχιν, *porrum*, semel hoc significatu h. l. & 4. Bezalim, *cæpe*, τὰ πένσα καὶ κρόμυα, LXX. Bitheln / in vernaculâ est, linguam acris sapore mordere. Super sunt 5. Haschumim, *allia*, Arabibus & Thalmudicis *thumin*: his *caussa fletus* dicitur: ejus virtutes recensent, *quod exsaturet, calefaciat, splendidam reddat faciem, semen augeat, & vermiculos in intestinis occidat*: addunt, *gignere amorem, & tollere zelotypiam*, apud Buxtorff. Hæc igitur lautitias concupiscunt Israëlita in deserto. *O dura messorum ilia!* Ægyptiis Numina fuerunt in hortis nata. *Porrum & cæpe nefas violare aut frangere morsu*. De quo in S. Analect. Volum. 1. multa. *Cucumis* in Thargum & Thalmude vocatur, *Bozina*. Fortè quia *Bozin* Lucerna, quæ formâ simili intus humore pingui alitur. Quænam gentium cucurbitam pro Deo coluerint, & quare? ex Majemon. de Idololatriâ exponam in Appendice Quæst. Physicar. infra cap. 2. Sunt de *Bozina* ap. Buxtorff. elegantia Thalmudistarum adagia; inter alia hoc: *Vir cucurbitis delectatur, & uxor cucumeribus*: Wo der Mann Haslein bricht/

bricht / so bricht das Weib Krüglein. Cucurbita
ventre tumido foeminae similis; Cucumis oblon-
go, viro. Est tamen cucumis τῶν Ἀφροδισίων ἐφεκτικόν,
Diphylus. Inde Proverb. apud Athenæum;

τὸν σικυῶν τρώγῃσα, γύναι, τὴν χλαῖναν ὕφαινε. |

Vescaris cucumi, mulier, tùm texito lanam.

Sunt enim tetrices in foedam Veneris libidinem
proclives, ut ex Aristotele notat Bapt. Portal. 10.
Villæ cap. 67. ubi de his plura. *Pepones*, ut docet
Gregor. M. Moral. 20. cap. 16. *terrena sunt volu-
ptates: porrum & cape, quæ lacrymas eliciunt, diffi-
cultas vitæ præsentis. Videlicet perversa mentes
manna, hoc est, dulcia per gratiam quietis dona de-
spiciunt, & pro carnalibus voluptatibus, laboriosa
hujus vitæ itinera, etiam lacrymis plena, concupi-
scunt, &c. Cucurbita fatuæ sunt & insipidæ per se:
Cucumeres difficiles concoctu, malo succo im-
plent, febresque pariunt difficiles; Galenus per-
petuò à cibis abdicandos censet. Pepones dulce
venenum, blanda vitæ pestis sunt. Allium, & cæ-
tera caput tentant, sitim somnumque conciliant,
oculos hebetant, foedè olent, ructusque foetidos
cient. De his Botanici passim. Quæ omnia pul-
chrè conveniunt caduca ista mundi bona concu-
piscantibus. Quos meritò jubemus, κρέμματα ἐδίδαν
καὶ οἰμάζαν. Pergamus.*

4. 2. Reg. 4. 39. Egreditur aliquis in agrum ex
agrestibus oleribus collecturus aliquid in cibum.
Ubi vocabula aliquot notatu digna. לָחֶלֶב LXX.
לָחֶלֶב, vel לָחֶלֶב retinuerunt, & interpretati qui-
dam sunt ἀγροειδέα. Sic dicta à lumine, quod
virore suo oculos illustrent, Thalmudici. Qui-
dam

dam *erucas* vertunt, quæ in acetariis gratæ sunt. Herba est Veneris concitatrix, & ideo *salax* dicta: Galli, *Roquette*, & Germani *Kraucken* vocant, ac *weisser Senff*. Nam quidam pro Synapi utuntur, ut ait Dioscorides. Nomen Hebræum accepit à lumine *Orab*; non quod visum acuat, ut apud Stukium l. c. 2. cap. 8. sed quod, ut habet Castor Durante in Herbat.

Et cutis emendet vitia, & lentigine vacillans Emaculet. Verum cibus iste non Prophetarum filiis, sed pigris in Venerem maritis convenientior, ut notat Bruyerinus. Itaque simpliciter viridia olera, *Ferokantin*, ut in Thargum, malim intelligere: ut Esa. 26. 19. *shal oroth*, ros herbarum: *frisch grün Kraut* / herbam viridem manè rotulenti guttis adpersam, quibus quasi stellulis collucet. Talem collecturus ille, invenit 2. *Vitem silvestrem*, non propriè labruscam, sed similem & quasi *vitem*, *Vulgatus*: collegitque ex ea 3. *Pakkuot agri*, *Colocynthidas*. Distinguunt docti inter *Colocynthida*, & *colocyntham silvestrem*, ut Dodonæus l. 2. cap. 26. *Pemt. 3.* Cognatæ tamen sunt, amaræ totæ, fructuque globoso, formæ ovalis: *wilde Kürbsen*. Adeo vehementer alvum purgat, ut & sanguinem eliciat: eadem facultas est *elaterii*, sive succi cucumeris agrestis. Nomen habet Hebræum à rotunditate, unde & *Pekia* glomus, & globus convolutus: *similem pile mediocri*, dixit Dioscorides, & Thargum *ovo*. Hinc *Pekaim*, figuræ colocynthidum, ovales, acuminatæ utrinque, 1. Reg. 6. 18. & cap 7. 24. Confer & Vallesii S. Philof. &c. LXX. vocant *τολὺ*.

πυν ἀγρία, *globum aut glomum agrestem*. Hæc pro Vulgari opinione. Mihi ferè in mentem venit, *Pakkuot* esse acinos vitis silvestris dictæ, quæ *Bryonia* & ἀμπέλῳ ἀγρία, alia λευκή, alia μέλαινα vocatur. Sic videntur accepisse LXX. nostri *Stich. Wurz/ Hunds- Rürbs/ Hunds- Neben/ Teuffels- Rirschen/ &c.* appellant; describit Dodonæus P. 3. l. 3. cap. 10. & 11. & olim Dioscorides l. 4. cap. 176. ac seqq. ubi rationes conjecturæ variæ. 1. Quod viti sarmentis, pampinis, acinis similior est: 2. Quod gustu amaro & ingrato: 3. Quod vim habet purgandi, & stomacho molestiam infert. 4. Quod alparagi cujusdam generis Vere collecti & cocti inter olera recipiuntur: ut veri simile appareat, hujas acinos aut uvas, aut ex foliis compactos globos, *τολύπας*, ab homine isto collectas, rei botanicæ non adeò planè rudi, sed per errorem decepto. Denique 5. inpersâ farinâ facilius tolli crimen potuit, quàm *Colocynthidum*: Si tamen farina naturæ facultate hoc potuit, quod videtur Lemnio & Vallesio. Sed miraculum fuit, ut ex historiâ probat Abulensis, & ex eo Sanctius. *De Lege* verè dixeris: *Mors est in ollâ!* nisi Evangelica farina inspergatur. *Amara sunt vitiosis, & male viventibus, præcepta justitiæ*, ait Lactantius. Spiritus Charitatis ea & grata reddit, & salubria: vide Bernhard. Serm. 65. Parvorum. Doctrinæ profanæ, extra Ecclesiam, q. de Gentium sepibus, collectæ *Collocynthides* sunt, nisi farinâ S. Scripturæ temperentur, &c.

5. Malluach, semel legiur Job. 30. 4. herbam falsi saporis significat. LXX. habent *ἀλιμαί*,
Putq

puto legi debere, ἑλιμα. Est autem *Halimus* frutex sepimentis idoneus, cujus folia coqui solent ciborum gratiâ, Dioscor. l. i. c. 103. Serapion refert, qui in fasciculos manuales compositum circumferant venalem, clamare: *Molochia*, *Molochia*! sic Arabes, ajunt, vocare *Malvam*, vel *Atriplicem*, χυσολάχανον, Milten; *Halimus portulacæ* *marina* dicitur, frutex parvus, foliis & formâ portulacæ, flore & semine Atriplici non dissimilis. De Frutice loqui Jobum ex eo constat; quia ait carpi, aut succidi super virgulto, vel frutice: Sie brechen es an oder von der Hecken. Chaldeus tamen alicubi, *Charul*, *urticam*, pro eo ponit, ut & D. Lutherus, Nessel. De Malvâ, Papein/noti sunt versus Hesiodi:

*Stulti nec norunt quo toto dimidium plus,
Nec quantum in malvâ sit & Asphodelo emolus.*
Et illa Horatii in Epod. (mentum.
*Non Asra avis descendat in ventrem meum;
Non attagen Jonicus
Jucundior, quàm lecta de pinguiſſimis
Olivæ ramis arborum;
Aut herba Lapathi præta amantiſ, & gravi
Malvæ salubres corpori.*

6. An Jonæ Kikajon inter olera referri debeat? Incertum est. Dixi olim in Commentario multa. Addam hîc aliqua ibi præterita. LXX. καλοκύνθη pro eo posuerunt, Hieron. *Hederam*, ut Aquila κισθόν. Notat tamen Hieronymus id esse propriè, quod *Lingvâ Syrà & Punicâ Elkerva* dicitur. Id est Rabbiniſ *kik*, & Græcis κίκι: Unde Oleum *Alkerva*: Cicinum: Latinis *Ricinus*, Germanis *Bun-*
dere.

der Baum. Latinum nomen & Græcum κρότων, animal insectum propriè notant canibus adhærens, ein Zecke / cui fructus hujus plantæ similis, unde & Zeecken-Korn dicitur. Hæc ex Schindlero & Dodonæo. Grana, certo numero si deglutiantur, vomitum movent. Inde nomen *Kikajon* quasi *vomitatorium*, à radice *ko*: vomuit, Jon. 2. v. 11. & נִיפְּכִי vomitus; primâ radicis geminatâ, ad augendam significationem, fit *Kikajon*. Sic compositum *kikalon*, vomitus ignominiosus, Jer. 48. 26. ex Marino & Buxtorff. Crescit in arborem parvâ ficus magnitudine, folio plantani majore, & apud Dioscor. Nihil ergo illi cum oleribus commune. Nec dubium jam, non esse cucurbitam.

De hederâ est 2. Macc. 6. v. 7. Judæos in Dionysiiis coactos fuisse hederam ferre in pompâ | Bacchi: & l. 3. cap. 2. v. 21, iis παρόσημα Διονύσου, folium *hedere* cauterio inustum. Notum illud -- *Hederâ est gratissima Baccho!* & solitos Idololatras signari in Deorum suorum, servosque à Dominis suis docui in S. Analect. Volum. 1. Multa de hederâ Bapt. Porta l. 9. cap. 44. & Mylius in Horto Philosoph. aliique. Quæ quoniam *nihil ad Dionysium* ut ita dicam, relinquo.

CAP. V.

De Herbis condimentariis, & medicamentosis.

1. **M**Ererim. comedere cum azymis & Agnâ Paschali jubentur Israëlitzæ, Exod. 12. 8. & Num.

Num 9. 11. de quo in Passionali meo, de Agno Passionali Meditat. 5. plura, cum tædio non iteranda. Deus suos *saturat* aliquando *Mammerorim*. Job. 18. Thren. 3. 15. ubi tamen ab absynthio distinguuntur. Vocabulum *yerikōs*; *amarā*, amaritudines significat: inde *eidikōs*; *amaras* herbas, bittea & Galsen/πικεΐδας LXX. & *lactucas* agrestes Vulgatus habent. Laudat h. l. Bonfrerius hujus doctrinam reconditam, cumq; non tantum linguarum, sed & proprietatis vocum fuisse peritissimum. eundem nemo invidet; sed hic non magnā causā tribuitur. Secutus enim fuit, ut creberrimè LXX. *Lactuca silvestris*, θεΐδαξ ἀγρία est; de quā Dioscorides l. 2. cap. 130. At πικεΐδες, non tam lactucæ, quam --- *amaris intyba fibris*, --- *torrenti grata palato*, ut Columella. Sic Interpretes per Synecdochen speciem posuerunt pro genere. In fontibus generale nomen est, quod & istas & cognatas species complectitur; ad embammata appetitas; & acetaria, de quibus Bruyerinus l. 8. capp. 4. 5. & 6. Optimè igitur Lutherus, *amaros intinctos* vertit.

2. Admonerè debuit hoc embamma amaritudinum, quas in Ægyptiacā servitutē degustassent Israëlītæ. Tales meritò agrestibus *lactucis* & *intybis* comparantur, ut & *absynthio*: de hoc plura attuli in S. Analectis Volum. 1. De illis notā i. grata esse, excitando appetitui. Horatius --- *me nascunt oliva, me cichorea, levēsq; malva. Mens certaminum avida amara habet pro festivis delitiis*, ait de his ipsis Philo de Congressu erudit. grat. 2. Eadem concupiscentias cohibebunt, ne effervescent

scant & turgeant, idem ibid. Lactucæ sanè Venerem compescere & avertere libidinosa somnia dicuntur, à Dioscoride. Inde fabula, quod *Venus Adonin* ab apro interfectum, *inter lactuca composuerit*, quæ & *ῥαχίς βρώμα* dicta, apud Athenæum. 3. Cum, ut apud Martialem, --- *prima datur, ventri lactuca movendo utilis est*: Post epulas assumpta temulentiam discutit, vapores ne caput feriant, impedit, somnosque inducit. Galenus sitim quoque inter alia arcere ait, & à salubritate laudat, vide apud Matthiolum. Nota illi Columellæ:

*Jamq̃ saluari properet lactuca sapore,
Tristia quarevelet longi fastidia morbi,*

& Martialis:

*Claudere quæ cænas lactuca solebat arvorum,
Dic mihi cur nostras inchoat illa dapes?*

Adde quod succus ex lactucâ agresti eductus oculorum caliginem dispellit, & aquam intercutem expurgat, Theophrasto autore. Multa alia Mylius in Horto, Joh. Baptista in Villa, Stukius in Convival. &c.

3. De *Absinthio* vix erat operæ pretium plurum dicere. Laanâ octies legi notat Marinus. *Radix fructificans Roschvelaanâ*, Deut. 29. 18. *ῥαχίς ἀνα φύσσα*, Hebr. 12. 15. LXX. *ἡ ῥαχίς*. Vulgatus: *Radix germinans fel & amaritudinem*: Vatablus: *toxicum & absinthium*: Tremellius: *ricutam & absinthium*: D. Luther. Gall und Vermuht. Hominem notat Moses scandalosum, quem vulgato proverbio nos dicimus: *malam*

malam herbam, ein böses Kraut / κακὸν βλάστημα.
 Sic *Laana* & *Rosch* conjunguntur, Thren. 3. v. 19.
cibare absinthio, & *potare aquâ fellis*, Jer. 9. 15. &
 23. 15. *Vertere judicium le Rosch*, & fructum ju-
 stitiæ *Lelaanâ*, Amos. 5. 7. & 6. 12. *Rosch* vene-
 num est, quale aspidum, Deut. 32. 33. quod mo-
 dò *Merorat* amaritudo, modò *Rosch aspidum*, id
 est, caput, Job. 20. 13. 16. In felle venenum esse
 serpentum, ait Plin. l. 11. c. 37. in capite & caudâ
 contineri, Bustamantius l. 1. c. 4. de Reptilib. S.
 Script. Ideoq; *colubra ipsa tutò estur, ictus ejus*
occidit, Corn. Celsus l. 5. de Re Medicâ, cap. 27.
 hinc *Rosch* Hebræis & caput & venenum. Nisi
 malis à *Rusck* derivare, quod est pauperem face-
 re, & privari bono maximo, vitâ. Inde tamen
Rosch fortè etiam venenosa herba, qualis cicuta,
 aconitum. Unde *germinare* dicitur *super sulcos*
agri, Holo. 10. 4. Ubi LXX. pro *Rosch*, velle, ve-
 neno, habent vocabulum ἀρσενος, *Weg-Gras* /
Wuecken Kraut; *quæ in agris maximè inaratis*
luxuriat, latè serpens, δυσκαταγώνος &, *nec facile*
extirpabilis, ut ibi Cyillus.

4. Jam, ut *novissima meretricis amara dicun-*
tur velut absinthium, Prov. 5. v. 4. sic stella illa,
 Origenes puta, *absinthium* dicitur, propter ama-
 ram & virulentam doctrinam, quâ Scholas & Ec-
 clesias omnes infecit, ac corrumpit, Apoc. 8. v. 11.
 Sic ergò peccata, hæreses, prava consilia, fœdæ
 voluptates, & quæ sequuntur tandem pœnæ
 acerbissimæ, ablinthio, cicutæ, aconito, confe-
 runtur. 1. Quia in melle plerunq; præbentur,
 Sic *absinthia tetra medentes*

*Cum dare conantur, prius oras pocula circum
Contingunt mellis dulci flavoq; liquore, Lucret. &
Lurida terribiles miscent aconita roversa,*

Ovid. Favus in labiis meretricum, ablinthium in fine. Origenis eloquentia & ingenium dulcedine suâ multos sefellerunt. Sic quoque ἡ ἀμαρτία γλυκεία μὲν τῇ γούρῃ, πικρὰ δὲ τῇ πείρῃ καὶ τῇ ἀναδότῃ, Andreas Cæsar. in Apocal. cap. 10. v. 10. Deinde
2. Quia *Absinthium*, quanguam

Serpentes nidore fugat, bibitumq; venenum;
& a salubritate commendatur; tamen βαδύπικρον est, adeo ut & animalia abstineant; nisi in Ponto, ubi eo pacta pinguescunt, & sine felle reperiri referunt Theophrastus ac Plinius. *Aqua decocti stomachum male habet, & capitis ciet dolores*, Dioscorides: Hinc mortifera dicitur Apoc. 8. 11. Quod Hebræis *Laanâ* est, non puto rectè verti *absinthium*. Vocabulum Arabicum significat aliquid *exsecrabile & maledictum* apud Schindlerum: totiesque, ut observavimus, veneno conjungitur. Ego alii rectius vel *aconitum* esse putant; quod adeo exitiale est, ut ex Cerberei oris spumâ natum veteres fabulati sint, cum Canem istum infernalem Hercules ex Orco protraxisset; vel *Rhododendron*, *Rosam lauream*, cujus cuncto pecori cibus lethalis est, Apulejus l. 4. Metamorph. 6. *Aconitum* qui gustant primò dulcedinem percipiunt, sed quæ mox in amaritudinem vertitur. Inter Symptomata, Vertigo oboritur, caligant oculi, & lacrymantur, corpus ut aquâ intercute tumescit: nisi antidota præveniant, inter quæ vinum absinthites infulis quibusdam, sequitur

quitur certa mors, Dioscorides, Aëtius, &c. Sic amara amaris curantur, aconita absinthiiis, peccata adversis. *Cicuta* quoque lethale venenum inest. Remedio est vini meraci potus: absinthium idem cum pipere & vino &c. Dioscorid. In Hetruriâ asini cicutâ pasti somno ita opprimuntur, ut pro mortuis jaceant, fitque ut à rusticis excoriati evigilent, & ad se redeant, Matthiol. in l. 4. cap. 74. Qui lib. 6. cap. 11. quosdam refert hujus radicibus pro pastinacâ usos, in gravem incidisse amentiam. Memoriâ repeto, simile quid in hortulo meo, quem tùm mater colebat ante veterem Portam Spiræ, vetulæ cuidam terram effodienti accidisse, quæ discerptis vestibus, per totam noctem furens; alterâ luce profundo veterno correpta, in ruinis dirutæ, domus reperta, sensim mentem sanitatemque recepit. Mitto alia, & quid Neapoli Nemetum, ante annos non adeo multos, contigisse relatum sit. Notum est Socratis κώτειον, Atheniensium pœna capitalis. *Phocion*, cùm carnifex hunc calicem mortiferum se temperaturum negaret, nisi duodecim prius numerarentur drachmæ, amicum rogans, ut solveret pro se: *Ne mori quidem*, inquit, *Athenis licet, nisi dato pretio*, apud Plutarchum in Vitâ. Pergamus ad alia.

5. Gad bis legitur Exod. 16. 31. & Num. 11. 7. ubi manna simile dicitur fuisse, *femini Gad*. Thaludistæ vocant *Alsandre*. LXX. habent σπέρμα κωείν, alii βδέλλιν: cæteri, *semen corsandri*, quod Græcis recentioribus κώτειον, vetustioribus κωείων. Dictum putant quod herba viridis redolet

ab eis cimices. Cæterum, quod *Gad* sit *coriandrum*, nullâ ratione constat, nisi auctoritate. Latino-
rum *Gith* nomine ipso magis respondet, quod &
colore aliquando cum mannâ convenit, subfla-
vescente, aut & nonnunquam candido: nostri
vocant, *schwarzen Coriander* / *schwarzen Rüm-
mich*. *Gith* pristinis, *anissum* & *anethum culmis* &
medicis nascuntur, Plin. 19. cap. 8. Galli *poy-
rette* vocant, quasi *minutam piper*, quod vice pi-
peris panibus & cibus inspergi soleat, Ruellius.
Hinc Aulonius:

Est inter fuges, morsu piper aquiperans, Gith.

Unde & notatio fortè, à *Gadad*, incidendo, quod
acri saporis incidat, & urat. Unde jocus Plauti-
nus: *Os calet tibi: num gith frigide factas?* in Ru-
dente. Differt tamen ab hoc

6. *Kezàch*, quod apud solum Esaiam legitur
cap. 28. de quo aliquid supra cap. 3. n. 16. ubi *μαλόν-
θιον*, & *Gith*, quidam interpretati. Credo, quia Cy-
mino jungitur. Aben Esra nigrum esse semen ait,
& Cymino minus: Buxtorff. in Thalm. Lex. *fæ-
miculum*: ubi etiam *sesamo* & *piperi* conjungitur.
Quid si *papaver* sit? *cujus semen tostum, in secun-
dâ mensâ, cum melle apud antiquos dabatur.* Hoc
& *panis rustici crusta inspergitur, affuso ovo inha-
rens: ubi infertorem crustam apium githq; cereali
sapore condiunt*, Plinius 19. cap. 8. Sanè ab Arabi-
bus hoc *Kaschas* dici notat Matthiolus: nomine
ut puto corrupto, pro *Kassach*. Hinc apud Petro-
nium: *Melliti verborum globuli, & omnia dicta
quasi sesamo ac papavere sparsa.* Illa, manifestum,
de eo genere seminis loqui Esaiam, quod pro con-
dimen-

dimento inspergi solebat panificio. Quale etiam est

7. Cammon, eodem Esaiæ loco, quod *Cyminum* esse volunt. Nam & Arabibus *Camon* appellatur, nascique primâ dignitate in Æthiopiâ; proximâ in Ægypto; sed & passim in Asiâ, Ciliciâ, atque alibi, testatur Dioscorides. Radix *Caman* latere, & latenter insidiari, significat: quod quomodo Cymino conveniat, non apparet. Nam quod latenter vim suam exserat pluribus commune est. Hoc proprium fortè, quod *Cyminum* sanguini insidiatur, *palloremq; inducit*, sive bibatur, sive illinatur cuti, uti docet Dioscorides. Ita ferunt Porcii latronis, clari interprimarios dicendi, affectatores similitudinem palloris studiis contracti, imitatos, &c. Plinius l. 20. cap. 14. Hinc Horatius l. 1. Epist. 19. de imitatoribus

--- *Quod si Pallerem casu, biberent ex sanguine cu-*
Et Persius Satyrâ 8. (minum.

Mercibus hic Italis mutat, sub sole recenti,
Rugosum piper, & pallentis granacumini.
Sic ap. Plinium decepit Neronem *Julius vindex*, testamenti sui capto rem, cum pallido luridoque vultu, usu cumini contracto, morbum mentiretur, *Æthiopicum cuminum*, quod Græci *Ammi* vocant, præstantissimum habeatur. *Similis & huius usus.* Namq; & panibus Alexandrinis subigitur, & condimentis interponitur. Colorem quoq; bibentibus similiter mutat in pallorem, Plin. l. cit. cap. 15. Possis quoque putare: ab occultâ facultate sic dictum. Nam *Amon* tectum & latentem signifi-

cat, Buxtorff. in Thalmud. *Amun* Ægyptiis Deus absconditus apud Jamblich. de Myſteriis. *Ammi* tamen Syris *Mater*. Unde Proverbium Alexandrinorum: *Ammea perſequitur Azefiam*, id eſt, *Ceres Proſerpinam*: de iis qui longo tempore aliquid quarunt, Suidas; eadem repetit Apoſtoliuſ. *Azeſia* florem ſignificat, צִיָּצָה, *Ziza*, *Haz-ziza*: *Ammi* mater, *Ceres*, כֶּרֶס & כֶּרֶס ventrem, uterum matris ſignificans, ſemen eſt, quod florem gignit, & ex flore naſcitur. Senſuſ itaque Proverbii videtur eſſe: *Qualis mater, talis filia*, Ezech. 16. 44. *Sequitur matrem ſua proles*, & viſſim. Hebræi dicunt: *Bozin Mikkiphe jediah*, *Cucumis de flore cognoscitur*. *Ammi* igitur אַלִּי עֹגִילֵן ſemen præſtantiſſimum: aut & quia matres facit, *optimum contra ſterilitatem remedium*, de quo Matthioluſ in Dioſcor. l. 3. cap. 61.

8. Pertinent in hanc claſſem ex Novo Teſtamento, 1. Ἡδύσμιον, *nomen ſuavitatis odoris apud Græcos mutavit*: nam alioqui *Mintha*, μινθή, vocabatur, Pliniuſ. Noſtris inde Münk / & propter præſtantiam odoris, *Baſſam*: quo etiam pertinent, *Calamintha*, *Pulegium*, *Siſymbrium*, &c. *Odor mentem excitat*, ait Pliniuſ, & *ſapor aviditatem in cibis*. 2. Ἀνιθον, *Anethum*, *Dill*. 3. Πήγανον, *Ruta*. Decimas de hiſ dabant quoque Phariſæi, ut & de Cumino, & omni olere, Matth. 23. v. 23. Luc. 11. 42. Eò uſque extendebant Legem de Decimis: rati *Decimas*, quod proverbio dicebant, *eſſe ſepem divitiarum*. *Mentha* Thalmudicis quoque *Mintha*; Syriacè in Novo Teſtam.

Testam. II. cit. *Nanea & Ninia* in Thalmude: Anethum *Schabath* vocant: Rutam cum Græcis, *Piggen, Pigam*, &c. Mentham, quæ embammatum misturæ familiaris, generationi resistere, credidit Plinius l. 20. cap. 14. Hinc Proverbium: *Mentham in bello neq. comede, neq. serito*: Quod corpora refrigeret, & semina corrumpat, Aristoteles Sect. 20. Problem. 2. Contra Dioscorides & Galenus, Venerem excitare: Neque refrigerandi, sed calefaciendi vim habere. Conciliantur tamen, quod mentha & suâ tumiditate flatulenta ad Venerem incitet, & semen depravet, eâ facultate, quâ lac coire & densari non patitur. Hinc *destupratrix* Martiali, 10. Epigr. 48.

*Exoneraturas ventrem mihi villica malvas
Attulit, & varias quas habet hortus opes:
In quibus est lactuca sedens, & sectile porrum,
Nec deest stupratrix Mentha, nec herba salax,*

id est, eruca. Vel: *Nec destupratrix mentha, sed herba salax*. Alludit ad veterem fabulam, quæ natura hujus plantæ indicabatur: quod mentha prius fuerit *Cocytia Nympha, Pellex Plutonis*, ante ductam Proserpinam; sed obtrita postea; cum se superbiens efferret, pedibus Cereris, evaserit *ωϊν ἑτίδαν*, Oppianus Halieut. 3. v. 497. ubi vide Rittershus. Hebræi à generando videntur appellasse, à *Nun*; unde in Niphal, *Jinnon*, propagabitur, sobolescet: & *Nin*, filius. Hinc *Mem* præfixo *haemantico*, Mintha, herba se facile propagans, ut semel sata vix postea extirpari possit: quamvis sit ἀναστ & facta odio Cereris, ut in Ety-

molog. Magno. *Anethum* dolores sedat, somnum conciliat : inde à quiete & cessatione *Schabat*, *Schebet* Hebræis ; & Græcis fortè quasi ἀνετον. Nam ab ἀνω θῆν, quod citò crescat, nimis Grammaticum est. Πήγανον dictum volunt, quod caliditate suâ πύγνυσι τὴν γονὴν, Veneri inimica herba. *Ruta* à Græco ρυτή, ut Turnebus observat ; quod tuta sit custos corporis, & sanitatis : à ρύομαι, unde ρύματα, medicamenta præservantia ; alexipharmaca. *Pagām* Herbam apud Thalmudicos est incidere : habet enim vim incidendi, & exulcerandi : in tertio ordine excalefacientium, gustu acris & amaro : ex quo digerere, & incidere crassos lentosq; humores potest, Matthiolus. Rutæ dos præcipua obsistere venenis. Macer :

Obstat, pota mero, vel cruda comesta, veneno :

Quod Mithridates Ponti Rex sapè probavit, &c. Mustela, cum serpentibus dimicatura, rutam prius edendo se muniunt, Plinius l. 20. cap. 13. Cùm Clearchus, Heracleotarum Tyrannus, multos clàm cicutæ potu, per speciem amoris in convivio præbito, interfecisset, vocati esu rutæ sibi caverunt, ex Theopompi Hist. 38. Athenæus lib. 3. Quâ causâ in cibos venit, & quibusdam oculorum causâ, ut scalptoribus & pictoribus, apud Plin. l. cit. Ovidius :

Utilius sumes acuentes lumina rutas,

Et quidquid Veneri corpora nostra negat.

Fit tamen ipsa, succo copiosius hausto, venenum : *Mirumq; eicutæ succo extingui. Adeo venenorum etiam venena sunt*, Plin. &c.

9. Sinapi sequitur : de eo Matth. 13. v. 31. Marc.

Marc. 4. 31. & Luc. 13. 19. quod *regnum Dei*, regnum cœlorum, *simile sit* κόκκος σινάπεως, *grano sinapi*, quod et si *minimum sit in semine*, tamen si in agro aut horto seratur, ita crescit, ut *maximum fiat in olere*, &c. Et de parvitate seminis iterum Matth. 17. 20. ac Luc. 17. 6. si fidem habueritis, *instar grani sinapis*, &c. Notat Buxtorff, in Thalmud. Lex. *Gargir* sive granum *hachardal*, sinapi, proverbialiter dici *de re minimâ*: crescere autem in tantam altitudinem & amplitudinem, ut aliquis dicat in Thalmud. Hierosolymitano; *secaulem Sinapis habuisse in horto suo, in quem conscendere solitus sit, ut in ficum*. Alius: *Fuisse in Sichin talem arbusculam Sinapis, quæ tres habuerit ramos: avulso uno rectum fuisse tugurium figulorum, re-
pertosq; in eo tres seminis cabos*. Cabus autem, aridorum minima mensura, capiebat quantum ova viginti quatuor: duas *Imminas*, Quartarii nonas partes, ferè, ut computat Walerus. Sic ex uno grano Sinapis colligi potuisset dimidium circiter Medimnus, ein halb Malter.

10. Dictum putant Græci *Sinapi* σινάπερ τὸ οὖρον τῶν ὀφθαλμῶν, *quo oculos ladat*. Quantò facilius Hebræi dicerent, ab eo quod *pungat, mordeatq; os*, velut dentibus impactis, aut spinis? à שן *Schanàn*, unde *Schenè*, dentes, ut שן *Sene* rubus, unde Mons Sinay, & *Pi*, os. Unde Proverbium Rabbinicum; *ipsum cochlear quod fecit artifex, uritos ejus sinapi*. Redit in autorem scelus. Artifex arte sua perit. Turdus sibi ipse cacat malum, &c. *Chardel* ab Arabibus dici notat etiam Matthiolus.

Chara

Chara ardorem significat, *Dal* exsiccationem; quæ duo huic semini propria, apud Dioscoridem & Galenum, Plinius vocat *acerrimum sapore, igni effectus*, ac *saluberrimum corpori*, l. 19. cap. 8. extremo: addit; *Coqui etiam folia ejus, sicut reliqua quorum olerum*. Columella: *Mordax haurire sinapi*: &

segg. laceffenti fletum factura sinapis.

11. *Quomodo Regnum Dei comparetur Sinapi?* fuse docet Cornel. à Lap. & ante Salmeron in Parabol. Evangel. Tract. 8. *Semen* hoc in radice Christus est, Joh. 12. 24. in ramis doctrina Evangelii, & fides tam quæ creditur, quam quâ creditur, ut apud Matth. & Lucam in aliis parabolis. *Rami* Apostoli & Doctores, confer Psalm. 126. 6. *Arbor* ipsa Ecclesia, Psalm. 80. 10 & seqq. *Ave cæli*, fideles animæ, Dan. 4. 9. *Scopus* Evangelii est apud Matth. cap. 13. quod Dominus Prædicationis suæ quasi fata & eventus voluerit ostendere tribus Parabolis: 1. ad excitandam attentionem; ne semen hoc salvificum vitio agri male pereat: 2. ad Vigilantiam; ne torpore & negligentia zizania & infelix lolium succrescens, suffocent, 3. ad consolationem; quod è minimis initiis maximum incrementum sperandum sit, contra scandalum & contemptum mundi. Huc spectat Parabola nostra de grano Sinapis: quod inter oleracea minimum in semine; maximum, quando ad maturitatem pervenit, in frutice. Reliqua ornamenta sunt. *Non oportet autem singulas parabolarum partes curiosè attendere; sed tantum quatenus propositio inserviunt, juxta Regulam,*

ulam, quæ apud Chrysostomum & Theophylatum est. Isidorus Pelusiota l. 4. Epist. 76. bene: *Exilis est, dum seminatur, divini præconii sermo, cum illis conferatur dogmatibus, quæ unquam tradita fuerunt, ab iis qui sapientia famâ & opatione celebres fuerunt: quin & brevissimis annuntiatur verbis, tam propter compendium sermonis, quam propter vulgare dicendi genus.* Quid brevius, & vulgarius primâ Domini concione, in quâ summa fuit omnium, illâ Marc. 1. 15. pœnitentiam agite; & credite Evangelio! *Verum 2. ex cultum, ita crevit, ac latissime diffusum fuit, ut omnes omnium Sapientium doctrinâs exsuperaverit: qui & longum valere iussis suis dogmatibus, ad divinam hanc umbram confugerunt, &c.* Tantiâ igitur salutare hoc semen virtutem ostendit, ut ex illo ceu arbor prodierit Ecclesia, ubiq; terrarum propagata, *Catena Corderii in Lucam ex Theophane, &c. ubi & Irenæus: Significari cælestem doctrinam, habentem in se igneam & constringentem virtutem: quam primum prædicavit Christus ipse, qui & in corde terræ, quasi in sulco, occultatus, post triduum in maximam arborem excrevit: Ex eo pullulantes ramos, Apostolos, gentibus, non secus ac cæli volucribus, umbram prabuisse, & habitationem, & cælestem alimoniam.* Pluribus hæc Ambrosius, aut quicumque est, Sermon. 1. & 2. qui & inter Augustini sermones de SS. leguntur. Faciunt huc quædam Sinapi proprietates. 1. Mox è terrâ erumpit, die à satione quinto, Plin. 19. cap. 7. 2. Semel si teratur, vix est eo liberare locum, quoniam semen cadens pro-

protinus viret, cap. 8. sub fin. 3. Principatum tenet ex his, quorum vis in sublime fertur, ne aliud magis in nares & cerebrum penetrat, ex Pythagorâ, Idem l. 20. cap. 22. 4. Ad Serpentum & Scorpionum ictus tritum cum aceto illinitur fungorum venena discutit. 5. Si vehementior somnus lethargicos premat, cruribus aut etiam capiti illinitur, cum fico ex aceto. 6. In ungum quoque caligantes oculos cum melle, Ibid. 6. *Prima fronte speciei sua parvum est, vile, despectum non saporem prestans, non odorem circumferens non indicans suavitatem; at ubi teri caperit, statim odorem suum fundit, acrimoniam exhibet, cibum flammei saporis exhalat, &c.* Ambrosius l. c. Sic Verbum DEI, ubi diversis, ut ait Idem, *tentationibus teri caperit.* Es will durchs Creutz betwibet seyn / da wird erkannt sein Krafft und Schein. Tunc 7. etiam lacrymas provocat salutare. Vide Proverbium: *Sinapi visitare.* Tunc 8. cor succendit ardore cœlesti, Luc. 24. 32. & pravas concupiscentias exhaurit, ac attenuat; unde Sinapi nomen habere diximus *Chardal.* Sed hæc sufficiat. Superest in hac classe

12. Hyssopum, de quo quoniam multa dixi in Passionali, de Agno Paschali Medit. 6. p. 370. 380. & de V. Domini Verbo, p. 484. Verba hic compendiosa facere licebit. *Exobh* decies legi notat Marinus, qui a *xob* derivat, quod ex eo fluat id, in quo immergitur. Nam, in sacro usu Israëlitarum, ad spargilla ex eo fieri solebant, de quo in Passionali l. cit. sic Exod. 12. 22. Levit. 14. v. 4. & seqq. Numer. 19. 6. 18. Psalm. 51. 9. & Hebr. 9.

19. ubi vertitur, *ὡς ὄψθ*. Sic I. Reg. 4. 33. dicitur Salomo differuisse de *Lignis*, arboribus, ab ipsa Cedro usq; ad Ezob, quod de pariete egreditur. Huius bacillo suffixa fuit *spongia*, quā potatus fuit salvator felle & aceto, Job. 19. 29. Hinc variae quaestiones, ad quas responsum I. cit. De fasciculo hyssopi ligato ad baculum Cedrinum pro adspersione, praeceptum erat, ut ex tribus constaret caulibus, in quorum quolibet alii plures essent ramusculi, minimum tres, ut notat Buxtorff. in Thalmud. Rabbinii distinguunt, *Mosaicum*, *Gracum*, *Romanum*, &c. Variasq; species recensent. Sic Schindlerus ait differre, *זית*, Ezob Hebraeum, quod exiguum putat esse fruticulum, rutam parietariam, vel adianthum, qui Veneris capillus dici solet, ex I. Reg. 4. 1. cit. & *זפח*, Zupha Syriacum, quod proprie hyssopum, de quo Joh. 19. Clariss. Fesslerus Adversar. Sacror. lib. 5. cap. 10. disputat esse *rosmarinam*. Sed nescio, an argumentis vincat? Contra eos, qui locum S. Johannis corruptum putant, legendum quē non *ὡς ὄψθ περιθέντες*, sed *ὡς ὄψθ περιθέντες*, quod visum primo fortē Joachino Camerario in Notation. & edinde aliis; rectē disputat Salmas. non posse h.l. aliter legi: idēque oportere dicere S. Johannem cum aliis Evangelistis: qui pro hyssopo *κάλαμον* posuerunt: non rundinem, aut calamum odoratum, sed scapum, ut caulem hyssopi: nec vulgaris nostri, sed speciei cujusdam arborentis. Nam Hebraeorum hyssopus inter ligna recensetur disertē I. Reg. 4. vide Annotat. Walzei in Johann. Descriptio quae pud Dioscoridem diversis locis reperitur; quod
hyssopo

hyssopo simile sit folio Origanum Heracleoticum, & comâ Corymboide *Chrysocome* respondeat ; ut plerique contra Matthiolum conspirant ; famigliari nostro convenire nequit. Hebræorum Ezob competere, ait Baptista Porta, l. 10. cap. 41. Iconem ejus ex Cæsareâ Bibliothecâ depingit Dodonæus, P. 2. lib. 4. cap. 18. In Montanis circa Hierosolymam nasci *hyssopum silvestrem*, seu à nostra domesticâ differentem, observat Bellonius Singular. l. 2. cap. 81. Græci, si ita appellârunt, quali ὄβμερον ὅτι τὸν ὤπα, *pluat in faciem*, omnino usum & vocabuli ortum Hebræicum videntur respexisse. Id enim faciunt adspargilla ; ut defluens aqua impluat & irroret adspergine. Unde vetus inscriptio labri lustralis apud Gruterum : Νιψον ἀνομήματα, μὴ μόραν ὀλιν, quod retro eadem ratione legi potest, ut Cancrini versus dicti. Fiebat autem lustralis adpersio aliquo genere *Verbenarum*, quem ulum præbebant *laurus, myrtus, herba Sabina* ; cur non & hyssopus ? Cætera Symbolica ; & quid significet hyssopus in lustrationibus Sacris ? dicta in Passionali, non repeto. Confer Mylium & quæ ex Piscatore habet, consona cum iis quæ Fesselius, &c. Scripseram hæc dudum, cum prodiit Clariss. Bocharti Hierozoicon ; qui P. 1. p. 587. & seqq. copiosè probat, Ezob esse Hyssopum : ubi plura lectu dignissima.

CAP. VI.

De Floribus.

FLos Hebræis dicitur, 1. Niza, & cum Dages, *Nizza*, Flos vitis, Genes. 40. v. 10. *olivæ*, Job. 15. 33. decidens & fugiens cum fructus formantur, & conspici incipiunt, Esa. 18. 5. Cognatæ radices *Naz*, effloruit, *Nazab*, avolat, *Nazaz*, scintillavit. *Hannizanim*, flores apparuerunt, omnia nunc florent. nunc formosissimus annus, Cant. 2. 12. *Nizoz*, flos ignis, scintilla, Esa. 1. 31. sequitur, 2. Perach, *Schoschan*, flos lilii, Reg. 7. 26. 2. Paralip. 4. 5. *chabazéleth*, rosæ, Esa. 35. 1. & 3. Ziz, semel, ut notat Marinus, *lam* significat, Jerem. 48. 9. *Date alam Moab*, *uia volando volabit*. Flos coronæ sanctæ, cui inscriptum : *Kodesch lajbova*, Sanctitas Domino, Exod. 39. 30. & 28. 36. lamina aurea dicitur, *bas* *ildene* *Stirn-Blat*. Lamina illa aurea coronæ triplicis formam habuisse fertur, ut Romani Pontificis hodiè : à fronte tamen lata & plana fuisse, et Nomen Tetragrammaton inscribi potuerit : reliqua constabât cayculis aureis, similibus quos vocamus profert, ex Josepho Bonfrerius in Exod. 1. cit. Marinus Ziz putat dici, vel quod in oris modum facta, vel quod in alæ morem extensa esset ista lamina. Eam Buxtorffius laticutinis duorum digitorum fuisse ait, ab unâ aure sacerdotis ad alteram ligatam, in Thalmud. Lex. *faci* in Ægypto *alas accipitrum* gestabant in caute, unde --- *linigeri calvi*, *cristasq; turba*, Mar.

Martiali, Pier. Valerian. l. 21. sub fin. Erat enim in *tutulo* Pontificum olim apud Romanos, & in *Albogalero* Flaminis Dialis *apex*, ex Virgulâ oleaginâ, AGell. 10. cap. 15. &c. de quo Petrus de Maridat in Tractatu de Pileo, Sect. XI. Sed hoc agamus.

2. *Homo sicut flos floret & repente succiditur*, Job. 14. 1. *floret sicut flos agri*, Psal. 103. 15. *omnis ejus bonitas*, sicut flos agri, Esa. 40. 6. ubi Ziz. semper legitur. Gloria divitis *ut* ἀνθ' ἡσθη Jacob. 1. 10. Hinc hortantur se invicem Epicurei: *Non pratereat nos flos temporis*, ἀνθ' ἡσθη, vel potius ἐπ' ἡσθη, lässt uns die Mäven-Blümlein nicht verfaumen / Sap. 2. 7.

Nunc decet, aut viridi nitidum caput impedire myrto,

Aut flore, terra quem ferunt soluta.

Id est: --- *Vivamus, dum licet esse bene*, --- *brevi est hic fructus homullis!* Confer Esa. 28. 1. 4. ubi *corona de vario genere florum conferta*, Hieron. ib. *ante tales gestarint Hebraei*, dixi Volum. 1. S. Analect. Clemens Alex. & Tertull. negant, vide Lorinum in Sap. l. cit. Sed de Coronis alius est dicendi locus. Homo humanaque omnia floribus similia sunt, ortu, statu, occasu: E terrâ nascuntur, ut blitum; in terrâ vigent, magnâ varietate, dispari proprietate, celeri fugacitate - - *pubescentes juncta senecta premit*, Ausonius de Rosâ: denique terram revertuntur, ac pet in hiemem *Adonidis horti*, & *viridaria, qua supra tecta*, & *in fenestris habentur*, nil nisi terra sunt: Spes tamē est resurgendi, &c.

3. *Florum species* duæ celebrantur in S. Literis. 1. Chabazéleth, bis legitur Cantic. 2. 1. *Ego Chabazéleth Saronis*; & Esa. 35. & *solitudo florebit sicut Chabazéleth*. LXX. priore loco אֲרֵבֶת, posteriore κείνον habent, liliū: Aquila tamen hic, ut notat Hieronymus, *significantius expressit*; ὡς κάλυξ, *quā nos tumentem rosam, & nec diū foliis dilatatis possumus dicere*. Significantius ait: fortē, quia à radice Chabaz compressit, derivavit: ut florem adhuc clausum & compressum significare putārit. Rabbīni & Thargumīn in Cantic. habent, נָרְרָה varda, à calore rubro; unde Proverbium: *Adolescentia similis est serio rosa, senectus fert urtica*: vel נֶרְקִים Narkim, aut Narcis, Narcissum puta. Altera species est 2. Schofchan, quod *lilium* frequentius interpretantur. Novies legitur hac formā masculinā, quater in fœmininā, Schofchanā. Ponitur autem pro flore vel propriē dicto naturali, ut Cantic. 2. v. 1. 2. 16. cap. 4. 5. & 5. 14. & 6. 1. & 7. v. 2. Hoīe. 14. 6. vel artificiali, ut 1. Reg. 7. 22. 26. vel per tropum pro Instrumento Musico, ut in Psalmo 45. 1. & 80. 1. ubi tamen, quid *Sofannim* sint? ut & Psalm. 60. 1. *Sofan Eduth*, res valdē dubia est: Rosam vel *Lilia testimonii*, aut ornamentū interpretantur. Nam נִרְרָה eduth, ornamentum regium significare ajunt. Unde Lutherus: ein Rosen-Span / oder Span-Rose: sertum rosaceum. An verò organum aliquod Musicum sic dicatur? qualia creduntur fuisse *Neghinoth*, *Neckiloth*, *Machalath*, *Gittich*, de quibus Michaël Prætorius

rius Syntagm. Musici T. 1. p. 1. cap. 7. pag. 103. an principium aliquod vulgaris cantilenæ, ad cuius modulos isti Psalmi fuerint decantandi? nach der Melodi von der Rosen. An ex ipso argumento petita fuerit inscriptio? ut Psalm. 22. de Cervâ Auroræ: quod hi Psalmi de Christo & Ecclesia agant, quasi de Rosis & Liliis? quomodo Michæ, 4. v. 8. de restitutione Ecclesiæ dicitur: *Veniet יָבוֹ אֲדָמָה*, ornamentum tuum, dein güldene Rose / de quo tamen vide D. Tarnovium: Incertum & inexplicabile apparet, Lege Mollerum in Psalm. 45.

4. Nos sigillatim locos præcipuos citatos expendamus. Canticorum cap. 2. Sponsus v. 1. se comparat *Chabazélet*, Flori in campo aut planitie *Saronis*, regionis amœnissimæ, quæ à Cæsareâ Palæstinæ se extendebat usque ad Joppen, de quâ Adrichomius: flori; quem alii Rosam, alii Lilium vocant, quidam vaccinia nigra: & *lilio contravallium*, Schosanna, quod plerique lilium interpretantur, & à שש *Sches*, derivant, quod sex foliis constat: accedit, quod Græci testantur veteres, Phœnicibus σέσον vocari τὸ κείνον, λείειον. Dioscorides, Athenæus, & alii: inde *Susa*, urbs, à frequentia liliorum, Stephanus, & Etymolog. Auctor, apud Bochartum l. 2. Canaan cap. 14. plura. Nec impedit, quod *Sosanna inter spinas* ponitur, Cantic. 2. 2. ubi Sponsa ei confertur. Nam etli rosa è spinis nascitur, quo argumento obtinere volunt quidam rosam h. l. describi; tamen & liliū sæpe inter spinas emergit, & comparatè dicitur Sponsa liliū; tantum

tantum præcellens cæteris filiabus venustate & præstantiâ, quantum lilia spinis. Tantum hæc distat ab illâ,

Puniceis humilis quantum saluunca rosetis.

Lilium convallium à situ dicitur; gaudet enim tali, & ibi frangrantius est: possis tamen suspicari certam speciem sic dici. Nostri & recentiores sic appellant odoratissimum florem, in umbrosis silvis & vallibus frequentem, *Meyens Blümlein*: cujus apud Veteres nomen reperiri negat Dodonæus, &c. Sic *Schoschan Hamm élech* vocant Hebræi; *Königs-Cron* / q. d. *Lilium regium*. Nostri, *Lilium inter spinas*, *Periclymenum*, vocant, *Wald-Vilgen* / *Spect-Vilgen*; quidam ineptè, *Rosen von Jericho* / de quibus suo loco fortè deinceps, vide interim *Bellonium* l. 2. *Observat. cap. 86. p. 338.*

§. Sic Sponsus *Cant. 2. 16. & cap. 6. 1. 2.* dicitur: *Pascens inter Schoschannim*, lilia, eaq; colligere: sive in calathos, sive in sinum suum; quibus & sponsam suam exornet, & Deum Patrem coronet ac exhilaret. Sic quoque *hinnuli caprea gemelli*, *Rehe-Zwilling* / *pascere* dicuntur *inter lilia*, c. 4. §. ubi per *ubera Ecclesia*, istis hinnulis comparata, plerique Patrum duo Testamenta, *Vetus & Novum* intelligunt. Psellus quoq; non malè: *Gemina divina Ecclesia ubera intellige sanguinem & aquam illam sanctam Verbi & Salvatoris, ex quibus anime fidelium salutem hauriunt*: duo dicere vult Sacramenta. Sed & uberum officio funguntur in Ecclesiâ Doctores, inter lilia pasti, & similes hinnulis caprearum, sic *Theodoretus & alii*:
 13 sunt

sunt autem gemelli, Prophetæ & Apostoli. *Bona pascua*, ait Ambrosius in *Plak* 18. Serm. 14. *divina sunt Sacramenta. Carpis illic novum florem, qui bonum odorem dedit resurrectionis : carpis liliū, in quo sit splendor aternitatis : carpis rosam, hoc est, Dominici corporis sanguinem. Bona etiam pascua libri sunt Sacrarum Scripturarum, in quibus quotidiana lectione pascimur, in quibus recreamur ac reficimur, &c.* Hortus & Paradisus, in quem Sponsus descendit ad Sponsam, Sanctarum lectio Scripturarum est, de quibus lilia, & violas, & rosas, & varia decerpit aromata, ut impleat phialas animarum credentium, & Domino ex eis lilia defundat, *Hieron. in Zachar. sub fin. Cant. 5. 14. Labia sponsi sicut lilia destillantia Myrrham primam, wie die Rosen/die mit stießender Myrrhen trieffen. De Myrrhâ in Aromatibus, Labia doctrinam significant: Similia sunt liliis, quia per se splendunt divini sermones, licet humani ornamenti nihil habeant. Lilia neg, nent, neg, texunt, solus Pater cælestis vestit, Matth. 6. Myrrham destillant; quia pœnitentiam docent & mortificationem, Theodoretus. Denique Cant. 7. 2. Ecclesiæ umbilicus & venter, per quem & generat & nutrit conceptos in utero foetus, craters comparantur vino semper abundanti, & acervo tritici, liliis vallato: ubi iterum duo Ecclesiæ Sacramenta, ut Zachar. 9. vers. 17. vide h. l. Glossas Saxonicas, & Philon. Carpathium. Cingunt ea lilia Verbi divini, à quibus accipiunt fragrantiam, & vim suam. Accedente enim verbo ad elementa, fiunt Sacramenta.*

menta. Vel Lilia sunt castæ & sanctæ animæ, bonum ex se odorem diffundentes, ut Esa. 35. 1. Hose. 14. 5. Sirac. 39. 17. 18. & 50. 8.

6. Quomodo *Ecclesia Rosa* comparari possit, dixi S. Analect. Volum. 1. & si quis omnia, quæ huc referri possent, colligere vellet, justum volumen facile conficeret. *Capitella columnarum* in Templo Salomonis *liliata*, 1. Reg. 7. 22. præmia significant, in fide & charitate perseverantibus, reposita in cœlo. Sunt ibi --- *atria plena rosarum*, Immarcescibiles flores, & sine spinis, *corona ex amaranto*, 1. Petr. 5. 3. de quâ in Analect. loc. cit. & non pauca, quæ huc spectant, de Rosis in Acerrâ Philolog. meâ. Sic, ut in Anacreonticis,

Rosa Cœlitum voluptas:

-- *Rosa præbet honorem cœlitibus, templisq; Sabaum miscet odorem*: Sed & *Lilia*, in munis antiquis expressa, Symbolum sunt, BONÆ SPEI. Rosas aliquando milites gestabant manibus in triumphis. Voluptas victoriæ ex difficili carpitur. Armata spina rosas, Claudianus. Sic *Fides Regina*, apud Prudentium Psychomach. v. 39.

--- *fortes socios, partâ pro laude, coronat*

Floribus, ardentiq; jubet vestiriæ ostro.

Eâ spe etiam pagani quondam Romani Testamento jubebant, ut *quotannis Rosa ad monumenta deferantur*, vide Pier. Valerian. l. 55. Kirchmann. de Funerib. l. 4. cap. 3.

Sic cum Sponsus se *clauso Rosa catyli*, in quostantes aurei croci latent, & *lilio convallium* comparat, latentem illic in carne Deitatem; hinc manifestam

nif. Itam in humilitate sanctitatem indicat. Sc
Idem *rubicundus & candidus*, Cant. 5. 10.

Candidus, & talos à vertice purus ad imos.
Ex utroque misto venustas formæ spectatur.

Indum sanguineo veluti violaverit ostro
Si quis ebur: vel mista rubent ubi lilia multa
Alba rosâ. Virgil. 12. Æneid.

Sunt hæc schemata ποικιλικά & amatoria. Sic labra rosea commendantur. *Flavicrispiq; crines supercilia puro nigrore delibuta, genæ candidæ, nist quod medium earum rubere, purpuram quâ Lydia mulieres ebur inficiunt imitante, suffusum erat: os rosâ, foliorum labra aperire incipienti, persimile,* sic Achilles Statius lib. Amor. 1. &c. Mihi in floribus diutiùs hære non placet.

7. Dudaim tamen præterire non licet. Leguntur Gen. 30. v. 14. 15. 16. & Cant. 7. 13. *Haddudaim dederunt odorem.* Chaldæus habet in Genesin loc. cit. *Faberuchin*, Thalmudici *Siglm*. Sed de his quoque lis est; alii *mandragoras* interpretantur, alii violas: Quidam *alba lilia*. Tremellius, *Flores amabiles*: argumenta promittit Fr. Junius in Notis: 1. Quia Ruben puer non fructus mandragoræ virtute, sed florum venustate magis motus videatur. 2. Quia mandragoræ *ab Nirrino* factore Chaldaicum nomen habeant; Dudaim grato celebrentur odore. 3. Quia tempus præcox, messis triticeæ, nondum potuerit proferre mandragoras. Eadem Franc. Georgius & Oleaster apud Bonfrerium, qui ad singula hæc & alia respondet, ac pro versione vulgatâ pugnat, maximè tamen tot Interpp. auctori-

toritate. Nec puto ab eâ recedendum esse: quæ-
rendum tamen, quam veteres illi nostri Interpp.
Mandragoram; aut *μῦλα Mandragorân*, ut LXX.
quænam intellexerint? Dioscorides, qui *anti-
melum*, & *Circaam* vocari notat, tria genera
recenset: *Fæminam*, quæ & Thridacias, nigram,
foliis quàm lactucæ minoribus, graveolentibus;
cujus mala sorbis similia sint, pallida, odorata, fe-
mine pyrorum; *Marem* foliis betæ; cujus poma
duplo majora, colore suberocæo, jucundè cum
quâdam gravitate olentia: Tertiâ nomine *Mo-
tion*, quæ in cibo assumpta usum rationis inter-
cipiat, &c. Neque aliter recentiores. Dodo-
næus tamen *Mandragoram Theophrasti* differre
notat: qui fructum ferat nigrum, acino uvæ si-
mitem, & succo vinosum: somnumq; conciliet,
& si largius sumatur, inferat mortem. Quæ Do-
donæus *Solano Lethifera* convenire putat, no-
stri appellant *Dollkraut* / *Schlaffbeeren*. Per-
tinent ad hoc genus, quæ *Mala insana* dicun-
tur, & *Poma Amoris*, quæ in Ægypto, magnâ
frequentia, in arenosis agris spontè proveniunt,
duorum aut trium generum, alba, rubra, oblon-
ga & rotunda: omnibus ferè mensis apponuntur,
aut sub cineribus cocta, aut elixa, aut fixa, hæc
Bellonius l. 2. Observat. cap. 40. *Rauhvolff* / de
urbe Halepò scribens, reperiri in Syriâ tria ge-
nera, ab Arabibus etiam *Melongena*, & *Beden-
zian* dicta, coloris cinerei, lutei, & dilutè rubri,
oblonga instar cucurbitarum: & alia duo *Bath-
eschain* dicta, longa & rotunda, majora istis, ni-
gra, & adeò lævia & splendentia, ut & reful-
geant;

geant: omnia mandi; cocta tamen magis, quam cruda.

*Proritant Venerem quæ Mala insana vocantur.
Aptæ sunt escis: ægrè tamen ipsa coquuntur.*

Castor Durantes in Herbario. Quæ si quis consideret, non dubitabit *Dudaïm* esse *Mandragoras*, notos jam olim fructu & usu escario, Syriæ inquilinos: Nomen ipsum Hebræum *Poma amoris* significat; nostris tamen, quæ in viridariis educantur, majora & fragrantiora, ut in calidiori solo. Et fortè à saporis gratiâ Arabibus, ex Syriaco idiomate, *Bath-Lischana*, filia lingua. Hesiychius, *Μανδραγόρας* ὁ ζεύς, *Μανδραγόρις*, Ἀφροδίτη. Meminit Gyraldus Syntagm. 2. p. 213. sed non explicat. Dici autem potest, ut Archimandrita, & *ὑμναγόρας* & *ὑψαγόρας*, apud Homerum: q. d. in Concilio Deorum concionator. Sic Venus Suada, flexanima, blandiloqua, sopiens animum voluptate, &c. An inde plantas Jovi, & foemina Veneri dicata? unde & *ἀνδραπόμορος*, Pythagoræ: partim *ἀδρόμορος*, partim *γυναικόμορος*. *Vinum animos irrigans curas & molestias sopit, ut homines mandragoras.* Socrates apud Xenophont. in Convivio, & Athenæum l. 11. *Vinum Mandragorites* modico usu soporem inducit, & sensum doloris aufert, Dioscorid. l. 5. cap. 45. Denique nomen vernaculum, *Ullraun* / sagam significat, *Aliorunam* Jorrandi: unde & vetulæ hodiè *Ullraunle*: de priscorum Germanorum *Alironis* foeminis fatidicis, Schedius de Djs German. pag. 431. Inter vetusta Alemannica foeminarum propria nomina est

Ala

Alaruna, apud Goldastum in Alemann. T. 2. p. 110. Sic ergò Mandragoram nostri dixere, quomodo Græcorum quidam *Circejum*. Ad Magica sacra jam olim adhibitam radicem vix dubitabit, qui illa Plinii legerit: *Caveant effossuri contrarium ventum, & tribus circulis gladio antè circumscribunt: postea sodiunt ad occasum spectantes*, 25. cap. 13. Similia vide apud Matthiolum, superstitiosa, vana, ridicula. Adde his, quæ Mylius adfert in Horto Philosoph.

8. *Pauca de sensu anigmatis*, Cant. 7. 13. *Per mandragoram somnum infirmis inducunt Medici*, Cæsarius Dialogo 1. ut ferrum & ignem non sentiant, sic membrum aliquod putridum resecandum sit. *Cùm ergò membra nostra mortificanda sint, quæ sunt super terram, dixit sponsa: Mandragora dederunt odorem suum: id est, ceperunt homines dormire peccatis. Qui mandragoram hauerunt, corporis motus non sentiunt; ita qui pia doctrina poculum biberunt, animi perturbationes studere sopire*, Theodoret. Pleriq; discernunt quendam inter mandragoras sexum, ut & mares putent esse & fæminas, sed fæminas gravis odoris. Significat ergò gentes, quæ ante fætebant, boni odoris ferre fructus cepisse, Ambrosius in Psalm. 118. Serm. 19. *Exoptat & expetit Ecclesia Gentium conversionem. Rogat enim sponsum, ut, quoniam tempus messis advenerit, Luc. 10. 2. secum exeat in agros; ibi se ostensurum sponsa sua ubera, suos amores, in promovendâ Gentium salute. Nec defore fructus; jam & mandragoras, Poma illa amoris, fructusque amabiles,*

biles, gratos oculis, & ori & olfactui, *dare suum odorem*, maturitatemque ostendere suam: Neque sibi vel seri hic vel meti: omnia se poma integra servaturam soli sponso suo, Coloss. 3. v. 17. *Dudaim* igitur, quæ duali numero dicuntur, fortè quia duplicis sexus, aut speciei sunt, oblonga & rotunda, inter fructus spiritus sunt potissimi, *Fides & Charitas*; hinc *somnus ille gratia* Psalm. 4. 9. & *ut bonus odor simus in Christo*, 2. Cor. 2. 15. Neque dubium mihi Sanctos olim Patres. de rebus naturæ visibilibus, tales instituisse admonitiones, quibus suos ad contemplanda Dei bona invisibilia excitarent. Potuitque fieri, ut Sancta Rahel, cum prima recensitum Mandragorarum poma Ruben attulisset, in hanc cogitationem delapsa, ista non muliebriter, sed sanctè desiderarit. Deus sanè, qui hæc memoriæ mandari curavit, monere voluit; *Dudaim* præferri debere omnibus mundi bonis & voluptatibus, Luc. 10. v. 41. 42. Per quæ *Doctrinam divinam* Theodoretus intellexit, Legis scilicet & Evangelii: nec multo aliter cæteri, vide Cornel. à Lap. in Cantic. Hinc nascuntur *Fides & Charitas*, *Nova & Vetera*, *Sacra Scriptura non utiq; talia muliercularum desideria*, nobis pro magno insinuare curaret, nisi aliquid in eis magnum querere commoneret, ait de historiâ Rahelis h. l. Augustinus, contra Faust. Manich. l. 22. cap. 56.

9. Paralipomena. Exciderant festinanti *Lilia Salomonis* gloriæ prælata, Matth. 6. 28. & seqq.

qq. & *Rosa Hierichuntina*, Sirac. 24. 18. Ac de
 bio quidem memini me aliquando concionem
 habere, cujus ἀνάμνησις, in gratiam juventutis, non
 eget proponere. *Exordium*: Mundus est Liber,
 la. 34. 4. Magnus & mirabilis; *Meus*, ô Philoso-
 phe, *codex est rerum natura*: is & adest cum vo-
 lero, & verba Dei mihi relegit, aiebat olim An-
 tonius Eremita Histor. Tripart. l. 8. c. 1. *In hunc
 scriber librum & idiota & sapiens, intueri pote-
 unt, aequè pauper ac dives*, &c. Legi potest in
 omnibus linguis, ut ex Psalm. 19. pluribus docet
 Chrysost. ad Pop. Antiochen. Homil. 9. *Con-
 neta*, sunt cognitio aliqua Dei, & nostri, Psalm.
 9. 1. 2. Rom 1. 10. Sirac. 17. 6. *Folia tria*, Cœ-
 lum, Mare, Terra. *Litera*, omnes creaturæ: non
 tantum in cœlo stellæ, in mari pisces, in terrâ
 animalia; sed & minima:

præsentemq; refert qualibet herba Deum!
 Inc toties intueri jubemur, Esa. 40. 26. Job. 12. 7.
 Erque hunc Librum Naturæ ducit nos Deus ad
 brum Scripturæ. *Promisit enim Deus naturam
 commissurus & Prophetiam: ut facilius credas Pro-
 phetia, discipulus Natura*, Tertullianus. Ita h. l.
 Matth. 6. Dominus: *Considerate Lilia agri!* Fa-
 amus, & quid doceant audiamus! *Exergasia*:
 onsideranda sunt, 1. *Nomen*; Liliigen/ a Liliis no-
 en habent; hæc Græcè λείλια, quasi λῆα, lævia,
 ut: aut quia λίσαν ῥέουσι, propter odoris divini
 Fluvium. Aliter κέλια, ἀνθὺ καλλιπνοα: & κεί-
 α, τὸ ξηρόν, Helychius. Fortè à *Karân*, splen-
 indo, Exod. 34. 29. Sunt enim flores splen-
 dissimi: *Regina Florum*, ut *Rosa Rex*, Sappho.
 Unde

Unde & Liliū *Flos Regius*: (& Fabula apud Nicandrum in Alexipharmacis; Virginem fuisse quæ se formæ & nivei candoris præstantia Veneri prætulit:

*Hinc mediis ejus foliis turpissima probra
Indidit, informes, asini genitalia, clavat.*

Turpe & ridiculum Schema.)

2. *Situs*; in campis & convallibus. *Κείρα ἀγρῶν*, h. l. Psalm. 103. 15. Cant. 2. 1. Ita & inter *gramina* à Domino recensentur, ut Jac. 1. 11. Loquitur de Sponte suâ natis, nullâ hominum culturâ vel culturâ; quæ neque ipsa nent aut laborant pro venusto amictu, neque ullo humano labore vel industriâ ornantur:

Ut flos qui in septis secretus nascitur hortis,

Quem mulcent aura, firmat Sol, educat imber.

Flores aliàs quidam arte mutari possunt, ut ex albis evadant rubri, flavi, cærulei, affuso humore & coloribus imbuti, ut docet Lauremberg. Hort. cult. lib. 1. cap. 13. Liliorum agrestium nativus est ornatu, non adsciticius. Putat tamen Scultetus apud Walæum, *Κείρα τῶ ἀγρῶ* hic esse omnino *ἀγρῶν*: tum quia vocabulum sic aliquando Græci Grammatici exponant: cum quia non sit verum simile, campos illos, in quos oculos conjecit Dominus, nullis nisi liliorum floribus fuisse coronatos. Sed neutrum cogit, ut vulgatam significationem dimittere oporteat. Non dubium eo loco, in quem digitum intendit Dominus, varios flores fuisse; sed Lilia eminuisse, vel Lunam inter minora sidera, nemo negaverit. Neque alius erat, qui regium paludamentum

reosq; torques, & monilia, sceptrumq; ipsum quoddam, magis præferret. Sequitur itaque

3. *Ipse amictus*. Hic verò tam varius est, quam sunt genera liliorum. Nam ut *Iridis multicoloris* nullam faciam mentionem, quæ tamen & ipsa inter læticia numerantur; sunt *Lilia candida*, Flos flo-
rum, Græcis καλλιέριον & λευκάνθηρον, Latinis etiam *flos Jovonis*, dicta: sunt *purpurea*, inter quæ flos yacynthi, --- *Tirio nitentior ostro*,

--- *formamq; capit quàm lilia, si non*

Purpureus color his, argenteus esset in illis: Ovid. sunt quæ *silvestria* propriè, coloris vel purpurei obsoleti, vel Coccinei, Gold-Wurz / Türckische Wünd. Hic de Candido agi, consentiunt, sed scrupulos movet Plinius: *Est, inquit, & ruens liliū, quod Græci Crinon vocant; laudatissimum in Antiochiâ & Laodiceâ Syria, mox in Phœlæde, &c.* meminit quoque Dioscorides, *purpureorum, quæ in Syria nascantur, efficacissima unguenti*. Adde, quod hæc in arvis inter segetes, & in montibus ac convallibus nasci gaudeant, ut apud Dodonæum est. Verum & alba lilia, nec minus generis, circa Syriæ Halepum locis incultis, campestribus ac palustribus, frequentia, visa ubi commemorat Rauhwolff Itinerarii P. 1. cap. 10. Et λεῖνον plerunque nomen est γαικόν. Alba lilia eleganter depingit Plinius in Atrio meo Latin. cit. l. 21. cap. 5. Dominus noster compatiens: *ne Salomonem quidem, ἐν τῷ θρόνῳ τῇ δόξῃ αὐτοῦ, quando sedebat in throno gloriæ suæ*, 2. Paralipom. 9. 7. Jura suis dans: aut responsa exteris; *sic amictum exornatumq; fuisse*, Nimis fortè

fortè angustè hoc accipiunt, qui statunt, *pallidamentum Salomonis candidum, & liliis intextum fuisse*, ut Cornel. à Lap. in Matth. Neque iuvant testes, quos adducit, obsunt magis. *Forè Olympii aures fuerant calcei, aureum pallium; quo cum diversa animalium forma, tum ex omnium florum genere lilia imprimis erant cetera*, apud Pausan. in Eliacis priore l. 5. Sed apud Ammian. Marcell. l. 14. *tunica lucent perspicuâ varietate non liliorum, sed liciorum, effigiat & in species animalium multiformes*. In quem locum Henr. Valerius notat, novum, & recens id ævi, hoc texendū fuisse artificium. Non igitur ille, secutus Pinedam de Reb. Salom. l. 6. probat, quod volebat *Aurata vestis* magis convenisse Regum dictissimo videtur Grotio h. l. Nisi fortè modestiâ illi usus fuit, quâ Alexander Severus apud Lamprid. *Veste*, ut & pingitur, inquit, *albâ usus est, non auratâ: penulis togisq; communibus*. In auctione rerum Commodi, quam habuit Pertinax Imperator, *vestis subtegmine serico, aureis filis insigniorum* Capitolin. Sed Salvator noster celebrat non Salomonis modestiam, sed gloriam. Nota est *Agrippa vestis ex argento contexta, opere mirabili, quæ radiis Solis exorientis percussa, divinum quendam fulgorem emittebat*, ex Iosepho l. 10. Antiq. cap. ult. Verùm an opus id mirabile Salomonis tempore jam notum fuerit, nescio. *Agrippinam paludamento indutam fuisse ex auro textili, sine aliâ materie*, refert Plinius l. 33. cap. 3. Verùm mittamus incerta: certum, quacumq; arte vestibus ornatusq; fuerit Salomo, natura

aralem liliorum amictum nullâ arte esse imitabilem. Quâ desperatione victus *Ælius Verus*, cens in lectulo foliis rosa impleto, velamine se de his facto tegebat, unctus odoribus Persicis, apud partian. Hoc ille novum voluptatis genus invenerat. Candorem, splendorem, odoremque liliorum nulla textrina æmulabitur. Quid illud natura artificium, quod subtilitate suâ fugit oculis? Sed si quis novum catoptri genus, quod res inutiles ante oculos proximè positas aggrandescere vit, usurpet, & per id contempletur stamina illa lilia, itemq; filamenta & fissuras liliorum, fateatur nullâ humanâ linguâ illam elegantiam, illud miraculum, efferri ac satis predicari posse, ut ait *Steuernberg.* de Horticult. sæpè citatus, in *Ap. Plantar.* l. 1. cap. 14. p. 83. Hæc de Amictu *Ælius*. Reliqua breviter percurremus. Inditur autem

4. *Textor*, qui tam splendidam vestem confect: Is DEUS est creator. Fabulis celavit antiquitas: E *Junonis lacte*, cum *Hercules* furtim rmentis mamillas sugeret, in cælo lacteum circum; in terrâ orta esse candentia lilia, conaxit. Inde fortè *Nicander* Liliū vocavit *Ambrosiam*, quod ex *Ambrosio lacte*, hinc colorem, hinc odorem, nactum sit: Ut *Rosa* de *Deæ sanguine* purpuram suam, deque nectare suaveolentiam, *Fusa aprino de cruore, deg. Amoris osculis*. Sed fabularum satis. Superest ꝑ. *Velox irritus*: Nam quod hodiè stat tam spectabile, as arefactum mittitur in ignem. Sanè quam florum lilii aliquis in Medicinâ usus est, &

ex iis fit *Oleum Susinum vel Lirinum dictum*; tamēn caules isti tam superbè coronati, nulli usque sunt, quàm instruendo foco; credoque eo fieri arefactos, & clibano injectos, in eà regione, ubi non magna *cremiorum* copia fuit: quomodo apud nos brassicæ caulibus uti solent tenuiores & Arabes Camelorum fimo, Conf. Ezech. cap. v. 15. *De usu* tribus verbis: Considerent lilia ager *atheï*, Psal. 14. 1. & qui in istis fugacibus mundi bonum summum quærunt, Esa. 40. 7. *תֵּאֲרִי נַחֲמִיּוֹ*, Cant. 2. 1. Spectata quoque, est *juventutis* Sap. 2. 7. Eccl. 12. 1.

*Collige, Virgo, rosas dum flos novus. & nova pabula
Et memor esto, ævum sic properare tuum.*

Vide Sirac. 39. v. 17. 18. *Proserpina, dum
--- violas & candida lilia carpit,*

*Dumq; puellari studio calathosq; sinumq;
Implet, & aquales certat superare legendo,
Penè simul visa est, dilectaq; raptaq; Diti.*

Sic *Eurydice* Orphei conjux, dum flores sectata
Occidit, in talum serpentis dente recepto.

Tu cave! Nos verò spectemus omnes, & bene
speremus, *in egestate:*

*Quod si pratorum fruticumq; virentia lata
Ipse Deus vestit, nostris obnoxia flammis;
Cur vobis potior non est fiducia Patris?*

Juvenecus lib. 1. Sed & in persecutionibus, Psal. 37. 1. 2. Jacob. 1. 11. & in ipsâ deniq; morte: post hanc mem istam ver redibit, floresque renascentur Cant. 2. 12. Esa. 66. 14. Dixi de Liliis.

10. De Rosâ Siracides sic: *Quasi palma exaltata sum in Cades: quasi plantatio Rosa in Jericho.*

cho, l, cit. num. 9. Sapiencia DEI, quam hominibus ad salutem in Verbo suo revelavit, ut antecedentia cap. 23. v. 37. & consequentia hfc v. 32. demonstrant, confert se *Rosa Hierichuntina*: sine dubio pulcherrimæ, spectatissimæ, odoratissimæ: quales olim *Pestana*. Felicissima quondam illa Hierichuntis fuisse prata, --- *nec bisero cessura ro- lario Pesto*, vix dubitari debet. Hodie divina maledictio, & culturæ neglectus faciem mutavit, vide Bellon. Observ. l. 2. cap. 86. ubi *pusillam quandam plantam* describit, *qua, radice in aquâ posita, se quamvis arida aperiat & explicet*; quamq. impostores Monachi Rosam Hierichuntis appellarint, sumpto ex hoc Siracida loco argumento; cum tamen de vulgari rubrâ rosâ, intelligendus sit. Hanc affirmant non aperiri, nisi in Vigilia Nativitatis Domini- cæ, vel cum mulieres partus difficultate laborant. Damnat hanc superstitionem ipse Matthiolus, ap. Cornel. à Lap. h. l. ubi de hoc commento plura, nec probanda, nec approbata. Sed tempus est, ut ad alia pergamus.

CAP. VII.

*De Herbis quibusdam agrestibus
& palustribus.*

I. **T**enebo ordinem, quæm suprà cap. 2. in Nomenclaturâ.

I. Agmon quinquies legitur, Job. 40. 21. de im- mani Ceto Leviathane: *Nunquid pones Agmon*

in naso ejus? LXX. *κεῖνον*, annulum, circulum, ut Vulgat. alii *uncum*, ut D. Lutherus, einen Angel. Tremell. *juncum*, id est, *constringesne inferis junco*, ut *piscator minutos pisces*? Fr. Jun. Coecejus, *filcellam junceam* exponit: q. d. non alligabis os, velut Elephantos, filcellâ, aut capistro. Pertineret hic locus ad *Satram Piscatoriam*, & varias continet piscantium artes, capiendi quæque modos, de quibus non pauca in Atrio dixi. De Capturâ Balænarum nuper amicus Dn. Kirchmajerus in Zoologicis. Capi non posse eo more, quod alii pisces minores, indicat textus. Hi enim hamo attrahuntur, cui esca imponitur, Petros in Satyr. pendet ille à funiculo: unde illud Ovidii proverbiale:

Semper tibi pendeat hamus;

Quo minimè reris gurgite, piscis erit.

Captò pisce, nares perforantur circulo junceo, & domum deferatur: aut spinâ aduncâ maxillæ, & est branchiæ.

Sequitur de eodem cap. 41. v. 12. *Ex naribus ejus egredietur fumus*, nebula quali, *velut ex olla fervente, vel agmon*; LXX. *καπνὸς μὲν καλοῦνται οὗτοι πῦρ καὶ ἀρβέκων*, ubi *agmon* pro carbonibus ponitur, ex aridis carectis accensis. Credo simplicissimè: solent enim ista humecta ingentem fumum spargere. Alii ferè *Agmon* h. l. *lacum*, stagnumve significare volunt, & per *μεταφορὰν* *gens abenum*: quomodo *Mare aneum* dicitur.

Apud Esaiam Proverbium est: *Excidit Dominus ab Israël, caput & caudam, ramum curvum & Agmon juncum, unâ die*, cap. 9. 14. quod repetitur

itur, cap. 19. 15. de quo in Arboreto dixi, cap. 58.
 5. aliud est: *Incurvare caput suum sicut jun-*
um. LXX. κάμπτειν ὡς κρίνον τὸν τετραπλόον σου, Vul-
 gat. *Contorquere quasi circum caput suum.* Hy-
 pocritarum hic character est, animi modestiam
 & submissionem mentientium. Contra super-
 bientium est erecto collo incedere, Esa. 3. 17.
 Sed illa hypocritarum superbia sub habitu mode-
 stie, longè nequior est: *Si quis in publicoambu-*
ans, neminem dignetur alloquio, κατὰ κεκυρῶς, ut
 est apud Theophrast. in Charact. ὑπερηφανίας:
 quasi meditabundus, & res magnas animo agi-
 ans; ut videatur

*Esse quod Arcesilas, arumnosiq; Solones,
 Obstipocapite, & figentes lumine terram,*

erfius Satyr. 3. Pulchrè & ad rem Columella;
ebriticantium signum esse, cum obstipa suas trans-
versa capita ferunt. Dicitur *Agmon* ab ἄγμων
 agam, stagno, quo & ipso vocabulo juncus ap-
 ellatur à Thalmudicis. Unde illud: *Si omnia*
aria essent atramentum, omnes junci calami, &
elum pelles, & omnes homines scriba, non tamen
efficienter possent describere profunditatem cor-
is Regis, apud Buxtorff.

2. Achu, bis reperitur. *Vacca pascebant Baa-*
u, Gen. 41. 2, ἐν τῇ ὄχθῃ, LXX. in ripà; *in locis*
ilustribus, Vulgat. *in ulvâ.* Tremellius, in Graß/
 1. Luther. Sic Job. 8. 11. *Nunquid crescet achu*
bsq; aquâ? LXX. βέτομον: *Vulgatus, caretum:*
Thargum, אפרח barka, ulva, ab ב Arak, fu-

giendo; est enim herba citò fugitiva, deficiente humore. Est autem *Burumum*, Ried: Graß/ folia habet Cyperi, grata boum pabulo, Democritus apud Cassium Dionys. 2. Geoponicôn. Hebræi à fraternitate videntur appellâsse, quod folia omnia inter se æqualia sint. Et possit hinc deduci ἀκτὴ, ἄκτα, τόπος & ἡλιχίος, Helychius. Nota 1. Regulam Augustini: *Solet res, qua significat, ejus rei nomine quam significat nancupari: Sic scriptum est: Septem boves, septem anni sunt: non enim dixit, septem annos significant: Sic Petrus erat Christus; non enim dixit, Petra significat Christum*, in Levit. Quæst. 57. Non igitur tropus est in copulâ, est pro significat. Neque in subjeçto, *Vacca*: sermo enim est non de veris vaccis, sed de imaginibus in somno oblati. 2. *Cur per vaccas & spicas anni significati?* Resp. Per has, ut messis pro anno poni solet: per illas, quia semel in anno pariunt, & sementem, quæ semel fit in anno, adjuvant, Arias Montanus, & ex eo Bonfrerius. Sic Poëtæ --- *Tertia messis erat*. Et per Metalepsin:

Post aliquot meæ regna videns mirabor aristas.
Quod tamen aliter explicant recentiores, ut La Cerda. Quamvis & Claudianus dixerit -- *decimas emensus aristas*. Mihi per vaccas & spinas gemina fertilitas indicari videtur, rei rusticæ & pecuariæ. Utriusque præles in Ægypto habebatur *Isis*, per vaccam significata, ut alibi *Ceres*, spiceam coronam gerens, &c. 3. *Vacca pingues in ulvâ*, moraliter denotant homines voluptuosos, Amos. 4. 1. devorantur à macris, ut Job.

Job. 5. 5.) *Condita luporum sunt rapina Vulpium*, Proverbium est apud Gildam in Comcediâ Querulo. Sic sæpè fit ut anteparta bona, vel temporum iniquitas superveniens comedat, vel --- *absumas prodigus bares!* Sir. 18. 25. Denique 4. Ipsum gramen in palustribus, *butonium*, eleganter comparatur cum felicitate impiorum: nam & repente affluentiâ humoris crescit, & defectu exarescit, Jobi 8. l. cit.

3. *Bascha* semel legitur Job. 31. 40. *Pro tritico nascatur spina, & pro hordeo Bascha*. Pro frumento oriatur mihi *tribulus*, & pro hordeo *spina*, Vulgat. Græci LXX. ἀντὶ πυρὸς κνίδη, ἀντὶ κελῆος βάτος, Symmach. habet ibi ἀλαν, hîc ἀταλεσφόρῃα: Alii lolium, herbam foetentē, semen putidum, vitium frugum; quod, ut Fr. Junius notat, in hordeo propriè dicitur *epilops*. Ipsum vocabulum, ex radice *Baäsch*, significat rem foetidam, putridam: & cum de terrâ natis usurpatur, id quod immaturum, vel corruptum putrescit; ut *Beuschim*, labruscæ, *Heerlinge* / uvæ propriè ante maturitatem putrescentes, Ela. 5. 2. Vitia frugum alioqui multa sunt, quæ describit Dodonæus P. 4. lib. 3. Sed *Bascha* propriè videtur, quod recentiores *ustilaginem*, nostri *Brand* appellant: quo vitio spicæ putrefactæ, in atrum pulverem solvuntur, sapore, & odore sæpè foedo. Eo pertinet lolium, ex tritico & hordeo, seminibus corruptis per cœli tempestatem humidam, frequens.

4. Hoc est quod in Evangelio Matth. 13. 25. & seqq. dicitur *ζιζάνιον*. De quo elegantem Brederodii dissertationem vide apud Scultetum Observ. in

Matth. cap. 37. Summa est, *aliud esse lolium per se*, quod semen fert oculis noxium, caputque & cerebrum gravans, si Triticum hordeove in cibo aut potu misceatur : de quo Proverbium : *Lolium visitare*. Et Poëtæ :

Infelix lolium, & steriles nascentur avena :

Et careant lolis oculos vitiantibus agri, &c.

Aliud quod in omni frugum genere corrupto aëre ita nascitur, ut à frugibus ante messem discerni nequeat, cum pro granis tandem nil producat, præter pulverem & paleas inanes, hoc esse quod *ustilago* dicitur, Brand-Korn / &c. observatque in uno eodemque culmo non raro hinc triticam spicam illinc Zizanium reperiri. Hæc ille pluribus, concludens, non loqui Dominum de Hæreticis, sed de hypocritis non extirpandis, de quâ opinione multa nuper Clariss. Boëbelius in Disput. suâ inaugurali Argentinæ A. D. 1661, Ut verò appareat, quid nomine Zizaniorum propriè significare voluerit Dominus, ex ipso textu constat : 1. Vitium hoc bonæ frugis, non ex bono semine productum nasci, sive illud, in sementi sub terrâ adhuc latens, sive in herbâ, corrumpatur : Sed 2. *seri inter triticum operâ inimici*, ex suo proprio provenire semine : Et 3. sic tamen *simile esse tritico*, ut ante messem, cum fructum tulerit, vix discerni possit, eique 4. sic *immisceri*, ut eradicari sine ejus noxâ vix possit ; 5. denique tempore messis tamen à tritico *separari*, & seorsim colligi & in fasciculos colligari. Ex quibus manifestum evadit, *Zizanium non esse ustilaginem*, quæ neque seminatur, neque potest, cum

cùm non ferat semen, sed pulverem & inanes paleas. Adde, quod nec messis tempore à tritico verè discerni, ac seorsim colligi possit, aut soleat, non solet; ut manifestum est: nam cùm fruges teruntur, nihil post se relinquit, præter pulverem; qui ut & acus extra aream evannatur, & vento excernitur; reliqua purgamenta stipulæ, paleæque, non in ignem abjiciuntur, sed servantur pabulo jumentorum; nec potest; nam ut nulla seges tam bona est, in quâ non sit spicum aliquod nequam, Varronis Proverbio apud Nonium Marcell. sic in ustilagine, vel spica rubigine corruptâ, sæpè sunt aliquot bona grana.

§. Quare de lolio propriè dicto loqui Dominum jam, puto, claret. Quod & ex eo manifestum; quia nota fraus est inimicorum, lolium aut avenam in alienam segetem injicere, quo ea inquinetur, ut molesta sit separatio, de quâ Ulpianus ex Cello lib. 9. Digest. ad L. Aquiliam, Tit. 2. l. 27. §. 14. ubi avena non est frumentum, sed vitium, ut ibi Gothofredus. Sic Tertullianus & ipse Jurisconsultus: Bonum semen frumenti à Domino seminatum primò constituit Parabola; avenarum autem sterilis fœni adulterium ab inimico Diabolo postea superducit, de Præscript. cap. 31. & adv. Praxean: Fruticaverant avena Praxeana, &c. cap. 1. De hac avenâ, quæ primum frumenti vitium dicitur Plinio, multa in Eclog. 5. Virgil. La Cerda. Ea est quæ Græcis dicitur agilops, scil. ex descriptione Theophrasti, ut Bapt. Porta l. 11. cap. 29. Hinc intelligitur 1. Quomodo dicatur inimicus superfeminasse? 2. Quod lolium &

zizanium, etsi è corrupto semine bono oriri soleant, tamen proprium etiam producant, eo quæ propagentur. Sic Basilius in Hexaëm. Homil. 5. *Quod lolium appellatur, αἶμα & reliqua ὁδὸν σπέρματα, quæ edulibus miscentur, quæq; zizania solet appellare Scriptura, non nascuntur aut fiunt ἐκ τοῦ οἴτου μεταβολῆς, sed ex proprio suo principio existunt, propriumq; habent genus.* Et his postea hæreticos comparat, ut & cæteri Patres consentaneè. Eadem repetit Ambrosius in Hexaëm. l. 3. cap. 10. & ex ipso hoc Evangelii loco probat, *Zizania ac triticum, ut nominibus, ita & genere, esse discreta.* Similia tamen sunt foliis & culmis, quibus triticum hordeumve æmulantur. *Imitata spicas herbula, ante messẽ in anibus aristis flavescentes,* ut ait Quintilianus. Discernendæ tamen cum studio hæ pestes, & separandæ à frugibus, ne noceant vescentibus. *Paves, quibus lolis multum intervenit, inebriant quasi, somnumq; capiti & vertiginẽ inducunt, oculisq; tenebras, cutiq; ipsi scabiẽ & ulcẽra:* unde monebat Galeni Pater, cerealium semina studiosè ab his seminibus per idonea incernicula esse separanda. Quod in Italiâ diligenter factitari refert Matthiolus. Sed & in ipsâ collectione separationem fieri solitam, indicat Dominus: quomodo cardui seorsum solent colligi, & incendi.

6. De vocabulo ζίζανιον litigant Grammatici, utrum Græcum sit, an peregrina originis? vide Annotat. Walxi in Matth. nam neque vocat exscribere omnia, neque libet. Græci putant, ideo

ideo sic dici, quod sit vel *αιτοιζανιον*, cum tritico adhærescens & crescens; vel *αιτοολιον*, frugibus nocens, succum & alimentum, intervertendo, & amplexu suo, hederæ instar, suffocando. Utrumque non lolium solum efficit; sed & aliæ pestes; inprimis id vitium, quod Græci *αεγχορ* nominant, wilde Wicken / de quo Dodonæus P. 4. l. 3. cap. 9. Hinc Thalmudici apud Buxtorff. *Zomin* vocant Zizania, quasi adulterina, à *scortando*. Nam quando tempore diluvii *scortata* est terra, inquit; *se-*
rebant triticum, & colligebant hanc speciem:
terrâ quoq; adulterante fructus suos. Duo tamen genera in Thalmude leguntur, & apud ejus Interpp. unum ex tritico corrupto, ut modò dictum: alterum heterogeneum, quod explicant, *Vicia*, & describunt, *esse semina nigra, qua non comedantur ab hominibus, sed pro columbis reserventur*: hoc est, quod vocant *Pseudomelanthium*, quidam etiam lolium; nos semen, *Kaden*. Hæc cum expenderet Interpretum Coryphæus Dn. Lutherus, Zizanio expressit vocabulo generali, quo ista omnia complecti solemus, quæ frumenta inquinant, *Infrat*: nam & Hebræorum & Græcorum, quod tamen apud alios autores nuspiam invenitur, vocabula generalia sunt: Nec unum genus inter frumenta nasci solet: & ut DEI triticum *Veritas* simplex est; ita Diaboli Zizania, *hæreses*, multiplicia & innumera: ut & *peccata*, quibus vita adulteratur: neque enim hæc excludenda sunt, ex isto numero. Sic Franc. Lucas Brugensis in-

ter

ter doctissimos interpretes : *Zizaniorum nomine designatur omnis noxia, vitiosa, inutilis fruticatio, qua sementi ac frugum incremento officit, sata strangulat ac necat, succum quo nutriuntur depopulatur, &c.*

7. Ex dictis de sensu Parabolæ, quam diversa interpp. studia, suis commentis non illustrent, sed obnubilant, satis constat. *Zizania sunt Filii nequam in Mundo universi, oppositi Triticis DEI, Matth. 13. v. 38.* Quos inter utique hæretici primum locum occupant. 2. Hi *Zizaniis* comparantur ex præcipuis locis Topicis : à *nominibus*, quæ satis explicuimus : à *causâ efficiente*; nam ex maledicto, propter peccatum, auctore Diabolo, iustâ DEI permissione, hominum locordiâ, proveniunt. Sic & quoddam genus *Zizaniorum*, lolia, ex corrupto semine. An hæc à Deo creata? de iis, quæ ex corruptione oriuntur, nego. Posse autem Triticum mutari in lolium, & vicissim lolium in Triticum, & quibus id causæ eveniat, docent Matthiolus in Dioscor. l. 2. cap. 93. & in primis Bapt. Porta lib. 11. Villæ cap. 17. Sanè bonus Pater familiâs operam curamque navat, ut non nisi electa semina mandet terræ. Inimicorum fraude fit, ut noxia superfementur, quod ex Ulpiano notavimus : à *diversâ formâ & generibus*; sunt enim adulterina plurima, & fecundum est cor humanum, quando contrâ DEUM fornicatur, Matth. 15. v. 19. *ab effectis*, & noxis, quas afferunt tam legeti, quam colono vescenti : *ab adjunctis & subiectis* : *situ* : etiam in ipso DEI agro, & inter Triticam

ceam segetem : *tempore & modo crescendi* ; latent enim aliquamdiu, ut vix dignosci possint, arctèque hærent bonis frugibus , donec fructum edant, & messis appropinquet : quædam pulchrè florent, omnia valdè fœcunda , utilia ad cibum homini nulla : triste omen bono Patrifamiliàs & cordolium familiaribus : denique à *contrario* ; tandem enim eradicantur , & comburuntur.

3. Hinc patet, *cur ante tempus excindi, extirparive vetet Dominus* ! non simpliciter vetat : sed negat omnia posse. Vetat autem, si cum Tristici detrimento. Hæc copiosius apud Commentatores ; hic pro instituto satis.

8. Sequitur 4. Gome, quod quater occurrit. Exod. 2. 3. *Moses inclusus arca Gome, ponitur Bassuph, juxta ripam Nili.* LXX. apud Augustinum habent *θῦαν πάριον*, & pro *Suph*, ἰαϑ : vel & simpliciter, *θίσιν*, quod Scholia exponunt, *κατὸν πάριον* : Vulgatus, *fiscellam scirpeam* ; alii arcam scirpeam, junci, ein Râstlein von Rohr : *Suph* autem vertunt, carectum, algam, Schiff / &c. Job. 8. 11. *An crescat Gome absq. palade?* *πάριον*, scirpus, juncus, Schiff. Esa. 18. 2. *Terra mittens per mare legatos, & in vasis Gome super facies aquarum*, ubi LXX. pro Legatis *ἄγγελοι*, & pro vasis Gome, *ἱεροσολὰς βιβλίνας* posuerunt. Vulgatus, *vasa papyri*, alii juncea, scirpea. Lutherus clarissimè, ut solet, Rohr : Schiff. Intelligit enim Propheta naviculas è scirpo, junco, aut papyro contextas : qualibus Ægyptii & Æthiopes, propter catadupos

pos, cataractas, & periculosa vada utebantur, &c. Fr. Junius ex Plinio 6. cap. 22. Superest Ela. 35. 7. in eo loco, ubi Dracones cubabant erit *chazir lekane*, *vagome*, *ἰπάλυς ποιμνίων καλὰ μὲν ἔστιν*, LXX. Orietur viror calami & junci, Vulgat. Gramen cum arundine & junco, Tremell. es soll Heu / Dohr und Schilff stehen. Dicitur planta palustris, à bibendo, hauriendo. Chaldaeus alicubi pro Hebræo *Achu* posuit; de quo supra h. l. num. 2. & pro *Suph*, algâ, vide Buxtorff. Specialiter tamen *Papyrus* significare, usus indicat ad navigia, & arculas bituminatas.

9. Papyram describit Plinius l. 13. cap. 11. nasci in palustribus Ægyptii & in quodam Syria lacu, ubi & calamus odoratus: Semine nullo, aut usu ejus alio, quàm floris ad Deos coronandos: Radicibus incolas uti, pro ligno: nec ignis tantum gratiâ; sed & alia quoq; utensilia vasorum: ex ipso quidem papyro navigia texi & è libro, philuris, vela, tegetesq; vestem, etiam stragulam, ac funes: mandi etiam crudum decoctumq; succum, &c. In quem locum multa Dalechampius, ibi legenda. Veslingius ad Prosp. Alpin. de Plantis Ægypt. cap. 36. describit his verbis: *Assurgit ab arundineis fibrosisq; radicibus, circa Nili stagnantis ripas, caule numerofo, triquetro, non raro septem cubitorum mensuram speciosâ proceritate cum aequante, tum superante. Folia circa utrumq; scapi extremum, inferius ampliora, Sparganii Cyperive instar repanda; supernè minora, quem radiatum veluti calycem innascenti juba subjiciunt, &c.*

10. Vocabulum Papyri in plerisq; linguis hæ-

lit.

fit. Nam & Rabbinī utuntur eo, כפ"ר, ut apud Buxtorff. in Thalmud. Credo origine esse Ægyptiacum. Quanquam ex Thalmudico כפ"ר *Pera*, quod fossam significat, deduci posse videatur; quod sit *Peri Pera*, fructus fossæ; ut *Gome*, fortè à כדל *Guma*, quod & ipsum foveam, fossam, significat. Græci quoque Βίβλος, dixerunt. Sic Lucanus:

*Nondum flumineas Memphis contexere Biblos
Noveras* Et alibi Idem;

Conseritur bibulâ Memphitica Cymba papyro.

Puto ferè molliori pronuntiatione, ex כפ"ר & factum Βίβλος; Nam & B. ac P. ejusdem organi literæ non rarò permutantur, & ex R. caninâ literâ, fit Lablæforum. Sic *Pilpel* dicunt Hebræi Piper: Sic ex *Pipjar*, Biblos, biblia. Quid si & malvæ nostræ, hinc *Papplen*? Nam ut Cinna apud Isidorum, olim carmina:

Lævis in aridulo matva descripta libello.

Navium ex Papyro meminit Plinius quoque l. 7. cap. 56. *Etiā nunc in Britannico Oceano Viriles corio circumfusa sunt: in Nilo, ex papyro, & scirpo, & arundine.* Vitilem, ex vimine, navem depingit Lucianus l. 4.

--- *canna salix madesacto vimine parvam*

Texitur in puppim, casq; induit juvenco,

Vectoris patiens, tumidum superenatat amnem.

Sic Venetus stagnante Pado, fusq; Britannus

Navigat Oceano: cū tenet omnia Nilus

Conseritur bibulâ Memphitis cymba papyro.

Plura de his Gyraldus de Navigiis cap. 7. confert Bellon. l. 2. Observat. cap. 30. *Onerarias naves*

samen

tamen è spinâ fieri in Ægypto testatur Herodotus, & quidem eâ, qua loco Cyrenaico similis, cujusq; lacryma gummi sit. Ea Acacia est, ut apud Dioscoridem l. 1. cap. 115. &c.

11. De Epistolis Biblinis, quarum mentio apud LXX. Esa. 18. dixi Volum. 2. S. Analect. l. 2. cap. 16. Simpliciter puto dici Epistolas *chartaceas*. Quomodo Charta in Ægypto ex papyro facta fuerit, docet Plinius, & recentiores, Guilandinus, Dalechamp. ac Salmuth. In Pancirol in Novis Repert. Tit. 13. *Hodiè, ob strenuam incolarum inertiam, aliunde advectis chartis, ars hac Ægypto natales, tantum suos, non a stimulatione debet*, Veslingius l. cit. Vestimentorum velaminum, vasorum, cophinorum è papyro, mentionem faciunt quoque Hebræi apud Buxtorff. in Thalmud. *Papyrus Ægyptiâ argentiâ Nilotiti calami inscriptam*, habet Apulejus i. Metamorphos. Quod pars papyri inferior, longitudine cubitali, in cibos veniat, & venum detur, Herodotus l. 2. Succus ille quem mandunt, aut est quod dicunt *Saccharum*, aut simile: ut & Papyrus arundinibus *Saccharinis*, quibus in Ægypto nihil esse frequentius, ait Bellonius l. 2. cap. 34. nec à papyro videtur distinguere. Quin & *Indica canna*, quibus delicatioribus pro scipionibus uti solent; & *folia illa*, quibus *Saccharei*, ut vocant, *panes*, *Buxer*, *Sûte* involvuntur, delati ex Insulis Divi Thomæ, & aliis, de papyri genere esse creduntur, ut notat Matthiolus in Dioscorid. l. 1. cap. 98. De Saccharo veterum & nostro vide Salmuth. in Nov. Repert. Tit. 5. Unde illud quoq;
intelli.

intelligendum datur, cur *Góme* live Papyrus inter munera divinæ benedictionis numerari debeat? *Isa. 35. l. cit. & ab Interpp. modo juncus, scirpus, rundo, pro eo ponantur? deniq; quomodo Moyses in fiscellâ papyraceâ latens Christum præfigurârit?*

12. Progredior §. ad Dardar: his legitur, *arduum propriè notant, qui inter fruges nascitur, inferum cibus*, Marinus. Genes. 3. 19. *Maledicta terra, &c.* Κοζ vedardar, ἀνάρδας & τειβόλος, *anas & tribulos*, vel carduum, aut ut Fr. Junius, *Imum silvestrem, secutus, ut ait, Arabar, quem idem voce appellari testis sit Serapio, germinat tibi.* Sic *Ose. 10. v. 8. Κοζ vedardar adscendent super eorum altaria: ubi Vulgatus: Lappa & tribulus.* Quod, ut Hieronymus ibid. signum ultimæ solitudinis. Ita *Hose. 9. v. 6. Desiderabile argentum eorum*, id est, villas & omnia ornamenta villarum, quæ pretio emuntur argenti, Hieron. domum desiderabilem argenti, Chald. Fana argento exornata, D. Lutherus, *hereditabit Kimosch, ὀλεθρῶς, urtica, carduus, alius, Choach, spina, lappa, Vulg. in tabernaculis eorum eorum.* Sic Tertullianus in Genes. *Nam tibi triticea surget pro germine messis Carduus, & spinis multam Paliarus acuis,* Virgil. Ecl. 3. & Claud. Marius Victorin. ibid. *--- tellus spinas, tribulosq; minaces (&c. Culca ferat, fallatq; tuam spes improba votum,* Κοζ & Choach, spinis dixi in Arboreto; de Kimosch statim.

13. Puto jam constare *Dardar* & *Kimosch* infelices plantas, quæ in neglectis & desertis agris nascuntur, testes iræ ac maledictionis & vinæ. Quid verò differant? tum fortè divina facilius erit, cum & alias ejusdem generis receperimus. Reperimus tales Prov. 24. v. 31. *Proteribam agrum pigri, vineam stulti. Ecce ascendit ille totus, stabatque*, ut Lucilius dixerat *pectus stare sentibus*, AGell. 1. 8. c. 4. Durant. C. sell. 1. Variar. &c. *Kimmoschonim, urticis*, Tremellius *Chamæleontibus*, & *superficies ejus operata* Charullim, spinis, dumis, urticis, cardui ita enim variant Interpp. Sic Esa. 34. 13. *Super palatia eorum ascendent Sirim, spina, Kimmosch, urtica*, Tremell. Chamæleon, & Choac *paliurus*, Vulgar. LXX. hæc tria uno vocabulo complexi, habent ἀνάρθια ἔλαια. Superest Aroë Jerem. 17. 6. *Maledictus homo, &c. erit sicut Aroë* ἀγρομυελικη, *myrica*: Arias Montanus, *sicut Juniperus*; Tremellius, *similis nudatissima arbori*: nam de arbore hoc accipiendum esse tum adjunctum ostendunt, cum antithesis, v. 8. ait Fr. Junius. Eadem proverbialis locutio redit Jerem. 48. v. 6. *Fugite, eripite animas vestras, & eritis sicut aroë in deserto.*

14. Nunc ergò singula excutiamus, si verum fortè eruere liceat. *Dardar*, vi vocabuli significare potest, plantam vel liberè, suâ spontè, nascentem; unde & *Deror* hirundo avis libera, quæ nidulatur inter homines liberè: vel rotundum caput tollentem; nam *Dar* Pilam significat, ut Bochartus

chartus

chartus in Canaan p. 786. & huic sanè carduus
perquàm similis, farctus quasi tomento; qui &
inter spinas in agris frugum loco nasci amat, &
super altaria caput efferre potest, quæ duo tribu-
untur nostro *Dardar*. Neque longè recedunt,
qui ex Thalmudicis exponunt *Crotum silvestrem*,
ut apud Buxtorff. qui Fullerum l. 6. Miscell. cap. 1.
de hoc vocabulo pluribus egisse monet. Videat,
cui ejus copia est. Sunt autem carduorum varia
genera, quæ depingit Dodonæus P. 5. l. 5. cujus
Eriophoro cap. 5. hæc descriptio nostra proximè
convenire videtur. Per *Crocum silvestrem* au-
tem videntur Rabbini indicare *Cnicum*, sive *Char-*
eamum; nostri quoque wilde Saffran vocant.
Hinc celebre *Diachartamon*, medicamentum hy-
dragogum, pro hydropicis. Deniq; *Lappa* quo-
que quæ major, & Græcis Ἀρχειον, quod hirtum
hispidumq; urli caput præferat, optimè quadrat.
Nota est ex rotundis suis echinis, quibus obvios
apprehendit & tenet, inde φιλάνθρωπος dicta:
folia habet amplissima, flores purpureos, semen
quale Cnicus, quod intra globosum illud echina-
tumq; capitulum latens, dehiscente illo cum la-
nosis pappis suis vento avolat. Græcis etiam
μεγίστοι & μεσσωπεις, quod foliis ejus histriones
faciem tegerent, ne agnoscerentur. Conjungit
Poëtarum Princeps, Georg. 1. v. 152.

--- *Segnis horret in arvis*

Carduus, intereunt segetes, subit aspera silva,

Lappag, tribulig, interq; nitentia culta,

Infelix lolium & steriles dominantur avenæ.

L 2

Equi-

Equidem Vulgato interpreti hîc digitum tollo, putoq; ferè, *Dardar* radice germinatâ significare pilam ejusmodi echinatham, & intus lanosam, *frequentem* in unica stirpe. Etsi fieri potuit, ut Hebræi omnes ejus generis plantas, quibus talis fructus est, unico vocabulo comprehenderint,

15. Kimmosch : Arabicè *Cumeis*, urtica, à *Kum* & *maschâsch*, quod exsurgat ut contrectet & palpet. Quod tamen & spinarum ingenium est. Distinguitur à *Charul*, quod etiam Job. 30. v. 7. legitur : *Inter arbuscula rûdebant, & subter Charul congregabantur.* LXX. *ἐν ἐφύραις ἀγρῶν συνῳροῦτο*: Vulgat. *Esse sub sentibus delitias putabant*: alii, *sub veprete aliquo*; sub *carduis*, aut *arboribus aculeatis*; Tremellius, *sub urtica pungebantur*, id est, urebantur, ut pusula ex earum contactu orirentur. Lutherus : unter den Disteln sammleten sie. Apud Zephaniâ c. 2. v. 9. in comminatione ultimæ vastitatis, est *Mim-schak Charul*, locus derelictus, sive urticis, sive carduis, vel ut habet Vulgatus : *Siccitas spinarum*; Luther. wie ein Nessel-Strauch. Hic ut jam apparet, Interpp. ex incertis incertiores non relinquunt. Equidem ex loco Jobi cap. 30. colligo: *Charul* non esse *urticam*. Sermo ibi, ut contextus & Interpp. plerique indicant, est de infelici habitatione pauperrimorum hominum, qui in cavernis petrarum, sub arbusculis sibi receptum quærebant contra frigus & æstus, adeo ut & sub *Charul* vel se contraherent, vel *exulcerarentur*, crebris puncturis, vide Coccejum ibid,

ibid. Sub urticis fugitivi, pulsi patriâ, extor-
res, latere nequeunt, nec eò usque crescunt illæ,
ut habitaculum præbere possint. Spinola hæc
sunt, neq; facilis est exitus. Quare, dum certiora
nos quis doceat, veteres sequi, puto, tutissimum
est: ut *Charul* dicantur *Veprera*, fraudulenter
quasi ad se confugientes pungentia, undè Syris
Charal, fraudavit: *Kimmosch* verò maneat *urti-
ca*, aut si mavis, *Chamaleon*: quamvis caussam
non reperio; cur hæc potius herba, quàm illa?
Est autem *Chamaleon*, qui & *Carduus suavius*,
alius niger, alius albus, de quibus inter *Carduos*
Dodonzus P. 5. l. 5. cap. 10. & 11. Peregrinus
uterque, nec cum *Leucacanthâ*, sive *Carlinâ*,
confundendus, quæ nostris *Eberwurk* vocatur,
ut contra Matthiolum Idem ex Bellonio dispu-
tat, c. 8. l. cit. *Quare Chamaleon vocetur, varie-
tate foliorum evenit. Mutat enim cum terrâ co-
lores: hic niger, illic viridis, alibi Cyanæus, alibi
croceus, atq; aliis coloribus*, Plinius l. 22. cap. 18.
Habet deniq; *urtica* & alia apud Hebræos Thal-
mudicos nomina, sed æque, puto, incerta. Sic
חילפה *Chilpha* quidam exponunt urticam: ut in
Proverbiis: *Myrtus inter urticas, myrtus tamen
est & dicitur: & Puella, juvencula, competit co-
rolla rosarum; Vetula corona urticarum.* Voca-
bulum tamen hoc alibi salicem significat, &c.
Urticam in cibum collectam Plinius testatur:
*Incipiens ipsa nasci Vere, non ingrato multis, etiam
religioso in cibo est, ad pellendos totius anni mor-
bos*, l. 21. cap. 15. *Nemo tamen jure utetur, ut*

alimento, nisi fame prematur: etsi utile sit obsonium ac medicamentum, quod alvum solvat, ita Galenus l. 2. aliment. facit. Multa in hanc rem Renatus Moreau, Medicus doctissimus in Scholam Salernit. pag. 482. & alia de urticâ. Eò fortè respexit D. Lutherus & Tremellius in Job, loc. cit. num. 15. quod famellici illi sub carduis urticas colligentes, uri pungi que se non ægrè tulerint. Quod apud Horatium est Libro 1. Epist. 12.

Si fortè in medio positorum abstemius, herbis Vivis, & urticâ; sic vives protinus, ut te Confestim liquidus fortuna rivus in auree:

Irrisio est sordide parci: etsi urticam ibi, quia herbis apponitur, & ab iis distinguitur, Cruquius intelligat *pisciculum Siculum*, concoctu facilem, ex Athenæo l. 3. Urtica cur urat? docet Moreau l. cit.

Sipremis, haud noceat: leviter sitangis, aduret. Sic Proverbio dicitur: ἡ δὲ χαλῶνς κρεῖα φαγεῖν, ἢ μὴ φαγεῖν.

16. *Aroër*, alii ab *Arâb* derivant à nudando; q. d. nudatissimam: alii ab *Arâr*, quod in Piel *Ireer* desolavit, destruxit, ut Schindler. ex Jerem. 51. v. 58. Hinc *Haarear*, Psalm. 102. 18. *derelictus*, solitarius: & *ariri*, sterilis, ἀτελες, Gen. 15. 2. Levit. 20. 20. Vi vocabuli igitur est *Aroër* planta nudatissima, sterilis, foliis & fructu spoliata, derelicta, solitaria, &c. in Targum *Acubitha*, quod Rabbinî à *Dardar* non distinguunt, & aculeatam plantam dicunt esse, cujus fructus

fructus foris spinosus, interior edulis sit; Carduus Scolymus, Artischoffe / vide Buxtorff. in Ps. 102. Targum apud Schindlerum habet *Demizharjon*; est autem *Zithri*, Satureja: *Zuthra*, aridus, deformis Satyrus; ex Græco utrumque. Doctioribus tamen & priscis Interpretibus Myricæ non sine causâ placuerunt.

17. *Myrica*, seu tamarix, apud pigras & stagnantes aquas nascitur, fructum quasi florem ferens, compage muscolum. Ægyptus & Syria alteram gignunt mitiorem, silvestri cetera similem. Fructum parit gallæ proximum, &c. Dioscorides l. 1. cap. 99. *Ad lienem præcipua est, si succus ejus expressus in vino bibatur. Adeoq; micabilem ejus antipathiam contra solum hoc viscerum faciunt, ut affirmant, si ex eâ alveis factis sues bibant, sine liene inveniri. Vulgus infelicem eam arborem vocat, quoniam nihil ferat, nec seratur unquam. Genera duo: Silvestris, planè sterilis, & altera mitior. Hac fert in Ægypto, Syriaq; etiam abundanter, lignosum fructum; majorem gallâ, asperum gustu, &c. Plinius l. 24. cap. 9. videl. 13. c. 21. Tamarices in Ægypto indifferenter nascuntur, cum humidis tum siccioribus locis; ut illarum silvula perinde in aridioribus locis reperiuntur, atq; in humidis litoribus. Ea autem ullâ excrescentiâ, quam Gallam nominavimus, adeò onusta sunt, ut parùm absit, quin rami præ pondere rumpantur, Bellonius 2. Observat. Singul. cap. 28. Myricâ Magi passim ad multas superstitiones abutebantur: inprimis ad Vaticinia. Hinc partim, divinatricem dixit Nicander;*

vide ejus Scholiasten & Mylium in Horto Philosoph. &c. Ægyptii Sacerdotes eâ coronati festum Jovis celebrabant. Apollini consecravit Græcia, qui & in Lesbo *Myricæus* dictus, quod Virgam Myricinam manu gestaret. Hinc & Myricas tuas carmina pastoralia dixit Virgilius:

Non omnes arbuscula juvant, humilesq; myrica.

Et patere hinc potest, cur infelix habita fuerit myrica, atque apud Hebræos jam olim in maledicto? Non tantum quod nasci gauderet, in desertis, vastisque locis; essetque sterilis, & solitaria, inculta, neglecta; verum etiam propter Magicum abusum. Nam quibus abuti solebant Magi & Idololatæ, ea execrari solebant & abominari Judæi. Quare Jeremias hominem maledictum Myricæ comparavit; & quidem nascenti in deserto, siticuloso, saluginoso solo, in quo nihil aliud generari queat. Loquitur enim de Silvestri.

18. Huic cum simillima sit *Erica*, non peccarunt, qui pro *Aroër* ericam, *Heide*/interpretati sunt. *Ericen* Græci vocant fruticem non multum à myrice differentem, colore roris marini, & penè folio. Hoc adversari serpentibus tradunt, Plinius l. cit. ex hujus flore mel conficiunt apes reprobum, Dioscorid. cap. 100. l. 1. *Ericæum* vocant. Genus quoddam *Ericæ* baccas fert juniperinis similes, ut docet Matthiolus ibid. Inde fortè *Aroër* nonnullis *Juniperus*. Ad scopas, quibus domus everruntur, myricæ & ericæ vulgaris usus est. Plin. & Matthiolus. Quod & ipsum ad execratio nem pertinet. Unde etiam intelligitur, quomodo

modo Ps. 102. 18. *Ecclesia* humilis, despecta, abjecta, se myricam dixerit : quasi purgamentum quoddam, scopis everrendum, 1. Cor. 4. 13. *Exverras* dixerint fortè Latini vetustiores, ut apud Festum in *Everriator*. Cùm talis mens ad Deum ardentissimas preces effundit, fit, quod dixit Virgilius, ut

pinguia corticibus sudent electra myrica.

In aquosis & in desertis, contrario quodam usu, hæc Virgulea nascuntur : unde & Hieremias dubia morum atq; insincera myricis comparavit, ait Ambrosius 3. Hexaëm, cap. 16. Alia in Arboreto diximus.

19. Superlunt 6. in hoc capite *Alga* & *Arun- do*. Alga Suph dicitur, in quâ repositus est infans Moses, Exod. 2. 3. & capite implicito obhæsit Jonas, cap. 2. 6. Unde *Mare Suph*, quod ab Erythrâ Rege, Esavo scilicet, qui & Edom sive Erythra, vulgò *Erythraum*. Nomen habet *ab extremitate*, quod nascatur in extremis maris, & ideo tam algam, quam juncum, caricemq; significat : aut quod citò hæ plantæ consumantur & finiant. Hinc Proverbium : *Vilior algâ*. Dicitur *ab alligando*, quod alliget pedes, vel *ab algore aquæ*, Isidorus. Inter maris ejectionem est, quæ ventis expelluntur, *salo* exspuuntur, Apulejus Apolog. vide plura apud La Cerdam Eclog. 7. in illud :

Horridior rusco, projectâ vilior algâ.

Describit genera Plinius l. 13. cap. 25. & 32. cap. 6. *Laudatissima*, quæ in Cretâ juxta terram in petris nascitur, tingendis etiam lapis, ita colorem alligans, ut elui postea non possit. *Phœnix* & *Baradani* dicitur,

citur. *Fucus Marinus*, de quo Dodonæus P. 3. l. 5. cap. 20. *Nymphaeam* quoq; Apulejus vocavit *algam palustrem*, &c.

20. *Arundo*, *Canna*, ex Hebræo nomen retinuit: idq; *καλύβημον*. Nam præter plantam palustrem, aromaticam significat, de quâ suo loco, & calamos artificiales, & alia, quæ apud Ravennell. & similes reperiti est. De *fera arundinis* dixi Volum. 2. S. Analect. l. 1. cap. 5. *Taurus expulsus regno memoris Paludis in secreta profugit latibula*, Pnædrus fab. 30. Psalm. 68. 31. sic per epexegesin statim explicatur, Potuisset alioqui de Crocodillo intelligi, qui Ægyptiorum, quorum veritusq; mentio, insigne fuit. *Nisi baculo arundineo Ægypti*, Proverbium, 2. Reg. 18. 21. Esa. 36. v. 6. Ezech. 29. v. 6. exponit Zehnerus Cent. 4. Adag. 29. Dixi supra, & hodiè ex arundine Indicâ, quæ & *πάπυρος*, fieri scipiones: Elegantes quidem, sed fragiles. Auxilium ficulneum, stramineum: quod adeo non sustentat calabundum, ut & fallat innixum, & latus suffodiat. *Arundinem quassam non confringere*, Esa. 42. 3.

Hæc est sola salus anima, & spes certa, dolenti;
Vulnera cum lacrymis Medico reserare superno,
Qui solet allisos sanare, & solvere victos,
Quas satis nec vult calamos infringere dextrâ,
Nec lini tepidos undis extinguere fumos.

Patchas. de Solitar. Convers. *Moveri sicut arundo in aquâ profluente*, est vivere in perpetuo metu & motu, 1. Reg. 14. 15. Nam neque fluxus aquæ

can-

cannam finit quiescere, & quâlibet aurulâ agita-
tur ejus Coma. Sic inconstantes arundinibus si-
miles --- *quas leniter afflans*

Aura susurrantis possit confundere venti,

Matth. 11. 6. Verùm hæc fatis, & ad finem prope-
rat oratio. Addo

CAP. VIII.

De Vestiariis & Coronariis

aliquid.

I. **S**acram Rem vestiariam an quis accurate
explicârit? nescio. Materia ex plantis ferè
sumpta celebrat *Bad, Buz, Pischta, Schesch*; ad
tincturam pertinent *Argaman, Thekelet, Thola,*
Schani: Fullonibus serviebat *Borith*. Res intri-
cata est, & difficilis explicatu: majore curâ & in-
dustriâ digna. Nisi fortè, ad intelligendos pro-
fanos auctores, operæ pretium est scire rem ve-
stiariam Græcorum & Romanorum; Hebræo-
rum Sacram, ad rectius intelligendam Scriptu-
ram θεόπνευστον, parum referre putamus, aut ni-
hil? Ego, quoniam nec tam eruditus sum, nec
tàm otiosus, ut possim τείναι τὸν νόον εἰς τὸ ἀκελές,
ut aliorum studia excitem, de his pauca & quæ
ad manum sunt commodabo. 1. *Bad*, unde
fortè nostrum, *Wad/Leinwad*/quando vel nomi-
ni vettis, vel verbo induendi, jungitur *linum*
linteumve significat: *Semper*, ut notat Mari-
nus, *regitur ab alio nomine*, & adeò adjectivi
vicem

vicem tenet : etiam cum verbo *Labāsch* jungitur, quod est, *induit*. Sic sæpè legitur Tiara lini, itemque baltheus, Ephod, tunica, feminalia, vel subligacula : & indui lineis, *Baddim*. Hinc hoc plurali nomine etiam *vestes*, & proceri rami restitque indicantur, idque tum & affixa recipit, & in regimine ponitur. Sed & *Vates*, nomine ex Hebræo fortè derivato, ut visum Avenario, *Baddim* dicunt, aut quasi *linigeri*, quales Iliaci in Ægypto, aut allusione ad verbum *Bada*, quod est *mentiri*.

2. Unde jam 2. quid à *Pischta* differat *Bad* apparet. *Pischta* crescit in agris, vastaturque calamitate *θιηλάτω*, Exod. 9. 31. DEI & Naturæ opus est, non artis, Ole. 2. 5. 8. habet culmos, vel calamos, *πυροκαλάμην*, *Flachs*, *Stengel* / qui in Sole siccantur, & postea malleo stupario tunduntur, ut ex Plinio docui in Atrio cap. 46. Sic Josue, 2. v. 6. hinc linum quod manibus operantur bonæ matres familiæ, Prov. 31. 13. unde & *vestes* texuntur, de quibus peculiaris lex DEI : *Ne fiant ex lanâ & lino intertextis*, Deut. 22. 11. & retia, Esa. 19. 9. usus quoque ad ellychnia est, Esa. 42. 3. & 43. 17. Matth. 12. 20. *λίνον τυφόμενον*, pro quo in quibusdam LXX. editionibus, est *καπνιζόμενον*. Estque Linum aliud *καθαρόν* & *λαμπρόν*, Apoc. 15. v. 6. aliud *ωμόλινον*, crudum, crassumque, impolitum, quali pauperes & rustici vestiuntur, Sir. 40. 6.

3. Sed & à *Schesch* & *Buz* differt 3. *Bad*. Quod vel inde apparet, quia 1. femoralia jubentur fieri *Habbad*, 'lintea', *Schesch*, bysso retortâ, ἐν βύσσιν

κακλιν-

καλωσμένης, Exod. 39. v. 28. *Bad* itaque includit *Schesch*, ut genus speciem, vel naturæ bonitate, vel arte & præparatione præstantem: sic *Schesch* dicitur *Parium Marmor*, candidissimum & splendidissimum, Cant. 3. 16. Esdr. 1. 6. At 2. *Buz* peculiare lini genus est, de quo, ut & de cæteris, mox distinctius. Thargum pro *Bad* aliquando *Buz* ponit, ut indicetur linum præstantissimum, ut 1. Sam. 2. 18. & ubi Moyses habet, femoralia *Habbad*, ibi Ezechiel habet, *Pischim*, cap. 44. 18. ut & *Pischia* sub *Bad* contineatur. Sic etiam pro *Schesch* Chaldæus habet *Buz*, tanquam idem sint: & *Cannabis* Thalmudicis dicitur *Bizbuz*: quin & pro *Pischia* in Chaldæo est subinde, *Kitchan*, ut Levit. 13. 47. 48. unde Catthune, *Leinmad*; *Linum Romanum* fortè vocant Thalmudici, de quo accipiant dictum R. Jochanan: *Si quis à Patre relictos nummos velit citò dilapidare, vestiatur se vestimentis lini, vasis utatur vitreis & conducat operarios, nec sedeat apud ipsos.* Hæc scilicet

--- ad paupertatem trita frequensq; via est.

4. *Buz* ut ipsum vocabulum innuit, *Byssus* est. Domus *Abhoda Habbuz*, est domus operantium byssum, der *Leinen Weber* / 1. Paralipom. 4. 21. *Byssus*, qui Hebraicè *Schesch*, ab eximio candore marmore amulo dicitur, perpetuò à Chaldæis *Buz* appellatur &c. Arias Montan. in Aarone suo. Varia linorum genera describit Plinius l. 19. cap. 1. *Asbestino*, sic dicto, ex argumento natura, quod ignibus non absumeretur, ex quo Regum olim funebres tunica, corporis favillam à reliquo separabant cinere.

nere, principatus, ut ait, in toto orbe deferitur. Sed hoc è lapide Carystio depectebatur, ut ibid. Dalechamp. nec huc spectat. Proximus honor byssino, mulierum maxime deliciis circa Elim in Achajâ genito: quaternis denariis scrupula ejus permutata quondam, ut auri, reperio. De hoc Pausanias: Inter agri Elei miracula byssus est: ne enim alibi usquam in totâ Graciâ nascitur: tenuitate quidem nihil inferior eo quem Hebræorum terra parit: minus tamen flava, in Eliac. Prioribus Credidit ergo byssinum Hebræorum aureo colore fuisse. At Interpp. nostri candidissimum faciunt. Lipsius ad 2. Annal. Taciti Observat. Byssina, Serica, & Bombycina non raro ab auctoribus profanis confundi: hoc autem interesse; quod byssus è terrâ nascatur, ut linum; Sericum lana fit arborum, quam Seres, lanicio silvarum nobiles, foliis depectant, ut Virgil. & Plin. Bombycina deniq; telam esse vermium, hæc ille pluribus, pag. 50. m. Sed malè distinguit Serica à Bombycinis. Nam apud Seras vermes sunt bombyces in arboribus, qui in aranearum morem fila tenuissima deducunt: unde est Sericum, ita Servius. Nec sane apud Seras hodiè, id est, Sinenses, aliud reperitur Sericum. Ipse Poëtarum Princeps à gossipino, quod arboris foetus est, distinguit. De hoc enim præmisit:

Quid nemora Æthiopum molli canentia lanâ referam? de illo statim subtexit:

Velleraq; ut foliis depectant tenuia Seres?
Folius, inquit accurate: nam ex foliis mororum suspendunt telas suas orbiculatas bombyces.

Træ

Traëtat hanc Quæstionem diligenter ibid. La Cerda & Bonfrerius ad Genes. cap. 41. v. 42.

5. Certum habeo *Byssina* S. Scripturæ, propriè dicta, non fuisse *Serica* live *Bombycina*. Quid ergò? an è *gossipio*: de quo Plinius: *Superior pars Ægypti in Arabiam vergens gignit fruticem, quem aliqui gossipion vocant, plures Xylon, & ideo lina inde facta Xylina. Parvus est, similemque barbatae nucis deserti fructum, cujus ex interiore bombyce lanugo netur: nec ulla sunt eis candore mollitiæve præferenda. Vestes inde Ægyptii Sacerdotibus gratissimæ*, l. 19. cap. 1. Colligit hinc Bonfrerius ad Exod. c. 28. v. 4. *Linum Ægyptium* non esse aliud, præter *gossipiam*, & lineas illas Sacerdotum vestes fuisse *Xylinas*. Sed ut Plinius l. cit. quatuor recenset genera lini Ægyptii, cum regionum nominibus: à quibus hoc *Xylinum* clarè distinguit: ita Vestes Sacerdotales in Ægypto non fuisse è *gossipio*, sed ex vero lino docet Apulejus: *Lini, inquit, mundissima seges, inter optimas terra fruges terræ exorta, non modò indutui & amictui sanctissimis Ægyptiorum Sacerdotibus, sed apertui quoque in rebus sacris usurpatur*, l. 11. *Metamorph.* *Gossipias tamen gratissimas fuisse*, Plinio assentiar.

6. Ut certius constet quid *Buz* sit, quærendum est; quid differat à *Schesch*? Ac differre quidem, ut Chaldæus confundere videatur, rectè probat Bonfrer. l. cit. in Exod. ex eo, quod Sacerdotum & Levitarum vestes è diversâ fuerint materiâ, teste historiâ Josephi l. 20. c. 8. At Sacerdotum fuerunt ex *Schesch*, ut Exod. 28. v. 5. 6. & 39. 27. & 39. 30. Levitæ verò induti erant *Buz*, 2. Paralip. 5.

v. 12. Præstantior igitur, rariorque *Schesch* quam *Buz*. Itaque Tremellius quoque *Schesch* posuit *linum Xylinum*; D. Lutherus, weisse Seiden. Atque hoc *Schesch* vel fuit simplex, vel ex filo contorto, *gezwirnet* Exod. 26. 1. unde & nomen quidam derivant; à *sex filis*: ut *Bad*, quod *simplex & solitarium* significat, sit è filo simplici textum, *Schesch* verò, *ex retorto*: *sechsdrtig*. Et tali materia oportebat fieri femoralia Sacerdotum, ne per *nebulam* quasi *lineam* quid turpe transluceret. Nam *Schesch* alioqui tenuissimum erat: ut in sericis vestibus: in quibus subtiliter rextis nihil erat, quo descendi corpus, aut pudor posset: quibus sumptis mulier parum liquido juraret, se non esse nudam: ut ne adulteris quidem plus sui in cubiculo possint ostendere, quam in publico, ut cum Seneca dicam. *Ventum* idcò *textilem* appellavit P. Syrus.

7. Sed adhuc querendum rellat, cum *Schesch* aliud fuerit, quam *Buz*, sive byssus propriè dicta: an ergò fuerit *Sericum* sive bombycinum? quod placuit D. Luthero: an *gossipinium*? quod Franc. Junio: an neutrum, sed verè *linum*? Credo, hoc potius: nam quæ femoralia Moses iussit fieri ex *Bad*, & quidem *Schesch retorto*, Exod. 39. v. 28. eadem Ezechiel & cætera ornamenta Sacerdotalia verè linea fuisse indicat, ex *Pischta*, quod propriè *linum* esse docui, cap. 44. v. 17. 18. Nam quod & *Sericum* postea Thalmudici fortè dixerunt *Linum*, *Pischta*, & quidem cum epitheto, *Romanum*, quia à Romanis Constantinopoli temporibus Justiniani texti cœpit, ut apud Zonaram est; mera catachresis est.

8. Quæ

8. Quare, ut tandem sententias colligam, cuto, usque dùm meliora discam : 1. *Schesch* non tantum præstantissimum lini genus fuisse, sed & singulari arte è subtilissimis filis contor-
 uplicatum. Genus fortè, quale illud in Acha-
 circa Elim, de quo diximus : nam & simile
 lebræorum fuisse, audivimus è Paulaniâ. Ar-
 is verò specimen prodidit Plinius, qui refert in
hodiòrum insulâ, in Templo Minerva, pro mi-
aculo ostensum Amasis, Egyptii Regis thoracem,
ujus singula fila constiterint CCCLXV. filis : in-
 er le, puta, contortis, l. 19. cap. 1. Jam 2.
 uz non genere toto, sed specie lini, & artifi-
 io texturæ differebat ; Linum tamen verum,
 & Syriæ indigenum, vulgariq; & crassiore can-
 abino longè præstantius. Vulgus laneis ute-
 atur vestibus, quas Sacerdotibus & in Tem-
 lo ministrantibus prohibuerat Deus : Vilior
 ex populi rudibus illis lineis, aut cannabinis, de
 quibus Sirac. 40. l. c. Josephum *vestibus Schesch*
 induit Pharo, Gen. 41. 42. David se *pallio Buz,*
 Paralipom. 15. 27. Aulæa candida, carpasina,
 & hyacinthina pendet *ex funibus Buz,* & purpu-
 eis, Esther. 1. 6. Mardochæus regaliter prodit
micatus Buz & purpurâ, cap. 8. v. 15. Artifices
Byssum, Buz, & lina, in
 palæstinâ celebres, 1. Paralipom. 4. 21. & 2. c. 2.
 14. Aramæorum itaque mercimonia erant
 inter alia, *Purpura & Buz,* Ezech. 27. 16. Fa-
 usque Tyrriorum tantus luxusque fuit, ut Vela
 avium facerent, pro vexellis, acu picta *ex*
Schesch, & quidem *Egypti,* quod si de gossipio
 M accipi

accipi velis, non refragabor. Denique inter summa, ac planè maximâ fortunâ digna, ornamenta recensetur vestiri *Scheschi vameschi*. Ezech. 16. v. 10. 13. hoc est juxta LXX. βύσσυ καὶ τευχάπῃ, vel ψυλαφῃτῷ. Juxta alios *byssus & subtilibus*, Serico, &c. *Meschi* alii à *Musch* aut *Muschbach* derivant, quod esset vestis tenera, *palpabilis*; *weich hart/ sammeten*/sic Græci: alii à *Maschah*, extraxit, & interpretantur, vel *Sericam*, quod Seres vermiculi extrahant ex ventre suo fila; vel *Conchyliatam*, quæ murice ex aquâ maris tracto tincta est, ut Avenarius: credo longius petita, & an *Serica* sive *bombycina* jam tum Judæis nota fuerint? ambigo.

9. *Byssi* tamen vocabulum in *Novo Testamento* puto latius accipiendum, ut omne genus subtilissimarum ac præstantissimarum telarum, quibus solis ditissimis ac nobilissimis vestiri mos fuit, contineat. Scilicet Scriptores Sacri usi sunt vocabulo *Byssi*, tanquam nummo. Sic autem tum vulgò dici solebat, non solum elegantissimum illud *Achaicum Linum*; sed & aliud simile *Indicum*, de quo Jul. Pollux l. 7. cap. 17. *Byssus* linum quoddam (species apud Indos. Nunc verò apud Ægyptios. Ex arbore lana quoddam fit, ex quâ vestem confectam lino maximè similem esse quispiam dixerit: solâ densitate exceptâ: densior enim arbori fructus innascitur, nuci similis, triplici munitus cortice: quâ diremptâ, postquam nucis instar fuerit, interius quod lanam refert eximitur: hinc subtemen conficitur, cui lineum stamen subte-
dunt. Hoc est quod diximus *gossipium*. De

eodem

eodem Philostratus l. 2. cap. 9. Indi accolas flavii vestibis uti *λίνα ὑγχαίει*, & calceamentis *βύβλας*, Papyraceis : *nobiliores verò indui bysso : nasci hanc in arbore, qua alba populo similis sit altitudine, foliis verò salici : inde profectam in Ægyptum ad multiplicem sacrorum usum* : Colorem tribuit *φαιδν*, *subfuscum*. Zosimus l. 1. Histor. Veneri Aphocitidi à Syris inter alia donaria oblata refert *ὑφάσματα λίνυτι & βύβλῃ*, & ex alia materiâ præstantiore. Differt ergò *à lino*, juxta hujus temporis usum : Sed & *à Serico* distinguitur Apoc. 18. v. 12.

10. De colore pauca addam : nativum Byssi, propriè dicti lini, *flavum*, aureumve fuisse videtur indicare Pausanias. Nostrium quoque priusquam insolatione, crebrâq; irrigatione candidetur, rufescit. Quanquam & aliud præstantiusque genus est, Cinereum, sive *φαιδν*, quale byssum gossipinum Philostrati, Silberfarb. Variis tamen aliis coloribus imbuitur. Olim inprimis purpurâ. Unde *Byssina*, Hesychio, *Purpurea* : Totiesq; Byssus & purpura junguntur, ut & Luc. 16. v. 19. ubi vide ex Bocharto Walzeum. Ita *Byssum* genus quoddam planta, ait esse Auctor Etymologici, *quo tincta vestimenta byssina dicantur*. Divitem Epulonem, ait Basilus in Catenâ LXV. PP. Corderii, imitatum vestimenta, quibus Sacerdotes *pro mando supplicaturi inducebantur* : *qua suis coloribus elementa significabant, quibus omnia constant*. Nam Byssus pro terrâ ponitur, hyacinti huius pro aëre, purpura pro mari, & pro igne coccinum. Hæc ille ex Philon. *Byssia*, inquit, *terram significat, è qua*

M 2

nasci.

nascitur : hyacinthus aerem nigricantem suapte naturâ : aquam purpura, quod hac tinctura è mari petatur : Ignem deniq; color coccineus, lib. 3. de Vitâ Moſis . & de Congressu quærendæ Erud. Grat. Sed de coloribus Biblicis alius est agendi locus.

11. Borith, bis legitur : Jerem. 2. 22. *ſi laveris te Banneter, & multiplicaveris tibi Borith.* Et Malach. 3. 2. *Ipe tanquàm Borith Fullonum.* De hoc posteriore loco, & de *S. Fulloniâ Meſſia*, dixi non poenitenda in Quinquagenâ Feſtali. In priore habent LXX. *ἐν νίτρο, & πλῶν ἑρβᾶν.* Vulgatus : *ſi laveris te nitro, & multiplicaveris tibi herbam Borith.* Hieronymus ait : *Hanc herbam Fullonum, juxta Palaſtinarum, in virentibus & humectis naſci locis, & ad lavandas ſordes eandem vim habere, quàm nitrum.* Chryſoſtom. in Cateñâ notat : *Hebraorum Borith, Syrorum linguâ dici, ἁλάαν, Græcorum, Δορύχνιον.* Credo, ſcholion eſſe. De *Dorycnio* Dioſcorid. l. 4. c. 70. ſed nihil tale : ſomniferum eſſe ſcribit, & copioſius hauſtum mortiferum &c. Mattheiolus, quid ſit? fruſtrâ ſe inquiſiſſe. Dicitur etiam *Dorycnion*, *πύρεθρον*, Bertram/Geiſſer-Wurk/de quo Dodonæus P. 3. l. 1. cap. 22. Noſtra *Saponaria* vulgò nota eſt, & flore pleno in hortis colitur, *Geiſſen Kraut.* Quomodo ſaponem hodiè Syri, ex herbâ quâdam, ab Arabibus *Schinan* dictâ, coquant? docet D. Rauhwolff in Itiner. p. 27. Illud pium & elegans in Malachiæ loc. cit. habet Cyrillus Alexandrinus *Sacerdotum Aaronicorum* *ὄργανον* fuiſſe

fuisse stolam juxta legem : sed electis in Christo, & ad spirituale Sacerdotium ordinatis, inquit, ἀμεινον ἐστὶ λαμπρὸν, ἱεροπρεπές, καὶ ἄγιον, αὐτὸς ὁ Χεὺς δς. Hic induendus est fide per imputationem, & quotidianā pœnitentiā per vitæ innovationem. Alioqui nos nec nitrum, nec herba ulla, nec smegma, mundabit, neque

--- omnibus undis ablaet Oceanus.

Quod Origenes in Jeremiam docet ; *Quadam peccata nec nitro nec herbâ emundari posse, quorum utrumq; sit in Verbo Dei ; quare reservari, ut igne & gravioribus tormentis expurgentur ; id etsi, pro more, repetit Hieronymus, non tamen probat. Duplicem enim errorem ab universâ Catholicâ Ecclesiâ damnatum continet : Novati alterum ; Non omnia peccata purgari posse pœnitentiâ ; alterum Platonis : Esse pœnas quasdam infernales post hanc vitam purgatorias, quibus tandem expientur peccata, quæ pœnitendo hîc non emendata aut emundata fuerunt. Quanto rectius Chrysostomus & Theodoretus ? Indicari ; legalibus ceremoniis, & externis operibus non posse impetrari peccatorum remissionem. sed opus esse pœnitentiâ, & verâ ad Deum conversione.*

12. Supererat, ut de Coronariis herbis adderem nonnihil : Sed in Floribus jam hunc usum attigisse sufficiat. *An Judei coronare capita soliti fuerint ?* Disputavi in Volum. 1. S. Analector. De collo suspendere sarta consuevisse, ex Cant. 1. v. 13. docui in Passionali, de Fasciculo Myrrha.

Sic

Sic

Sic & Christiani olim : *Sane, quod caput non coronamus, ignoscite. Auram boni floris naribus ducere, non occipitio capillive solemus haurire, &c.* Minutius Felix in Octavio. *Tam contra naturam est, florem capite sectari, quam cibum dare sonum nare,* ait Tertullian. *de Coronâ Milit.* Plura in Acerrâ dedi l. 1. p. 114. *Coronabantur apud Gentiles epulantes, ut Sap. 2. 6. Bacchus amat flores, Ovid.*

*Sic juvat, & multo mentem vincere lyao,
Et caput in vernâ semper habere rosâ,*
ut de se Propertius, de quo abusu multa Stukius l. 3. Conviv. cap. 16. Sic quoq; *sacrafacturi* tam capita sua, quam victimarum, quin & Deorum suorum, & ipsas Templorum, ædiumq; suarum januas, ut Actor. 14. 12. *Coronabant, de quo ritu Idem de Sacrificiis &c.* Nobis promissa est *Corona amarantina*, 1. Petr. 5. 3. de qua dixi S. Analect. Volum. 1. Capite extremo. Est autem alter *amarantus purpureus*, de quo Plinius l. 21. cap. 8. *Est spica purpurea variis, quam flos aliquis, & ipse sine odore. Mirum in eo gaudere decerpi, & latius renasci : mirumq; , postquam defecere cuncti flores, madescentis aquâ reviviscit, & hibernas coronas facit : Summa ejus natura est in nomine appellato, quoniam non marcescat : alter aureus de quo Idem l. cit. cap. 25. Elichryson, quod alibi Chrysanthemon vocant, ramulos habet candidos, folia subalbida, abrotono similia : ad Solis percussus, aurea lucis in orbem veluti corymbis dependentibus, qui nunquam marcescant : quâ de causâ Deos coronant illo, quod diligentissimè servavit Ptolomæus*

Rex

Rex Aegypti. De hoc plura in Analeſt. loc. cit. Uterq; Germanis non ignotus. Priorem vocamus, Tauſendſchön/ Floramor / & in hortis frequens eſt. Poſterior ſimilis eſt, quæ dicitur *Stoechas Citrina*, creberrima ad Rhenum, præſertim inter Spiram & W ormatiam, ut verè Dodonæus, Rhein-Blume dicitur, &c. Noſtra corona & de gratiâ Chriſti purpurea eſt, & de gloriâ aureâ. Sed --- *non certanti, non eſt ſperanda corona.* Ee ut Ambroſius in Luc. 4.

**NEMO POTEST, NISI VICERIT,
CORONARI.**

Vel ut Minutius:
**NEMO PRÆMIUM PERCIPIT; ANTE
EXPERIMENTUM.**





LIBER TERTIUS.

HORTUS AROMATICUS.

CAP. I.

*Aromata in genere Biblica,
& Nomenclator.*

1. **A** *Roma* Græci derivant ab ῥῆ & ἄρω, unde ῥῶμα, quod sit ἰσοδίαμα αὐτοφύκτορ, juxta Suidam. Mihi potius ab Hebræo, *Rum*, extollere, offerre; unde *Româ*, elatio, & *thrûmâ*, oblatio. Antiquissimus enim us, fuit, ut offerrentur aromata Deo ad suffimentum, Stukius derivat ab ἄρω, tollo, effero, quod odores tollantur in altum, de Sacrif. p. 138. sic ab eâdem radice, *Rum*, *Aram*, Gen. 10. 22. à quo *Aramai* Syri, Gen. 26. 5. & *Arumâb*, Judic. 9. 40. Sic Exod. 20. 6. jubet Deus tibi offerri à populo ad S. Tabernaculi apparatus *Thrûmâ*, spontaneam oblationem, & inter alia duo specierum aromaticarum genera, בשמים *Besamim*, ad oleum unctionis: & חסמים *Hassamim*, ad suffimentum: Vulgatus doctè distinxit; *Aromata in unguentum, & thymiamata boni*

boni odoris. Græci modò ἰσχύματα, modò θυμιάματα vocant : Thalmudici, modò ex Græco πάσματα, Ispbarmekin; modò ex Hebræis fontibus, *Bosem*, *Busma*, à *Besam*, suave & jucundum esse, unde forsan nostrum, *Bisam*/Molchus; aut & *Saw*, *Samma*, quod pulverem aromaticum significat, quem distinguunt: inter pulverem *mortis*, venenum, & *vite*, alexipharma cum. Hinc ajunt: *Qui legi das operam propter ipsam, ei sit aroma vite*, ὁσπὶς ζωῆς, *qui non propter ipsam, ei sit aroma mortis*, ὁσπὶς θανάτου, 2. Cor. 2. 15.

2. Sunt igitur Aromata sacra alia *liquida*; alia *arida*, quæ in pulverem redigi possunt; & ex usu alia *unguenta*; alia *odoramenta*, suffimenta; alia denique *condimenta*. Hinc Exod. 30. 23. & seqq. jubet Deus sibi parari 1. *Sacrum unguentum*, & quidem de *Bessamim Rosch*; Græci habent ἰσχύματα, cum appositione ἀνθῶ, de flore aromaticum de præstantissimis, quod ingrederentur; *Mor deror*, myrrha liberè fluens; *Kinnemon-Bessem*, Cinnamomum aromaticum, puto potius unguentarium, *Zimmet-Del*: *Kane-Bosse*m, Cannela, calamus aromaticus, vel in unguenti formam solutus; & *Kidda*, pro quo Græci ponunt nomen ἱσχυός, alij Casiam; 2. *Sacrum suffimentum* thymiama, quod jubet confici ex *Sammim*, ad odoramenta idoneis, qualia proponit & præscribit, *Nataph*, stacten; *Schecheleth*, onychem; *Chelbena*, Galbanum; & hæc quidem vocat *Sammim*, aromata fortè sicca, arida: quibus denique adjicit *Lebona*, λίβανος, & quidem *Staphar*, thus purum. Ex quibus puto elucescere,

quid intersit inter Bessanim & Sammim? quod Interpretes non extricant. *Bessanim* jubet Deus simpliciter ex arte miscere, *unguendo* quasi *unguentum*, ut liquida fuisse oporteat: at *Sammim* jubet contundendo comminuere, ut fiat *Ketorèth*, suffimentum, odoramentum, arte pharmacopæi, pigmentarii, sic commixtum, *quasi sale conditum* sit, vide Buxtorff Lex. Hebr. in *Malàch*, salivit.

3. Satorem datoremque hujus boni Deum etiam pagani agnoverunt, ei que fructum sacra-
verunt, ut postea singulatim dicemus. Cum Dionysium Jupiter in Arabiâ e femore suo edi-
disset, sponte suâ terram odoramenta ista profu-
disse, fabulabantur:

Τίνεκεν εἰς ἐπὶ τῶν λιβάνων κομόωσιν ἄρουραι,
Οὐρα δὲ χρυσῷ, ποταμοὶ δ' ἐτίρωσι θυπλαῖς.

*Unde etiam nunc rura sacro sunt thure referta,
Et montes auro, & fluvii libamine multo,*
Dionysius Perieget. v. 950. Quin & persuasum
fuit ex odore *Deorum presentiam* agnosci: *spirare*
enim Arabia felicitis germina, & *ἰνὸς ἰαν* quandam
λαυμασίν; postquam

--- *tenuis secessit in auras*.

Mansit odor, posses scire fuisse Deam, Ovid.
vide La Cerda ad 1. Æneid. v. 407. Neque du-
bium est, posse Diabolum vel aërem odoribus bo-
nis inficere, vel olfactum decipere: ut adco fra-
gile argumentum sit, quod cadaverum Lipsana
jucunde fragrent, ad probandam Sanctitatem.
Neque narium indagine sancti deprehenduntur;
quomodo C. Plotii Planci latebram Salernita-
nam

nam percussoribus prodidit odor unguenti: sic enim sagax horum cura abditum fugæ illius cubile odorata est, Plin. l. 13. cap. 3. Valer. Max. l. 6. cap. 8.

4. *Causa Ministra* Tellus est. Non tamen omnis fert omnia.

--- *Croceos Imolus odores,*

India mittit ebur, molles sua thura Sabai.

Hinc mercatores Seba & Rhegma Tyrum advehabant præstantissima aromata, perlinum Persicum, Ezech. 27. 22. Bochartus in Phaleg. l. 4. capp. 5. & 7. *Ismaélita* in Ægyptum ex Arabiâ *Necoth, Zeri, & Lot*, de quibus valdè dissentiunt Interpp. Genes. 37. 35. De *Bdolach*, bdellio, ejusque natali solo, Gen. 2. 12. Arabia felix eo nomine celebratima; unde Manlius dixit:

--- *terram ferentem*

Delicias, variâq; novos radices odores, etc.
Ibi locus Ἀρωμάτων ὑπέρβατον, in Peripl. Arriani Maris Erythr. & Ἀρωμα, urbs Æthiopiæ, ap. Stephan. vide Stukii Notas ad Arrian. l. c. Inter pretiosas Mysticæ Babylonis merces, recenset S. Johannes, κινάμωμον, καὶ θυμάματα, καὶ μύρον, Apoc. 18. 13. quorum copiâ abundabat tunc Roma, ut docet Kibera & Corn. à Lap. *Hæc erat materia luxus, è cunctis maximè supervacui*, Plin. l. 13. cap. 3. Addunt Complutens. & alii Codices in Apocal. l. cit. πορλίβατον, *Aromum*.

5. Ad præstantiam spectat cura Regum, qui inter thesauros reposuerunt aromata & unguenta, quibus æquè ac auro, argento, gemmis, gloria-rentur, Esa. 39. 2. & 2. Paralip. 32. 27. Regumq;
hæc

hæc dona fuerunt, ut 1. Reg. 10. 2. 10. & *mercia* è longinquo petita, ibid. vers. 25. Ezech. 27. &c. Sed & à *Regibus* ferebantur; unde Salomonis Horti, collesque & *arcola aromatum*. Cantic. 4. 6. cap. 5. vers. 1. 2. 13. &c. in quibus præter alia nascebantur, *Cepharim*, Cyperi; *Nardim*, nardi; *Carcom*, crocus; *Ahaloth*, ligna aloës, Cant. 4. 12. *Balsamum* Judææ gloria fuit. De quibus deinceps, *Aromatarius*, qui talia vendebat, & ex iis unguenta aut pulveres odoratos conficiebat, dicitur רֹכֶל *Rocheh*, & רֹקַח *Rokeach*, Exod. 30. 25, & deinceps, Cantic. 3. 6. 1. Reg. 10. 15. Apothecæ: Vulgatus hîc habet, *Scruta vendentes*, pro *Rochlim*: illic pigmentarium, alii pharmacopolam. Puto hoc interesse quod *Rocheh* sit institor, mercator, Materialist; *Rokach*, confector, pharmacopæus, Apothecarius, pigmentarius. Nam *Rechullâh*, mercatura est; at *Rekâch*, conditura, mistio aromatica, ut *Vinum Rekach*, quod Hippocraticum & *aromatizans*, claret, Cant. 8. 2.

6. De usu *Sacro* ad suffitum & unguentum jam aliquid dixi. Utriusque confectio & usu, extra sacrum, gravissimè interdixit Deus, Exod. 30. 1. cit. Porphyrius 2. de Animal. abstin. antiquitus herbas, & quidem simplices ac domesticas, adolere morem fuisse, in honorem Deorum: postea aromata transmarina quæsitæ: θύειν idem esse quod θυμῖαν, inde dictas θυσίας, θυμέλας, θυγκλὰς: nec alia fuisse sacrificia, præter ποπῶων καὶ καρπῶν. De hoc more suffendi multa Stukius de Sacrif.

pag. 139. & seqq. & nuper Clar. Joh. Saubertus de Sacrific. cap. 24. Et ut in Templo omnia vasa & instrumenta, ad religionem Deo sacrata, perunctionem; sic mos obtinuit etiam apud Gentes, ut simulachra, & apud Romanos, ut signa militaria ungerentur, de quo Lipsius ad 1. Annal. Taciti, num. 106. Nostrum spirituale *thymiamum* preces sunt, Apoc. 7. 8. Psalm. 141. 2. *Unguentum*, quo Deo sacramur, Spiritus Christi est, & charismata, 2. Cor. 1. 21. 1. Joh. 2. 20. & utroq; vide Pelargum in Exod. h. cit. & de thymiamate in primis Cluverium in Apocal. loc. cit. Pertineret hæc consideratio ad Tractatum de *Sacris Ceremoniis*, earumq; ratione. Materia amplissima, & dignissima pio ac erudito ingenio.

7. *Usus profanus* aromatum latè patet, & què luxuriosus, cui nec modus est, nec remedium. *Vestimenta* jam olim in Judæa, ut & lectulorum *peristrophata*, odoribus aromaticis imbuta constat ex Psalm. 45. 8. ubi vestimenta Regia odorata *Myrrhâ, & Aloë, & Keziorh*: Proverb. 7. 17. *Perfudit lectulum, Myrrhâ, Aloë, & Cinnamo.* Cant. 3. 6. *Quæ est ista adscendens è deserto, sicut Columna fumi*; quod in sacro suffitu faustum habebatur, è quo preces & sacrificia litasse conjectant, qui dicebantur θυοσκόι qui & λιβανομάται & κενταύροι: *Sufficit myrrhâ, thure, & omni pulvere pigmentarii*? Sic capita in lætitiâ ballamo, ardinoque & aliis unguentis perfusa, Psalm. 23. 5. Eccles. 9. 8. Joh. 12. 3. *Cur Regia pellices futura uelle, lege ac more Persarum, toto anno in Gynæceo curarent cuticulam; lex mentibus quidem pri-*
mis

mis unguento myrrheo ; lex alteris variis *Bessamin* unguentis & *thamruke* mulierum, lotionibus, mundationibus, quibus hic sexus uti solet. Esther. 2. 12. Sanctius ibid. causam fuisse putat *foetorem quendam*, sive hircum alarum, in solo coeloque calido quali *nativum*. Judaicæ Sponsæ lotionibus & unctionibus dabant operam, ut Rhat. cap. 3. v. 3. sed & conjuges, ut Susanna, & quæ ad viros accessuræ essent, ut Judith. cap. 10. 3. De Græcis nota Socratis sententia est : *Fæminæ ac præcipuè sponsa, egent unguentis, eaq. non præter decorum olent*, in Convivio Xenophontis. Sophocles in Cretenfibus : *Venerem finxit unguento perfusam, ad speculum se contemplantem : Palladem oleo ungi & exerceri*. Persas meritò maledere unguento, dixit Plinius, ut accersitâ commendatione, *ingluvie natum, virus extinguant*, l. 13. cap. 1. Quod alibi explicat : *Parthorum populis ora fœtere à juventâ, propter indiscretos cibos* l. 11. cap. 53. Hinc tamen non probatur ? Virginibus, virum non expertis, foetorem illum ex solo coelove calido adhæsisse. Vetularum exoletarum sunt istæ *nasorum pestes*, de quibus Horatius in Epod. 12.

Polypus, an gravis hirsutis cubet hircus in alis ? Polypus vitium narium : hinc Polyposus ; qui nares habet fœtentes ; At hircus odor axillarum instat hircorum fœtens, qui pudor in libidinosis, ex sudore, pilis alarum inherente, gravis percipitur, sic Vetus Horatii Commentator editus à Cruquio. Neque hircus ille, *mala bestia* dictus Catullo, vel myrrhino aliisque unguentis videtur extingui

de quo Aristot. Problem. 9. Sect. 13. vel annuā
 curatione opus habere. Cinaræ, cardui nostri,
 scatilis, radix vel decocta cum vino bibitur, vel
 parti, huic foetori opportuna, in emplastro appo-
 nitur: sic ajunt tolli, ut Lambinus in Horat. l. cit.
 Mihi tota hæc curatio ad l'ericum luxum perti-
 nuisse videtur. Eò spectabat, quod quidam fri-
 didis calidisq; unguentis lavarint, ut Caligula ap-
 Sueton. cap. 37. Quod cuilibet corporis parti sua
 propria idonea unguenta adhibuerint, ut Antipha-
 nes docet apud Athenæum l. 15. & ante 12.

Lavit is in aureo quodam solio: unguento

Ægyptio pedes linxit & manus:

Phœnicio malas & papillæ:

Sisymbriino verò utrumq; brachium:

Amaracino comam & supercilia:

Serpyllino genas & oervicem.

Apud eundem Athenæum plura de hoc luxu, &
 inter alia ex Posidonii 8. Historiar. apud Syros
 morem fuisse in epulis Regum, postquam con-
 vivis datæ essent coronæ, ut quidam cum utri-
 culis unguenti Babylonii ingressi, mensam cir-
 cumirent, coronasque accumbentium sic procul
 stantes irrorarent, ut aliud tamen nihil adper-
 geretur. De Persico luxu in abusu unguento-
 rum vide Brisson. de Reb. Persar. p. 227. Quod
 id rem inprimis est, narrat Bellonius Obser-
 vat. l. 3. cap. 34. Asiaticas feminas, balneis
 & unctionibus crebris, adeò cutem lævigare
 & erugare, ut holosericum se quis manibus tra-
 ctare

stare existimet : huicque studio maximam impendere operam, etiam Rusticorum uxores : de quo ibid. plura.

8. *De usu condimentario* in S. literis nihil me minime legere, nisi quod *vina aromatibus condita* jam dixerim, Cant. 8. 2. Ipsa etiam *unguenta in porus addita*, refert Plinius l. 13. cap. 3. cibis etiam mixta docet Stukius l. 2. Conviv. c. 15. extr. ubi plura de Unguentis. Quæ nunc in quotidiano usu sunt aromata, ad condiendos peregrino sapore cibos, olim vel rara, vel ignorata, in S. Literis neque nomen habent; uti *Piper*, quod Thalmudistæ ab acrimoniâ; aut quod cibis inspergi soleat, *Pilpel* vocant: *Zingiber*, צינגיבער, quod Arabes scribunt *Zangibel*, apud Bochart. p. 599. Thalmudici apud Buxtorff. *Gimbera*. ex Germanico puto, *Jngwer*: Sic *Caryophyllum* dicunt *Giroffle*. Denique *de usu ad funera*, & exequialem ustrinam, locus est 2. Reg. 16. v. 15. & de corporum defunctorum unctione noti Genes. 50. v. 2. Joh. 19. v. 39. de utroque suo loco deinceps commodius.

9. Ex dictis facile conficitur Catalogus Aromatum Biblicorum. Nomina vulgatioremque significationem, & loca S. Scripturæ potiora notabo,

1. אהלִים *Ahalim*, lignum aloë: bis legitur, Numer. 24. 7. & Proverb. 7. 17. *Ahaloth*, idem, Psal. 45. 9. Cant. 4. 14. de his in Arboreto.

2. בדלח *Bdolach*, bdellium, Genes. 2. 12. Numer. 11. 7.

3. חלבנה *Chelbena*, galbanum, Exod. 30. v. 34.

4. נַפֶּת

4. כפר, *Copher*, Cyprus, Cantic. i. v. 14. & ap. 4. v. 13.
5. כרכם, *Carcam*, Crocus, Cant. 4. 14.
6. לבנה, *Lebonah*, Thus, Exod. 30. 34. Levitic. 2. 1. 15. cap. 24. 7. Cant. 3. 6. cap. 4. 6. & 14. alibi sapius.
7. לוט, *Loth*, quid sit incertum, Gen. 37. 24. ap. 43. 10.
8. מור, *Mor*, Myrrha, Exod. 30. 23. Ps. 45. 9. & sapius.
9. נכחת, *Necoth*, Genes. 37. 24. & 43. 10. & xpuncto Aleph. 2. Reg. 20. 13. & Esa. 39. 2. aromata, incertæ significationis.
10. נרד, *Nered*, Nardus, Cantic. i. 12. cap. 4. 13. 14. Marc. 14. 3. & Joh. 12. 3.
11. צרי, *Zeri, Zori*, opoballamum, Resina, Genes. 37. 24. cap. 43. 10. Jerem. 8. 22. cap. 46. 11. ap. 51. 8. Ezech. 27. 17.
12. קידה, *Kiddah*, Casia, Exod. 30. 24. Ezech. 27. 19.
13. קציעה, *Keziab*, Casia, & plurale *Keziath*, Job. 42. 15. Psal. 45. 9.
14. קנה, *Kane*, Cannâ, calamus aromaticus, Exod. 30. 23. Jerem. 6. 20. Ezech. 27. 19. Cant. 4. 14. Esa. 43. 24.
15. קנמון, *Kinnamon*, Cinnamum, Cinnamonum, Exod. 30. 23. Prov. 7. 17. Cant. 4. 14. Apocal. 18. 12.
16. שם, *Sebemon*, Balsamum, nativum aut factum.

factitium, Psal. 133. 2. Prov. 7. 2. Amos. 6. 6. 2. Sam. 14. 2. Psal. 141. 5. &c.

17. Huc pertinet נטף *Nataph*, stacte, balsimum stillans, Exod. 30. 34.

18. שחלית *Schecheleth*, onyx, Exod. 30. 34.

His adde *Aloën*, ex Joh. 19. 39. *Schinon*, Leviticum, Fragm. Daniel. 13. v. 54. *Amomum*, ex quibusdam codicibus, Apoc. 18. 12. &c.

CAP. II.

De Ahalim & Aloë.

I. **A** Cum de his jam Arboreti cap. 43. ubi ostensum; aliud esse in Vet. Testamento *Abala*, quod aloën veteres verterunt; aliud in Novo *Aloën*, ex usu communi, aliqua addere non pigebit.

Ahalim esse arbores, Judæis olim jam non ignotas, ex Numer. 24. v. 6. colligitur, 1. Quia *Cedri* junguntur, 2. Quia Deus dicitur *conseruisse* & plantasse. Quam pulchra sunt *Obalecha* tabernacula tua Jacob? sicut *Ahalim*, quæ *Deus plantavit* Jehova; & sicut Cedri super aquas, ubi elegans Paronomasia, inter *Ohalim* & *Ahalim*. Verbum *Nata* propriè significat plantare, etli ad alia transfertur, per Metaphoram. Arbores à Deo plantatæ dicuntur, ut Arbores Dei præstantissimæ: quas nullâ humanâ industria Dei manus excitavit, aluit, educavit. Confirmatur ex Cant. 4. 13. ubi post *arbores thuris & Myrrhæ*, recensentur *Ahaloth*. Eaque, cum aliis

romatiferis in Salomoniiis Hortis crevisse, indicatur. *Uſus* fuit ad unguenta, ac odoramenta, quibus vestes & lectuli adſpergebantur. Pf. 7. 9. Prov. 7. 17. Quibus locis quoque apparet, nihil *inter Ahalim & Ahaloth* interesse. Nam utroque genere & arbores dicuntur, & ex ligno confecta odoramenta. Nisi fortè in textu quasi aliqua fuit differentia. Sic *thus* aliquod masculinum: sed religioni tributum, ne sexus alter usurpatur, aut scemininum diceretur; Plinius l. 12. cap. 14. Radix vocabuli est *Ahal*, tetendit, extendit, ut tentoria solent Scenitarum Arabum. Sunt autem arbores patulæ & opacæ nativæ scæ. Et inde Arabicè *Ahek*, familia; sub eodem tentorio.

2. Hinc jam quæstio est; *Quid sint Ahalim?* Hebræi in Thargum, & Baal Aruch vocant, *Akhaloin*, quod est ex Græco *Xylalœ*. Nec aliam oëm intellexerunt LXX. & Vulgatus; aliique terpp. & stat adeo pro hac interpretatione auctoritas cum antiquitate. Sed *quid Xylalœ?* Prius, ut notat Bauhinus, sic appellavit *Aëtius*. Sed olim Aloën dixerant LXX. & secutus sine dubio Aëtius antiquiores; ex quorum scriptis profecit, ut docet Photius in Excerptis Cod. 221. sic autem appellavit quod aliàs *Agallochum*. Lignum id esse arboris constat; incertum qualis: elegantulli hominum visam; quod in Paradiso lo crescat, & inde fragmenta fluminibus deveniunt. Fabulæ argumentum ex Num. 27. & Gen. 4. 11. cit. petiit, manifestum est. Illud men non negant docti, ramos fluminum inun-

dationibus raptos deferri Serapio fructum ferre rotundum, piperis modò, & rubentem refert. Garlias, arborem olea instar esse, interdum majorem: è Malaccâ ramos cum foliis sibi allatos: fructum aut florem videre non contigisse, & difficile observari posse, frequenter isthic grassantibus Tigribus: recens dissectum lignum nullâ odoris fragrantia gratum esse: siccatum odoratum fieri. De Tigribus æque puto fabulam esse, ac de Paradiso. Invidia & avaritia hominum talia commenta est multa, ut aliàs quoque audiemus, ut bona sua celarent, & augerent pretia. Ex Indiâ hodiè solâ affertur, optimum ac sincerum, ex Sumatrâ & Malaccâ: Olim quoque ex Arabiâ, ut Dioscorides meminit l. 1. c. 21. Viderat olim Bileam è Mesopotamiâ oriundus, non tantum in Patriâ, sed etiam in Moabitidis confiniis, ubi tunc versabatur, Num, 22. 1. ac credibile est, ex nominis etymo; Arabes illos sub gratâ ejus umbrâ tentoria sua figere consuevisse. Nam sub arboribus & olim & nunc gaudent habitare, frigusq; captare & auram. Inde ergò ad unguenta petebatur lignum eo tempore, arborq; ipsa, cum aliis exoticis, in Paradisos & Aromaticos hortos Salomonis translata est. Hodiè vel divinâ maledictione, vel neglectu culturæ defecit, ut de Cedris Libani dicebam in Arboreto. Illud ad rem est, quod notat Scaliger: *Quod Agallochum prastantissimum habetur, non est necesse ad suffitus adoleri flammis: solâ præsentiâ cubile, aut cœnaculum, quantum quantum sit, odore compleri*, Exerc. 142. Sect. 6. Adde Pinedam de Reb. Salom. l. 5, cap. 4. Sect. 9. satis de *Ahalim*.

3. Aloë verò vulgaris usus & notitiæ est. Studiosis catapotia non infrequentia, & salutaria. Nam, ut rectè Celsus l. 1. de Re Medicâ, c. 2. *Imbecilli Stomacho omnes penè literarum cupidi sunt.* Namq; ut Idem in Prologo, *Literarum disciplina, ut animo præcipuè omnium necessaria, sic corpori inimica est.* Itaq; *dejectio alvi crebrâ du-
ctione molienda est, & omnibus catharticiis miscen-
da aloë: quia medicamenta stomachum ferè ledunt.* Idem, vide Atrium meum, cap. 81. Nota hæc vis aloës etiam gulonibus. Qualem nobis describit Parthenium Gregor. Turonensis l. 3. Hist. c. 36. *Fuit, inquit, in cibis valde vorax: sed quæ sumebat, quo celerius ad manducandum commoveretur, sumpto aloë velociter digerebat: sed & strepitus ventris, absq; ullâ auditorum reverentiâ, in publico emittebat.*

4. Nomen Græcum ἀλόν, Latini, Germanique retinuerunt, ut & Thalmudici, *Aloin* dicentes: Syriacum tamen origine esse conjicio, ex Patria plantæ. Chaldæus Interpres, Job. 9. 30. *Saponem,* quo manus mundantur, & vestes, אלהא *Abala* vocat. Arabes tamen, Persæ, & Turci hodiè aloën nominant *Cebâr*, ut notat Garfias l. 1. c. 2. *Chab-
bura*, plaga, vel ulcus est sanie tumens, tumex: *Ke-
bura*, sepultura. Ad utrumq; aloës usus est. De Pa-
triâ Galenus l. 6. simplicium: *Quæ in magnâ Syriâ
nascitur, aquosior est, & facultas imbecillioris; ita
tamen desiccat, ut vulnera conglutinet.* In regioni-
bus calidioribus, ut Cœlesyriâ & Arabiâ, multò est
melior; Optima Indica &c. Hæc est, quam Socoto-
rinam dicimus, à Socotorâ, maris Æthiopici, non

procul à sinu Arabico, Insulâ, ubi copiosissimus & laudatissimus proventus, succusq; ille per totam insulam passim extrahitur, & inde per universam Europam defertur. Nam *quâ in Asiâ nascitur, succus parum idonea est: nec eâ utuntur nisi ad vulnera recentibus foliis*, Dioscorid. & Plin. Forma plantæ nulli incognita; nam ut plurimis Italiæ locis in fictilibus vasis, spectaculi causâ, alitur, ut apud Matthiolum l. 3. cap. 22. Sic & in hortis nostris visitur, etiam florigera aliquando. *Uusus succi extracti in multis, sed principalis alvum solvere, cum penè sola medicamentorum, quæ præstant, confortet etiam stomachum, ad eò non infestet ullâ vi contrariâ. Efficacior si potâ eâ sumatur cibus. Et difficilius concoquantur cibi, bibitur à cænâ modico intervallo. Devorantur & pillula, &c.* Hæc Plinius l. 27. cap. 4. Probat Garfias loc. cit. hanc sumendi rationem, eamq; sequi ait Medicos Orientales. Vide apud eundem plura. Inter alia, ut Mesves auctor est, *additâ myrrhâ, à putredine vindicat, non modò viventium, sed & defunctorum corpora.*

5. De hoc usu locus est Joh. 19. v. 39. ubi duo quæsitæ dignæ: 1. *Quale illud μύρρα fuerit, quod ad sepulturam Domini attulit Nicodemus?* 2. *Quæ sine allatum fuerit?* De 1. *Quale?* Resp. *μύρρα ἀλόνε*. De Myrrhâ suo loco. De Aloë disputat Salmasius, non fuisse succum illum Catharticum, de quo modò; sed pulverem arboris aromaticæ istius, de quâ prius. De utraque Aloë Isidorus: de illâ in herbis; *Aloë, herba amarissimi succi*: de hac inter arbores: *Aloa in Indiâ atq; Arabiâ signi-*

ur, arbor odoris suavissimi, atq; summi: deniq; li-
 num ipsius vice thymiamatum adoletur altaribus,
 inde & nomen traxisse videtur. Ridiculè si ab
 illo, adolendo. Ac communis quidem inter-
 pretum sententia est, de succo herbæ hîc agi.
 Nonnus contrâ de aromaticâ accepit. Huic fa-
 ret Salmasius; sed argumenta, quæ affert, non
 identur rem conficere. *Sola, inquit, unguenta*
& aromata ad unctiorem & pollincturam cada-
verum adhibita, nec ullum locum fuisse medica-
mini, qualis Aloë vulgaris & Medica. Atqui Aë-
 lius, quem adducit ipse, lib. 6. Nερῦ ομῶς υἱοῦ his
 totat speciebus constituisse; *Aloë, Myrrhâ, Gummi,*
Sarcocollâ, Acaciâ, Opobalsamo. At Sarcocolla,
 Acaciæ succus, ipsumque gummi, medicamina
 unt, qualis Aloë vulgaris, ejusdemque faculta-
 tis & usus in Medicinâ: *exsiccatoria* quippe &
emplastica. Cætera argumenta momenti minus
 habent. Alia atque alia unctui mortuorum aut
 pollinctui adhibita olim, sive more Gentium,
 sive pro copiâ, aut dignitate. Quâ de re multa
 Kirchmann. de Funerib. l. 1. cap. 7. & 8 & Spon-
 danus in S. Cœmeter. l. 1. p. 3. cap. 3. Varia quo-
 que in Ægypto condiendorum corporum ratio
 fuit, ut docet Bellonius l. 2. c. 47. de Mumiâ. In
 Judæâ ditiores & qui dignitate præstabant, myr-
 rhâ & aloë mixtis condiebantur: nec *μύρρα* hoc
 parcè adhibitum, sed magnificè ut corpora cla-
 rorum in eo quasi natarent, aut tota obduceren-
 tur; quomodo apud Assyrios *melle perfundeban-*
tur; apud Persas *cerâ circumlinebantur*: apud Æ-
 thiopes *Gypsâ inducebantur.* Sic *beatuli* apud Ro-

manos *crassis lutati amomis*, obliti & inducti, apud Persium Satyr. 3. *lutati* Satyricè dixit. Nam hoc ad summam ignominiam spectabat: sic *statuarum tituli lutati* de more, ut Lampridius in Heliogabalo. Ad similem ignominiam pertinebat, quod C. Cæsar Vespasianum tùm Ædilem iussit *oppleri luto*, Sueton. cap. 5, in Vespas. &c. Et hoc puto est, quod posteriores Latini dixerunt, *corpora aromatum constrictione solidata*, vide l. c. Spondanum:

... qua tumulis bene condita, saxa reservant,

Aut Arabum solidans pulvis, odorq. tenet.

ut canit Orientius. Magis hoc clarescet, si intellexerimus, quem in usum allatum fuerit hoc *μύρρα*, Hoc est II. quod quærebat. Respondet autem S. Iohannes; *corpus Domini*, curatores funeris ejus, *accepisse, & ligasse cum aromatibus*, his ipsis, Myrrhâ & aloë, quæ & ipsa in aromatum censum refertur per catachresin non usitatam: quanquam & alia affuisse, nescio an negandum sit? ligatio verò fiebat *ἰθαρίως*, *fasciis* ex Sindone scissâ factis, ad eum ferè modum, quo infantes ligari solent; ita enim solebant Judæi, ut & Græci, *ἐνλαοιδέν*. Non igitur simpliciter unxerunt aut obiter; sed totum corpus, manus, pedesque unguento hoc spissiore circumlitum, & obductum, fasciis constrinxerunt. Hoc totum est *περίσπασιν*, quod Latini dicunt *pollingere*: vide hæc apud Walæum ex Casaubono ad Luc. 23. vers. 53. & aliis, ad Joh. 19. loc. cit. adde Casaubon. in Persj Satyr. 3. loc. cit. Et hinc, puto, apparet, cur *Myrrhæ addita fuerit aloë*? non tantum,

tum, ut corpora à putredine tueretur; sed etiam ut spissamentum esset unguenti, & glutinum quasi, quo corpori adhæresceret: quâ de causâ gummi quoque & sarcocollæ ferè duplum, addi solebat cæteris aromatibus & unguentis. Alla longè ratio fuit *Ægyptiorum* in curandis funeribus per *Paraschistas* & *Taricheutas*, quam accurate describit Herodotus & Diodorus Siculus, & ex iis nuper Gerardus von Stöcken / Centur. 1. Amœnit. Histor. cap. 50. *An ad istum morem Ægyptii in laqueas, sive Medici, curarint corpus Jacobi*, Genes. 50. 2. ut, secto latere per Paraschistas, exempta fuerint intestina, locusque postea aromatibus fuerit repletus? Quæ ratio habitu fuit sumptuosissima: non expedit. Credo Judæos hanc incisionem religione quadam averfatōs; Nam & apud Ægyptios Paraschistes, ut execrabilis, lapidibus petebatur; & integra suorum corpora condiebant, condebantque Judæi, Quare aliâ ratione usi videntur isti Medici, ut interanea eduxerint, corpore integro; fortè per *clysterem alvo infusâ cedriâ*, qua de ratione Herodotus & citati modò. Addo unum & quidem III. alium fuisse *usum aromatatum & unguentorum in Combustione exequiali*, quæ celebrari solebat Judæis in Regum funeribus, ut 2. Paralipom. 16. 14. & cap. 21. 19. Jerem. 34. v. 5. ubi multa de Ritu sepulturæ Regiæ. Summa est: 1. *Regum cadavera non fuisse cremata, sed Regum majorum suorum illata sepulchro*, Cryptæ scilicet subterraneæ; & quidem *in lectulo suo aptè composita*, multis unguentis ac odoramentis referto; ad eum

modum, quo *Phœnix* credebatur in nidulo suo emori, & à sole comburi, quo allusit Arabiæ Rex Jobus cap. 19. 18. de quo dixi S. Analect. Volum. 1. Aromaticum hoc sepulchrum Phœnicis describit Auctor carminis, Lactantio vulgò tributi. 2. *Supra sepulchrum postea incendebantur odores* : ut in Rogis alibi cum cadaveribus. Ea fuit hominum etiam in morte luxuria, ut quæ Dîus intellexerat genita, adhiberet urendis defunctis. Periti rerum asseverabant Arabiam non ferre tantum annuo proventu, quantum Nero novissima Poppeæ suæ die concremaverit, &c. Plinius l. 12. cap. 18. De quo more plura Kirchmann. & Spondanus cit. Deniq; 3. *Honore tamen isto privabantur indigni Reges*, damnatiq; publico judicio : quod more non abfimili in defunctos Reges exercebant Ægyptii apud Diodorum Siculum, lib. 2. &c. Plura fortè de Myrrhâ deinceps.

CAP. III.

De Bdolach, Bdellio.

1. **C**Enes. 2. v. 11. 12. Describitur terra *Chavilah*, quam Pilon flumen circumbeat, quod aurum ferat optimum, & *Bdolach*, & lapidem *Onychem*. LXX. habent : ἐν τῇ ἐστὶν ὁ ἀνθραξ & lapis ὁ νεύριον : Latini, *Bdellium*, ut & D. Lutherus. Sic Num. 11. 7. *Man erat sicut semen Coriandri, & oculus ejus, sicut oculus Bdolach*, LXX. τὸ εἶδος αὐτοῦ ὡς εἶδος κριόανθου. Vulgat. *Erat man quasi semen coriandri, coloris bdellii*, &c. Chal.

Chaldæus vocabulum Hebraicum retinet. Quæritur; *Quid sit?* Hebræi gemmam, aut pretiosum unionem interpretantur, coloris candidissimi, margaritam, crystallum, adamantem, *Gemmam* non esse, ex eo probat Marinus, quod ab *Eben* lapide pretioso aperte distinguatur, Genes. 2. loc. cit. Quare ipse coniecit *ebenum* sic dici, coloris buxei formis. Rationem conjecturæ non addit. *Margaritam* esse putat etiam Schindlerus, de quo Benjamin Tudeles. in Itiner. *In Catipha reperitur bdellium. Et in XXIV. mensis Nisan* ros quidam in aquas decidit, quem collectum incola involvunt, ac conclusum in mare conjiciunt, suâ sponte demergendum ad fundum usq; maris. Medio autem mense Tisri, duo homines funibus in mare ad fundum usq; demissi, reptilia quadam collecta in auras deferunt, è quibus scissis & ruptis lapides illi proferuntur. Sic ille indocte margaritarum genituram describit, de quâ suo loco. Præmittunt, qui sic sentiunt, Manna coloris pellucidi & candidi fuisse: inde inferunt, bdellium esse margaritam. Facit fortè ad rem aliquid, quod radix *Badâl* significet, *separavit*, distinxit. At, ut Marbodeus, de Gemmis cap. 61.

*Tollitur è conchis species memoranda marinis,
Unio, dictus ab hoc, quod ab una nascitur unus;
Nec duo vel plura unquam simul inveniuntur,
&c.*

Verùm neque certum est manna perlucidum & candidi coloris fuisse: neque consequens, ut ideo bdellium sit unio. Sed & Chavila regio, quam Pison totam circumfluit, India Orientalis non est, ad

ad mare margaritifera : nisi hoc intelligas *Sinum Persicum*, ubi celeberrima ista margaritarum piscatio, vide Stukium in Periplum Maris Erythr. Ariani pag. 57. Plin. l. 6. cap. 25. & l. 9. cap. 35. Denique Bdelium non ait Moles in flumine Pison, aut in mari, in quod ille se exonerat, sed in terrâ reperiri : vide Hopkinsonum de Paradiso.

2. Potior itaq; sententia Vulgati Interpretis. Est autem Bdelium lacryma arboris Arabica, aut Saracenica, ut apud Dioscoridem aliter & aliter legitur. Nominatissimum tamen in Bactriana: nascitur etiam in Media & Babylone. Arbor nigra est, magnitudine oleæ, folio roboris, fructu caprifici, naturâq;. Gummi alii brochon, aut bolchon, forte bdolchon, alii molachram, alii maldacon vocant: quæ nomina corrupta sunt: Arabes Molachil, aut Molachal dicere, ajunt, ut Dalechamp, &c. Esse autem debet translucidum, simile cera, potius, ut apud Dioscoridem, taurino glutini, odoratum, & cum fricatur pingue, gustu a-narium citra acorem. Bactriano nidor fœcus, multiq; candidi ungues: pro quibus verbis est apud Dioscoridem, *ευώδης*, &c. *ισιχὸς ὄνυχι*, de quo disputant Medici, vide apud Matthiol. l. 1. cap. 69. cætera ex Plinii l. 12. cap. 9. descripti. Arrianus in Periplo maris Erythraei in Arabia quadam regione τὴν ἡπειρὸν ἔδιν ἔτερον φέρειν, ait: βδέλλαν autem vocat, & cum co-
sso, nardo, lycioq; ferè conjungit, atque à gemmis distinguit. Fuisse inter præcipuas merces Arabicas indicat, de eâ plura in Scholiis doctissimis ibid. Stukius pag. 38. Plura Matthiolus & Clo-

fius in Annotat. ad Garfiam de Aromat. l. i. c. 8. Incertum tamen quid hodiè sit? & an legitimum ad nos exportetur? Quanquam non desint, qui illud esse putent, quod *Anime* appellatur, descriptum à Monarde de Simpl. Medicam. *Lacrymā esse arboris, candidam, lucidamq; , thuris granis similem, sed crassioribus, asserriq; fragmenta transparentia majora, ut quidam succini speciem esse suspicati sint.* Olim Judæis notissimum, usitatissimumq; fuisse oportet, etsi post Mosen nulla ejus fiat mentio.

3. Ut magis de *Bdellio*, quale fuerit? constet, de *Manna* pauca addam. Consentunt autem doctissimi Interpp. *ἀσβόμης* esse, quod *rorem Syriacum* appellet Cornelius Celsus. Id autem *mel ærium* duplex est, *liquidum & concretum*, quod tamen sole conspecto facile liquefcit. Liquidum Arabes *tenerjabin* vocant. Concreto *Libani montis* accola etiam hodiè pro cibo utuntur, citra ullam alvi defectionem. Eiusdem natura est *manna* in multis Europa locis, ac præcipuè in Polonia. Hac *assatim* ad nos deferitur, eaq; maxime gaudent *Judæi*, qui inde *placentas* conficiunt, quarum tamen esu nihilo laxiores habent alvos, ita *Ilaacus Vossius* in Pompon. Melam. l. 3. cap. 7. *Josephus* quoq; suo ævo frequens *manna* testatur cœlo cadere solitum in eā ipsā solitudine *Arabia*, in quā peregrinati *Israëlitæ*, l. 3. Ant. cap. 1. Dixi plura ex *Curtio & Galeno* l. 3. *Acerræ Philolog.* Forma fuit illud *parvum, rotundumq; simile grano Coriandri: Colore album, simile pruinæ, & bdellio transparenti*, *Exod. 16. v. 14. 31.* Putant ta-

men subflavesceus fuisse, qualis color in succino est, & puto, in bdellio fuit. De Polonico Cornel. à Lap. ad Exod. cap. 16. *Vidi, inquit, grana, suntq; instar milii, sed longiora & rubicunda, pulresq; inde confectas gustavi: sapor est, qualis pulvis ex panico.* Scilicet, quia manna nihil est aliud quàm ros melleus concretus, ortus ex terræ aquæque habitu, ex nocturno frigore coacto & densato; pro terræ, aërisque & cœli statu; alias atq; alias recipit qualitates. Hæc pluribus Franc. Vallesius, Levinus Lemnius, Connimbricenses, Bonfrerius in Exod. & alii.

CAP. IV.

*De Loth, Necoth, & Zeri,**Genes. 37. 24.*

1. **I** Smaëlitici Mercatores è Gileaditide ferunt *Necoth, Zori, Loth*, in Ægyptum; LXX. habent, *θυμαμάλα*, pro quibus *σύεγμα* posuit Aquila; *πνίγιον & σακχίν*. Vulgatus: *Aromata, resinam, & stacten*. Vatablus: *Opobalsamum, ceram, & lacrymam myrrha*. Tremellius: *Myxaria, opobalsamum, & ladanum*: ubi Fr. Junius in Notis: *Myxaria* Arabibus dicuntur *Nuketa*, teste Æginetæ, Aëtio, Psello, & Actuário, voce proximè ad Hebraicum *Necoth* accedente: *Opobalsamum* cum R. David Kimhi interpretati sumus: *Ledum* verò vel *Ladanum*, Onkelon Chaldæum & Arabes secuti: nam quod Hebræi *Loth* vocant, Chaldæus *Letum*, Arabes *Latén* vel *Laden* nominant. D. Lucas
therus:

herus : Würk / Balsam und Myrrhen. Ut, si
 ieri potest, ad liquidum perveniamus, singula
 examinabimus.

2. Loth semel adhuc legitur, Genes. 43. 10.
 ubi Jacobus filios in Ægyptum profecturos jubet
 nunus secum ferre, aliquid de optimis Terræ Can-
 aan fructibus; inter alia hæc Tria, de quibus hic
 agimus. Ubi LXX. pro *Loth* iterum habent *Sta-*
ten, ut & Vulgatus : pro *Zori*, utrique *resinam*;
 pro *Necoth* illi θυμίαμα, hic *Storacem*. Lexicogra-
 phi magis intricant : alii *Mastichen* interpretan-
 tur, alii etiam *Castaneam*, argumento radicis.
 Nam *Luth*, & *Laath* significant, *operuit*, *abscon-*
dit, *involvit* : undè λανθάνω, & lateo. Hinc con-
 cludunt, Loth esse aliquid involucro tectum, fru-
 ctum terræ : à pistaciis tamen & amygdalis di-
 stinctum, ut Genes. 43. 1. cit. ubi post Loth sta-
 tim ponuntur istæ nuces. Quæ ratio magnam
 habet verisimilitudinem. Accedit quod neque
 staëte, neq; ladanum, neq; mastiche, inter opes
 terræ Canaan proprias videantur recenseri posse.
 At enim verò Loth Gen. 37. 1. cit. inter ea refer-
 tur, quæ non è Canaanæ, sed à Nabathæis aut
 Sabæis per Gileaditidem delata, inde in Ægy-
 ptum deportabantur. Quidquid tamen sit; Jaco-
 bus, posteriore hoc loco, indicat non minùs *Noth*,
Necoth, & *Zori*, inter decantata Canaanitidis
 bona fuisse, quàm *mel*, & *pistacia*, & *amygdalas*.
 Denique nec apud Interpp. quicquam certi inve-
 nio. Suum cuiq; pulchrum, & sequuntur cele-
 brioribus quiq; antiquos LXX. ac Vulgatum, au-
 thoritate moti, ratione nullâ.

3. Quid

3. Quid ergò? *An 1. Staëte Loth est?* Vereor, ne obcurum explicetur per æquè obscurum. Nam & de Staëte non minor controversia est. Vocabulum Græcum *στέτη*, *stillatitium liquorem* significat: Et *καλ' ἰξοχάν*, *Myrrha*, ut suo loco audiemus. De Myrrhâ stillatitiâ dubito, an Loth dicta fuerit? habet enim ea staëte alia propria, etiam apud Mosen, nomina. *An ergò 2. Ladanum?* nam & hoc staëte est, & quidem fruticis, quem Ledon sive Gistum vocant; teneriores ramulos ita regens & quasi incrustans liquore suo odorato ac transparente, ut procul etiam conspicui, odorque percipi possit. Hoc itaque Loth dici poterit, ab involvendo: sive quod ramulos ita involvat; sive quod caprarum, hircorumque cistum depascentium, barbâ & villosis cruribus; unde depexum in offulas cogitur, ut est apud Dioscoridem l. 1. cap. 110. Plura de hoc Plinius l. 12. cap. 17. & hæc in primis ad rem: *Idem in Ladano caprarum pilos esse: Sed hoc, hunc colligendi morem, non alibi fieri, quam in Nabathæis, qui sunt ex Arabia contermini Syria.* Non puto quicquam dici posse, quod magis nostris locis conveniat. Sit ergò *Loth staëte*; sed non illa, quæ per excellentiam hoc nomen meruit, Myrrhæ puto liberè stillatitia: verum involuta caprarum pilis, aut cisti ramos involvens, *Ladanum* dicta. Nasci autem Cistum & Ledon in montanis circa Hierusalem quoque testis est Bellonius l. 2. Observat. cap. 81. Adeo omnia conveniunt. In Hispania hodiè Ledi varias species reperiri refert Clusius, & describit l. 1. Hispan. Stirp.

ap. 36. Quærant tamen 3. Docti, quoniam Lothucibus annumerari docuimus, & pro Castaneâ haberi, *annon potius Balanus myrsifolia sit?* Glans est unguentaria dicta, & *Myrobalanon*, nascens unguento, magnitudine avellanæ nucis est nucleo, dendo inutili, exprimitur *oleum balaninum*, medicinis celebre, & vel ideò nobile, quod veterans non fiat rancidum. Latet fructus involucro liquarum tectus. Arbor ipsa frequens Arabiæ, in Palæstinâ quoq; nascens, ut docet Bellonius 2. cit. cap. 61. & 78. &c. Plura Plinius l. 12. c. 21. ad Dioscorid. l. 4. cap. 154. Matthiolus. Sanè, *Letham* Thalmudicè dicitur Loth, sic Rabbiis *Lothan*, *glans* dicitur apud Schindler. Dixi de *Loth* quæ occurrebant.

α. Necoth præter duo jam citata loco legitur aliis duobus, sed parùm immutatum, ut in Indiculo monui cap. 1. num. 9. Videlicet 2. Reg. 20. & Esa. 39. ubi Hiskias Regis Babylonis Legatis indicitur ostendisse *בֵּית נֶעוֹת* *eth-Beth necoth*, ubi LXX. habent, *τὸν οἶκον τῶν νεχωθῶν*, retento vocabulo Hebræo. Symachus: *τῶν ἀρωμάτων*, equutus hunc Vulgatus: *Domum*, aut *cellam aromatum*. Tremellius: *Gazophylacium*, ut & Lutherus: *das Schatz-Haus*; alii, *domum desiderabilem*, rei suæ pretiosæ, &c. *Omnia cellanea aromatum vocantur Necoth*, ait R. Salomon. vide Buxtorff Lexic. Hebr. Chaldæus tamen pro eo posuit *שֵׁפֶף* *Scheaph*, quod ajunt *ceam* significare, aut idem quod *Scheiph*, id est, *obobalsamum*. De Myxariis dixi in Arboreto. Nec illa apparet ratio, quâ investigari possit, quid proprie

propriè significet hoc vocabulum? Nisi forte à *Caàh*, aut *Cathàh* derivârint veteres, qui *thymianata* interpretati sunt; nam istæ radices significat *contundere, conterere*: ut intelligamus *medici, pulveres aromaticos contusos*. Reposuisse Reges inter pretiolissima *aromata exotica*, jam dixi cap. 1. Romanis etiam morem hunc fuisse abusus & profusio indicat. *Adrianus*, apud Spartianum, *Rome, post ceteras immensissimas voluptates, in honorem socrus suæ, aromatica populo donavit. In honorem Trajani balsama & crocum per gradus theatri fluere jussit, &c.*

5. Superest *Zeri*, quod & *Zori* legitur, & quidem præter loca Genes. 37. & 43. citata, te apud Jeremiam, cap. 8. 22. *Nunquid Zori non in Gilead?* LXX. *ῥητίν*, Vulg. *Resina*, alii *Opobalsamum*, D. Lutherus, *Salbe*. Sic cap. 46. 11. *Accipe resinam, frustra multiplicas medicamina*. Et cap. 51. 8. *Resinam adhibete dolori ejus, si, forte, sanetur*. Et Ezech. 27. 17. *Judæa & Israël Oleum & Zori, resinam, Des und Mastich* / D. Luth. *tulerunt in mercatum Tyri*. Ex quibus certum est, *Zeri* aliquid resinolum esse, ad medicamentum vulneraria, emplastica, utile: cujus in *Palæstinâ*, *Judæâ*, & imprimis *Gileaditide*, quæ *Nabathæos Arabes* respicit, magna fuerit copia. *Rabini Theriacam* interpretantur, Genes. 37. 25. alii *Opobalsamum*: R. Salomo scribit idem esse quod *Natàph*, quod propriè *gustam, stillam, stillam*, significat. In Targumin *Zeri*, *Natàph*, & *Ketàph*, pro Synonymis habentur: Est autem *קטף Ketàph*, *resina vel gummi quoddam, quo*

vellitur, decerpitur, vindemiatur. Fortè ramulis sic arctè *adharens*, ut colligi nequeat, nisi li defringantur. Sic *Laccam* colligi testis est *Parfias* lib. 1. Aromat. cap. 8. *Lycium* sit ex-
trahi, ramis minutim concilis, & elixatis, Idem
ap. 10.

6. Equidem, cùm omnia curatiùs expendo, et eam venio sententiam; his tribus vocabulis, non species, sed genera diversa aromatum indi-
cari: & quidem cruda adhuc ferè, nec dùm arte
Myreplicà purgata ac præparata; qualia aroma-
tariis ac unguentariis, ab Arabiæ & Palæstinæ in-
sulis collecta, vendi solebant. Quare ut præpa-
rata distinximus in *Bessamim*, liquida ex quibus
mixtis unguenta varia conficiuntur; & *Sammim*,
liquida ex quibus contulis fiunt pulveres & thy-
llamata; ita puto *nondum parata* liquida vel
mixta esse, vel *Zeri*: arida verò *Necoth* dici. Sunt
item *Loth* dicta, quæ ita destillant, ut vel im-
pro aliquo adhærente *involvantur*, è quo ta-
men, sine arte, solâ diligentia explicari possint;
et statim à mercatoribus *involveri* debeant, ne
fragrantia evanescat; qualia sunt *Stacte*, *Lada-*
*im*que inprimis, ut dixi: *Zeri* quæ & *Ketaph*,
adharendo, & *decerpendo*, quæ sine Myreplicà
extrahi nequeunt; quales sunt resinæ ferè, o-
leæque olea & unguenta factitia: *Necoth* verò
liquida, quæ *contundenda* & *comminuenda* sunt.
De singulis deinceps plura dicenda erunt.

Hac ratione Interpp. facile
conciliantur.

CAP. V.

*Species & unguentum Sacrum, Mor,**Kinnemon, Kane, Kidda, Exod. 30. 23.*

1. **E**X quibus confici debuerit hoc unguentum? *suprà dictum est cap. 1.* Inter ea Mor, *Myrrham* esse constat, de quâ in *Passionali* meo olim *de Fasciculo Myrrha* pleraque exposui. *Nomen* habet origine *Hebræum*, à *Marâr*, amarus fuit: unde *Merôr*, *Mœror*, tristitia, quasi amaritudo animi: & occasio fabulæ, de *Filia Regi Cinyræ*, ex mœrore pœnitentiæ, in hanc artem mutarâ: *Ovid. 10.*

Qua quanquam amisit veteres cum corpore sensus,

Flet tamen, & repida manant ex arbore gutta.
 Est autem *Myrrha* lacryma arboris, nondum latius exploratæ. *Theophrastus l. 9. cap. 4. Hist. Plant.* refert: *Thuris* arborem minorem, humilioremq; folio aculeato, ulmeo simili; caudice duro, contortoq; juxta terram, ac surâ hominis crassiori. Alios tamen terebintho similem tradere. *Dioscorides l. 1. cap. 67.* *Egyptiæ spinæ*, sive *Acaciæ*, esse similem, è cujus vulnere defluat lacryma subjectas tegetes: eam verò quæ circum caudicem concrevit esse meliorem. *Plinius l. 12. cap. 15.* *Sativam* provenire, multum silvestri prelatam: aditudinem ad quinq; cubita esse, nec sine spinâ: foliis olivæ, verum crispis & aculeatum: *Juba* atri, inquit, alii *Junipero* similem dixerunt, & Ex recentioribus *Garsias l. 1. Arom. cap. 6.*

ima, ex Arabia, ad nos affertur myrrha, quæ Indis sola dicitur, (ut olim Aegyptiis, vide Passionale neum citat. ex Plutarcho de Iside) tum etiam ex regione Abexim, quæ Æthiopia est. Qualis verò arbor, quæ eam profert, aut quâ ratione resina faciat, nunquam scire potui. Bellonius l. 2. Observat, c. 80. Circa Ramam, non procul ab Hierusalem, refert Acaciæ quoddam genus copiose provenire, aliumq; fruticem spinosum: quem, inquit, veteribus haudquaquam descriptum fuisse arbitramur: Suspiciamus tamen Myrrhæ arborem fuisse; contorto est caudice, denso, horrentibusq; spinis obsito, foliaq; habet Acaciæ similia, sed paullo majora. Species varias, bonitate & pretio differentes describunt Dioscorides & Plinius: Different etiam locis, ubi proveniunt: quas inter Trodytica primas habet, quæ hodie Abyssina; secundas Arabica & Sabea, in quâ regione montem scribit Theophrastus, partim thuriscrum, partim myrrhiferum. Et Plinius dixit: Myrrham acis in iisdem silvis præmixtâ arbore nasci, l. cit. Theophrastus ad duo summa quasi genera reducit: Staeten & Plasten. Arrianus ex Emporio Arabico Muza ait exportari ἐν τῷ πιά, inter alia ὕμραν ἐκλεκτὴν, καὶ σάκην Ἀβερμυναίαν. In quem cum hæc notat Stukius: Στακτὴ εἶδος Σμύρνης πτότατον, Dioscorid. l. 1. cap. 64. Pinguedo est recentis Myrrhæ, tum exiguâ aquâ tusa, ac postea oleo expressa: quæ hodie omnium sententiâ, Scorpionem imitantium, est Storax liquida vulgò dicitur: quâ odoratissimâ, pretiosissimâq; ad paranda omnia odorifera, & sufficit passim unguentarii utitur.

utuntur. Sic Plinius : *Sudant, myrrha arboris sponte priusquam incidantur, Stacten dictam, cui nulla praefertur. Hanc nonnulli volunt esse Zoroc. Pro Abirminaa putat legendum esse Smyrnaeam, vel Amineam.* Sed de *Styracis* arbore jam in Arboreto dixi, & de *Myrrha*, *Ober Mina* dicta mox ex S. Literis audiemus. De *Uso Myrrhae* satis actum est in *Passionali*, nec libet repetere, vide *Plin. Dioscorid. & in eum Matthiolum*. Hæc, quoniam nostro proposito inserviunt, annotasse sufficiat.

2. *Mor* undecim vicibus legi, notat *Marinus* in S. Literis. Epitheta differentiam indicant. Dicitur enim à *Mose* *Exod. 30. h. l. Mor - Deror myrrha libertatis*, quæ vel sponte fluat, vel à adulterio & corruptione sit pura & immunda. *Mera Dakja*, *Chald.* id est, pura, incorrupta. *Thalmudici* tamen quidam *Museum* interpretantur; quod ex animali liberè currenti optimè colligatur; Captum enim parum & minus odorum præbere. *Rabini Musack*, *Arabes Mofsch* vocant, à *מסך Masach*, miscuit : *Animal Mofsch* esse capram silvestrem ajunt. Vide *Scaliger Exercit. 21. & 211. ubi etiam de Cato Zibetib*. *Cantic. 5. v. 5. & 14. legitur Mor Ober, myrrha transiens*, quam digito & labia stillare dicuntur ubi *LXX. habent σμύρναν πλίην, plenam*, ut apud *Ambrosi. Symmachus, πρῶτειαν, Aquila, ἐπιλειπὴ Sirach. cap. 24. v. 20. Ἐκλεκτὴν*, quæ dat evasione latè transeuntem. *Vulgatus : Probatissimam primam* : sicut *argentum transiens* dicitur, quod

robatur est, per manus hominum transiens, ut und gangbar / Vatablus: Vel, *qua labitur* interdigos, Idem: *Myrrhinum liquidum*, Trebell. fließende Myrrhen / D. Lutherus. Credo hoc simplicissime: nam ex Myrrha fiebat *Scheuten Hammor*, oleum myrrhinum, de quo Esner 2. & supra cap. 1. num. 7. Ipsa per se sicior est, ut in pulverem redigi possit. Hinc *pulvis Arabum corpora solidans*, exticcando, ut & Oriente audivimus, cap. 2. num. 5. & de Doctis Magorum Natalitiis Prudentius, Hymno de piphan.

*Regem, Deumq; annuntiant
Thesaurus, & fragrans odor
Thuris Sabai: ac myrrheus
pulvis sepulchrum prae docet.*

Item in Hymno Exeq. Defunct. de sepultura Christiana ritu:

*Candore nitentia claro
Pratendere lintea mos est:
Adpersaq; myrrha Sabao
Corpus medicamine servat.*

hæc est ipsa Arriani *stacte Aberminaa*, myrrina scilicet liquida, fluens, Minæa de qua Plinius 12. cap. 16. à regione Minæorum in Arabiâ Fecce. Et jam video Clariss. Bocharto idem ferè lacuisse, qui addit: eandem Myrrham apud Dioscoridem dici *Gabiream*, ut litera *Ajin* fortius aspirata legatur velut G. Significare autem hoc epitheton, *lacrymantem*. Denique ut Arrianus *Myrrham electam à stacte fluente Minæa* distinguit, sic Siracides loc. cit. cap. 24. 20. &

alii : quoniam *Stacte*, non est ipsa Myrrha, sed liquor ex eâ expressus, ut apud Dioscorid. Sed de *Stacte* iterum deinceps, confer Bochart. Phaleg. l. 2. cap. 22.

3. De Patriâ Myrrhæ jam diximus. Præstantissima in *Troglodytide* nascebatur, unde & *Sabæi petebant transitu maris*, sinus Arabici, Plin. l. c. huic tamen par, aut proxima *Sabæa*, *Minæa*. In hac regione mons ille fuit, *consitus Thuris & Myrrhæ arboribus*, de quo plura Theophrastus. Ad eum montem celeberrimum alluisse videtur Regum Sapientissimus : *Vadam ad montem myrrhæ, & ad collem thuris*, Cantic. 4. 6. & verisimile, ad instar illius Sabæi, in hortis suis aromaticis sibi propè Hierusalem similem plantavisse, vide Cantic. 6. 1. & 8. vers. ult. Ad montem myrrhæ autem accessit Sponsus animarum nostrarum patiendo, ad collem thuris resurgendo : *ut per myrrham mortem significet ; per thur vero divinam naturam*, ita Theodoretus. Melius alii : qui *per myrrham* crucem & mortem, *per thur* preces accipiunt : utrumque in Passione conjunxit Dominus, & ad utrumque sponsam invitat : Mixtim hæc crescunt, nec separari debent. --- *Rara fumant felicibus ara*. Sabæi justissimè inter se degunt, nec arbores suas custodire opus habent : fructus tamen thuris & myrrhæ in delubrum Solis deferunt, quod apud eos sanctissimum habetur : ibi ab armatis militibus custoditur, & mercatoribus venum datur, quod ex collecto thesauro præsentaneâ pecuniâ emunt : pretii tertia pars cedit Deo, *Theophrastus*.

flus. Nos omnem hunc censum mortificationis, pœnitentiæ, precum, soli nostro DEO offeramus, à Sexaginta armatis custodiendum, Cant. 3. 7. Matth. 6. 19. *An etiam Myrrha Palestina indigena fuerit?* dubitatur, vide dicta num. 2. hoc capite. Silvestrem fuisse, ex Bellonii conjecturâ audivimus. Et testatur Plinius: *Arabes non dedisse ex Myrrha portiones Deo; invidiâ; quoniam & alibi nasceretur.*

4. *Uſus Myrrhæ fuit ad unguenta; sacrum hoc, & profana, ut dixi cap. 1. liquide scilicet: aridæ verò ad suffimenta, Cant. 3. 6. ad odoramenta, poma odorifera, Bisam, Rugeln / Bisam, oder Balsam, Knöpflein / Büchselein / &c. utriusque ut puto: ut & ad ἰσλαρίασµόν, de quo cap. 1. cit. Sic Vestes Sponsi spirant Myrrham, Aloën, & Cassiam, Psalm. 45. 9. Indicatur, etiam carnem Domini divinâ gratiâ refertam fuisse, Basilii in Scholiis. Vestem vocat corpus ejus, Myrrham crucem & mortem, unde odor vite. Theodore- tus: Vel vestimenta sunt sancti ejus, electi, & tota Ecclesia, quam sibi velut vestem exhibet sine rugâ & maculâ, Augustinus: vel Verbum Evangelii & Sacramenta, &c. Huc pertinet myrrha de filiis destinans ex labiis Sponsi, Cant. 5. 13. quia Christi passionem loquuntur, Ambrosius de Virg. Instit. cap. 14. 1. Cor. 1. 23. quæ ut lilia, mentem recreat; ut myrrha, à putredine peccati præservat. Non potest regnare peccatum, ubi mors Christi animo circumfertur, Origenes in cap. 6. ad Roman. Sic cum pessulum cordis nostri reducit Christus, manu suâ affundit myrrham pœnitenti-*

tia; quâ digiti fluunt fidelium, qui moti aëtiq̃ue à Domino, & ipsi agere incipiunt, Cantic. 5. 5. *Manus Domini, actio est*, Theodoret. & *Spiritus ejus consubstantialis*, per quem agit: qui digitus DEI dicitur; Tres Patres. Hic cum per foramen cordis immittitur, *desiderium sui inflamat*, ut incipiat sponsa surgere ad aperiendum: dumq̃; pessulum apprehendit, ut obicem removeat, *stillant digiti myrrhâ Domini, ex contractu ejus fluente*, donec *januam aperiat Sponsa per fidei affectionem*; ita iidem.

5. De suffitu locus est Cant. 3. 6. ubi ænigma pastorale de Conversione Gentium: *Qua est ista, qua adscendit è deserto, sicut Virgula fumi*, instar palmæ sursum tendentis, & in aperto aëre se diffundentis; ut solent thymiamatum odorati fumi ex altari, cum DEO accepti sunt, rectâ sursum ferri; *fumi*, inquam, *ex aromatibus myrrhæ & thuris, & universi pulveris pigmentarii*? *Pigmentarius*, ait Hugo de S. Victor. l. 2. Erudit. Theolog. cap. 110. *est Christus: pigmenta, virtutes: myrrhæ, mortificatio carnis: thus, mentis devotio: universus pulvis pigmentarii, virtutum omnium multitudo*. Confer Bernhard. Serm. 59. Parvor. De odoremantis illud: *Fasciculus Myrrhæ Dilectus meus mihi: inter ubera mea commorabitur!* Cant. 1. v. 13. Hebraicè fasciculus, *Zerôr* dicitur, à colligando. Propriè videtur significare fasciculum ex foliis vel ramusculis, aut floribus, myrrhæ constrictum, *Cornel. à Lap.* sed vix puto in hunc usum de collo suspendi potuisse, cum non sine spinis fuerit, ut diximus. Vocabulum

bulum Hebraicum propriè loculum, vel marsupium, notat, quo pecunia colligatur. Et Arbores *myrrham* vulgò còemptam in folles, sive sacculos, *confarciunt*, Plin. loc. cit. Huc respexisse Salomonem arbitror. Itaque ex LXX. habent ἀπόδασμον τῆς σακτῆς. Christum in Passione sua videri sibi, ait, similem folliculo tali, propter amaritudinum abundantiam, odoris fragrantiam, pretii & utilitatis præstantiam. *Hæc medicina hominum tanta est, quanta non potest cogitari!* ait Augustinus. Vide quæ de hoc fasciculo dixi in Passionali. Deniq; de corporum defunctorum conditurâ & loco, Joh. 19. 39. cap. 2. satis dictum est. Tantum de Myrrhâ.

6. Sequitur Kinnemon. Ter legitur; hîc Exod. 30. 23. ubi cum epitheto dicitur *Bessem*, ut de liquido dici intelligatur: & Proverbior. 7. 17. ubi adultera inter alias illecebras ait: *Selectulum suum vel persudisse, vel suffumigasse potius Myrrhâ, Xylaloë, & Cinnamo*: & Cantic. 4. v. 14. de quo loco mox seorsim. Ex quibus locis hoc tantum habetur, speciem fuisse aromaticam, in hortis Salomonis cultam, ad unguenta & suffitus expetitam. Denique inter merces Romæ κιννάμωμον numeratur, Apocal. 18. v. 13. Possunt hæc omnia nostro vulgari Cinnamomo applicari: Verùm quodnam *veterum Cinnamomum* sit? an à *Cinnamo* differat? an idem sit quod nostrum, *Canella* dictum? imò an in rerum natura extet, quale probatissimi veteres describunt? Labyrinthus videtur, quem ingredi non libet; egredi peritissimi harum rerum Medici necdum vix potuerunt.

runt. Videat, cui vacat, Matthioli prolixam Disputationem in Dioscorid. l. 1. cap. 12. & 13. Garfiam in Horto lib. 1. Aromat. cap. 15. & ibid. Clusium in Notis, Scaligeri Exercit. 144. & in primis, qui omnia collegit, Jonstonum l. 3. Histor. de Arborib. Aromat. cap. 4. &c. Nectamen αούμβολο discedam, pauca è veteribus annotabo, de Cinnamomo & Cinnamo; tum & nonnulla è recentioribus de vulgari nostro: ac denique dicam de hoc Biblico.

7. Primus Cinnamomi reliquorumque Aromatum in Arabiâ meminit Herodotus l. 3. *Quomodo aut quâ in regione gignatur? nescire Arabes. Putare tamen ibi nasci, ubi Dionysius educatus sit, de quâ fabulâ aliquid cap. 1. supra num. 3. Ipsas Cinnamomi festucas afferri à prægrandibus avibus in nidos suos, quos è luto struant locis præruptis & inaccessis: Eas hoc strategemate comparari; solere Arabes juxta nidos cadavera animalium in frustra decisa deponere: iis ab avibus in nidos allatis, hoc ita gravari, ut rumpantur, secumque in subiectum solum Cinnamomum effundant.* Nec confinxit hæc Herodotus. Nam sic fabulantur Aromatum venditores, ut ex periculi laborumque in parando magnitudine pretia augerent. Itaque *Thuriferas quoque arbores observari ab alatis serpentibus; Casiam à nescio quibus feris vespertilionibus mentiebantur, apud eund. Herodot. l. cit.* Ipsum nomen aromatis hujus ex fabula ortum, aut ex nomine fabula. Nam *Kinnen* Hebræis est *nidificare*: *Kinnim* dicuntur *nidi*. Nisi fortè alia fabula hoc spectat, de Nido Phœnicis Cinnameo, ut

ut indicat Plinius l. 12. cap. 19. Arabicæ de Cinnamomo fabulæ plures postea mentionem fecerunt, Aristoteles in Hist. Animal, Antigenus Carystius, Dionysius Periegetes, Solinus, &c.

8. Qui certiozem Cinnamomi historiam prodidisse vili sunt, hæc habent: *Varia esse genera; Mossyliticum, quod præstantissimum habetur, Cassia, qua Mossylitis dicitur, habere quandam similitudinem*, Dioscorid. l. 1. cap. 13. Plinius loc. cit. cum veterum fabulas refutasset, *Cinnamomum*, ait, itemq; *Cinnamum*, nasci in Æthiopia Troglo-dytis connubio permixtâ. Il mercantes id à conterminis vehunt per maria vastaratis, &c. ipse frutex duorum cubitorum altitudine amplissimus, palmig; minimus, quatuor digitorum crassitudinis, statim à terrâ sex digitis surculosus, arido similis: cum virescit non odoratus, folio origani, succidatè glandens, steriliore imbre, caduca natura. Sequuntur alia de messi, fabulosa æquè, & de speciebus, quæ exscribere tædet, nec in rem nostram sunt: Illud magis; quod in Palatii Templo se vidisse ait, radicem magni ponderis, aurea patera impositam, ex qua gutta edita annis omnibus in grana durabantur. Galenus l. 1. de Antidotis, optimum suo auro rarissimum fuisse, ab Imperatoribus repositum, inter pretiosissima, testatur: Perlatam fuisse Romanam integram arborem in arcâ, quatuor cubitos & medium longâ, ex Barbarorum terris: fruticem esse ab unâ radice prodeuntem, è quo aliquot, sex septemq; crescant virgulta, quorum maximum pedis Romani dimidium non excedat: totam autem Cinnamomi naturam optima Cassia quodammodo

simi-

sim.

similem. Denique in Arabia quondam genitum fuisse, nec aliunde semper invectum, testes sunt, Strabo l. 15. Diodorus Siculus l. 2. cap. 49. & Arrianus Expedit. Alex. l. 7. in Periplo tamen maris Erythræi, nihil habet. *Apud Sabæos imprimis, cum Balsamo, Cassia, Thure, Myrrha, & Calamo crescere Cinnamomum*, auctor est quoq; Agatharchides cap. 50. in Excerpt. apud Photium, &c. Denique in Syriâ etiam gignitur *Cinnamum*, quod *Caryopon* appellant: hoc est, *succus nuci expressus: multum à surculo veri Cinnami differens, vicina tamen gratia*, ait Plinius l. 12. cap. 28. Quem locum non puto à Criticis sollicitandum fuisse, qui pro *Caryopon*, quod nuci succum significat, *Camacum*, & pro surculo *succum*, aut *masculum* legi debere censuerunt. Mitto multa, non nostri fori.

9. Quod hodiè *Cinnamomum* habemus, à Cassiâ solo nomine, & bonitate differre ait Garfias. *Canellam* jam olim, à Chinenfibus mercatoribus laudatissimum è *Zeilane*; minùs probatam ex *Malavar & Javâ* petitam, Ormuzumque advectam, fabulis illis, quas ex Herodoto audivimus, pretii augendi gratiâ, commendatam: nominibus distinxisse; priorem *Cinnamomum*, quasi *amomum ex China*, sive lignum odoratum Chinenfe dixisse vulgò; posteriorem *Cais manis*, quod linguâ Malayâ *dulce lignum* sonet; inde corrupto vocabulo à Græcis *Cassiam* nomen accepisse: nullam hodiè in Arabia nasci, ipsos Arabes ex Indiâ petere. *Esse autem Canella, sive Cinnamomi arborem magnitudine oleæ, interdum mi-*

norem,

norem, multis ramis pradam, non contortis, sed rectis ferme: foliis lauri colore, sed formâ, ad Citri folia accedente, floribus candidis, fructu nigro & rotundo, exiguis olivis simili: ipsam Canellam esse corticem secundum & interiorem, qui ab exteriorerepurgatus, inq. laminulas quadrangulas sectus, cum humi abjicitur, per se ita ut appareat convolvitur, &c. Ipsa, inquit, radix exsillat liquorem Caphuram redolentem: Sed Rex vetuit radices vulnerari, ne arbores pereant. Truncus interdum femoris crassitudine repetitur. Quæ cum eâ radice quam magni ponderis vidit Plinius, quotannis guttas ex se edentem, consentiunt. Nec multo aliter Ludovicus Romanus, & Acosta describunt. Scaliger quædam aliter: Nullum ferre fructum: Corticem astu findi, bis in anno deglubi; dulcem primum, mense postea perisci: idcirco Caunama dici in Zeilane; Cau namq. gnum significare, nama dulce: Galeni illud descriptum nuspiam reperiri, & alia, Exercit. 144.

10. His præmissis *Biblicum Cinnamon* videamus. Id à Cassiâ locis citatis distinguitur. Specie tamen ideò differre non est consequens. Si de Plinio Cinnamo, quod *Caryopon* vocavit, Syriæ indigenum, certi quid constaret, posset cogitari, succum ejus odoratum in unguentum Sacrum Mosaicum venisse. *Nux myristica*, quam nos *Moschatam* dicimus, Arabes à Patriâ, *Fausiband*, id est, nucem ex Bandâ, nec in Syriâ reperitur, & veteribus incognita fuisse creditur. *Balanus Myrepica*, de quâ suprâ, an huc referri possit, nescio, Itaque Plinium mittamus: Sed & Dodonæi sententiam;

tentiam; qui virgulta illa nigra, quæ inter *Caryophyllos* ad nos adferuntur, & ex quibus hi nascuntur, ex Dioscoride probare vult legitimum esse Cinnamomum, P. r. l. 3. cap. 19. Sanè, quam *Caryophyllorum arborem lauri forma & magnitudine* describat Gasias; tamen ad nos virides arbusculæ, flores & fructus suos ferentes, ex Indiâ advehuntur, iis quas Galenus vidisse commemorat, in arculis allatas, etiam minores. Esto interim Mosaicum Cinnamum, Canella ab Arabibus è Zeilane petita, & cum similibus exoticis per Nabathæos in Syriam allata: è cujus radicibus vulneratis stillat concrescens stacte per se, & ex festucis arte aliud *oleum odoratissimum* extrahitur. Hoc puto esse *Kinnemon-Besssem*. Si tamen *Cinnamomum* olim, florente adhuc terrâ Israëlita, *cibus caprarum* fuisset, abundasse ibi oportet, quod ex Thalm. Hierosolym. affert Buxtorff. Nos ad alia pergamus.

11. Est autem in ordine proximum Kane. De eo Esa. 43. 24. Dominus: *Non ego, inquit, te jussu laborare in comparando ad cultum meum thura nec tu mihi argento Kanitha Kane, emisti Cannam*: ubi allusio ad etymologiam: ut dicta sit Kane, a *Kinjan*, emptione, juxta Schindlerum. LXX. habent in genere *θυμίανα*, cæteri *Calamum*. D. Luther. *Ralmes*. Detestatur Deus Judæorum hypocrisin, qui gloriari solerent de sumptuosis sacrificiis & suffimentis, quibus Deum venerarentur; cum intus & in cute essent ipsi merum *βδέλυγμα*. *Non exegi, inquit, à te oblationes, nec thura quasi vi. Non calamum, neque* censum

ensum, & diversi pigmenta generis; quorum summo inebriares atq; satiares: sed obedientiam, quæst supra Sacrificium, &c. Hieronymus ibid. Huic *καλὰ μανλον* est illud Jerem. 6. 20. *Quò mihi thus de Sabà affertis?* & Kane Hattobh, Calamum suaveolentem. Vulgat. Optimum illum, generis præstantissimi, de terrâ longinquâ? LXX. habent *κίμωμον*, vel *κίτταμον*, Aquila & Symmachus: *κάμωμον*. Quod thura de Saba veniant, nemo dubitat: unde & illud Virgilianum; --- centumque labæo thure calent aræ. Calamum autem, quod Hebraicè dicitur Kane, pro quo LXX. & Theodotion Cinnamum transtulerunt, de terra venire longinqua, Propheticus sermo testatur: ut intelligamus Indiam, de qua per mare rubrum plura veniunt aromata. Hoc genus pigmenti Medici *κασίαν* & *σάκκινον* appellant, hæc h. l. Hieronymus. Apud Ezechielem locus est obscuræ & dubiæ interpretationis, cap. 27. 19. quem enarrat Bohartus in Phaleg. l. 2. cap. 21. Quicquid sit, certum est, in Tyrionum commercio fuisse inter alia, *Siddah* & Kane. In Græcis locus corruptus apparet. Vulgatus habet: *Stacten* & *Calamum*: *lilii*, *Cassiam* & *Calamum*. An Javanitæ, qui has perces Tyrum advexerunt, Græci vagabundi, circumforanei, fuerint? an verò Arabes ex Uzal, erræ Jeman metropoli? Ls est, non hîc decienda. Superest locus Cantic. 4. v. 14, de quo princeps.

12. Ex his certum quidem est Kane i. pretiosum aroma esse, quod magno constiterit, magno-

gnoque labore & sumptu ad cultum Dei à Judæis comparatum fuerit: 2. Allatum fuisse, non ex Arabiâ Sabæâ, unde thus, sed de terrâ longinquâ, & ut bene Hieronymus ex Indiâ, & quidem Tyrum, in nobile illud olim Orientis emporium, à Javanitis, sive illi Græci fuerint, sive Jemanitæ Arabes. 3. Distinctum esse à *Kinnamon & Kidda*: 4. ac tam bonitate quam pretio differens: ut aliud sit *Hattohb*, optimum, quod ex Indiâ petitur; aliud vulgare & minoris pretii, quod in Arabiâ fortè aut & Syriâ natum. 5. Fuisse jam olim & siccum ad suffimenta, & liquidum; *Bosse* cum additamento dictum, ad unguenta, expetitur. 6. In hortos quoque Salomonis translatum. Hæc ex locis citatis satis certa. Dubium; *quid sit?* nam Interpp. modò *Cinnamum*, aut *Cinnamomum*, gute Zimmetrin den/ D. Luther. Jerem. 6. 20. modò *Cassiam fistularem*, ut Hieronym. modò & constantius *Calamum* vertunt.

13. Ac *Cinnamum* quidem, propriè sic in S. Literis dictum, non esse, jam audivimus: quia Exod. 30. cap. de quo hic agitur, disertè à *Kinnamon* distinguitur, ut & Cantic. 4. 14. Et si *Kidda* Casia, vel Cassia est, de quo statim; *Kane* quoque aliud esse oportet: *An ergò calamus?* Ita puto, sed de vero veterum. Nam quem hodiè *calamum aromaticum* dicimus, vernaculâ *Ralmes* / radix est, passim apud nos in locis palustribus crescens, omnes veri acori notas habens; *folia iridis, sed angustiora; radices non in rectum, sed*

sed in obliquum aëtas, geniculatas, albicantes, gustu acres, odore non ingratas. Est & *Pseudacorum florigerum*, gelbe Schwertel / Acker-Wurk; sed de his h. l. non est agendum, vide Plin. l. 25. cap. 13. & Dioscorid. l. 1. cap. 2. ac ibid. Matthiol. *Calamius odoratus* veterum, quod ipsum nomen indicat, arundo est, nec multum absimilis *juncus odoratus*: nascuntur in Syria & India, odorum unguentorumq; causa: nihil à ceteris sui generis differunt aspectu, Plinius l. 12. cap. 22. & l. 25. cap. 11. Indicus tamen calamus longè præstantior, de quo Dioscorid. l. 1. cap. 17. ubi Matthiolus. Quæ cum descriptioni *Kane* per omnia conveniant; non reor dubitandum esse, quin *Kane* sit *Calamius aromaticus* veterum. Ille in Asianis & Aegyptiis Apothecis vulgò venalis, per universam Indiam feritur: Arabes *Cassab*, id est, cannam, cum epitheto *Alderira*, aromaticam vocant, Gasias l. 1. cap. 32. Scalliger Exercit. 140. Apud nos rarus inventu, destitque in usu esse, ex quo *Acorum* ejus vices occupavit. Hoc è Ponto & Bithyniâ in Germaniam venisse notat Clusius, in Append. Stirp. Hispan. p. 522. Nunc in hortis, locis humectis, feritur, & reperî Spiræ propè *Paludem*, quam vocant *Leporinam*; ac hic Ratisponæ in Lacu fossæ alicujus, non procul à *Porta Orientali*: unde aliquot radices in hortum transtuli ante sex annos, quæ quotannis odorata sua folia, per hiemem amissa marcore, iterum protrudunt; latius tamen se non explicant, credo propter so-

lum siccus. Denique jam olim *oleum è calamo, balsamo, iri, cinnami radice* siccis, in oleo maceratis expressisque factitatum, docet Plinius l. 15. cap. 7.

14. Superest Kiddàh, quod duobus tantum locis legitur, Exod. 30. 24. de quo jam suprà c. 1. num. 2. & paullò ante Ezech. 27. v. 19. hoc cap. num. 11. Neque notæ ullæ proponuntur, nisi quod à dictis distinguitur, nec epitheton *Bossem* additur, ut Cinnamo & Calamo; ex quo colligi possit, per se liquidum quid fuisse: & quod in Tyrriorum mercatu prostituerit, allatum à Javanitis. Interpp. quoque discrepant. LXX. in Exod. ponunt, pro *Kidda* nomen *ἱερὸς*; apud Ezechiel. loc. cit. pro *Kidda* & *Kane*, *τροχὸν*, fortè *τροχιόνες* indicantes: Latini à figura minimorum panum, *Pastillos* dixerunt, ut Horatius l. 1. Sat.

Pastillos Rufillus olet, Gorgonius hircum:

Græci aliàs *διαδομαλα*, ex siccis odoribus; ut *διαδομαλα* ex liquidis, Plinius l. 13. cap. 2. & l. 21. cap. 9. Cruquius in Horat. Vulgatus modò *Staden* vertit, modò *Casiam*: hoc cæteris quoque placuit, ut & D. Luthero, Casien. Marinus habet in Arcà, esse Cannæ aromaticæ speciem, aliquibus *costum*. Sic Buxtorffius; distinguere Thaludicos inter *Kidda* absolutè positum, & cum epitheto *Lebhona*, album: illud esse herbam; hoc *costum*. In Targum tamen pro *Kidda* est *Kezia*, *Casia*. Radix *Kadad* significat, inclinavit, nutavit,

vit,

vit, quod cannis convenit : Arabibus tamen videtur significare, ficcavit, vide Schindler.

15. Hic igitur nihil certi apparet ; *An Kidda sit Iris, vel Casia, vel Costum?* Quare singula videamus. Nam *Orbiculi & Staete* generalia sunt vocabula : nec *Kidda* Myrrhina staete est, à quâ Exod. loc. cit. manifestè distinguitur. Ac 1. quidem *Iris*, à floribus nomen accepit ; qui diversi coloris specie quandam arcus cœlestis imaginem repræsentant. Neque longâ descriptione opus habet, eum passim in hortis nascatur, vide tamen Dioscoridem cap. 1. lib. 1. *Radice tamen tantum commendatur, unguentis & medicina nascens, laudatissima in Illyrico*, Plin. l. 21. cap. 7. qui addit, *Illyricæ proximam esse Macedonicam, & tertium locum habere Africanam*. Nos *Himmels Schwertel* / & *radicem violaceam* ab odore dicimus : Theophrastus Europæ peculiarem. De oleo *Irimo* Dioscorid. loc. cit. cap. 55. optimum esse, quod solam irim redoleat, quale in Pergâ Pamphyliz, & in Elide Achajæ componatur. Virtus ejus inter alia, quod sit *contra tussim* efficax, & *difficiles vomitiones* adjuvet, perunctis eo digitis, & immixtis, &c. Et hinc puto pro *Kidda* LXX. posuisse *Irim*, nam *Kadad* Arabibus etiam *vomit, tussiendo expuit*, significat : quasi dicas, radicem vomitoriam, aut contra tussim, *Brech Wurk* / *Husten-Wurk*. Quæ sanè ratio non parum habet momenti. Neque obest, quod *Iris* unguentaria in Syriâ & Arabiâ fortè peregrina ut ignota videatur : nam cur Jones, Græci

mercatores, in mercatum Tyrriorum sive radicem, sive oleum afferre nequiverint? Asiae sane negatam Irim non fuisse ex Dioscor. cap. 55. cit. audivimus: Lilia frequentissima fuisse suo loco vidimus.

16. Veniamus ad Costum: ejus tria Genera describit Dioscorides l. cit. cap. 15. *Arabicum* optimum, proximum *Indicum*, tertium *Syriacum*. Est radix inter ea, quæ Indis in maximo pretio: frutice inutili: genera duo, nigrum & quod melius candicans, Plin. l. 12. cap. 12. *Odorum causa unguentorum & deliciarum, si placet etiam superstitionis gratia, talia emebantur: nam thure supplicabant olim & costo*, Idem l. 22. c. 24. Nascitur in Patale Insula primo statim introitu Indi fluvii, Idem. Hinc ex Emporio, quod Arrianus in Periplo vocat βαρβαεινὸν, ab urbe *Barbari* dicta, in Ostio Indi, exportari solebat. *Garsias* l. 1. cap. 35. *Costum* quo hodiè Indi utuntur describit, aliorum tamen qui viderunt fide, *Sambuci effigie, & magnitudine arbuti, flore odorato*: odoris tantam esse fragrantiam, ut nares feriat, & capitis dolorem excitet: de Arabico & Syriaco negat se quicquam comperisse. Quod è Lusitania hodiè Indicum affertur radix est, *violaceum sive trinum spirans odorem*. Arabes *Cast* vel *Cost* appellant, quod cum *Kidda* satis convenit, permutatis, ut solet, D. & S. D. literis: quemadmodum Z. & D. permutantur. Sed quem vel fruticem vel florem ferat, incertum puto haberi: fragmenta caulibus, radici inhaerentia, ferulaceum

laceum quiddam referre, & fungosam medullam continere, scribit Clusius & Garliam: Matthiolum ex Galeno, *tàm eximii fragrantisq; esse odoris, ut non minus ad unguenta odorata usus ejus inva- luerit olim, quam Molabathri, Amomi, Cassia, atq; Myrrha.* Supererat *Cassia*; sed quia hæc proprium in S. literis nomen habet, vix adducor, ut credam *Kidda* esse. Differo tamen, in suum peculiarem locum, & *Kidda* reor vel *Iridem* esse, vel *Costum Irinum*; non simpliciter, sed unguentum aut oleum jam compositum: quod de Iri- no propriè dicto perquam verisimile; ut in Pa- læstinam non radix advecta fuerit, sed oleum ex radice alibi, ut in Elide aut Pergà, confe- ctum. Cur quatuor hæ species aromatum un- guentariorum ad Sacrum hoc unguentum fue- rint adhibitæ? & quid significarint? explicari difficile est. Tentabimus fortè cap. seqq.

CAP. VI.

Species S. Thymiamatis, Natàph,
Schechelèth, Chelbenà, & Lebonà,
Exod. 30. 34.

NAtàph in singulari semel legitur h. l. & semel in plurali, Job. 36. 27. ubi signifi- cat guttas aquæ: ex radice, *Nataph stillavit.* Unde *Nesiphos*, guttatoria; guttos Latini vo- cabant, vascula oris angusti, in quibus oleum ser- vabatur: hic tamen vascula intelliguntur un-

guentaria, LXX. *seyyaridas*, *שֵׁי יָרִיד*, à guttis, vocant. *Nataph*, ergò gutta est; verùm non fluida, sed concreta, ut confusa in pulverem redigi posset, ut dictum cap. 1. suprà num. 2. Quidam Rabbīnorum *balsamum* vel *opobalsamum* significari putaverunt: quos Paginnus & Lutherus secuti. *Sed major*, inquit Bonfrérius ad Exod. h. 1. *est Hieronymi ex LXX. Interpretum auctoritas, qui staeten verterunt.* Resp. Sed hi quæstionem non explicaverunt. Nam & iidem modò *Loth*, modò *Kidda*, nunc etiam *Nataph*, *Staeten* verterunt; quæ nomine *Myrrha* stillatitia propriè gaudet, quæque ab Hebræis *Deror* dicitur, ut suis ll. jam observavimus cap. 4. num. 2. 3. & cap. 5. num. 2. 11. 14. Manet ergò dubium: *quanam Staete sit Nataph?* certamenim speciem designavit Deus, & à dictis his *Loth*, *Kidda* & *Myrrhâ* distinctam. Et quæ causa fuit, ut in hunc censum aromaticum *Balsamum* non venerit, præcipua terræ promissæ gloria? At nisi *Nataph* est balsamum nullum hoc loco est: nec illud vel ad unguentum sacrum, vel ad thymiana admissum. Quid videatur? mox exponam. Nunc cætera dubia examinabimus.

2. Nam quid *Schechelèth*? Hoc quoque alibi præterquàm h. l. non reperitur. *Schachal* Leonem significat immanem, vel Leopardum. Quid hoc ad nostrum aroma? quod LXX. *ὄνυχα*, & Vulgat. *Onycham*, cæteri similiter, aut *ungulam Caballinam*, *blattam Byzantium*, interpretati sunt: Lutherus, credo, quia Germanis no-

tius

tius vocabulum non occurrebat, *Stacten*. Chaldaicum *Schechal* significat, extraxit : Syriacum, *defluxit*, stillavit ; unde *Schachalà*, urina. Ad quam significationem respexit D. Lutherus, ut puto. Pro *Schecheleth* in Targum est *Thuphra*, quæ vox *ungulam* notat : ut & Thalmudica *Zipporen*, in Gemarâ : ubi hoc *Ketoret*, *Oupia-ma*, dicitur fuisse compositum ; ex *Zori* resinâ, sive opobalsamo, *Zipporen*, ungui odorato, &c. Sequitur *Chelbena*, quod itidem hoc uno loco legitur : at *Chelbon* Ezech. 27. 18. Radix *Chelob* adeps est, vel pinguedo. LXX. h. l. ponunt *χαλβάνν*, Vulgat. &c. *Galbanum*. Arabes apud Schindlerum vocant *Miah*, *stomacem vel galbanum* : Idem ait hoc esse *succum arboris, sicut mel nigrum* : cum *Chalab* propriè lac denotet, & *Chelob* adipem lactei coloris, lacti coagulato similem. Judæi Germani à tetro odore galbanum appellant *Zeuffels-Roht* / putantq; Rabbini hoc suaveolentibus hîc permisceri, ut indicetur, malos esse inter bonos tolerandos. Quod Damasceni dicuntur Tyrum convexisse *Vinum Chelbon*, & *albam lanam*, Ezech. 27. 18. LXX. exponunt *οἶνον ἐν χαλβών*, & putant aliqui locum fuisse non procul Damasco : Vulgatus vero habet *Vinum pingue* ; Hebræi, *vinum novum coctum*. Superest *Lebonà*, *Thus*, de quo nulla ferè lis est, & crebrò occurrit in S. Literis.

3. Nunc singula consideremus. 1. Natàph argumento vocabuli, *Stacte*, sive lacryma est, in genere

genere dicta. Sunt autem præcipuæ lacrymæ ad odora menta & suffimenta idoneæ, 1. *Myrrha* de quâ cap. præced. ubi diximus, aliam *saxatilis* dici; sive quod spontè fluat, ut visum Plinio, sive quod pura sit, qualis ex arbore fluxit: aliam *masiv*, factitiâ vel quod arte componatur; vel adulterina sit. Staîte ex arbore incitâ partim fluit, partim concrescit, ut in pulverem comminui possit. Hanc ergo hic *Nataph* dici posse non negandum videtur. 2. *Mastiche*, quæ est resina lentiscina, de quâ in lentisco deinceps, cur huc pertineat? non apparet ratio: 3. Neque cur *Bdellium*? de quo supra: quod in suffitu odorem inspirat, quale onychis Indici conchylii testa. 4. Neque etiam cur quod *Belzoinum* vocant, veteribus ignoratum hoc nomine? quod *amygdaloides* appellatur, *Myrrham Troglodyticam* Dioscoridis esse censuit Amatus Lusitanus: Garfias, qui *Benjui* appellat, ab Arabibus *Lovanjoy*, id est, thus ex Jaoa, dici ait, l. 1. aromat. cap. 5. 5. *Styrax*, sive ut Officinæ jam olim dixerunt, *Storax*, ut & Vulgatus Interpres, Genes. 43. 11. Sirac. 24. 21. quid sit? in Arboreto exposui cap. 10. Staîte quoque est, ut ibid. & in parvas micæ concrescit. Optimus pellucet, gummi similis, myrrhamque odore refert. An hic Moysis *Nataph* sit? neque cur affirmem habeo, neque cur negem? Restant in hoc censu *thus*, de quo Moses distinctè: & *balsamum* de quo quaeritur: an sit quod *Nataph* dicitur? Sed de eo in *Schemen* infra.

4. Interim certum, ex præmissis habendum; si *opobalsamum*, quod ex arbusculâ incisâ manat, & a *Carpobalsamo* ac *Xylobalsamo* factitio differt, quæ ex fructu aut ligno exprimuntur, in thymiana hoc Mosaicum venerit, non de liquido, sed de *concreto & solido* accipi debere, quale ex Lobelio & Bauhino describit Jonstonus, quem vide de Arboribus lacrymiferis l. 6. cap. 4. p. 307. & de cæteris dictis num. præced. de Resinis ibid. cap. 3. p. 345. & seqq. Meminit etiam Plinius, *balsami guttam primò candidam, crassiori similem oleo, aut musto*; cum ætate, quod ajunt ferè quinquennii accidere, *rubescere, simulq; durefcere translucidam*, sed de Balsamò hic satis. Onyx verò hic nec gemma nec marior est hujus nominis, sed *conchula, aut conchylii regumentum*, ut habet Dioscorides l. 2. cap. 8. quod in India nardiferis paludibus invenitur, suavem idèò spirans odorem, quod conchyliis inibi nardi pabulo vescantur. Est autem onyx alius candidus, qui per mare rubrum affertur: alius nigrescens, ut Babylonius. Uterq; odoris gratiâ sufficit, sed Castoreum quâdamtenus olent. Fæminas vulva stranguatu oppressas sufficit excitant, Comitialesq;. Eam Actuarius aliq; *βλάτιον βυζάντιον*, officinæ *blattam Byzantium* appellant, ut docet ibi Matthiolus. Omnium virium imbecillitatem firmat, cordis palpitationi confert, animi defectum maxime juvat, longo morbo dejectos recreat. Idem ex Actuario & Nicolao Myrepico. Nomen accipit quod unguem aliquem referat figurâ. Unde forte

forte & Hebræis *Schecheleth*, à *Schachal*, quod significat, *Leonem medicatis*, vide pictam effigiem apud Matthiol. loc. cit. Plinius: *Invenio apud quosdam ostracium vocari, quod aliqui onycham vocant: hoc suffitum vulva pænis mirè resistere, odorem esse castorei*, l. 32. cap. 10. Denique quod quidam onychem *ungulam Caballinam* verterunt, ut apud Vatablum errore puto factum esse: nam hæc herba est, quæ Græcis Latinisque *Bechion* & *Tussilago*, nostris *Husslattich* / *Rosshueb* dicitur.

5. De Galbano Dioscorides: *Succum esse nascentis in Syria ferula, quod quidam vocant Metopion: laudatissimum thuris habere effigiem, odore gravi, &c. Deglutiri contra tussim veterem & difficultatem spirandi, adversari toxicis, fugare serpentes incensum nidore, partus mortuos extrahere, comitiales & vulva strangulatu suffocatos suscitare*, l. 3. cap. 81. Plinius de eodem: *Dat & Galbanum Syria in Amanomonte, è ferulâ, quam ejusdem nominis resina modo Stagonitini appellant: quod maximè laudant carilaginosum, purum ad similitudinem Hammoniâci, minimeq; lignosum. Sincerum si uratur, fugat nidore serpentes. Addit denique Medicinâ tantum servire. Quia odore gravi ad suffimenta ingratum esset, ut puto. Sed a Deo iplomet thymiamati sacro addi jubetur. Sic Ammoniaco, ut Paulus auctor est, usi sunt antiqui in Sacrificiorum suffimentis: unde & a Paulo itemq; Actio thymiamâ cognominatur.* Est

Est autem Ammoniacum ferulæ quoq; succus, juxta Cyrenen in Africa; propè Ammonis Oraculum: Arbor quæ gignit, *Metopion* dicitur: optimum *thrauston*, masculi thuris similitudine Galbanum odore refert, nec facultatibus differt, ut Plinius l. 12. cap. 23. & 25. Dioscorides l. cit. cap. 82. & ibid. Matthiolus, docent. Vide La Cerdam in illud Georg. 3.

Galbaneoq; agitare graves nidore cheydros.

Restabat Thus; sed quia frequentissima ejus mentio in S. Literis, proprium sibi caput jure vindicat.

CAP. VII.

S. Unguenti & Thymiamati 'explicatio Mystica.

PHilo, in Lib. Quis sit Rer. Divin. Hæres? Opinor, inquit, *has quatuor species, ex quibus suffitus componitur, figuram esse elementorum, & quibus mundus hic universus constat. Nam per taëten aquam, per Onychem terram, per Galbanum aërem, per thur pellucidum ignem significat: liquidem taëte à stillando dicta liquida est; onyx terrestris & aridus; galbanum suaveolens cognominatur, ad significandum aërem, in quo odor loquax habet; thuri quoq; nomen pellucidi additur, & ignem indicet. Mundus verò ipse, compositum ex his opus manè ac vesperi Deo creatori indefinenter agit gratias, seq; totum offert, &c.* Sic Autor

Com-

Comment. in Cant. Cantic. falso tributi Origēni, Homil. 1. *Quatuor species unguenti sacri putat significare Corpus Domini, ex quatuor elementis compaginatum; Myrrham propriē ejus Passionem & Mortem; Cinnamomum, Ecclesiam immaculatam; sic enim videtur vocabulum nardus non velle interpretari: Calamum odoratum, doctrinam Christi ex Psal. 45. 1. Lingua enim ejus est calamus scribæ velociter scribentis: Caliam calidissimamq; species, fervorem spiritus: Oleum denique hujus gratiam, per quam ista omnia unita in unam Mediatoris personam.*

2. Ambrosius Serm. 5. in Psalm. 118. super illa verba: *Nardus Cypri consobrinus meus in vineis Engaddi. Sic locum querimus, inquit, regionis cujusdam, quæ in Judea est, loci sic dicitur, in quo opobalsamum gignitur: Si interpretationem, Tentatio Latine significatur. In illis ergo vineis lignum est, quod si quis compungat, unguentum emittit. Hoc fructus est ligni. Si non incidatur lignum, non ita fragrat & redolet: quum autem compunctum fuerit artificis manu, tunc lacrymantur destillat; sicut & Christus in illo tentationis ligno crucifixus illacrymabat populum, ut peccata nostra dilueret, & de visceribus misericordie suæ fundebat unguentum dicens: Pater, dimitte illis, quia nesciunt, quid faciunt. Tunc ergo in ligno compunctus est lancea, & exivit de eo sanguis & aqua, omni unguento suavior: accepta Deo hostia, per totum mundum odorem sanctificationis effundens; & quasi balsamum ex arbore, sic virtus exhibet*

de corpore. Est igitur unguentum, juxta Ambrosium, gratia remissionis peccatorum & sanctificationis, quâ per Verbum & Sacramenta unguimur, ut simus Reges & Sacerdotes Deo & Patri nostro. Nec multò aliter Bernhardus in Cant. Serm. 22. Christi quadruplex esse unguentum, eò quod factus sit nobis *Sapientia, Justitia, Sanctificatio & Redemptio*: *Sapientia, in predicatione; Justitia, in absolutione peccatorum; Sanctificatio, in conversatione quam habuit cum peccatoribus; Redemptio, in Passione quam sustinuit pro peccatoribus.* Hinc orat: *Illumina oculos meos, Domine, ut sciam, quid acceptum sit coram te omni tempore, & sapiens sum: Delicta juventutis meae & ignorantias meas ne memineris, & justus sum: Deduc me, Domine, in viâ tuâ, & sanctus sum: Verum tamen nisi interpellet sanguis tuus pro me, salvus non sum, &c.*

3. Basilii in cap. 1. Esai. *Thymiama nostrum spirituale*, ait, esse sanctimoniam corporis: quatuor aromatum species, elementa significare, ex quibus corpora constant: *Stacten* referri ad aquam; *onychen* ad terram, propter ariditatem; *galbanum* ad ignem, propter calorem fervidum; *thus* ad aërem, propter perspicuitatem: sic ille secutus aliquo modo Philonem. Gregorius M. 1. Moral. cap. penult. *Thymiama ex aromatibus compositum facimus, cum in altari boni operis, virtutum multiplicitate redolemus. Neque enim unaquaque verè virtus est, si mixta aliis virtutibus non est. Pertinet huc illud Clementis Alex. Pedagogi cap.*

cap. 8. *Viros oportet non olere unguenta, sed vitæ probitatem: Spiret autem semina Christum, qui est ἀλείμμα βασιμικόν, non diapaſmata & unguenta: semper ungatur ambrosio pudicitie unguento, sancto gaudens ungaine, nempe Spiritu. Hoc suaveolens unguentum preparat suis familiaribus Christus, ex cælestibus illud componens aromatis, quo & ipse unctus fuit juxta Davidem, Psal. 45. v. 8. 9. De Thymiamate Idem l. 5. Stromat. hoc tantum, secutus Hebræos: Thuribulum esse Symbolum Terra, in medio mundi sita, ex qua oriuntur exhalationes. Alia & recentiorum cogitationes mitto.*

4. Inter hæc certum est, *Sacrum Unguentum* esse illud, de quo in Novo Testamento S. Johannes ὁ μυσικώταλ: *Unctionem habetis à Sancto*, 1. Joh. 2. 20. quæ nihil est aliud quam per doctrinam Evangelii, communicatio Spiritus Sancti, donorumque ejus, quo unctus est Christus secundum humanam naturam ἀμύρῃ, Psal. 45. v. 8. Joh. 3. 34. Esa. 11. 2. nos secundum mensuram donationis ejus, 2. Cor. 1. 21. Ephes. 4. 7. 1. Petr. 2. 9. Apoc. 1. 5. & 5. 10. Sic Actor. 10. 38. Sine hoc unguento nihil sanctum est: hujus particeps quicquid est, sanctificatum est, vas gratiæ, dignum Sanctuario Domini. Species quatuor totidem Charismata sunt, ut mox; quæ arte pigmentarii Christi miscentur oleo gratiæ Spiritus Sancti, ut sint unum Charisma: eoq; soli unguntur electi, nulli profani vel reprobi. Sunt autem Charismata illa omnibus electis communia, & so-

is propria; *Sapientia*, in fide, quâ Christum crucifixum amplectimur: hæc nostra sublimior Philosophia, 1. Cor. 2. 2. & cap. 1. v. 21. 24. *Justitia*, quam fide consequimur, remissio peccatorum, Rom. 4. v. 5. 7. Hinc *Sanctificatio*, per quotidianam renovationem; & tandem *Redemptio*, per consummatam liberationem ac beatitudinem. In his quatuor, tria; Fides, Spes & Charitas, 1. Cor. 13. 13. & septem dona Spiritus sancti, Esa. 11. 2. comprehenduntur.

§. Si jam singula aromata unguentaria applicare velimus; *Sapientia* erit *Morderor*, Myrrha pura & libera. Nam sacrum hoc unguentum ex contemplatione Passionis Dominicæ per Christum elicitur. Est enim hæc Sapientia fides, cuius proprium proximumque objectum Christus tum merito suo. Fidem hanc relativè cum Christo apprehenso spectatam, cum myrrhâ facile comparabimus. Collegit de Myrrhâ quasdam veterum sententias Rabanus Maurus, in erudito opere de Universo, quale illa ferre poterat ætas, 19. cap. 7. ubi inter alia in verba Psal. 45. *Myrrha, & gutta, & casia à vestimentis tuis*; hæc notat: *Sanctum Domini Corpus quoddam Deitatis fuisse cognoscitur vestimentum. Nam sicut vestitus cooperiuntur membra mortalium; ita & maiestas Verbi in fidelium oculis carnis velamine videbatur abscondi: ab eo ergo vestimento, id est, incarnationis arcano, congrue venisse dicitur, Myrrha, Gutta, & Casia: Myrrha, mortem significat. quam pro omnium salute suscepit: Gutta verò,*

qua dicitur *Ammoniaca*, duritias curat aliquâ necessitate contractas; qua pulchrè incarnationi Domini comparatur: quia duritiem cordis humani sanctâ predicatione dissolvit: *Casia*, qua à nostris fistula dicitur, redemptio generis humani per aquam baptismatis indicatur; quoniam hoc herba genus aquosis locis dicitur inveniri, &c. Est autem *Myrrha* ex secundo ordine exsiccantium & desiccantium, Galenus 8. Simpl. Medic. Inter alias oculorum caliginem discutit, obtusam vocem expedit, gravem moris habitum emendat, capitis vulnera glutinat, Dioscorid. Eadem in antidotis ponitur contra venena, ictusque venenatorum & pestilentiam, Matthiolus; qui & addit Cosmeticum mulierum, quæ *myrrha* sume excepto faciem erugant, ut juventutem etiam senescentes mentiantur. Quod pertinet ad locum Ephes. 5. 27. & Cant. 4. v. 6. 7. quem vide. Ascendit Sponsus in montem *Myrrhæ* & collem thuris, ut Sponsam emaculet & eruet.

6. Jam *Justitia* per unguen *Cinnameum* significabitur. Multa de Cinnamomo fabulati sunt veteres, & pleraque aptè quadrant. In Christi justitiâ tutissimè nidulantur aves cœli. In remissione peccatorum solâ securè aquiescunt. Gregorius Nyssenus in Cant. Orat. 9. inter alia mira & incredibilia: *Ajunt hoc aroma si tantum attingat ferventem in lebeo aquam mox refrigerare: itemq; si balneo calefacto inferatur inflammationem aëris in frigus commutare. Quin & si ori dormientis imponatur, efficere ut ad omnia in-*

serta

interrogata sobrius & articulatis verbis respondeat, nec tamen somnum excuti. Talia quamvis ficta sint, verique fidem excedant, tamen ait ille, ad mysticam rationem aptari posse *virtutis*; quæ extinguat omnem perturbationum, libidinis atque iræ astum, hominemque simul soporet, & tamen sobrium servet. Neque hoc esse insolens S. Literis, ut fabulam aliquam vulgarem assumant, ad illustrationem propositi sui. De quo plura ibid. non longe à fine Orat. Vis Medica ferè ad eadem quæ Myrrhæ: Contra venena & bestias quæ virus ejaculantur; tum & oculorum caliginem discutit, & vitia cutis in facie ex melle illitum detergit, &c. Dioscorid. Cinnamomum qui seipsos despiciunt, finat: Quia ut ipsa brevis est arbor, sed odorifera & dulcis; sic & humilitas magnam habet laudem & dulcedinem apud Deum, Rabanus l. cit.

7. At Sanctificatio & quotidiana renovatio per calamum aromaticum aptè denotatur. Nam & specie arundo fragilis est, & odore & virtute suaveolens aroma. Calamus enim aromaticus à similitudine calami usualis vocatur. Gignitur in India, multis nodis geniculatus, fulvus, fragrans virtute suavitate: qui cum frangetur, in multas artes fit scissilis, simulans gustu casiam, cum leni crimonia remordente, Rabanus loc. cit. Contra aquam intercutem, vitia renum, & urinae stillicidium bibitur, tussi fumo medetur. Sufficit, Dioscorid. Denique ut Iris flos arcum cœlestem emulatur colorum varietate; sic quoque spem delium potest notare, cujus Symbolum arcus est; illam scilicet plenæ redemptionis. Quare

hanc rectè præfigurat Oleum Irinum aut è Costo Irino extractum, quod & odoris eximiâ suavitate & efficaciâ commendatur *contra horrores febriles, morsusq; viperarum*, apud Dioscoridem. Sanè flos ipse colore cœruleo cœlum ostendit, unde & nomen gladioli cœlestis accipit. Atque hæc de S. Unguento; quod imitati Ægyptii ex sedecim speciebus composuerunt, Kyphi dictum, de quo Plutarchus de Iside & Osir. circa finem. ad suffimentum quidem, sed & ad medicamentum, vide Dioscorid. 1. cap. 24.

8. Quodnam verò *spirituale thymiana* sit? docuit S. Scriptura passim. Totum enim cultum Dei, qui fit prædicando, Sacramenta celebrando, invocando, gratias agendo, sanctè vivendo, thymiamati passim comparavit, Psalm. 141. v. 2. Malach. 1. 11. Apocal. 3. 8. & 8. 3. 4. 2. Cor. 2. 14. Philipp. 4. 18. &c. Hilarius in cit. Psalm. *Primum*, inquit, *natura incensibilis est, ut in altum se de humilibus extollat, spirans optimè & sese nobis in sensum suaveolentia immittens. Dein ex quatuor odoratissimis generibus, in maximam subtilitatem comminutis, componitur; Staete, onyche, galbano & thure: quæ omnia in formâ orationum fidelium constituta esse B. Johannis Apocalypsis ostendit, &c. Quatuor autem genera orationum Apostolus esse significat, 1. Tim. 2. 1. Humilitatis nostræ est deprecari, magnificentia Dei est orari, fidei est postulare, confessionis & laudis est gratulari. Addit: Quatuor illa genera odorum ad unum thymiana comparata, singu-*

lis generibus consummanda orationis posse aptari:
 Eadem quoque *quatuor Elementorum speciem*
 posse significare, eo quo diximus modo ex Philo-
 ne. De his quatuor orationum generibus Cas-
 tianus Collat. 9. cap. 9. & seqq. Ult ratio perfe-
 ctum thymiama sit, requiritur, *Pœnitentia* in
 deprecando, quæ corde vulnerato emittit lacry-
 mas quasi *Nataph*, id est, Staeten; & *Fiducia* in
 orando; intuitu Christi Mediatoris, qui quasi
Onyx aut *Conchylii testula* pro nobis contritus
 est, Deo in odorem suavitatis; & *Charitas*, in
 postulando, pro nobis & aliis, respectu indigen-
 tiæ nostræ; quod quasi *galbanum* est, odore
 gravi propter nostram egestatem, suavi tamen
 & salubri propter efficaciam; & denique pium
 ac constans animi *propositum* DEO inserviendi, in
 gratiarum actione; quæ *thus* est fidelium. Sic
oratio nostra dirigetur velut incensum, nubes re-
 ctâ penetrans. Quæ ex dictis capite præcedenti
 facile illustrabuntur. Addo pro epithecâ: Qui
 de onyche aromatico exponunt illud Propertii
 l. 3. Eleg. 9.

*Sit mens æratio, noxq; inter pocula currat,
 Et Crocino nares murrheus ungat onyx;*

Oppidò falluntur. Nota sunt *vasa murrhea*, quæ
 & *murrhina*, & de simili alibi Idem Propertius
 l. 2. Eleg. 13.

*Osculaq; in gelidis pones suprema labellis,
 Cum dabitur Syrii munere plenius onyx.*

CAP. VIII.

Species Horti Aromatici Salomonis,
inprimis Carcum, Copher, Nered,
Cant. 4. 11. 14.

1. **H**ortus Salomonis aromaticus, cui Spon-
 sam comparat pastorali Idyllio, ut illa de
 vino dixit: *Omnium unguentorum odor præ tuo*
nausea est, Tu mihi stacte, tu rosa. tu Cinnamo-
num, tu Crocum & Casia es, tu Bdellium, &c.
 Plaut. Curcul. Act. 1. Scen. 2. fuit *Hortus conclu-*
sus, non tantum sepimento & maceriâ, Elai. §.
 v. 2. sed & pessulo obdito. In eo *Fons* erat quo-
 que *observatus* & signo regio *obsignatus*, ut in
 Oriente, Genes. 29. 3. & apud Persas *Fons* regius,
 è quo solus Rex ejusque Filius primogenitus bi-
 bebat, Athenæus l. 12. c. 3. Similis in Hispaniâ
 juxta Complutum, è quo pro solo Rege aqua
 promitur, hæc Cornel. à Lap. De horto hoc &
 Fonte vide Adrichom. & eundem. In hoc edu-
 cabat Regum Sapientissimus aromatum varias
 species. Nominantur, 1. *Kepharim*, κύπερι, Cy-
 peri, 2. *Nered*, νάρδος, nardus, 3. *Karcum*, κρό-
 κος, crocus, 4. *Kane*, κάλαμος, calamus, canna,
 5. *Kinnamon*, κιννάμωμον, Cinnamum. 6. Arbo-
 res *Lebhona*, Thuris, 7. *Mor*, Myrrha, 8. *Aba-*
loth, Xilaloës. Plerasq; jam vidimus; contem-
 plabimur igitur solas residuas, & conabimur æni-
 gma solvere.

2. Kepharim h. l. tantum & *Copher*, Cantic. 1. 14. leguntur, nec alibi. Dixi satis in Arboreto cap. 28. num. 7. Radix *Capbar* significat *bitumine oblevit*, & in Piel *expiavit*, peccata quasi obtexit, ne videantur. Inde *Copher*, *bitumen*, tectorium; & per Metaphoram, *expiatio*; tum & *villa*, muro bituminato circumdata, pagusque: ac denique *Cyprus*, arbor odorata, vel quod caphuram, quam Camphoram dicimus, redoleant *Kepharim*, fructus ejus, botri; vel quod foetores expiet quasi & tegat, ut Marinus in Arcâ, in Chald. *Capper* significat *abstergere*, abluere, immunditiem auferre: quem uñum Cyprus, Arabibus *El hanne* dicta, mulieribus Ægyptiis præbet in balneis, ut in Arboreto, & Turcarum passim toto Oriente, ut Bellonius l. 2. cap. 74. *Rauhvolff* pag. 61. qui eleganter depinxit, floresque Moschum redolere quodammodo notavit. Similis est arbuscula ligustro, *Beinenholz*. Nec pluribus opus est. De oleo Cyprino Dioscorid. l. 1. cap. 54. *Malagmatis addi solet & acopis*. Differt ab hac Cypro, *Cyperus*, junci odorati species, foliis porraceis, radice ferè oleis oblongis simili, & confertim in se cohærentibus: quanquam aliud quoque sit *Cyperus* oblongus, aliud rotundus, *wilder Galgan* &c. Dioscor. l. 1. cap. 4.

3. Nered, Nardus h. l. bis, & semel adhuc Cant. 1. 12. *Quousq; Rex esset* Sponsusque meus *Bimsibbo* in accubitu, *circuitu suo*, adq; mensam orbicularem in triclinio suo accumberet, meque

respiceret converſus, *nardus mea dedit odorem ſuum*, ex veteri conſuetudine nardino unguento perfuſi illum, repleviſque locum fragrantia, ut Marc. 14. 3. de quo mox, Poſt adventum Domini Eccleſia bonus odor Chriſti facta eſt, 2. Cor. 2. &c. Poſſis ad *Epulas Euchariſticas* piè transferre, ut ſimul ſpectes Domini *beneficium*, Pl. 23. 5. & debitum noſtrum *officium*, Joh. 12. 3. &c. Diximus ſuprà ex Dioſcor. c. 6. *Onychas*, oſtracia illa, piſciculos aut vermiculos veriùs, *veſci nardo*, & inde teſtas concipere ſuavem illum aromaticum odorem. Sic nos corpore & ſanguine Domini nutrimur, ut & corpus noſtrum imbuatur odore incorruptibilitatis. *Quomodo carnem negant capacem eſſe donationis Dei, vite æternæ, quæ corpore & ſanguine Domini nutritur?* Irenæus l. 3. c. 4. *Chaldaeus* h. l. ænigma refert ad colloquium Dei cum Moſe, in Synai, quando ei tradidit tabulas legis, quo interim tempore Iſraëlitæ vitulum aureum adoraverunt: *Inde*, inquit, *peſſimū eorum nomen egreſſum eſt: nam cum priùs odor eorum per urbem diſſuſus eſſet, poſtea facti ſunt fœtidi ut nardus*, vel ut *abſinthium*; quia nardus cum ſitum contraxit, & ſupputruit, amiſſâ ſuaveolentiâ graviter olet, Buxtorff. in Thalmud. ex Matthiolo, confer Corn. à Lap. h. l. Sic *Hirculus* dicta herba, Nardo Celticæ ſimilis, quæ & illam adulterare ſolet, repeririq; inter ejus venales fasciculos, graviter olet. Ita qui indignè fruuntur hoc ſacro epulo, fœtidiores fœdioresque evadunt, non Hirculi, ſed Hirci.

4. *Nardus* neque *frutex* eſt, de Indicâ propriè dicta

dictâ ago, ut visum Plinio, neque *herba* : nam ut Plinius ipse, *cetera nardi herbe sunt, propter Indicam*. Sunt autem hujus nominis diversæ plantæ, & varia nardorum genera, de quibus in Arriani Periplum diligenter Stukius, quæ nihil huc faciunt. Nardus vera *radix est, si Galeno Medicorum Pythagora credis*, ait Scaliger Exercit. 141. Sect. 4. Quod pluribus operosè probat Matthiolum: *Cetera radix est, spargens supra solum brevem virgulam seu caulem, tres palmos longum circiter, cum longissimus est: aliasq; in super virgulas multo breviores: in summa radice spicae producuntur; item alia per virgulas*. Juxta Gangem oritur; nuspiam in Syria; quanquam Dioscorides aliquam *Syriacam* appellavit; sed ut ipse indicavit, non quod in Syria proveniat; sed quia in monte Indico, quâ Syriam, sive Occidentem, respicit, Garfias l. 1. Aromat. cap. 33. Neq; folia profert; sed largam comam, quâ spicæ teguntur, ex quibus radix componitur, ut allium & similia. Spicam Rabbini vocant *Schibboleth néred*, Arabes ex Hebræo *sūnbāl*, cum epitheto *Indi* aut *Atibh*, Schindler. Credo ferè Hebræum nomen accepisse à radice *Radah*, dominatus est, unde *Fared*, Pater Henochi. Indis hodiè dicitur, teste Garfias, *Kabz-sarà*: quod & olim habere nomen potuit; ex Origine Hebræâ; nam *Kaiz*, fructum æstivum significat, *Kezizot*, fructus abscissos &c. *Sarà* Dominam. Chaldæis dicitur nardus *Risibka*. Cæterum nardi omnes cerebro frigido, jecori & lieni obstructis, stomachoq; conveniunt, utiles Epile-

pticis, Apoplecticis, Vaternosis, Cardiacâ laborantibus, Matthiol. De Coronis Plinius l. 21. c. 3. *Ed processit luxuria, ut non esset gratia nisi mero folio: sutilibus mox petitis ab Indicâ, aut ultra Indos: lautissimum quippe habetur è nardi folio eas dari, aut veste serica versicolore unguentis madi-
das.* Meminit Lucanus l. 10.

Accipiunt fertas nardo florente coronas,

Et nunquam fugiente rosâ, &c.

Quæ de Indicâ nardo accipi nequeunt, de eâ fortè debent, quæ à Dioscorid. cap. 8. l. 1. nasciq; dicitur in Syriâ & Ciliciâ, hodiè ignota: *Spica Cilessa* dicta Ovidio, ut notavit Bauhin. de quâ tamen vide Scalig. in 4. Propertii. Sed Plinius tamen disertè, ex Indiâ petitas has coronas ait. Sic & Martial. l. 3. Epigr. 51.

Texarosis forsasse tibi vel divite nardo;

At mihi de turdis facta corona placet.

5. De Unguento Nardino locus est Marc. 14. 3. & Joh. 12. 3. ubi observa: 1. *Ubi unxit mulier Dominum?* 2. *Quâ parte corporis?* 3. *Quo unguento?* 4. *Quo mysterio? Ubi?* In mensâ accumbentem. Fuere jam olim unguenta & coronæ conviviorum appendices, & lautissimum fuit, ut puro stillarent tempora nardo, nardinæq; coronæ imponerentur, de quo multa Stukius Conviv. l. 3. cap. 15. *Quâ parte?* Perunxit primo pedes; sed cum, pro more gentis, antea lavasset, capillisque suis deterfisset; Deinde, confrecto vase alabastrino, omne effudit unguentum super caput. De vase notum apud Ciceronem Proverbium:

bium: *Sunt quibus alabaſter unguenti plenus prætere videatur.* De Onyche dixi jam, & facit huc illud Horatii ad Virgilium: *Nardo vina mellebere: Nardi parvus oxyx eliciet cadum.* De pedum unctiōe Scukius l. cit. *In omnibus talibus non uſus rerum, ſed libido utentis, in culpâ eſt,* Auguſtinus 3. de Doctr. Chriſtiana cap. 12. Et totum hoc ad myſterium ſpectabat. *Quo unguento?* Βαρύτιμον, Matth. 26. 7. *Νάρδος πικρὸς, πολυτίμη,* quod vendi potuiſſet plusquam trecentis denariis, qui hodiè ſunt LXXVIII. floreni, ſeu libræ Turonicæ, ut Franc. Lucas Brugæ &c. Sed quænam illa *Nardus πικρὸς*; nobilis inter Philologos Quæſtio eſt. Vulgatus vocat: *Nardum ſpicatum.* Obſervat idem Fr. Lucas in Marc. duplex è nardo fuiſſe unguentum; *Spicatum, & Foliatum*: (πικρὸν ἔ, φολιατὸν etiam Græcis.) *Nardinum ſive foliatum conſtabat omphacio, balanino, junco, coſtonardo, amomo, baſſamo, myrrhâ,* Plin. 13. cap. 1. At ſpicatum videtur fuiſſe, quod Tibullus 2. Eleg. 2. *purum* dixit: Scilicet, non modò non adulteratum, ſed & ſincerum, impermixtum. Quale fiebat ex Nardi Spicâ Indiçâ verâ, germanâ, non ex aliquâ *Pſeudonardo*, cuius ſe novem ſpeciem recenſuiſſe ait Plinius; *tanta*, inquit, *erat adulterandi materia.* Hanc igitur πικρὸν vocant Evangeliftæ, quomodo ab Artemidoro vocatur πικρὸν ζυκὸν ἔ, οἶκος, ſic Caſaubonus & Salmaſius apud Walæum, ubi alii tamen aliter. Novam, ſed credo peſſimam, expoſitionem defendit Scultetus in Annotat. ad Matth. & Marc. cap. 80, quam adſcribit

scribit Joh. Hartungo : Prope Babylonem opidum fuisse, *Opis* dictum, ubi pretiosissima nardi unguenta confecta, & inde aliò transportata fuerint ex Athenæo : Legendum ergò esse, *νάρδα ὀπισικὴν*. Sed correctiones ejusmodi, lusus ingeniorum sunt. Neque equidem apud Athenæum *Opistici nardi* mentionem reperio : Optimum nardinum in Tharso compositum refert ex Apollonii Herophyllii libro de unguentis, l. 15. Sed non puto è nardo Indicâ præstantissimâ, verum ex montanâ Ciliciæ indigenâ. Deniq; si de loco unguenti nardini confecti loquuti essent Evangelistæ, dixissent *μύρον νάρδα πικικὸν*, aut *ὀπισικὸν*; quomodo legimus *Nardum*, scil. unguentum, *Achamenium: Assyrium, Tyrium aut Syrium*, apud Horat. & Tibull. quod vel in his regionibus compositum, vel ex illis transvectum sit : ubi veram *Nardum* non fuisse vernaculam constat; quæ à Patriâ dicitur *Indica, Gangitis, Ozenetis, Sambaritica* (de hac dubito, an à loco? nam ipsum nomen Arabicum Spicæ clarè elucet, *Sambalitica*, L. ut solet mutato in R. quasi dicas *Schibbolitica*, id est, spicata) & apud Arrianum in Periplo *Catthyburina, Parropapige, Cabalite*, à locis circa Gangem incognitis : nuspiam autem *ὀπισικὴν*. Quod superest *de mysterio*, explicat Dominus ipse : voluisse sanctam sceminam prævenire, ut ungeret Domini corpus ad sepulturam, & quidem unguento non vulgari, de quo in Myrrhâ & Aloë diximus, sed pretiosissimo; quale deceret corpus, in quo habitaret *πᾶν πλῆρωμα τῆς θεότητος*.

Quan-

Quamquam adeò tralaticia humanitatis esset, pretiosissima unguenta rogis infundere charorum, ut indignari potuerit defuncta Propertii Cynthia:

Cur nardo flamma non oluere mea?

& in funere Psittaci apud Statium --- *Assyrio cineres adolentur amomo.* Ac in nido exequiali Phœnicis inter alia etiam sunt --- *terræ nardi pubentis arista.* Satis multa de nardo; Sequitur

6. Carcom, quod uno hoc solo loco reperitur: Crocum esse consentiunt. Chaldaeus Thalmudistæ & Arabes etiam *Curcuma*, aut *Curkema* appellant. Differt autem longè *Crocus Indicus* à vulgari. Nam ille *radix est intus crocea, foris Gingiberti persimilis, foliis milii majoribus, caule foliaceo*, Garlias l. 1. cap. 39. nec multò aliter Acoſta. Vulgò *Indi* hodiè ad tingendos condiedosq; cibos utuntur, ut & Arabes & Persæ, quod viliori ematur, quàm nosler crocus, qui etiam apud eos provenit. Usus etiam est ad ocularia medicamenta & psoram. Quidam à radice Chelidonium non distinguunt, putantq; ab Avicennâ *Chalidonium* appellari. Matthiolus *Cyperum Indicum* vocat, de quo Dioscorides: *Aliud Cyperi genus tradunt in Indiâ nasci, gingiberis effigie, quod manducatum Croci vim reddit, gustu amaro*, &c. l. 1. cap. 4. Verùm de hac croceâ radice pluribus hîc non opus est, neque ut Crocum nostratem, notum omnibus, describamus. *Flos* similis est ephemero Colchico, in cujus medio tria, aut & plura aliquando *stamina* sunt, quæ sola in usum veniunt,

veniunt, *κροκίδες* & Croci, ut in Liliis quoque dicuntur. Naturæ singularia sunt plantæ, quod *folio florem expellit, brumâq; virescit*, Plin. 21. cap. 6. Caulem scilicet floremque prius emittit, quam folium; contra quam cæteræ herbæ, in Brumâ spretis algoribus. In Brumâ spretis algoribus virescit; verè crescit & deperditur; totâ æstate inconspicua latet. Sed & *calcari gaudet & atteri, pereundoq; melius provenit*: idcò *juxta semitas & fontes latissimum*, Plinius loc. cit. ubi vide Dalechamp. *Folio est angusto penè capillamenti in modum*. Seritur bulbis transpositis; tenui solo, nam solidam humum & stercora odit. Facultas Medica multiplex: *Discutit inflammationes omnes, oculorum maximè ex ovo illitum crocum. Qui biberint prius, crapulam non sentiunt. Somnum facit, Venerem stimulat*, Plin. 21. cap. 20. Miram cum corde habet *Συμπάθειαν*: digito annulari sinistrae manus si affricetur, confestim ad cor penetrat, lætitiâque affert, usuique immodico risum excitat, etiam lethiferum, *si pondere trium drachmarum bibatur ex aquâ*, Dioscorid. 1. cap. 26. Phthificis in summo vitæ discrimine, & propemodum animam agentibus, spiritum reducit, vitamque ad aliquot dies prorogat; gravissimas subito irruentes dyspnæas, citra febrim, momento temporis tollit, Dodonæus P. 2. l. 2. cap. 15. Apes, ne aufugiant, 4. Georg.

Invitant croceis halantes floribus horti, Prima nobilitas croco Ciliceo. & ibi in Coryco monte, Plin. Sed & ut *India mittit ebur, Croceos ita*

Imo

Tmolus odores, 1. Georg. Austria quoque propè Viennam, nihilò minoris pretii. *Ufus ejus in coronis nusquam* graminis puta : de flore accipio; *coronas è croco muliere ebrietatem*, aut de unguento crocino; sic Plinius concilatur l. 21. c. 6. & 20. Nam *crocinum somnum allicit*, & *sepe phreneticis quoq; subvenit affusum*, aut *naribus illitum*, Dioscorid. cap. 53. Nomen Græci sibi vindicant, *ἡ δὲ τῆς κρίνης καὶ ἀνακλυσάμεν ἐν τῷ κρύει*, quod crescat & vire scat in frigore, Etymol. Auctor. Sed Hebræum esse diximus : radix *Karàch* inter alia significat, *Comedere* : hinc *Kerich*, quod comedi potest & solet, Thalmudicis. Arabicum, quod Itali, Germaniq; retinuerunt, *Zaffrana*. Si componatur ex *Zaàph* & *P'haràn*, significare potest, *iram tristitiamve demulcens*.

7. De *Kinnamòn*, *Kane*, *Mor*, *Ahaloth*, dictum est, de *Lebbonà* mox. Videamus ergò, *cur Sponsam suam Salomon noster tali horto aromatifero comparaverit*? Quomodo horto similis sit Ecclesia? facillè intelligatur, ut & *cur concluso ac oppressulato*? vide Elia. 5. 2. Matth. 21. 33. Zach. 2. 5. Psalm. 80. 13. Nec de *Fonte signato* laborandum erit : Joh. 4. 14. cap. 7. 38. Joël. 3. 18. &c. Sed & aromata nemo non advertet esse varia Spiritus Sancti dona, & fructus, Gal. 5. 22. Sed quid singula significant? id scire labor & opus est. Multa hic ex diversis Interpp. Cornel. à Lap. certi nihil. Hoc autem 1. velut indubitatum pono, Encomium hoc *ad Ecclesiam pertinere universalem*. Ea 2. per totum orbem propagata similis est

est Paradiso, horto pomifero, Gen. 2. 9. Ecclesiæ ejus. 3. *Cætus particulares* quasi mali Punice sunt malis granatis onustæ, & aliis *Megadim* pretiosis fructibus circumdata, qui deinceps enumerantur. In malo punico autem Sanctorum sub uno capite Christo unio & communio scite vereque præfiguratur, vide *de Rhimmon* in Arboreto. Sic Rabanus de Universo cap. 6. l. 19. *Mala punica*, ait, *significare Ecclesiam, sive Fidei unitatem & concordiam pacis.* Nam sub uno mali corio multa sunt grana, ita inter se mutuò conferta, ut se vicissim non comprimant, neq; corrumpant, sed integra conserventur, nisi aliqua in medio pueredo nascatur, Theodoretus. In his cœtibus, totaque adeò universali Ecclesiâ, 4. partim fructus sunt inter se ita connexi, ut nullus abesse possit; partim arbores aromaticæ, pari lege & ordine confitæ. Fructus 5. sunt Cypri cum nardis; nardus & crocus calamus aromaticus, & cinnamum: Species quinque; ubi in fructibus simul intelliguntur ipsæ plantæ, quarum fructus sunt vel radices, ut nardi: vel botri & baccæ, ut Cypri, etsi Oleum Cyprinum propriè è floribus conficiatur, ut apud Dioscoridem: vel florum stamina, ut Croci: vel cortices, ut Calami & Cinnamomi: hujus tamen olim ipsa ligna expetebantur. At 6. arbores sunt *Thuris*, *Myrrhe*, & *Ahaloth*, numero tres, nec steriles, sed præcipuis aromatibus fœcundæ. Jam quæritur 7. *Quid illæ quinque species fructuum?* Hic alia aliis placuerunt: unum omnibus, dona significare, quæ

quæ dicimus Sanctificantia. *Quid enim per has
diversas aromatum species significatur, nisi san-
ctarum virtutum odor?* Gregor. M. h. l. eaq; re-
censent quidam hoc ordine: Fides, Spes, Charitas,
Patientia, vel Temperantia, Sapientia cum
Prudentiâ. Verum jam monui; in Horto Salo-
monio non nudos fructus fuisse, sed & plantas, ex
quibus & in quibus isti. Deinde & hoc puto da-
turos æquos auditores; eam horum videri verò
proximam explicationem, quæ non ex commu-
nibus horum aromatum proprietatibus sumitur,
ut ex quolibet possit fieri quodlibet, v. g. ex
Nardo spes, humilitas, prudentia, & pro Domi-
nicâ passione gratiarum actio; sic enim de hoc,
& de aliis, alia atque alia Interpp. statuunt:
Quamobrem 1. Quia *Copher expiationem* denotat,
in Cypro intelligo *Verbum Evangelii*, remissio-
nem peccatorum & gratiam DEI annunciantis;
cujus fructus est Fides. Sic ex Cassiodoro Raba-
nus: *Cyprus arbor aromatica est, significans cœle-
stis gratia benedictionem.* At 2. de Nardo jam
dixi esse Symbolū *S. Eucharistia*, per quam in fide
confirmati spem concipimus incorruptibilitatis
& vitæ æternæ. Sic Nardum dixit Rabanus *typum
esse Dominica Passionis*, cujus in hoc Sacramento
celebratur *ἀνάμνησις*: quod verè inter omnia DEI
dona summum est, ut nardus, domina aromatum.
Jam 3. *Crocium* unguentum gratia Spiritus San-
cti est, sine quo nec sapit epulum istud mysticum,
neque salubre est, omnem tristitiâ fugans, de
quo Psalm. 23. 5. *Nam neq; frumentum carnis,*

R

sine

sine vino sufficit sanguinis, neq. caro aut sanguis sine oleo Spiritus Sancti prodest nobis, imò magis officit, Paschasius de Corp. & Sang. Dom. cap. 56. Ita ergo accipimus panem, qui confirmet cor nostrum; accipimus vinum, quod latifcet cor nostrum, & duabus confirmationibus cordis acceptis, exhilarantur facies nostra oleo Chrysmatis, Arnobius in Psalm. 104. Hoc autem Croco inter alia quoq. tribuitur, quod lætum colorem floridumque faciei conciliet. Sic Crocus charitatis fervorem exprimit, ut ex Cassiodoro iterum Rabanus: quæ & calcari atterique gaudet; & ut pati pro Christi gloriâ gestit; sic inter adversa crescit. Inde 4. Calamus quotidianæ renovationis, & 5. Cinnamonum; dulcis animæ quies, ac nidulus quasi, in dulci ligno crucis: in quo & vivere delectat & mori, de quibus supra cap. 7. num. 5. & 6. & 7. Repete de his dicta, & intelliges, quàm aptè quadrent. Quæ supersunt Tres arbores aromatica, ad tres Ecclesiæ Hierarchias spectant; Thus ad Chorum, Myrrha ad Forum, Ahaloth ad Thorum, ut ex dictis dicendisque patebit, de quibus illud tritum:

Tu supplex ora, tu protege, tuq. labora!

CAP. IX.

De Thure, Balsamo, & Casia.

1. **T**Huris S. Literæ nobis præbent definiti-
nem, divisionemque, & usum indic-

ac abusum. 1. *Definitio naturam, nativumq;*
 solum complectitur. Naturâ, lacryma est ar-
 boris aromaticæ: solo, amat colles & in Sabæâ
 nascitur. *Arborum thuris* in horto Salomonis
 aromatifero mentio modò facta est cap. præced.
 Cantic. 4. 14. Pulchras & amœnas, quâ adspe-
 ctu, quâ odore, esse Siracides innuit, cùm in
 formâ proverbii ait, cap. 50. v. 8. *ὡς θάλασς, λι-
 βάνος ἐν ἡμέρῃς θέρους*, id est, *ut thus redolens*, Vul-
 gat. vel velut germen, arbuscula, thuris, *tempore
 æstatis*: quo solis æstu icta vehementius fragrat,
 gravida succo odorato, ut mox audiemus. De
 Patriâ, regione thuriferâ, vide Esa. 43. v. 23.
 cap. 60. v. 6. Jerem. 5. v. 20. Thuriferos colles,
 Cantic. 4. v. 6. Illustrat hæc Plinius l. 12. cap. 14.
*Thura præter Arabiam nullis, ac ne Arabia qui-
 dem universa*: propria Sabæis &c. Colles attol-
 luntur alti, decurruntq; & in plana arbores sponte
 nata. Nec arboris qua sit facies constat. Alii fo-
 lio pyri, minore duntaxat, & herbidi coloris pro-
 didere: alii lentisco similem subrutilo: quidam
 terebinthum esse. Cortice lauri esse constat, qui-
 dam & folium simile dixere. Talis certè fuit ar-
 bor Sardibus. Nam & Asia Reges serendi curam
 habuerunt. Sic & in Carmaniâ, & in Ægypto se-
 rebantur studio Regum Ptolemaorum. Ut nemo
 miretur, si ante hos omnes Regum Sapientissi-
 mus ac ditissimus suæ ætatis Salomon in Judæam
 transtulit. Inter recentiores nemo certius de-
 scripsit Garfiâ: arbores esse humiles, folia habere
 lentisco simili, pesulinales esse Arabia, lib. 1. cap. 6.

2. *Differentiam* indicat S. Scriptura epitheto, *Lebhonà Zakkà*, quod est λίβανος διαφανής, LXX. *thus pellucidum*, purumque, Exod. 30. 34. unde *Zechuchit*, vitrum. Hinc nomen non à λίβω, stillo, sed ex Hebræo, quod propriè *album* significat; unde & mons Libanus, propter perpetuas incumbentes nives. Arabes etiam nunc *Conder* vocant, licet & prisci, Scaliger Exercit. 149. frequentius tamen, ut notat Garfias, *Jo- van*. Nam *Conder* resinam notat. Sic Diolcorides optimum λίβανον ait appellari *Stagoniam*, q. d. guttæ similem, *suapte naturâ rotundum*, & *candidum*, masculum Latinis. Indum autem, non à solo; sed à colore, *livescere* & *sulvescere*. Garfias: *Montana*, inquit, *arbor montibus confragosis* provenit, optimumq; thus profert: in planis verò nascens thus profert nigrum, improbum, quo cum aliarum arborum resinis permixto nares picant & oblinunt, uti nos pice solemus. Arborea illius Provincia Regi cedunt, nec antiquam thus colligere licitum est, nisi Regis permissu. Legitimum laudatumq; Melato appellant: fertè à Millath, plenitudine, & perfectione. Thus Latinis τὸν τῆς θύτης, ut Germanis *Wesherauch*/ q. d. Sacrum suffimentum, thymiatna. Nam *weshen* est sacrare.

3. Sic indicatur *Ufus* antiquissimus, ad suffitum & libamina, Levit. 2. v. 4. 12. 15. cap. 6. 15. & cap. 24. 7. unde *Dix* gratissimum dicitur à Dioscoro Sicul. l. 2. cap. 49. *Alexandro M.* in pueritiâ sine parsimoniâ thura ingerenti arii, *padagogus*

Leo.

Leonides dixerat, ut illo modo cum devicisset iheriferas gentes supplicaret: At ille Arabia potitus thure onustam navim misit ei, exhortatus ut large Deos adoraret. Ipsi Arabes convento thure Sabotam, ibi Deo, quem vocant Sabin, decimas pendunt: nec ante mercari licet. Sacras vocant, quibus in arbores jus est: qui cum incidunt aut metunt, nec fœminarum congressu, nec funerum polluuntur. Silva divisa certis portionibus tuâ innocentia tuta est, neq. ullus saucias arbores custodit: nemo furatur alteri, Plin. loc. cit. In populo DEI, sacrificia & oblationes, quibus oleum & thus adpersum, erant Sanctum quid Deo, & gratum: quibus ista non adaspergebantur, non erant per se accepta, sed abominabilia, ut II. cit. & Levit. 5. 11. Num. 5. 15. Qui pro peccato expiatorium sacrum facit, neque securè de gratiâ præsumat, & oleo potius misericordiæ indigere se intelligat, atque indignum esse, qui DEUM precetur. Petat, quasi non petendo, & speret, sed quasi desperando: dum & se veniâ indignum confisetur, & tamen solâ Dei misericordiâ fieri posse credit, ut salvetur, Radulph. Flaviacens. in Levit. h. l. In sacrum hunc usum thus & aromata in Gazophylacio Templi, sub custodiâ Levitarum quorundam, asservabantur, 1. Paralip. 9. v. 29. Nehem. 13. 5. 9. Multa de hoc usu thuris Stuk. de Sacrif. p. 54. & seq. & alii.

4. Hinc *abusus* Idololatricus ortus, cum Deos nemo sine thure ferè precaretur, ut 1. Reg. 11. v. 8. & cap. 13. v. 1. 2. Paralipom. 28. 25. Ezech.

c. 6. v. 13. & cap. 8. v. 11. Esa. 66. v. 3. 1. Mac-
cab. 1. v. 58. & cap. 2. v. 15. *Illicis temporibus*,
ut putat Plinius, *nondum thure supplicabatur*,
l. 13. cap. 1. *Novella res erat*, ut ait Arnobius,
nec heroicis temporibus quidnam thus esset scitum.
Ne Romulus quidem, aut in religionibus communi-
scendis artifex Numa, aut esse scivit, aut nasci, ut
pium far monstrat, &c. l. 7. adv. Gent. A Ju-
dæis κακοηλία Diaboli translatus est abusus ad
alias Gentes, & inde in Ecclesiâ hæsit: ubi ta-
men ignorari nec debuit, nec potuit, aliud esse
Deo nostro in Christo acceptum thus, alias la-
crymas. Ostendi debebat, quod Deus non indi-
gnè sustineat Panchaicas sibi ardere resinulas. O
Pietas, quantus iste est honor, aut qualis, qui ex
ignis odore conficitur, & resinâ ex arboris compa-
ratur? Arnob. loc. cit. Nos offerre decet opi-
mam & majorem hostiam, quam ipse mandavit;
Orationem de carne pudicâ, de animâ innocentî,
de Spiritu Sancto profectam: non grana thuris
unius assis, Arabica arboris lacrymas, Tertul-
lian. Apolog. cap. 30. Sic prisca censebat simpli-
citas. Hoc thus illud est odoris optimi, quod Gen-
tes afferunt Deo & offerunt, Esa. 60. 6. dicentes:
Dirigatur oratio mea sicut incensum in conspectu
tuo, Hieronym. in Esa. h. l. vide eundem in cap.
66. v. 3. adde 1. Reg. 10. v. 2. 10. Jerem. 17. 26.
cap. 41. 5. Baruch. 1. v. 10. Sic Magi mysticè of-
ferebant, Matth. 2. 11.

Aurum, thus, myrrham, Regiâ, Deoâ, hominîâ.
De loco Cant. 3. 6. & 4. 11. *suprà*. Sed & thuris
thy.

thymiamia *Symbolum* esse *precum*, gratiarum actionis, & divini cultus dixi, ex Apocal. cap. 5. v. 8. ac cap. 8. 3.

5. Placet hoc argumentum paucis expolire.
 1. Ut thus odorata lacryma est arboris Arabicæ; *Sunt autem τὰ δένδρα τὰ ἄβυσσος, ligna thurifera, nec alta nec magna, sudant thus in cortice concretum; ut alia quoddam δαρυς, τὸ ἄβυσσος, lacrymantur gummi*, Arrianus in Periplo Erythr. Sic preces & lacrymæ connexa sunt, Thren. 2. v. 18. Thus 2. duplex est: arborum montanarum *candidum*, malculum: earum quæ in planis sitæ sunt, *nigrum* & improbum, pici simile; Aliter orat Publicanus in angustiis, aliter Phariseus felix, Luc. 18. 10. Et ut illud non fuit nisi *ab arbore fauciâ*; sic Oratio non nisi è faucio corde, Ose. 6. 1. 2. Bis inciditur arbor, bis metitur thus: Prior atq; *naturalis vindemia circa canis ortum fragrantissimo aestu: autumno legitur ex aestivo pariu. Hoc candidum, purissimum. Secunda vindemia est vere, ad eam hyeme corticibus incisis. Rursum hoc exit, nec comparandum priori*, Plinius l. 12. cap. 14. Inter piorum quoque preces discrimen est ingens; fragrantissimas exprimit fragrantissimus æstus, Esa. 26. 16. Psalm. 77. v. 4. nec fumum dant qui cœlos petat, nisi *super prunis* Apocal. 5. v. 8. Esa. 6. v. 6. Pertinent huc *venti*, quibus agitatæ arbores uberius lacrymantur, Cantic. 4. v. 16. de quo S. Analect. Volum. 2. l. 6. cap. 15. Jam 3. si locum spectemus;

mus; Soli Arabiæ & quidem Sabææ thus peculiare fuit:

--- *Solis est thurea virga Sabais!*

quibus à mysterio. ut vult Plinius, vel à religione potius nomen, ut & οἶσται, ab Hebræo Zaba, religionis causâ convenire. Sabæa Ecclesiæ Typus est, Esa. 60. 6. Deus, quem Arabes *Sabin*, vel cum articulo *Affabinum* Jovem dixerunt, est qui in Ecclesiâ colitur, non hic aut illic, sed toto orbe, Joh. 4. v. 24. Porro 4. ut oratio sit Sacrum thymiana, accedant oportet alia adorationa, quæ in figurâ olim præscripta Exod. 30. v. 34. de quibus cap. 7. num. 8. Hæc nobis præbet summus Ecclesiæ suæ Pontifex, qui & preces nostras Deo offert, Apocalyp. 8. 3. ubi Albertus M. *Sancti orationes suas committunt Christo, qui eas Patri offerat: ipse eas reddit acceptas.* 5. Thus olim soli legebant *sacri homines*, Plin. aliter Arrianus in Periplo: à servis Regis, & ad supplicia damnatis colligi: nam loca esse insalubria, ut & prætervebentibus pestem afferant, & operariis sint πᾶντοί τε θανάσιμα: adde quod ob penuriam cibi non pauci intereant. Putare possis ad Apostoli verba respexisse, 1. Cor. 4. v. 9. 10. 11. Sic sunt, qui thuriferas arbores Dei curant, thuraque in Gazophylacio custodiunt. 6. De thuris efficaciam & viribus Dioscorides: *Oculorum caliginem discutere, cava ulcera complere, & ad cicatricem perducere, cruenta vulnera glutinare, &c.* Matthiolus: *Fugare tristitiam, latificare cor, & convenire omnibus ejus affectibus.* Eadem præstat

præstat *manna thuris*, sed minùs validè. *Micas concussus elisas manna vocamus*, Plinius. *Sanis tamen haustum thus insaniam movere dicitur, & largius cum vino potum interficere*, Dioscorid. vide 3. Maccab. 5. v. 1. 30. & quæ de eo loco dixi in Arboreto cap. 36. num. 5. Quæ ad preces applicare non difficile est. 7. Novit infernalis Draco earum vim; itaque quâ potest impedit. Sic fabulabantur veteres, *thuriferas arbores observari ab anguibz alatis; solo styracis fumo submoveri posse*, Herodot. l. 3. *Styrax erux Christi est*, ut in Arboreto cap. 10. num. 3. vide Genes. 15. 11. Denique 8. facit huc, quod in Fabulis quoque est, *Libanum adolescentem Dei timentem, sacrag; colentem fuisse: qui invidiâ occisus, in arborem thuris militatus fuerit*, ut habet Auctor Geoponicôn. Et illud quod Arrianus loc. cit. in *Sachalítico Arabia sinu, thus in cumulos aggregatum jacere* ἀφύλακτον, Deo quodam locum tuerite; ut si quis vel unicum granum, sine Regis permissu, in navem intulerit, ea loca moveri nequeat, à *Damone quodam retenta*. Qui precibus piis studet, evadet arbor immortalis, Apocalyp. 22. 2. Esa. 61. 3. thesaurumq; struet, quem rapere nemo possit, Matth. 6. 20. Augustus, quo lecti probatig; Patres & religiosius & minore molestiâ, senatoria munera fungerentur, sanxit; ut prius quam consideret quisq;, thure ac mero supplicaret apud *Aræm ejus Dei, in cujus templo coiretur*, Sueton. c. 36. Religiosi *Lari familiari quotidie aut thure aut vino supplicabant*, Plautus in Aulular. vide Exod. 30. 7. Sed de thure satis.

6. Balsamum, varia apud Hebræos nomina habet: Talmudici arbusculam, *Apharsemon*, lacrymam *Opopolsimon* barbarè vocant: Thargum in Cantic. *Balsemon*. Sic *Natèph* & Chald. *Netupha*, explicant opobalsamum, & *Pannag*, quod esse opopanaxem in Herbario ostendi, & *Zeri*, quod resinam supra: pro eo Chaldaus Jerem. 46. v. 11. posuit שֵׁשִׁ *Scheip*, unguentum vulnerarium, &c. Inter tot nomina, quod mirum, nullum Hebræum apparet, vel proprium; nam *Zeri* & *Nataph* generalia sunt; vel antiquum; nam *Balsamon*, quod & *Palsamon* scribunt, recentius ac a Græcis mutuatum est: vel vernaculum; nam *Opopolsimon* Græcæ originis esse constat: unde & סִטְכֵּי *Stacte*, & פִּילֹן *Pilon*, φύλλον, *Malabathrum*, *Tamalapastra* vocant Indi in Oriente, nec in Syriâ aut Ægypto nascitur, de quo Stukius in Peripl. Arriani, & Jonstonus l. 3. cap. 5. de Arbor. Aromaticis. Nec in ullo Canonico Scriptore Biblico distinctum nomen occurrit: apud Siracidem Latinum legitur cap. 24. & Ezech. cap. 27. de quibus deinceps. Putant tamen Interpp. aliquando καὶ ἑξοχὴν *Schemen* dici, & cum epitheto significante excellentiam: unde & fortassis *Balsamon*, q. d. Dominum unguentorum: uti *Nered*, nardus, ut diximus, quasi domina aromatum.

7. Atque id quidem indubium, vocabulo *Schemen* non tantum vulgare oleum appellari; verum etiam pretiosum aliquando unguentum.

Hoc

Hoc enim illud est *Schemen*, quo convivæ solebant perfundi : de quo David Psalm. 23. 5. *Impinguasti oleo caput meum*, ἐλαίῳ, LXX. alii unguento. Hoc est *Schemen Sason*, oleum lætitiæ, Psalm. 45. 8. Esā. 61. 3. ubi LXX. αἴμαμα ἐν σπέρματι, ἑλαίου ἀγαλλιάσεως : *oleum effusum*, odoratissimum, optimum, Cantic. 1. 2. quod de Balsamo accipi potest, ut mox : Quod oleum cum *Ketoreth* jungitur, ac *cor lætificare* dicitur Proverb. 27. 9. Ezech. 23. 41. accap. 16. 18. ubi in prior loco LXX. habent μύρα, in posterioribus sermo est, de sacro oleo unctionis, quod soli Deo proprium. Confer Eccles. 9. v. 8. & 10. v. 1. ubi *Schemen Rokeach*, oleum pigmentarii, est unguentum, Vulgat. LXX. habent σκευασίαν ἐλαίου ἡδύσματι. Aliquando tamen *Schemen* præstantissimum quoddam unguentum, & adeo *Balsamum*, significare videtur. Sed hoc duplex est : aliud *compositum*, quod dicitur *Schemen Hattobh*, unguentum optimum, *descendens à capite in barbam Aaronis*, Psalm. 133. 2. de quo supra ex cap. 30. Exodi : aliud *simplex & purum*; quod fortè *Schemen rosch*, unguentum præcipuum, Psalm. 141. 5. *Reschith Schema-nim* primum unguentorum, Amos. 6. v. 6. & aliquando *Schemen tobh*, Eccles. 7. 2. *Schemen Hattobh*, unguentum optimum, quod ab aliis *Bessamim* unguentis clarè distinguitur, 2. Reg. 20. 13. Nuspiam tamen his omnibus locis vel apud Græcos Interpp. vel apud Vulgatum, nomen Balsami reperire est : neque etiam alibi, quod

quod admiratione dignum est : nisi quod Vulgatus posuit, Sirac. 24. v. 20. 21. ubi in Græco nullum vestigium, & Ezech. 27. 17. pro *Pannag*, ubi LXX. *μύρον* habent ; Aquila, Symmachus & Theodotion *σάπυα* retinuerunt.

8. Quærendum igitur adhuc restat ; utinam expressa Balsami mentio fiat in S. Codice ? & cur adeò vel obscura, vel nulla ? an quod rarum in Judæâ, seroque cognitum fuerit, nec in usu præterquam Regum ? Audiamus Scriptores extraneos, quantum quidem huc spectat, *Formam* arbusculæ, de quâ alioquin variant, optimè expressisse videtur Dioscorides : *Esse magnitudine alba viola, aut Pyxaceaniba : solum ruta proximum, candidius tamen & perpetuò virens.* Belonius l. 2. Observat. cap. 39. accuratè descripsit : *Trium cubitorum altitudinem non superare ; cumq; pedali altitudine est, in multos graciles ramos, anserina penna caule haud crassiores, fundi findiq; : nisi quotannis putetur, ut vitis, degenerare, &c.* Pluribus Prosper Albinus & recentissimus Jonstonus l. 6. de Arbor. lachrym. cap. 4. *Patria illi Arabia est, ubi & hodiè prævenit nullâ culturâ : unde & etiam nunc ramusculorum integri fascies Cayrum deferri solent.* Veslingius. *Balsamum tamen illud, quod ex Arabiâ Memphim plenè lagenulis advehitur, non est lacryma, quantumvis odoris suavitate gratum admodum sit : minimum etenim ejus ex plagâ corticis destillat, maxima pars ligni frondiumq; decoctione conflatur.* Idem addit : *Non esse nugamentum, quod habet*

Pausanias, Arabes olim viperis, circa Balsamum hospitantibus, vim omnem tanquam sacris abstinuisse: Se enim observasse, quod plures proserpentes illas bestias deprehensas domi suæ, seu Genios loci, venerati fuerint, victumq; illis suppeditaverint: Quod quidam veterum scripserint, ferro tactum fruticem emori; non de indigeno, & patriam terram validâ jam stirpe complexo; sed de tenellâ plantâ, & in alieno solo languidiùs adultâ accipiendam esse. Hæc recentiores.

9. Ex quibus de antiquorum narrationibus ferri potest iudiciũ. Josephus de Reginz Æthiopiæ & Ægypti, quam *Nicanter* ait fuisse, ad Salomonem adventu post alia: *Ajunt*, inquit, quod Balsami plantam, cujus hodiè quoq; ferax est regio nostra, illius Reginz munificentiæ acceptam ferri oporteat. Strabo quoque l. 16. apud *Sabaos* natam olim testatur: & Dioscorides suo ævo in Ægypto: ubi & hodiè colitur in *Materca* horto prope *Cairum*, satis tamen negligenter: In *Judæâ* hodiè nuspiam. In *Europam* nec lacryma, opobalsamum, nec semen, *Carpobalsamum*, nec lignum vel cortex, *Xylobalsamum*, importantur, nisi adulteriis vitiaata, Matthiolus. Nondum tamen defuisse, & in magno esse pretio, docet contra Cardanum Scaliger Exercit. 157. Plinius l. 12. cap. 25. hæc habet præcipua: Omnibus odoribus præferri: uni terrarum *Judææ* concessum: quondam in duobus tantum hortis, utroq; regio: viti similiorem esse, quàm myrto: feri etiam malcolis, & tondere fruticantem. Savière in eandem

dem Judei, inquit, *sicut in vitam quoque suam: contra defendere Romani, & dimicatum pro fructu est. Inciditur vitro, lapide ossisve cultellis: ferro ladi vitalia odit: emoritur protinus, &c.* Viperas sub umbrâ balsami hospitari, succoque vesci, prodit Pausanias in Bœotic. l. 9. eas, quo tempore opobalsamum colligunt Arabes, fugare Scytalis complois; occidere verò religione prohiberi: Si quem ician, plagam esse innoxiam, venenique expertem. *De Ussu* aliquid suprâ, & si quis plura desideret, inveniet apud cicatos, Solinum item, & Tacitum aliosq; Justinum, Theophrastum, &c. Superest

10. *Casia*, vel *Cassia*, ut Græcis quoque indifferenter. Sic altera Jobi filiarum *Keziab*, *kaia*, vel *kasia*, Job. 42. 14. plurale *Keziab* legitur, Psalm. 45. v. 10. ubi LXX. *kaia*: Neque alibi. Nam de *Kiddâb* jam dixi cap. num. 14. Radix קזא *Kazâ*, significat *abscidit, abrasit*, vide derivata alia apud Buxtorff. in Thalmud. Schindlerus vertit: *decorticavit*. Ut de *Keziab* quin *Casia* sit, nulla sit ratio dubitandi. Est autem *Casia* nomen homonymum: Nam & *herbam* significat coronariam, & *arborem*, aliam medicamentolam, purgatricem; aliam aromaticam. Herbam Theophrastus *Cneoron* appellat, quam *Lavandulam* esse putant Dodonæus, Dalechampius &c. de qua Virgilius:

*Pallentes violas, & summa papavera carpens,
Narcissum & florem jungit bene olentis anethi.*

Tum

*Tum Casia, atq. aliis intexens suavis herbis
Mollia luteola pingit vaccini catha.*

Ecl. 2. v. 50. & 4. Georg. v. 30. jubet circum alvearia seri. *Arbor* cujus *pulpa solutiva* medicis in usu est, Græcis dicitur *κασία μέλαινα*; ignota veteribus, fert siliquas, de quâ h. l. non agitur certum est. *Aromatica* est, quæ nostram fert *Canelam*; sive quod vulgò hodiè dicimus *Cinnamomum*, de quo supra. Cortex est, in fistulæ modum; unde & *κασία σύευξ*, *cassia fistula*. De hac Virgil. 2. Georg. v. 465.

Alba nec Assyrio fucatur lana veneno,

Nec Cassia liquidi corrumpitur asus olivi.

Propè Arabiam *ἀρωματοφόρον* nasci dixit Dioscorides, folio piperis: Plinius l. 12. cap. 19. *juxta Cinnami campos*. Sed in totâ Arabiâ non reperiri docet Garfias, & accuratè describit, l. 1. c. 15. nostrumque Cinnamomum esse demonstrat, de quo suo loco. Varia ejus recenset genera & describit Dioscorides: inter optima est, quæ dicitur ab Incolis, Arabibus puta, *Achy*, quod ab *Achu* Hebræorum parum distat, de quo in Palustribus herbis lib. 2. cap. 7. num. 12. & altera, quæ *Zigir*, vel potius *Gizir*; *Gazar* autem significat Chaldæis & Syris, *circumcidere*. Inter viliores recensetur, dicta *Darca* & *Kitto*. *Daraca* scutum, vel pelta dicitur Arabibus, cui fortè similis Casia non fistulæ modo convoluta. *Kitto* fortè *Kiddah* est, quod Casiam interpretati sunt quidam, ut paullò ante dixi hoc num. Neque pluribus hîc opus est.

CAP.

CAP. X.

Paralipomena, de Lentisco, Mastiche, Amomo, & Siracida loco,
Cap. 24.

1. **L**entiscus *Mastichen* ferens, resinam *Lentiscinam*, in Chio insulâ frequens arbor, *tantôq; in honore est, ut si quis excindere ausus fuerit, manu resectâ mulceatur.* Toti enim ferè Europæ *Mastichen* Chios sufficit. Quamquam alibi quoque nascatur, etiam in Italia; verum & rara, neque par bonitate. Baccas fert *quidas* Hippocrati, dictas, de quibus Aratus in *Phænom.* & exinde Cicero apud Plinium l. 18. cap. 25.

*Jam verò semper viridis, semperq; gravata
Lentiscus, triplici solita est grandescere sætu:
Ter fruges fundens tria tempora monstrat arandi.*

Ipla arbor Græcis ξινθ, quali ξινθ, fissilis, quod facile & frequenter findatur in detiscalpia, Matthiolus & Bauhinus ad Dioscoridem 1. cap. 75. Hinc paronomasia illa in Fragment, Danielis, de Danielis judicio adversus Susannæ accusatores. Quam Africanus non sine ratione censuit argumento esse, quod ea historia, si tamen vera, à Græculo aliquo conscripta fuerit; quod similem

lem in nomine allusionem Hebræa Lingua non capiat. Ea nec hodiè vernaculum nomen habet Lentisci aut Mastiches. Hujus Græcum expriment Rabbini; ut & Hispani, quòd ab Arabibus accepisse articulus docet; *Almastiga* dicunt; vide Buxtorff. Thalmud. Neque ququam Lentiscum, ut puto, Babylone notam ac frequentem fuisse commemorat. Nam *mastiche* illa, quam Plinius dixit *in India & Arabia* fieri, non Lentisci, sed spinæ fructus est: ut quæ in *Asia & Græcia*, herbæ, Chamæleonis albi, l. 12. cap. 17. ubi Dalechamp. Verùm de his satis.

2. Amomum, Apocalyp. 18. v. 13. *Post Cinnamon Complutens. & alii codices addunt; qui est frutex in Assyria & Armeniâ, habens florem instar candidæ violæ, calorem ad aurum inclinantem, lignum rufescens, odorem suavissimum: unde Lactantius in Phœnice:*

Cinnama dehinc auramque procul spirantis
amomi

congerit, ut iis nidum, semetipsumque comburat: & Ovidius 15. Metamorph. ait Phœnicem amomo succo vivere. Verùm amomum hîc nec habent Biblia Romana, nec Græca, hæc ibi Corneli. à Lap. De Amomo &, quod ei nomine ac frutice simile esse ait Plinius l. 12. cap. 13. Cardamomo, lis est inter Medicos, Galias l. 1. cap. 31. Linguâ Arabicâ *Hamama* appellari refert, quod significet *pedem columbinum*; ramu-
S lum.

lumque sibi donatum, licet jam siccum, Columbarum pedem, plumatum, puta, retulisse. *Hamam* incalescere significat: *Ham*, calorem. *Hammim*, Termas, *Hammah*, Solem, unde *Hammon*, Jupiter. Hinc *Hamima* apud Schindlerum Columba, *seipsa dehamimatha*, Stercus Columbinum: Et ratio, cur credita fuerit

Alba Palaestino sancta columba Deo?

Tibull. 1. Eleg. 7. quod scilicet propter naturam calidam Solaris avis haberetur. Inde itaque *χάμαμα* amomum *αεισερωδ*, in Lexico Græco-Arabico, &c. Dioscoridi frutex pulillus est, palmi longitudine, *οιονεί βότρυς ἐν ξύλῳ ἀντεμπεπλεγμένη* & *ἐαυτῷ*, *similis racemo, ex ligno in se undiq; implicitus & convolutus*. Friati pulveris unguentis addebatur, quibus defunctorum cadavera *lutata*, ut diximus ex Persio; quo pertinet illud Ovidii:

Spissag. de nitidis tergit amoma comis.

3. De Phœnice Ovidius loc. cit. 15. Metamorph.

*Una est qua reparet, seq. ipsa refeminet, ales,
Assyrii Phœnica vocant; nec fruge, nec
herbis,*

Sed thuris lacrymis, & succo vivit amomi.

Dixi Jobum meminisse niduli ejus in S. Analectis, Volum. 1. pag. 164. Mihi, *præfiscini!* imitari ingenium & industriam libuit. Sic enim puto decere Bonas Mentis, ut non aliundè vivant. Verbum *Daī*, sacris literis proditum, & thus

& thus, & lacrymas, & amomi succum omnia-
 que unguenta, & condimenta suppeditat largis-
 simè. Ego, inquit Sapiencia quæ ibi habitat, *sum*,
sicut Cinnamon, καὶ ὡς πάλαι αἰσμάτων, ut *massa*
aromaticum, ut *myrrha electa dedi iudici*: ὡς
 χαλβάνη, καὶ ὄνυξ, καὶ σακκὶ, καὶ ὡς λιβάνη ἀτμὸς ἐν
 σκηνῇ. Vulgatus vertit: *Sicut Cinnamonum, &*
balsamum aromatizans, odorem dedi: quasi myr-
rha electa dedi suavitatem odoris: & quasi sto-
rax, & galbanus, & ungula, & gutta, &
quasi Libanus non incisus vaporari habitationem
meam, & quasi balsamum non mistum odor meus.
 Multa miscuit, quæ in Græco non apparent, de
 quibus vide ibi Cornel. à Lap. in Siracid. cap. 24.
 v. 20. 21. Quicquid sit, S. Scripturam Nidum
 quendam Assyriæ avis fecit Auctor:

Quo simul ac casias, & nardi lenis aristas,
Quassaq; cum fulva substravit Cinnama
Myrrha,

Se superimponit, finitq; in odoribus ævum.

Equidem ita vivere opto, ita moti! Denique
 nunc quoque hortulum hunc herbarium & aro-
 maticum, quasi nidulum, inter multa acerba
 & tristia, variasque tempestates vitæ, in quo
 interim quiescerem, composui, ut quivi, quan-
 do ut volui non licuit: Eum, quemadmodum
 Phoenix pius fert

... cinasq; suas, patriamq; sepulchram.

*Perq̃, leves auras Hyperionis urbe potitus,
Ante fores sacras Hyperionis ade reponit;*

quam fabulam recenſet pluribus Achilles Statius l. 3. de Amoris Clitophont. & Leucipp. ſub finem; in uſum juventutis, Theologicis ſtudiis deditæ, LMQ. Soli Juſtitie conſecratum hîc liceat dicere,

Ante fores ſacras Hyperionis ade repone!

D I X I.



JOH. HENRICI URSINI
SYLVA
THEOLOGICÆ
SYMBOLICÆ.

In quâ

Ducenta Sacræ Scripturæ
dicta totidem Symbolis ex rerum
maximè cœlestium & terrestrium inanima-
tarum naturâ petitis illustrantur, additisque
pulcherrimis variorum Scriptorum Sen-
tentiis breviter explicantur.

*Bono Juventutis & quibus erudita Pietas
animi pabulum est.*

Cum Indice Alphabetico Symbolorum.



Flos Juvenum elegantiorum.

SRia vos ex me scire cupere, animus prælagit: Quid feram minusculi? cur mea in eo desudare voluerit aliquantula industria? & quamobrem vos eo dignari visum sit? Ne vos per ambages & longa exorsa detineam, accipite. Munusculum, *Sylva* est. Titulus libello non quæsitus, nec fastuosus. Non placuit imitari festivitates inscriptionum, aut polliceri *lactis gallinacei, haustum*. Qui variam & miscellam & quasi confuscaneam doctrinam conquiescant, titulos indiderunt libris suis, alii *Musarum*, alii *Sylvarum*, ut AGellius commemorat l. 20. Noct. Attic. cap. 10. hos sequutus *Sylvam* inscripsi libellum hunc meum, & quidem *Theologia Symbolica; Theologia*; nam quicquid hîc legetis, vel ad Fidem vel ad Mores spectabit, quo in spatio Theologiæ ratio omnis decurrit: *Symbolica*; quia allatis ex classe rerum Cœlestium & Terrestrium inanimatarum Symbolis, credenda, facienda, speranda, quasi pingo, & illumino. Non nova est hæc docendi ratio, non *χρὲς ἡ πρῶτη* inventa. Primus ejus conditor est, qui & Mundi, quem ita constituit, ut esset *διδασκαλεῖον ψυχῶν λογικῶν καὶ τῆς θεογνωσίας παιδευτήριον*, ut loquar cum

Basilio

Basilio Hom. 11. Hexaëm. Apulejus de Mundo
 scitè: *Phidiam illum, probum quem fideiorem fuisse
 tradit memoria, vidi ipse in chypeo Minerva, qua
 arcibus Atheniensibus præsides, oris similitudinem
 colligasse; ut si quis olim artificum voluisset exinde
 imaginem separare, solutâ compage, simulac totius
 incolumitas interiret. Ad hoc instar mundi salu-
 tem tuetur Deus, aptâ & revinctâ sui numinis po-
 testate. Itaq; quicquid in cœlo, quicquid in terrâ
 oculos vestros ferit; sic habetote, quasi pictu-
 ram, quæ Dei vobis vel notitiam vel cultum ali-
 quo modo coloribus nativis repræsentet, & men-
 te visibilibus ad invisibilia elevatâ cum Hermete
 illo, quem Ter maximum dixere, suspirate: Ubi
 te quæram Deus? an in iis qua sursum sunt? an in
 iis qua deorsum? creasti omnia: nec est aliud uni-
 versa hac natura, quàm imago Tui! Hinc veteres
 lequuti Dionysium, qui tamen non vero nomine
 Areopagita cognominatur, duplicem fecere Theo-
 logiam; alteram *Apodicticam*, quæ ex claris &
 propriis S. Scripturæ oraculis, quid de Deo deq;
 rebus divinis statuendum sit, demonstrat; alte-
 ram *Symbolicam*, quæ id per tropos, similitudines,
 imagines, & Symbola illustrat. Sed de Symbolo-
 rum origine, propagatione, usu & totâ ratione
 longa dicendi tela est, hoc in loco mihi non de-
 texenda. Ea quæ hîc videtis, omnis generis Scri-
 ptores quasi *ignis* contulerunt, alia à rerum
 naturâ, alia à gentium institutis, alia ex Sa-
 pientium fabulis & vulgo tritis sermonibus
 translata.*

Nihil in Classicorum autorum scriptis frequen-

tibus occurrit : hæc apud optimos quosq; *orationum condimenta* sunt. Plutarchum legite, quem Eunapius Sardonius πλάσις σοφίας Ἀφροδίτου vocavit, quantum huic generi insit lenocinii, quantum illecebrarum agnoscetis ? Nam cur ego vos ad Platonem amandem ? cur ad Dionem Prusæum, cui istud orationum aucupium, quo Lectorem capit & tenet, Chrysostomus nomen fecit ? Quid reliquos memorem, Maximum Tyrium, Lucianum Samosatenum, & quicumq; apud Græcos eloquentiæ laude floruerunt ? Tolle hæc ornamenta ex Hieronymi, Ambrosii, Augustini & imprimis Gregor. Rom. cui M. cognomen additum, monumentis, ficerunt, ut campus sine floribus, ut diadema sine gemis, ut cœlum sine sideribus. Quid ? quod ipse Dei sermo has elegantias non respuit : respuit verò ? cuius σεμνότης vel maximè hoc genere constat. Legite quæ de Classe Sublimium S. Scripturæ dictorum scripsit Christoph. Agricola in Propugnac. suo AntiPistoriano, aut quæ delibavit ex eo D. Mich. Walther. in Offic. Bibl. §. 166. p. 199. Moïsem Ægyptiorum Sapientiam caluisse, & imprimis τὴν διὰ συμφόρων φιλοσοφίαν, ut ait Philo in vitâ Moïsis, affirmat Martyrum primicerius S. Stephanus, loquuntur scripta ipsa. Quid David ? cuius Psalterium est, ut ait Cassiod. de Divin. Lection. c. 4. *quadam cœlestis Sphæra, stellis densa micantibus, & ut ita dixerim, quidam pavo pulcherrimus, qui velut oculorum orbibus, & cœlorum multiplici & decorâ varietate depingitur.* Nam Salomonem cur comemorem ? quem S. Historia de omnibus arboribus, quadrupedibus, volucris,

repti-

reptilibus, & piscibus disputasse celebrat. Atque equidē jam olim legeram Hori, quem Pierius Valerianus & Coelius Augustinus Curio sequuti sunt, Hieroglyphica ab Hœschelio edita; Phornuti, Palæphati, Fulgent. Mythologias, quo in genere palmam tulit Natalis Comitis ingeniosa industria, Albrici imagines, Symbola quoq; & emblemata variorū manibus triveram; at ut ipse quoq; aliquid simile conarer, nunquam in mentem venit. Primus ad æmulandum, --- ἀγαν δ' αἰεὶ ἵδ' ἐπὶ βροτοῖσι, extimulavit Nicol. Caussin^{us}, cujus *Polyhist. Symbolicus* Coloniae editus An. 1631. cum in manus meas venisset; & multa jam tū, cum primum adīpexissem, similia aut alia animo occurrissent, chartam mundam passim interserendam curavi, cui si quid legenti notatu dignum videretur, obiter commendarem. Is enim mihi à multis annis mos est, ut post graviores curas animo meo nonnunquam aliquod quasi frigusculum indulgeam, & in agro Dominico delassatus ad amœna illa literarum, quibus à puero innutritus eram, deflectam; sic tamen, ut semper Scopum, quem vitæ meæ Deus præfixit, ante oculos habeam, & si quid, dūm horis istis subcessivis, quas reficiendo animo suffuror, apīs more modoq; varios auctores pervolito, rarum, elegans, jucundum observem, ad aliquem sacrum locum usumq; referam. Ergo cum superiore anno inopinatā charissimorum, Conjugis primò suavissimæ, cum quā ita vixi, ut in gratiam redierim nunquam, deinde Fratris conjunctissimi, morte perculsus, aliquod malorum à bonis literis delinimentum peterem,

fortia tamen & solida, ut fieri amat, fastidirem, è collectaneis illis meis aliquot Symbolorum centurias confeci, duasq; primas nunc tandem exire in publicum jussi; sequentur reliquæ de animalibus, de plantis, cum miscella farragine historiarum parabolicarum, si hæ placuerint. Tibi verò, flos adolescentum delibate, hoc opusculum dono do; primò ut Pietatem vobis bonosq; Mores hoc quasi erudito lusu instillem. Habetis hîc sexcenta ferè sacra & profana, Prophetarum, Apostolorum, Patrum, Philosophorum dicta, omnia selamo & papavere condita, uti

--- *pueris absinthia tetra medentes*

*Cùm dare conantur, prius oras pocula circum
Contingunt mellis dulci flavog, liquore.*

Non dubito lecturos vos cum voluptate, dicturosque subinde:

*Quàm lepida leveis, composta ut tesserula omnes
Endopavimento atq; emblemate vermiculato!*

Interim sese sensim animis vestris insinuabit Amor honesti, Odium vitiorum. Deinde, ut Ulyssis socios finxit Homerus *gustatâ loto* redire ad navim noluisse; sic spes est vos, libatâ semel amœnorum literarum dulcedine, ad nuces & crepundia & ad reliquas, quibus *multicupida*, ut ait ille. *Juvenilitas* capi solet vanitates, non redituros. Quam jucundum est libero pede ferri per lætissimos Græcorum Latinorumq; hortos, & ex omni qf. pulvillo petere aliquem coronariû flosculum:

Floriferis ut apes in saltibus omnia libant.

Patent Musarum fores; ingredi si libet, licet! De emolumento securos vos esse jubeo. Quid enim?

nonne

nonne hic ipse tam exilis libellus monere poterit,
quàm scèdè multi in sacrarum literarum explica-
tione hallucinentur, eò quod Græcorum Latino-
rumq; monumenta olim diligentius pervolutare
contempserint? Vestræ ætati convenit labor iste,
nunc, nunc satagite! hæc studia quasi quædam
sunt *αεγυπτοςυαί*, quibus imbuti animi vestri gra-
vioribus studiis deinceps facilius tingentur. *Uti
enim qui purpuram volunt, sufficiunt prius lanam
medicamentis quibusdam; sic literis aliisq; doctri-
nis ante excoli animos & ad Sapientiam concipien-
dam imbui ac praparari decet*, Cicer. in Hortens.
Verùm eâ de realiâs pluribus vobiscum agere li-
cebit. Deniq; cùm oratiunculam, cùm sani colo-
ris carmen scribere voletis, myrothecium hîc ha-
betis, è quo aliqua petere pigmenta poteritis. Vi-
debitis id facere nonnunquâ etiam graves Theo-
logos, nec sine ratione aut exemplo: Etenim: *Si
qua figura similitudinem non tantùm de cælo & fi-
deribus, sed etiam de inferiori creatura ducantur
ad dispensationem Sacramentorum; eloquentia
quædam est doctrina salutaris, movendo affectui
discientium accommodata, à visibilibus, ad invisibi-
lia, à corporalibus ad spiritualia, à temporalibus
ad æterna*. Hæc Augustinus Epist. 119.

Accipite ergò à me munusculum hoc levidense,
pign, amoris mei, & curæ paternæ, quâ vos com-
plector. Jesus, juventutis Deo & bonis Literis ope-
ratæ Præses ac Ephorus, fortunet studia vestra, fa-
ciatq; ut vobiscum spes melioris olim seculi, si
quod tamè sperare fas est, quotidianis incremen-
tis augeat. Scribebam in lecto, inter colli & spinæ
dorsi dolores satis acerbos, Spiræ Cal. Jul. A. 1646.

LECTOR

LECTOR BENEVOLF.

SI de erratis condonandis Te convenirem, v^erendum mihi esset, ne Catonianum illud ingereretur: Næ tu nimiùm nugator es, cum maluisti culpam deprecari, quàm culpâ vacare! Fateor enim aliqua oculos meos effugisse, sed illos nunc negotiorum cumulo in transversum abreptos, nunc dolorum gravitate pressos & committentes. Quæ quis non bonorum facile condonet? Sic Typographi errata spero excusata, at mea quonam modo? Symmachus pro me erit, quod audit: Mediocribus scriptis, inquit, amicorum benignitas scit favere, alienorum invidia nescit ignoscere, l. 5. Epist. 185. Exemplum dabit Excell. Vir Dn. DILHERRIUS, & patietur Optimus Virorum, non dubito, judicium suum libello huic meo appendi, quasi etiam ac præfiscini. Sic autem ille Noribergæ ad me, in suis heri mihi oblati, auro contrà pretiosis: Tot calamitatum domesticarum fluctus in Te ingruisse, ex animo doleo, & omnipotentem rerû nostrarum moderatorem supplex veneror, ut doloribus salutariter medeatur. Levamenta quæ ex amœnitatibus literarum petiisti, mecumq; benevolè communicasti, omne profectò punctum ferunt, & verè delectant plurimumq; prosunt; Sic, *Ursine*, tuum lambis, doctissime, foetum:

In lucem ut, nullâ labe notatus, eat.

Vix continui me, quin exclamarem: I livor & capas ede! Tu verò, pie Lector, bene rem gere & fave post ludum ad seria revertenti

... major post otia Virtus!

THEO.



THEOLOGIAE SYMBOLICÆ,

Sive

Parabolarum sacrarum

SYLVA.

SYMBOLUM PRIMUM.

Mexicanorum DEUS.

I.

TU exaudis precem : hinc omnis caro
ad te venit, Psalm. 55. 2. Proprium Dei
audire suorum precatuſ :

Audit Deus cujuslibet lingua preces.

Et mox audit. Testantur creberrima San-
ctorum exempla sæpè, *adhuc non erat verbum in*
ore, & jam auris Domini erat in corde, ait S. Au-
gustin. in Psalm. 32. Id Mexicani Tezcatlipucæ si-
mulachro, qui Maximus apud eos Deus habeba-
tur, significare voluerunt. Vir erat cæsarie pro-
lixâ decoratus, crinibus extremis in aurum inno-
datis, & appensâ aureâ aure, in quâ fumus depi-
ctus preces notabat. Quomodo & in sacris *fumus*
aromaticus in aureâ phialâ Deo incensus in odo-
rem

rem suavitatis, oratio est, Apoc. 5. 8. Genes. 8. 21. suffimentum Deo gratissimum, si ascendat ut *virgula sumi*, si dirigatur ut *incensum*, Ps. 141. sic qui thura Deo sacrificabant, diligenter intuebantur, quo pacto adscenderet fumus, quas vertigines faceret, quantum se attolleret, Philostratus l. 1. de Apollonio. Vaga illa precum suffimenta, ut canit Paulinus:

*Quæ non missa Deo, vacuis in nubibus hærent,
Nec penetrant superi stellantem Regis in aulam.*

2. Eidem Tezcatlipucæ erat in dextrâ *Speculum*, in quo omnia, quæ ubiq; gererentur, intueri posset, in sinistrâ quatuor habebat *sagittas*: illo omniscientiam significabant, istis quatuor plagas epidemicas, quas & Scriptura vocat *sagittas Dei*, Deut. 32. 27. 43. Psal. 7. 14. Ezech. 5. 16. &c.

11.

Apollo Medicus.

Vulnerat & medetur, percutit, & manus ejus sanabunt, Job. 5. 18. ubi pro medetur, quod Hebræis est à Rapha, & de vulneraria medicinâ usurpatur, Psal. 60. 2. Aquila habet *Μοιράς*, quod LXX. usi sunt Ose. 6. 1. *Μορά* verò, ut observat in Oseam Hieronymus, *appellantur linteola, quæ inferuntur vulneribus, ut putridas carnes comedant & extrahant purulentias*, nostri Chirurghi vocant, einen Messel. De hac Chirurgiâ Dei aliquid innotuit paganis, unde Apollini cognomina *Ρααν*, *ἰατὴρ τῶν τραυμάτων*, à percutiendo, & *ἰατὴρ τῶν λειψάνων*, à sanando. Sic de Deo Opt. Max. apud Oseam

Oseam juxta LXX. *πέπαις καὶ ἰάσεται ἡμᾶς*, Percussit & sanabit nos. Nempe Deus facit, ut *peritissimi Medici*, qui *diffimilibus morbis curas dispares praestant*, &c. Salvian. 6. de Provid. non ut *ὀνότομοι ἰατροὶ*, qui vivis ossa legunt, & totas in viscera manus demittunt, Nazianz. *καὶ ἐνλαΐας*, Seneca ad Marciam cap. 22. Coactus ad urendum & secundum accedit, ut Boni Medici Cicer. 1. Offic. & ut canit Prosper. in Epigr.

--- *Salvandis ipsâ quoq; consult ira
Ut curat Medicus vulnera vulneribus.*

Lex enim Chirurgi est, ut *vulnera*, qua ad ossis inspectionem longa satis aut lata non sunt, aut si qua *concaeva non admittunt medicinas*, aperiat & secat. Hippocr. de Capit. Vulnerib. Imperitus medicus est, qui *tumentes vulnerum finis manu parcente contrectat*, & in altis recessibus viscerum, *Virus inclusum diu servat*, exaggerat; Cyprian. de Laps. Hinc simulachra Apollinis manu dextra gestabant Gratias, arcum cum sagittis sinistra, quod ad noxam pigrior & ad salutem sit promptior. Macrobius 1. Saturn. cap. 17. At nos querimur, oblectamur:

*Cumq; Deus medicinam cælo demittere curam
Dignatur, penitusq; putres abscindere fibras,
Incusamus opem teneri, & tabescere morbo,
Malumus, antidoti quàm vim tolerare severi.*
Prosper. de Provident. Confer 1. Sam. 2. 6. Psal. 146. 3. Osee. 6. 1. &c.

III. Fons

III.

Fons Dodonaus.

I. Quàm citò Lucerna impiorum extinguitur! Job. 21. 17. At linum fumigans non extinguet Deus, Elai. 42. v. 3. A Deo enim exorsus sum, uti fas est. *Optima namq; ordo est totius vel verbi vel operis, ut à Deo nobis origo sumatur, & in Deo consummatio referatur*, ait Gregor. Nazianzen. in Apologia ex interpr. Ruffini. Addam ergo aliquid dictorū simile. Dodona celebris Epiri urbs antiquissimo Jovis oraculo, fontem dabet *aqua miranda*, ut canit Dionysius Afer de situ Orbis interpr. Prisciano. Quem meritò veteres dixerunt nomine *Sacrum*. Nam gelidus superat cunctarum frigus aquarum, Accensasq; faces si quis propè duxerit undam, Extinguit flammam, recipit sed rursus easdem Admoveat dextra extinctam si lampada fonti.

Sic quoque de eodem Plinius, Solinus, & imprimis Mela. l. 2. cap. 3. Sic superbos, cum sibi lucere videntur ut Luminaria in mundo extinguit fons ille sacer, ex quo omne Bonum. Nam superbia ipsa quoq; *omnium virtutum lampadas extinguit*, ut ait Basil. Seleuc. Orat. 35. in Public. & Pharif. at verò

*Quassatos nec vult animos infringere dextra,
Nec lini tepidos undis extinguere fumos.*
Paschasius in Carm. de Solit. Conversi.

IV. ARA.

IV.

ARABUM Lapis quadratus.

1. Ego Dominus & non mutor. Malach. cap. 3. v. 6. Colunt & Arabes Deum, ait Maximus Tyrius; quem verò haud facile dixerim, sed quod apud eos simulachrum vidi, Lapis erat quadrangulari formâ, Dissert. 38. testatur Pausanias quod in Achaicis, quod apud Græcorum antiquiores ἀπὸ αἰθῶν, *lapides rudes*, pro simulachris, Deorum in honore habiti fuerint: Rudes, inquam, nam politos, coelatos, picturatos inter præcipua Idololatriæ instrumenta damnavit Lex. Levit. cap. 26. v. 1. Sed & R. Moses Maimonides testis est; si quis laterem tollat, & dicat: Tu Deus meus es, Idololatriæ teneri, & lapidationis reum esse. De Idololatr. Quid in lapide verò divinitatis animadvertisse credamus? aut quo nomine Dei imaginem illo venerati sunt? nisi duritiæ constantis, & in quadrato uniformis ac immobilis? Est enim Deus

--- *Cajus certa stant omnia lege, & qui*

--- *Ipse manens stabilis, dat cuncta moveri.*

Hinc celeberrimum Dei nomen *Adonai*, Adonæum dixere etiam gentiles, quod sit *Aeden*, Basis & fundamentum, in quo πάντα οὐρανῶν, Omnia consistant, Col. 1. 17. Quâ ratione à sapientibus Hebræorum mundi *Makum* locus indigitatur, in quo vivimus, movemur & sumus, Act. 17. 28. quiq; omnia portat, immobilis & sustentatus à nullo alio.

T

V. Sa-

V.

Sapientia in quadrato Lapide.

Non commovebitur in æternum! Psalm. 125. i. ut Fortuna *in globo* dedicabatur, sic sapientia *in quadrato*, ut Pighius refert in Themide suâ. Cadere nequit Animus sapiens, fixus in Deo: stat veluti Marpessia cautes! *Hinc Salomon lapides templi quadrare præcepit, ut Magistros Ecclesiæ compositos moribus & immobiles esse animo debere signaret: sicut enim quadratum, quacumque vertitur parte, stat: sic vita perfectorum, quæ ad lineam veritatis sollicitè directæ est, nullis novitæ tentationibus à suâ stabilitate dejici, ait Beda in Homil. de Altar. Dedic. Quisquis in prosperitate non extollitur, in adversitate non frangitur, suasionibus ad malum non transitur, vituperationibus à bono non revocatur, lapis quadratus est, inquit Gregor. M. Hom. 21. in Ezech.*

VI.

TERMINUS ERASMI.

Positus est homini Terminus, qui præteriri non poterit? Job. 14. 5. Quid autem Terminus? Alciatus eleganter depingit Emblem. 157.

Quadratum infoditur, firmissima tessera, saxum, stat cirrhata super pectore imago tenus.

Tale fuit Symbolum anuli Erasmi, cui adjecerat: *Concedo nulli Terminos!* At in fusili Terminò erat: *ὅς τε λ & μακρὸν βίη*, item Latinè: *Mors ultima linea rerum!* quasi se semper admoneret cum Prudentio:

Insta,

Instat Terminus, & diem

Vicinum senio jam Deus applicat!

Sic ipse respondens obstrigillatoribus in Ep. &c.

VII.

Lapis PROBATIONIS.

1. Portæ Inferorum non prævalebunt!

Matth. 16. v. 18. Ponam Jerusalem Lapidem oneris cunctis populis! Zach. 12. 13. Mos est, ait Hieronymus, in urbibus Palæstinæ, & usq; hodiè per omnem Judæam vetus consuetudo servatur, ut in viculis, oppidis, & Castellis rotundi ponantur lapides, gravissimi ponderis, ad quos juvenes exercere se soleant, & eos pro varietate virium sublevare, alii ad genua, alii ad umbilicum, alii ad humeros & caput &c. Sic Ecclesia quasi lapis δοκιμαστας est, ut vocat Siracides cap. 6. v. 22. in quo levando omnes Tyranni experti sunt vires suas, sed non sine gravissima noxa tandem projecerunt, aut potius immotum relinquere coacti sunt. Hoc vult Zacharias, q. d. *Levabunt quidem eam, & pro virium varietate vastabunt, sed necesse est, ut, dum levatur, in ipso nixu & elevatione ponderis, gravissimus lapis scissuram aliquam, vel rasuram in levantium corporibus derelinquat*, hæc ibid. Hieron. in Comm.

2. Sirach. 1. cit. Sapientiam & disciplinam ait ejusmodi λίθον δοκιμαστας ἰσχυρόν, lapidem probationis gravissimum esse hominibus ἀπειθεύτοις infrunitis, quem simulac movere cæperint, illicò abjiciant. *Quàm aspera est nimium sapientia indoctis!*

T. 2

ait

ait v. 21. cap. cit. Ut cibus licet suavis, depravato stomacho ingratus ; Sic mundanis Sapiencia. *Amara sunt vitiosis & male viventibus præcepta Justitia*, ait Lactant. l. 1. Instit.

VIII.

Sphæra ænea Athletarum.

Patientia parit probationem, Rom. s. v. 4. ut in arce Atheniensium Athletarum vires massa ænea gravissima examinabantur, antequam ad agonem fas esset descendere, ut manifestum fieret, quis cui comparandus esset ; Sic Deus patientia explorat suorum vires,

... *quid valeant humeri, quid ferre recusent.*

Bonum virum in deliciis non habet Deus, experitur, indurat, sibi illum præparat, ait Seneca de Provident. Sic Agonarcha Sapientissimus, quem quibus adversariis debeat comparare. Facilis esset infernalibus ἀντιπαλοῖς, aut Antagonistis victoria, nisi certamini nostri Clementissimus Arbiter atq; Agonotheta præsidens Christus, & exaquaret coluclantium vires, & immoderatos eorum repelleret ac refrenaret incursus, ut loquitur Cassianus Collat. 7. cap. 20. & 22. Admonuit ejus rei Hieronymus in Zachar. loc. cit. In arce Atheniensium, inquit, juxta simulachrum Minervæ, vidi Sphæram æneam gravissimi ponderis, quam ego pro imbecillitate corpusculi movere vix potui. Cum quaererem, quid sibi vellet ? responsum est ab urbis ejus cultoribus, athletarum in illa massa fortitudinem comprobari, nec prius ad agonem quemquam descendere, quàm ex levatione ponderis fiat, quis
cui

cui debeat comparari. Fidelis est Deus, non patietur vos tentari, supra id quod potestis; 1. Cor. 10. 13. Periculum jam fecit virium vestrarum.

Explorant adversa viros, perq; aspera duro

Nititur ad laudem virtus interrita clivo!

Ergo διαόπως & pro modulo virium adversariam potestatem permittit: ut figulus ad certum modum fornacem incendit, vasa sua percocturus; ut bonus Paterfamilias onera jumentis suis οἰδεὶν ὀπισθεῖν novit ad mensuram aliquam imponere: hæc S. Macarius Homil. 26.

IX.

SERAPIS à Sole salutatus.

1. Serapis Deorum apud Ægyptios Maximus, simulacrum erat immane Alexandriæ, ut dextra lævaq; geminos hinc inde parietes perstringeret, levabatur ante illum Solis signum ex ferro fabricatum, à Magnete lapide inserto laquearibus, quasi ad salutandum, ut refert Ruffin. in Eccl. Histor. Sic Ægyptiorum Prophetæ immensum illud & ubique prælens Numen Dei, significare volebant, cui Sol & universa cœli militia famuletur. De quo David: Laudate eum Sol & Luna! Laudate eum omnes stellæ luminis, Ps. 149. 3. Quem enim se haberi vellet Serapis Nicocreonti Cypriorum Regi ipse his versibus edixit:

Cælum mi caput est, est venter abyssus aquarum,

Terræ pedes, diffusa aures sunt æthere toto.

Cuncta videns oculus Solis clarissima fax est.

T 3

vide

vide Macrob. 1. Saturn. c. 20. Porphyrium ex Orpheo apud Euseb. 1. 3. de Præpar. Evang. cap. 3.

2. Sed cum Julius Firmicus, de Error. Profan. Relig. Ruffinus, aliiq; in primis nuperi Authores, *Josephum* credant, quod in fame septennali Ægyptum servasset, divino honore cultum & *Serapim* dictum, quod firmant varix conjecturæ, 1. *à nomine*, quia Serapis dictus videtur *à Sara*, aut *à Sar*, Princeps, & *Apis*, Bos. 2. *Ab imagine artificiali*, quia pingebatur quasi Juvenis imberbis, cophinum scil. trumenti & panum, in capite gestans : & *inartificiali*, seu nativa, quia per Apim Bovem repræsentabatur, qui fuit illi Symbolum futuræ fertilitatis & securæ famis, Genes. 41. 2. 26. 3. *Ab Elogio Josephi*, quem Pharaon *Salvatorem Mundi* vocavit, loc. cit. v. 45. Moles Bovi comparavit, Deuter. 33. 17. 4. *Ab Oraculis* Serapi tributis, quæ nihil aliud nisi analecta doctrinæ à Josepho traditæ videntur, quale illud egregium :

*Principio Deus est, hinc verbum, his spiritus unus,
Congenita hæc tria sunt, simul & tendentia in
unum.*

ut alia mittam, de quibus Interpretes in Genes. 1. cit. in primis Cornel. à Lapide : rectè proinde simulachrum hoc Serapis, quod ex Ruffino posuimus, ad somnium referatur Josephi, in quo Solem, Lunam & XI. stellas sese adorantes, sibi videre visus erat, Genes. 37. v. 9. In quo somnio explicando, hoc certum; Veritatem ejus in Christo reperiri perfectam, cujus pulchritudinem Sol & Luna mirantur; Mihi, inquit, curvabitur omne genu!

Esa.

Esa. 45. Rom. 14. Phil. 2. Sic Augustin, Rupertus,
& alii apud Pererium, Gen. 37. l. c.

X.

Simulachrum DAIBUTI.

Non deficiunt in vigiliis suis, Sirach. 43. 11.
Castra puta cœlestia, & quantò magis Imperator
ipse Dominus exercituum? Non dormiscet ne-
que dormiet, qui custodiet Israël, Ps. 121. 4.
Semper agens, semper quietus, amas, nec astuas:
zelas, & securus es, pœnitet te & non doles; irasce-
ris & tranquillus es! ait Augustinus l. 1. Confess.
cap. 4 stultè Epicurus negabat, *Deos quicquam,*
nec alieni curare nec sui. Nec Ennius, etli magno
applausu assentiente populo, melius ista:

Ego Deum genus esse semper dixi, & dicam Cœli-
tum, (genus!

Sed eos non curare opinor, ad agat humanum.
Quid ita? Anne, inquit Plin. *tam tristi atq; multi-*
plici ministerio non pollui credamus, dubitemus ve?
Atat insaniens sapientia! non magis tristi isto mi-
nisterio pollui credendus Deus, quàm Sol, qui *tan-*
git stercora, ut ait P. Chrysolog. *non tamen sterco-*
ribus inquinatur, Serm. 35. nec gravari multiplici
magis, quàm Idem, quem, etli laborare videatur,
nitendo contra motum primi mobilis, tamen *ἀνό-*
μαστα, infatigabilem, dixit Homerus. Fallor? an id
Japonum Sapientes indicant, apud quos in urbe
Meaco DAIBUTI, Dei id nomen illis est, simula-
chrum horrendum & immensum ferè vilebatur,
Viri Japonico more, pedibus decussatis, insiden-
tis rotae, cujus insana moles colligi hinc potest,

T 4

quod

quod genuum distantia erat, palmorum L. humerorum latitudo XXXV. rosaq; ambitus continebat CLXVII. Ita illi mole simulachri, Dei magnitudinem; situ sessionis, quietum in omnia regimen; & rosa ingenti voluptatem beatitudinemq; interminabilem videntur adumbrare voluisse. Refert in Japonic. suis Epist. Franc. Pafius ad Claudium Aquaviv.

XI.

Sol Gigas Centimanus.

Exultavit ut Gigas ad currendam viam;

Psal. 19. v. 6.

Artusque, viresque, impetumque,

Centimano similis Giganti!

ut eleganter explicat Buchanan. in Paraphr. Admonuere me Serapis & Daibutus, Solis Gigantea ferè figura olim culti. Quis enim Serapis? nisi auctore Macrobio Sol? i. Saturn. cap. 20. nec Daibutus fortè alius. Certè non Remphan ille, qui & Ciun, à Judæis in veneratione habitus. Amos. 5. 26. & Actor. 7. 42. Rephan autem, sic enim vocant quidam codices, à Rapha, qui fuit Pater Rephaim, Gigantem significat, ut censet Gyrald. in Syntagm. de Hercule, & Corn. à Lap. in Amos l.c. Quis Swante Vitus sacer Ignis Vandalorum, cui, ut est apud Saxon. Grammat. ingens erexere simulachrum, omnem humani corporis habitum granditate transcendere? Quis Briareus, qui & Ægeon.

--- centum cui brachia dicunt

Cen

*Centenasq; manus, quinquaginta oribus ignem
Pectoribusq; arsisse? &c. Virgil. 10. Æneid.*

Quod ut ad locum Psalmi illustrandum facit; ita imaginem Regiæ dignitatis exhibet:

An nescis longas Regibus esse manus?

Imò an nescis etiam inultas? Sic *multas aures, oculos multos habere* dicuntur adagio. Vide Erasm. Chil. 1. Cent. 2. Talis Geryon tricorpor. apud Plutarchum in Politic. Quo pertinet, quod Briareus, Gyges, & Cottus Jovis *εὐλαμει πεισι*, *fidi custodes*, ab Heliado salutantur, in Theogonia.

XII.

Serapis Comites.

Sapientia non habitabit in corpore subdito peccatis, Sap. 1. 4. Serapi non modo Harpocratis signum addebatur, quod digito labiis impresso admonere videbatur, ut silentium fieret, ut ex Varrone scribit Augustin. 1. 18. de Civ. D. cap. 7. de quo Plutarch. de Iside & Osyr. verum & aliud triepitisanimantis, quod medio eoque Maximo capite Leonem, dextro Canem, sinistro Lupum exprimeret, easq; animalium formas connotabat Draco volumine suo: teste Macrobi. 1. Saturn. c. 20. Quibus, ut mihi videtur, tria indicabant necessaria ad interiorum Dei notitiam pervenire cupienti, 1. *Lingua taciturnitatem*, & sacram illam *εὐμωδιαν*, in Sacris observandam.

Nam Templum Domini per sacra silentia crescit,

Et tacite struitur non ruitura domus.

Prosper. in Epigram. Hinc & apud Pythagoram

T. 5.

Præ-

Primum sapientiæ rudimentum, meditari condiscere, loquitari dediscere. Apulejus in Florid. 2. *Memoria felicitatem*, quæ in accipiendo rapax, in retinendo tenax, in reddendo fidelis sit. 3. *Vita Novitatem*, quam serpens significat, qui se quotannis innovat exuta veteri leberide.

Namq; in compositos humano in corpore sensus, Disjunctasq; animi turbato fœdere partes, Nec liquida invisit sapientia, nec Deus intrat! Prudent. l. 2. adv. Symmach.

XIII. & XIV.

Zona Sacerdotalis, Poculum Salutis.

1. Estote prudentes sicut Serpentes, Matth. 20. 16. Deponite veterem hominem, Ephes. 4. 22. Ejus admonebantur Levitici Sacerdotes *Zona sua*, quæ in similitudinem pellis colubri, qui senectutem exuit, texta & floribus variis picturata erat, Exod. 28. Joseph. Hieron. apud Riberam de Templo l. 3. cap. 7.

2. Non longè abit Hieroglyphicum Draconis, simulachris Æsculapii & Salutis subjungi solitum, quod ii præstent, ut humana corpora, velut infirmitatis pelle deposita, ad pristinum revirescant virorem, ut est apud Macrob. 1. Saturn. c. 20. sic Salus apud Oeconem in Numismat. visitur, in Antiochi Soteris numo, dextra præferens poculum, ponè jacebat serpens pelle senectutis exuta. Elegans Typus unicus Soteris, Salvatoris nostri, qui manu

manu præbet *Poculum salutare*, quo in melius renovati, rejuvenescimus sicut aquilæ, &c. vide Ps. 75. & 116. Facit ad rem Prosp. in Resp. 1. ad Obj. Vincent. *Poculum immortalitatis, quod de imbecillitate nostra & de virtute divina confectum est, hoc habet in se quidem, ut omnibus pro sit, sed si non bibitur, non medetur.* Loquitur de Poculo Passionis Dominicæ, de quo Matth. 26. 39.

XV.

Hieroglyphicum Felicis.

1. A fructu frumenti & vini sui multiplicati sunt : Ego in pace dormiam & requiescam : Quia tu me Domine solus in tuto constituisti, Pl. 4. 8. 9. 10. Ægyptii, ut ex Cartagena refert Mendoza, ad vera & solida bona indicanda pingebant *Adolescens*, altera manu *sticcas triticeas*, altera *vini poculum* præferentem, & de collo appensum *papaver*, capita puto papaveris, gestantem : indicantes eum, cui panis & vinum esset, securum dormire posse. Tom. III, in 1. Reg. c. 9. num. 7. & 8. pag. 44. Felicem autumabant, non qui plurimum haberet, sed qui minimum cuperet, suaq; sorte contentus tranquillam vitam ageret. Magnæ opes somnum non afferunt, auferunt.

*Pectora pauper secunda gerit,
Tenet è patula pocula fago,
Sed non trepida tenet ipsa manu :
Carpit faciles vilesq; cibos,
Sed non strictos respuit enses !*

Alt

Ait Seneca Tragœd. appositissimè, neque aliter verè felicem describit Siracides, in primis nostra Vernacula loquens, cap. 40. v. 18. cum ait: Vitam sortè sua contenti, operaquè sua viventis omnibus thesauris, & aureis etiam Persarum montibus proponendam!

2. Sed felicitas ista temporalis est, umbræ omnium & fumi umbra præ illa, de qua David l. c. illum Beatum innuens, qui in solo Deo acquiescens, nil desideret periturorum & fallacium mundi bonorum. Ea beatitudine maçtat Christus Dominus noster, suos in Eucharistia convivas, ubi est *frumentum electorum* juvenum, & *vinum germinans* lætoquè animo cantare faciens *virgines*. Zachar. 9. 17. ubi omnium malorum, cum sobriâ ebrietate spiritus, bibitur oblivio: Nempe: *Quemadmodum vino isto communi mens solvitur, & anima relaxatur, & tristitia omnis exponitur*, ut est apud Cyprian. l. 2. Epist. 3.

XVI.

SOLIS MENSA.

Sapientia proposuit mensam suam, Proverb. 9. 2. Pulchrè Octavian. de Tufo in Sirac. Prolog. p. 28. Quem audire operæ pretium est: *Solis Mensam, Veteres fabulabantur onustam semper cibus, nec deficientibus, quantumvis hinc inde undiq; fame, tanti miraculi accersitis hominibus, spoliaretur: Splendido illo quidem, sed non spreto mendacio! Apollonius enim Thyaneus, ut Philostratus in ejus vita, ad ultimos usq; Gymnosophistas penetravit, ut Solis Mensa tandem aliquando, tot ma-*
ris

ris terræq; spatia emensus, accumberet. Domi nos proprius in adibus, nullo labore, veram veri Solis Mensam, sine ullo hominum ministério, epulis omnibus cumulatam, quibus gratis vesci liceat, Sacras Paginas habemus. Si libeat argumentum expolire, Mensam illam, quæ apud Æthiopes fuit, famosissimam, ut vocat Hieronym. ad Paulin. in Prol. S. Script. Solinus sic describit: Locus apud eos est Heliotrapeza, opiparis epulis semper relictus, quibus indiscretè omnes vescuntur: nam etiam divinitus eas augeri ferunt, cap. 32. Non aliter Pompon. Mela & alii. Herodotus noctu appositam à Magistratibus author est l. 3. Quæ injuria et gò jejunos & esurientes communi mensâ arcere? Quod omnibus appositum & apparatus, eò quamplurimos vesci prohibere, quæ invidia est?

--- petite hinc juvenesq; senes

Finem animo certum, miserisq; viatica canis!

Sic invitat Structor & Convivator ipse, Esa. 55. 1. Matth. 11. 28. &c.

XVII.

Cæna HECATÆ.

Quæ parâsti, cujus erunt? Luc. 12. 20. Moris fuit apud Græcos, ut in novilunio vesperi, singulis mensibus, divites in triviis *Hecatæ* apponerent *Cænam*, quæ à pauperibus prius ferè diripiebantur, quàm deponi posset: qui verò apparabant quidquâ inde gustare religione vetabantur, ut nihil ad eos inde rediret præter fumum, & tumultum:

multū: Testis est Aristoph. in Pluto ejusq; Scholiaſt. vide Eraſmi Adag. &c. Quid? Dives avarus defraudans animumq; Geniumq; ſuum, aliisque poſt ſe, quæ ærumnabili cum labore collegit & compariſit miſer, relinquens, nonne Hecataë cœnam inſtruit? Talis apud Horat. 2. Sat. 3.

Pauper Opimius argenti poſiti intus & auri?

Et Artemidorus ille, quem Græcū Epigramma ait, *ὅτι βίον ἡμῶν*, Vivere vitam multorum. *Aſino balneatoris* comparabant id genus Eudionis olim: alii *Camelis Arabum*, qui per vaſtas ſolitūdines iter facientibus epulas deportant, ipſi ſpinis & arido fœno implentur: Chryſoſt. *ad metalla damnatis*, in 1. Cor. Hom. 23. Cui ſpes tuas diſponis? quis curarum tuarum metet fructus? *nihil auferes tecum de labore tuo*; Eccl. 5. 14. opulencia tua *gloria tua, te non comitabitur*? Pl. 49. 18.

Absumet hæres Cacubia dignior,

Servata centum clavibus? Horat. 2. Od. 14.

XVIII.

Menſa GAD & MENI.

Qui inebriat, ipſe quoque inebriabitur.

Prov. 11. 25. *Gad & Meni*, id eſt, *Bona Fortuna & Boni Dæmoni* menſa poni ſolebat in auſpiciū novi anni, de quibus vid. Selden. in Syntagm. de Diſ Syris, nunc accipe hæc ex Hieron. in cap. 65. Eſa. v. 10. *Eſt in cunctis urbibus & maxime in Egypto & in Alexandria Idololatria vetus conſuetudo, ut ultimo die anni & menſis ejus, qui extremus eſt, ponant menſam refertam varii generis epulis, & poculorum*

*culum mulso mixtum, vel prateriti anni vel futuri
fertilitatem auspicantes.* Optimum auspiciū be-
neficientia! ut sementem feceris, ita metes. Deo
sceneras, quod bonis elargiris, non Fortunæ. Nam,
ut canit Martialis:

*Extra fortunam est, quicquid donatur amicis,
Quas dederis, solas semper habebis opes.*

Denique qui beneficentiam exercet sacrifi-
cium facit gratulationis, Sirac. 33. 4.

XIX.

KNEPH Deus Ægyptiorum.

Creatorem, inquit Porphyrius apud Eusebiam,
Kneph Ægyptii appellant, cujus imaginem in
formâ hominis faciunt colore cœruléo, Zonam
tenentem & sceptrum, in capite pinnam ponunt,
& ab ore ovum producitur, l. de Præp. Ev. 3. c. 3.
Color cœruleus cœlestem indicat; Zona & Sceptrum
Regem, atque illa quoque forsan clementem, sic
enim Zona illa aurea, quâ præcinctus apparet
Salvator, Apoc. 1. 13. aliis Clementiam, aliis re-
giam aut sacerdotalem dignitatem innuere credi-
tur: Pinna, quæ caput inumbrat, notat τὸ ἀνορεύε-
σθαι καὶ κεκρυμμένον, quod inventu difficilis, &, juxta
Prophetam, sit absconditus Deus, Esaï. 45. 15.
Quâ de causâ alis quoq; Seraphinis, & nube ceu
veste tegitur, Esa. 6. 2. Pl. 104. 3. Sir. 24. 7. Apoc.
10. 1. Unde Orpheus negat, Deum videri posse:

-- οὐ γὰρ ὁ θεὸς ὁρᾶται

-- Quia stant sacra pubila circum: ad Musxū.
Fallor?

Fallor? an & eâ de causâ *Kneph* nomen accepit, nam *Canaph*, aliam Hebræis, & *κνίφας* apud Homerum Caliginem significat? *Amun* certè non alia ratione vocabatur, quod occultationem notat apud Ægyptios, ut author est Manethos Sebennita, solentq; ita appellare *ἄνωμους*, quorum nomina vel nesciunt vel edicere nolunt, teste Hecateo Abderita, Plutarch. de Iside & Osyris. Quos Hebræi *Almoni* nomine, ab *Alam*, mutus fuit, vide Buxtorff. in *Alam & Serarium* in c. 4. Ruth. Quæst. 2. Denique ne quid excidat, *Ovum* Mundus est, qui ab ore Dei prodiit: partim propter figuram, statuebant enim mundum *οἰκονομίας* τῆς οὐρ *οὐμάλι*, similem figuræ ovali, ut scribit Sanchoniatès Berytius antiquissimus Phœnicum Historicus; partim propter naturam: *Calum* enim est testa, vitellum terra, inter duo illa hamor, quasi in sinum conclusus aeris, in quo calor, ut ait Varro in Logistorico, de quo vide Macrobi. l. 7. Saturn. cap. 17. & Eryci Puteani Ovi Encomium.

XX

Siclus SAMUELIS.

i. Figuras Siclorum Hebraicorum alii alias exhibent. Qua de re visendus imprimis Serarius in Josuæ cap. 7. Quæst. 5. p. 93. Vulgatissima est illa, quam communis Patriæ Præceptor Philippus Melanchthon pulcherrimis versibus celebravit

*Iusta Sacerdotum demonstrat munera Siclus,
Cujus in Hebræis urbibus usus erat:*

*In quo florens insculpta est Virga Aaronis,
Qua monet, ut doceant dogmata pura DEI.
Parte calix aliâ est impletus thure Sabao.*

*Hic offerre preces, ut nova thura juber,
Attamen ante alios summus facit ista sacerdos,
Immanuel casta Virgine natus homo: &c.*

2. De eo Siclo dùm quædam investigo, venit in oculos hic, de quo agimus, Samuelis Propheta, nomine inscriptus: spectabatur in altera ejus arte manipulus Spicarum, vario florum ac fructuum genere instructus, inter duas urnas, vini, olei, & olei, medius; altera facies urnam exhibebat similem illi, in qua Manna Cœlisfluum aservabatur, addito Lemmate, *Negativa letum*, preceptus es à jejunio! Putatq; Villalpandus de ponder. & Mens. l. 2. Disput. 4. cap. 27. Voluisse samuelem, istâ monetâ, perennem miræ sustentationis in deserto memoriam sic in populo Dei conservare, ut semper in oculis & manibus verberetur, ac recogitarent omnes, omnium alimentorum, frumenti, fructuum, vini imo quoq; & olei, delicias uno in isto Mannæ ferculo fuisse contentas: Ut Symbolicum hoc Epigramma meritò addi possit: Panis de cœlo, omne in te delictamentum habens, Sap. 16. 20. Verissimum certe oraculum, de illo qui & Panis & Dominus de cœlo est, Joh. 6. 50. Qui sanum habetis palatum, gustate & videte! Psalm. 34. v. 9. Habuit profectò, qui dixit: *Hic panis omnium carnalium saporum irritamenta, & omnium exsuperat dulcedinem voluptates!* Cyprian. de Cœna Dom.

Dom. Facerent illustrando argumento, quæ de Manna & ejus omnigeno sapore disputant Interpp. ut 1. *An Manna ad votū comedentium mutavit substantiam*, ut factum sit capus, anser, piscis, vitulina, aut aliud quid pro illorum lubentia: quod ajunt quidam Transubstantiationis hyperaspistæ, Gregor. Valentianus, Thomas Bozius, Claud. Sanctefius, &c. Corn. verò à Lap. verè & candidè: *Hæc, inquit, sententia nova est & solidè caret fundamento.* 2. *An sentire illam in Manna omnis saporis suavitatem solis piis concessum fuerit privilegium*: an commune quoq; cum impiis beneficium? Quorum prius asseritur ab Augustino, Greg. M. aliisq; vetustioribus; posterius à Lorino in l.c. Sap. 16. Corn. à Lap. in Exod. 16. & aliis recentioribus. Sed quorsum ego extra oleas?

3. Ne quid tamen excidat, notare potest numerus iste Samuelis; Manna divini verbis colentibus & diligenter colligentibus, promissam frumenti, vini, & olei abundantiam, quibus nominibus, quidquid ad degendam vitam requiritur, continetur: Ad spernentibus mundos, otiosos, & innoxios dentes dare solet Deus, Amos. 4. 6. Ose. 2. v. 20. 21. Joël. 2. 23. 24. Matth. 6. 33.

XXI.

Numus Davidis.

Quis ego sum? & quæ domus mea? 2. Sam. 7. 18. Quia in numos incidimus, ex ingenti thesauro aliquos insigniores retinere, operæ puto pretium est. Hos inter Regius Davides, præfere-

rens

rens una facie peram & baculum, insignia paſtoritæ rei; altera turres arcis Sionæ, ut refert Chriſtianus Gerson, ex Judæismo converſus, in Thalm. ſuo cap. 18. Monet verò recordationem priſtinæ ſuæ humilitatis non modò ſæpè jucundam, nam *dulcis in bonis miſeriarum recordatio eſt*, ait Latin. Pacat. in Paneg. & *Delectat meminisse mali*, --- Sidonius in Carm. ſed & ſemper neceſſariam, ne ſubrepat felicitium perpetua comes arrogantia, cui averruncandæ ſemper illud, quod, ut ait Poëta:

--- è cælo deſcendit γῶδι σκαυτὲρ,

Fingendum & memori tractandum pectore!

Ita Mulus ille in fabulis, corporis ſui in nitentis lymphæ ſpeculo contemplatus magnitudinem & pulchritudinem, cùm jam ferocire & equi generoſi in morem ſolo inſultare inciperet, recordatus aſini ſe filium eſſe, inflatos ſpiritus repreſſit. Plutarch. Conviv. Sap. Quid enim illum memorem, de quo notiſſimum eſt iſtud:

Fictilibus perhibent cænâſſe Agathoclea Regem?
Aut Willegiſum, quo authore inſignibus Mogunthini Archiepiſcopi rota Carpentarii uſque hodiè inſedit? Notis non immorabor, Conf. Pſal. 78. 70. Sir. 3. 20. 21.

XXII.

Numus Mardochai.

De carcere, catenisque quis interdum egreditur ad regnum, Eccl. 4. 14. Exempla eorum, qui hos *verſabiles fortuna motus*. Sic loquitur profanus hiſtoricus, *qui ludunt mortalitatem*,

nunc evehentes quosdam ad sidera, nunc in Coeÿti profunda mergentes, experti sint, congeſſit Am-
 mianus Marcellinus l. 14. extremo; retulit duo
 recentiora *Petrus Meſſia*, de Matthia Weywoda,
 qui ex carcere prodiit ad Ungaricum ſolium, &
 de Jacobo Luſignano, qui ex Genuenſium vincu-
 lis arctiſſimis, quæ eum toto novennio detinue-
 rant, productus eſt ad regendam Cyprum, l. 2. Syl-
 var. c. 19. Notiſſima ex Sacris conditio Mardo-
 chæi, qui cùm in cinere ſe & ſacco volutaret, ac
 jamjam ſpiculatoris ferrum jugulo ſuo intentan-
 dum opperiretur, ex inopinato Cidari & coronâ
 regali exornatus, fidem adſtruxit illi pervetuſto:

Topper fortuna commutantur hominibus.

Neleus apud Feſtum in Topper, i. e. cito. Dedic-
 vit ille ejus viciffitudinis memoriam in numo, ut
 dictus Gerlon teſtatur, qui hinc ſaccum & cin-
 rem; illinc auream coronam exhiberet. Dignum
 Simelium, quod ſemper ex Chriſtianorum collo-
 pendeat! Si te terret hinc ſaccus cinere inſperſus;
 verte ſis numum, exhilarabit te corona aurea.

... *Sic itur ad aſtra!* vide Pſal. 30. 12. Sap. 5. 17.
 Jacob. 1. 12.

XXIII.

Sirenes in Cælo.

Laudate Dominum Cœli Cœlorum! Pſal.
 148. 4. ſic exhortatur Regius Pſalter, & faciunt
 id affiduè. *Plato in Republica*, cùm de Sphararum
 cœleſtium volubilitate tractaret ſingulas, ait, *Sire-
 nes ſingulis orbibus inſidere, ſignificans motu Spha-*

TARUM

rarum cantum Numinibus exhiberi : nam Siren Deo canens, Græco intellectu valet : (scil. ut si idem ac si dicas Doricè, Σιῶν ἄρπυια, id est, Θειῶν ἄρπυια) hæc Macrobius l. 2. in Somn. Scipion. c. 3. Et sanè, si Pythagora credimus, ut par est, cælum quoq. modulationem reddit : non quòd ut lyra pulsètur, aut inflètur ut tibia, sed quòd circuitu suo divina illa Musica, & ea qua in cælo corpora, congruo aptoq. posita cælestem quandam excitent harmoniam, ait Max. Tyrius Dissert. 21. Expressit has sententias Angelus Politianus in Nutritiis :

... nostro major captus sonus exit acutas
Compensans gravibus septem in discrimina voces,
Stellantesq. globos, sua quemq. innoxia Siren
Possidet, Ambrosio mulcens pia Numina canta.
Quid multa ? Mundus magnum quoddam Organum Musicum est, ac verè appellavit Varro :

... mobilem Divûm Lyræ.
Ut citharis modulans unius verbere plectri
Dissona fila movet, vel qui perflantia textis
Labra terit calamis, licet unum carmen ab uno
Ore ferat, non una sonat : &c.
Sic Deus omnisona modulator & arbiter unus
Harmonia, per cuncta movet quam corpora rerum.

Canit S. Paulinus in Natal. 9. Felic.

XXIV.

Sibylla per Mundum sparsa.

Cœli enarrant gloriam Dei ! Psalm. 19. v. 1.
Sibyllam refert Lactantius, Æolico sermonis genere dictam, quasi θροβυλλήν, à Consiliis Deorum

enuntiandis, l. i. c. 9. *Ajunt verò, ut & apud Clement. Alex. i. Strom. Delphis in curia ostendi petram quandam, super quam sedisse dicitur prima Sibylla, quæ ex Helicone venerat, educata à Musis, cum esset filia Lamia Sidonia. Serapion autem in versibus dicit, ne mortuam quidem à divinandi arte cessasse Sibyllam, & id quidem quod ex ea in ærem recessit post obitum, id esse, quod sortibus divinatur & auguriis: è corpore in terram mutato exortam esse herbam, qua comesta bestia futurorum notitiam hominibus per exta significant: deniq; animam ejus faciem esse, quæ in Luna apparet.* Hæc ibi. Indicare torfan volebat Serapion, Sibyllam de Voluntate & Consilio Dei sciscitaturus, non esse adeundam petram illam Delphicam, in qua Apollo ambiguè dictis id ævi miseram mortalitatem deludebat, unde *Loxiæ* nomen inditum fuit; cum totus quasi Mundus sit commune omnium Oraculum, non tam in vulgo facilè, aut profanis pedibus adeundum, nisi si quos juvit

--- à prima coluisse Heliconæ juventa,
Musarumq; Choris implicuisse manum.

Quanquam hoc Oraculum & Scythæ & Barbarus, & Indus, & Ægyptius, & omnis homo super terram incedens audire potest. Tacet enim cælum, sed ipsius adspectus vocem emittit tuba clariorem, per oculos, non per aures, nos docens, ut habet Chrysostomus Hom. 9. ad Pop. Antioch. ex Rom. i. 20. & Ps. 19. v. 3. 4. ubi vide Vatablum. Attexo non absimile quid, quod sequitur.

XXV.

Animalium sermo.

Interroga Behemoth, effera animalia, nihil prudentiæ, nullam cum homine familiaritatem habentia, & docebit te, scil. unumquodque eorum, sic enim pluralia distributivè posita apud Hebræos verbo singulari conjungi solent, Job. 12. v. 7. De animalium sermone multi multa. Plato apud Euseb. l. 12. de Præpar. c. 9. ait: *Homines aurei sæculi, Saturno imperante, tanta virtutis & sapientia fuisse, ut & cum bestiis sermones conferre possent.* Basil. de Paradiso: *Animalia antelapsam & audisse inter se, & sensatè locuta fuisse; scripsit. In qua putas lingua serpens locutus est ad mulierem? Serpentis utiq; ore!* ait Augustinus, addens ejus sibilum sic ab Evâ intellectum, quomodo & hodie non desunt, qui latratus canum intelligant, & luporum ululatum, & barritum elephantum, & cantum gallorum, l. 31. Vet. ac N. Testam. De Josepho Judaicarum Antiquitatum Scriptore, & aliis similia censentibus, videantur Interpp. in cap. 3. Genes. Loqui inter se & conferre sermones animalia Porphyrius vult confirmare lib. 3. περὶ τὸ ἴον ἐμφύχων ἀποχῆς, de Abst. Anim. Prodictumque est intellexisse eos sermones Tiresiam & Melampum, Helenum & Cassandram, Apollonium Thyanzum, Democritum, Ericum Regneri pugilis filium Danum, de quibus vide Porphy. loc. cit. Callimach. in lavacro Pallad. Apollodor. l. 3. Biblioth. Philostrat. in Vita Apollonii, A. Gell. 10. Noct. Attic. Saxon. Gram.

mat. l. 5. Hist. &c. Quin & illud observo, sermones eos non posse à quoquam intelligi, nisi cui Deus quis aurem perpurgarit, creditum fuisse. Sic Pallas Tirefiæ aures expurgâsse fertur apud Apollodôr. l. cit. Vifosq; in ædē Apollinis serpentes Heleno & Cassandræ aures elambere prodit Scholiastes Eurip. in Hecub. nempe ut intelligerent avium.

ἰνὲ ξύρτων ξυρτοῖσι βόαν.

Vocem intellectu præditis faciliè intelligendam, ut loquitur Euripid. in Iphigen. Tauric. v. 1089 &c. Quid multa? Circumeat animus tuus per universam Creaturam, undiq; tibi clamabit Creatura: Deus me fecit! nam ipsa Creaturarum species, sunt voces quadam Creatorem laudantium! in Psal. 62. v. 6. Augustinus.

XXVI.

Cælum CHOSROIS.

Deus ego sum, & in throno Dei confedi. Ezech. 28. 2. ampullæ Regis Tyrriorum, qui tandem ex astris delapsus pulvis evasit, & merum NIHIL! ib. v. 19. Ita verius est, quàm quæ Pythia ex Phœbi tripode profatur, quod habet P. Syrus in Mimis:

Citò ignominia fit superbi gloria!

Hinc Flav. Julius Constans semper in ore habebat: *Felix insolens infelix!* Sit exemplo Chosroës:

In palatiis suis circa Persida

In laquearibus cælum habens fabricatum.

Ex

*Ex quo tonitrua & fulmina, machinatiq; im-
bres,*

*Convivio exceptis Legatis, erumpebant ad sta-
porem:*

Ut est apud Tzezen Chiliad. 3.v.40. & seqq. Exu-
sta est tandem hæc ignivoma cœli machina ab
Imp. Heraclio, sacerq; Persarum ignis extinctus.
Ibidem. Ipse Cosroës filii Sirois natu maximi,
quem in designatione successoris præteriisset,
conspiratione oppressus miserrimo fine super-
biam luit, ut est apud Reneccium in Comm. de
Regib. Persar. Nam collo & pedibus ferro one-
ratis detrusus in tenebrosam domum, quam gaza
asservandæ construxisset, auroq; velci jussus est.
tandem per XV. dies integros omnium contu-
meliis exagitatus, alapis & pugnis cæsus, conspu-
tus, sagittisq; confectus est. Proh! quomodo ce-
cidisti de cœlo Lucifer? Esa. 14.12.13.14. Heus
Superbe! (dicam cum Ennodio:)

Tu cælum teneas, me terris linque quietum;

XXVII.

Romanorum Cœnationes versatiles.

Agite, fruamur bonis præsentibus! Sap. 2.
v. 2. *Sic cælum petitur! Quid enim?*

*Ego vitam Deorum propterea sempiternam esse
arbitror.*

Quod voluptates eorum propriae sunt!

Ait ille in Terentiana Andria. Ita granniunt Epi-
curi de grege porci! Qui tunc sibi in Cælo esse, Fo-

U S

una

visq; solium tenere, & ut ait Horatius, sublimi ferre sidera vertice videntur, cum Genio indulgent. Hoc demum illis vivere est.

Sic current albusq; dies horaq; serena

Et molli dabitur victu sperare senectam:

Ut apud Silium ructat Voluptas. Deniq; ad hunc modum Dei vita decurrit, qui

... exemplar lenis mortalibus avi,

Imperturbata placidus tenet otia mente.

Apud eundem l. 15. v. 46. &c. Fallor? an hanc eorum hominum, si belluis istis, quibus anima profale est, hoc nomen convenire possit, mentem tacite explicabant illa *versatilia cœnationum laquearia*, Romanorum olim artificio & ingeniosa luxuria sic coagmentata, ut subinde alia facies, atq; alia succederet, & toties tecta, quoties fercula mutarentur, ut ea depingit in Epist. Seneca: *Rounda* erant, ac perpetuò quædam diebus ac noctibus vice mundi circumagebantur, tabulis deniq; eburneis versatilibus sic erant compacta, ut in versatione flores dispergerentur, aut per fistulas unguenta expressa diffunderentur in conviçtores, teste Suetonio in vita Neronis. Plura de iis Stukius Conviv. Antiquit. l. 2. cap. 14. pag. 197.

XXVIII.

In COELO foramen.

1. Levate in excelsum oculos vestros, & videte, quis creavit hæc? Es. 40. 26. Fabellam Judaicam referunt Petrus Alphonsus Tit. 1. & Petr.

Petr. Cluniacens. l. 2. contra Jud. cap. 5. cujus ex R. Eleasare etiam Galatinus meminit, l. 1. arcan. Cathol. Verit. cap. 7. Deus, inquiunt, cum cœlum ornaret, & vermiculato stellarum emblemate exornaret, firmamentum non absolvit, sed in parte aquilonari magnum aliquod foramen reliquit, non defectus quidem viribus, quippe

... immensa est finemq; potentia Cœli Non habet!
sed singulari providentiæ consilio, ut si quis venientibus fortè seculis exurgeret, Deum se Deoq; æqualem jactitans, dicere posset: Si Deus es, ut ego, absolve, quod imperfectum reliqui? en tibi illud unicum in uno cœli angulo foramen, hoc exple, & colophonem impone tanto operi, & Deus esto! Nempè nemo Deus, nisi qui & Creator! *Habet Deus testimonia, totum hoc quod sumus, & in quo sumus*, ait Tertullianus 1. advers. Marcion. cap. 10.

Si quis ait, Deus Ipse ego sum, & tamen unicus haud sit

Hic mundum huic similem condens, Meus, inquit, est hic!

Nec condatur, dicatq; modò, sed incolatur Idem.

Sic Pythagoras: Justin. M. de Monarch.

2. Recitari potest quoque Apologus hic illis, qui os in cœlum ponere, & Deo Creatori atrum dentem infigere non verentur: Qualis Alphonsus X. cujus blasphema vox fuit; *Se si Creationi interfuisset, multa melius ordinaturum fuisse*, cujus tamen, post nonnullas admonitiones frustraneas tandem fulmine in ipso cubiculo Regio palu-

paludamento & purpurâ combultis seriam egit
pœnitundinem. Refert Rodericus Sanctius in
Annal. Hispan. Scita est apud Philonem Fabella:
Deum perfectio Creationis opere Prophetam
quempiam interrogâsse, quid deesset mundo?
istum verò respondisse: nihil omninò præter di-
gnum Laudatorem: atq; eâ de causâ Mulas esse
in mundum introductas, ut eo quo parest studio
tantæ molis Architectum celebrarent. De Plan-
tat. Nohæ.

XXIX.

Sol in Navi pictus.

1. Sol & Clypeus est Dominus Deus,
Psal. 84. 11. Celeberrimum Dei Symbolum fuit,
Sol multâ radiorum luce coronatus, in navi pi-
ctus, quæ remis velisq; adverso flumine rapta, fe-
rebatur à substrato crocodilo. Alii aliter expli-
cant: vide Clement. Alex. l. 5. Stromat. Porphy-
rium apud Euseb. l. 3. de Præpar. c. 3. Corn. à Lap.
in c. 4. Amosi, unde accepit Caussin, aut ab hoc
ille, Polyhistor. l. 1. cap. 8. Deum sentiebant, ut
ait Varro, esse *animam mundi, quem Græci vocant*
ἀνίστορ, & hunc ipsum mundum esse Deum, apud
Augustin. l. 7. de C. D. cap. 6. *Quid est Deus?*
mens universi! Quid est Deus? quod vides totum
& quod non vides! Senec. Præf. l. qq. Natur. *Quod*
est in triremi gubernator, in curru rector, præn-
tor in choro, Lex in urbe, Dux in exercitu, hoc est in
mundo Deus, Ap. Iejus de Mundo. Sol ergo Deum
significat, ut læpè, navis Cœlum, & est hemisphæ-
rium

rium hoc concavum navi inversæ simile; nititur autem cœlum astringerum quasi contra torrentem primi mobilis: Crocodilus animal amphibium, quod in terris aquisq; degit, utriusq; elementi videtur præferre imaginem.

2. Sed aliud quærebam. Vita hæc navigatio quædam est. Qui ad salutis portum contendunt, non velis modo remisq; constantis propositi, & studii indefessi opus habent, sed & benignâ irradiatione Solis Justitiæ, & quasi afflatu Favonii celestis. Nituntur enim contra rapacem perturbationum fluvium, & contra infernalis Crocodili vim & fraudes. *Qui magnum fluvium navigio transmeare contendunt, longè superiùs à destinata ripa navigare incipiunt, quia violentia retorquentur incessabili, & velint nolint cum fluvio quodammodo descendere compelluntur: Ita & nos, qui mare hoc magnum & spatiosum (quomodo Maximus Tyrius ait, navigare nos δουλεύουσι πέραν &, donec Philosophia subiciat quasi τὴς ἑαυτῆς λογισμῆς, ut Ulyssi Leucothea τὸ κρηδεῖμον) pertransire navibus contendimus, ad jugem adscensum nostrum roboremus propositum, quia humana torpor negligentia semper in descensu est.* Gotefridus Comes Cappenberg. apud Serar. in Pari SS. Comitum Tom. 2. Opusc. cap. 22.

XXX

Cœlum monstriferum, Luna habitabilis.

Cogitationes Mortalium! Sapient. 9. v. 14.

15. 16.

15. 16. Nemo, nisi qui *Mathematicorum Cælum* prorsus ignorat, nescit in eo, quasi in Amphitheatro quodam spatiosissima, innumerarum ferarum edi spectacula, in quo exhibeantur non Canes modò & Ursi, & Leones, sed & Equi alati, Dracones immensi, Scorpiones caudâ adulantes, Cancrichelis minitantes, *totq; alia monstra*, uti in Mundo suo Personato Sandæus loquitur pag. 15. *Ut si in silva nobis vicina hospitarentur, conspirandum esset ab agrestibus, ut ea ferro & igni pellerent: In Luna annis præteritis nescio cujus Galilaici perspicilli opera, vidisse se jurarunt montes, silvas, maria, & alia vel splenem Heracliti ventlantia.* Sic quoque non Lucianus modò, sed & veterum plures, quos ille in vera historia sua exagitavit, Lunam à populo Selinæo habitari & Regi Endymioni subiectam esse tradiderunt: quin & urbes atq; oppida in ea tradiderunt: quin & urbes atque oppida in ea esse, fluminaque & alia omnia, quæ in terris, grandiora tamen & modi majoris, delapsumq; inde Leonem Nemeum, ut Achilles Arateus, Interpretes meminit, apud Angel. Politian. in Miscell. cap. 17. Narranda fuisset aurea hæc fabella, illi cuidam Nobili, qui seipsum quasi ad bestias damnaverat, ita *omisso*, ut cum Episcopo Saresberienfi loquar, *officio de nocte ad noctem semper ad bestias pugnaverat*, homo bestialis, ex 1. Policrat. c. 4. qui etiam Cælum superis omne relinquere volebat, quòd venari in eo non liceret: dignus qui in venaticum canem transiisset! Non dubium est, quin *assemparasset*, fabulatoris pretium.

Adeò

Adeò nihil sapimus supra conditionis nostræ originem ! in terra cœlum quærimus, in cœlo terram ! Quod Tityrus ait apud Poëtarum Principem :

*Urbem, quam dicunt Romam, Melibæe, putavi
Stultus ego huic nostra similem :*

Id nobis quoq; de cœlo cogitantibus usuvenit,

--- *Sic parvis componere magna solemus !*

Confer Rom. 1. 21. & 1. Cor. 2. 14. ut & Augustinum de Morib. Eccles. cap. 21. ubi docet, ex curioso circa corporea studio fieri, ut aut omnia corporea credamus, aut de incorporeis, non nisi per corporum imagines, cogitare possimus.

XXXI.

Sol in Ida.

I. Mons Idæus, Judicio Paridis notissimus, Solem orientem aliter, quàm in aliis terris solet adspici, ostentat. Namque ex summo vertice ejus speculantibus, pene à mediâ nocte, sparsi ignes passim micare, & ut lux appropinquat, ita coire, ac se conjungere videntur : donec magis magisq; collecti pauciores subinde, & una ad postremum flamma ardeant. Ea cum diu clara & incendio similis effulset, cœgit se at rotundat, & fit ingens globus : diu is quoq; grandis & terris annexus apparet, deinde paulatim decrescens, & quantò decrescit tantò clarior, fugat novissimè noctem, & cum die jam Sol factus, attollitur : Hæc Pomponius Mela l. 1. circa fin. Sol cum maximus apparet, minimam de se spargit lucem, cum minimus, maximam : cum ingens

gens globus esse videtur, terræ adhæret, cum decrescit, attollitur. Vis magnus fieri? parvus esto! vis humo tolli? decresce! Quantò major es, tantò te humilia, Sirac. 3. 20. 21. sed malo aliud præfigere Lemma:

2. Nox præcessit, dies autem appropinquavit, Rom. 13. 12. Nox fuit tempus veteris Testamenti, quin & respectu vitæ futuræ, totum hoc ævum quod *inter Orcum & Solem*, quali in Cimmeriis tenebris, decurrimus, nox mera est. Quâ de re ex interpretibus Epistolæ ad Roman. quæ multa possem, afferre piget. In hac mediâ emicare cœpit & lucem aliquam ad veram vitam emergentibus præferre Sol Justitiæ, *Deus de Deo, Lumen de Lumine*. Sed primò quidem velut sparsis per temporum intervalla & Prophetarum munia, ignibus. Qui paulatim collecti, sub reditum Populi Dei ex Babylone, pauciores evaserunt, tenebris interim invalescentibus. Una ad postremum flamma clarissima effulsit, quam Orbi Præcursor Domini, ille

--- *Evangelii sacra janua metaq. Legis*, ut Johannem Baptistam salutavit, Paulinus prætulit.

Posthæc in terris vîsus est! ut huc traham illa Baruchi, quæ Patres ferè Soli nostro accommodarunt, cap. 3. 37. Ac deinceps descendendo per seculorum memoriam, usque ad hæc nostra, decrescens, magis magisque, circa hoc mundi crepusculum, appropinquante die illo æterno, cui nox nulla succedet, inclaruit, ut verè dixerit

verit Propheta : Ad vesperam Lux erit ! Zachar. 14. 5. 7. uti in ultimâ Evangelii promulgatione eventus comprobavit, Apoc. c. 14. 6.

XXXII.

Sol in mari extinctus.

In oculis insipientium mori videtur, Sap. 3. 2. Sol insulsis hominibus in mari extingui videtur, sapientibus non item : Decius Brutus cum in extremo Hispaniæ limite bella gereret, *solem in maria cadentem, obrutumq; sacrum ignem, cuius non sine sacrilegii horrore vidisse se testabatur*, repertiq; sunt nautæ, qui in strepitum extincti audisse jactarent apud Florum l. 2. Hist. c. 17. At Stesichorus & Æschylus docent ab occasu in orientem enavigare *in aureo calice* à Vulcano fabricato: Mimnermus verò versibus pulcherrimis, dormientem *in aureo lecto* ab Hesperidum regione ferri ad Æthiopas cecinit, Natal. Com. l. 5. Mytholog. c. 17. Sic prorsus pii *ἐν ὀφθαλμοῖς κίφρονται*, mori & extingui videntur, cum interim suavissimè in manu Dei requiescant. Impii verò, ut apud Platonem alicubi loquitur Socrates, *μᾶλλον ἢ περικλείτε ἡλίου*, *magis quàm Sol Heracleti extinguuntur*. Denique *ut Sol demergit & nascitur : astra labuntur & redeunt : flores occidunt & reviviscunt*, ut habet Minutius Felix in Octavio. Ita *Cuncta resurgendi speciem meditantur, in omni Corpore, & in terris germina & astra Polo*, teste Paulino in Obit. Celsi.

XXXIII.

Solis Ovis.

Reges erunt nutritii tui! Esa. 49. 23. Herodotus in Calliopâ refert, in Apolloniâ, quæ in finu maris Jonii Regio est, oves fuisse Soli sacras, quas ex pascu sub noctem reduces, qui divitiis & nobilitate præstabant, singuli per annum, domi custodire soliti fuerunt. Homerus nec nasci nec denasci scripsit, pasciç; à Nymphis. M. Odyss. Natal. Com. l. 5. cap. 17. *Solis oves* sunt Sanctè Literati, homines ferè ovinâ simplicitate, placiditate: nam *didicisse fideliter artes,*

Emollit mores, nec finit esse feros.
Nec nascuntur: *Cadmi semen quidem sativos eadem, ut ajunt, die milites protulit; sed sativos Theologos nulla adhuc fabula prodigiosè finxit,* ait Synesius de Dione. Nec obeunt!

*Non omnis moriar! multaç; pars mei
Vitabit Libitinam!* ait Horatius.

--- *Ingenio stat sine morte detus.*

Propert. l. 3. Eleg. 1. Utinam, quibus summa rerum à Deo tradita sunt, colerent, colligerent, & sibi quoque, quoniam *Pastores* sunt *Populi*, dictum crederent illud: *Pasce oves meas!* Joh. 21. 17. sed furdo fabula!

Spernitur orator bonus, horridus miles amatur!
ut questus olim est Ennius.

XXXIV.

XXXIV.

Sol exsecratus.

Ignem veni mittere in terram! ait Dominus, intelligens ignem tribulationis, de quo Plal. 66. 12. Esa. 43. 2. qui *aurea Dominica domus vasa meliorat, fanum verò consumit & stipulam*, ut habet Ambros. in Luc. ignem inquam, de quo statim ibidem Luc. 12. 49. 51. Non enim veni mittere pacem, sed *διαμεχισμὸν*, separationem, gladium, Matth. 10. 34. ubi interpretatur Dominus *ignis istius qualitatem*, ut ait Tertullian. l. 4. adv. Marcion. c. 29. ut Sol non tantum vivificam lucem spargit, sed & ignem mortiterum, illam ex natura sua, hunc pro situ terrarum & ingenio: Sic etiam Sol ille cœlestis non est sine suo damnofo igne, *ubi lux, ibi trux!* Hinc fit, ut orientem doctrinæ salvificæ lucem multi, ut Atlantes Solem, *dira imprecatione contumantur, velut exitialem ipsis agrisq.*: Plinius l. 5. cap. 8. *Atlantes enim ab humano ritu prorsus exulant, diris Solis ortus excipiunt, diris occasus prosequuntur: usli undiq. torrentis plaga fidere oderunt Deum Lucis*, ait Solinus, cap. 44. Addit Plinius odio lucis *neminem eorum interdum cerni*. Tales Atlantes habuit Judæa olim, Jerem. 44. 18. & sunt de eo genere nostri Lucifugæ, qui existimant: *Omnia publica cladis; omnis popularis incommodi Christianos esse causam*. Tertullian. in Apolog. c. 40. 82c.

XXXV.

Sol adoratus.

1. Ut Atlantes, *degeneres humani ritus*, orientem Solem diris exceperunt; ita reliquæ gentes ferè osculo veneratae sunt. De quo antiquissimo cultu Solis Jobus testatur cap. 31. 27. Accidit iis quod *ignaris evenire solet in curiam euntibus*, ut quosq; obvios splendidius exornatos Regem esse suspicentur, ait Thom. Aquin. in opuscul. de Symbol. Apostol. Sic Darii uxor pro Alexandro Hephæstionem adoravit, excusanti ignorantiam respondit Alexander: Ne sollicita sis, nam & hic Alexander est, ut est apud Q. Curtium. Nihil inhumanius est, quàm Virtuti emergenti invidere.

*O dirum exitium mortalibus! o nihil unquam
Crescere, nec magnas patiens exsurgere laudes
Invidia!* Silius 17. v. 192.

Sed nihil ea habet cum Sapientiâ commercii. Invidus, ait Sapientiæ Scriptor, non erit particeps Sapientiæ, Sap. 6. v. 25. conf. Jac. 3. 14. 15. At *Virtutibus abundat, qui alienas amat.* Plin. 1. 2. Epist. 17.

2. Cæterum ut Sol nec Persarum salutationibus, nec Atlantum execrationibus in transversum agitur, semper sibi constat, rectoq; tramite fertur per obliquum Zodiaci limbum: Sic animus Sapiientis semper sui similis est!

*Iustum & tenacem propositi virum
Non civium ardor prava jubentium,
Non vultus instantis Tyranni*

Vixit Mente quatit solida ---

Nec

Nec prece, nec pretio, nec gratiâ, nec periculo, nec similitate à via recta deduci oportet! ait Cornificius l. 3. ad Herenn. Hoc est, ad quod nos Paulus Apostolus exhortatur, in omni lorte Deo se servare integrum, & possis huic quasi Emblematis merito præfigere illa: *Siâ suâ quâs & suâ quâs,* in utraque fama, 2. Cor. 6. 8.

XXXVI.

An in Sole Macula?

1. Justificata est sapientia à filiis suis! Matth. 11. 19. Maculæ tubo Batavo in medio etiam Solis disco nunc apparent, nunc disparent. Neq; enim sunt in Sole, sed sub Sole, Lunâ tamen superiores, & videntur provenire coalescentibus pluribus corpusculis opacis, ait Vossius, Vir CL. in 2. de Idololat. c. 2. p. 313 Qui maligno invidia tubo utuntur, etiam in Sole vident maculas, quæ tamen nullæ sunt. Sic *argutis, & veteribus etiam, quæ lutea non sunt, æquæ ut lutea videntur,* ut ait Varro in Eumenidib. apud Non. Marcell. *Non sic Cælum nubes, nox diem, Solem caligo, quomodo mentem cæcat & tenebrat invidia,* P. Chrysolog. Serm. 48. Diogenes referenti, quod à cunctis vituperaretur; *Oportet, inquit, Sapientiam ab insipientibus feriri:* apud Joh. Saresb. in Policrat. l. 3. c. 14. Nihil tam sanctum est, in quo lividus oculus non aliquid inveniat, quod linguæ suæ maledicæ rodendum propinet, quæ etiam Deo non parcat, cum infernali igne incaluit, Jac. 3. 7. Die Weißheit muß sich lassen rechtfertigen von ih-

ren Kindern/die wissen alles besser: Wie es Gott macht/so tauget nicht. D. Luth. in Deut. 32. 4. ad marginem: Sunt alioqui loci citati ex Matth. 11. variaz interpretationes, quas vide apud Maldonat. ibid. Fabellam de Momo, huc facientem, leges apud Natal. Comitem lib. 9. cap. 20.

2. Lex Domini immaculata, Plal. 19. v. 8. Sol Sacra Scriptura est, Luna Doctores Ecclesiaz: neuter sano lumine utitur, & qui in isto maculas videt, & qui in hac non videt. *Maculas*, quæ in Lunâ apparent, aliqui *admixtum esse ærem* docent, *qui suapte natura opacus ad cælum tenditur*, negant enim Lunam globum esse puri ætheris: Philo de Somn. pag. 501. edit. Latin. Gelenii. Plinius verò *Sidera humore terreno pasci* persuasus cum Stoicis, eas maculas ait esse non aliud *quàm terra raptas cum humore sordes*, lib. 2. c. 9. Quid mirum, si in eorum libris, aliquæ passim eminent maculæ, qui ex carne & spiritu compositi *è terrâ nascuntur, pascuntur, ut blitum, ut vetus verbum est*.

3. Quæ in coelis sunt, quis investigabit? De Solis maculis disputamus, nostras nulli eluimus!

Ut nemo in sese tentat descendere! nemo!

At faciunt curiosi isti ferè quod Democritus, qui *Chypeum constituit contra exortum Hyperionis, Oculos effodere ut posset splendore areo: Ita radius Solis, aciem effodit luminis.*

ut habet Laberius apud A. Gell. 10. cap. 17. Nempe

pē qui oculos in Solem nimis contendunt, oboriente nocte, dūm maculas se videre sentiunt; nihil videre occipiunt. Qui in cœlo acutius videre sibi videntur,

--- *quàm aut Aquila. aut serpens Epidaurius* ---
cū in terram & ad seipſos revertuntur, *Leberide*
cœciores sunt. Quod ex Platonis Phædone repetit
Theodoretus Serm. 2. de Cur. Græc. affect. vide
Sap. 9. v. 17. & Rom. 11. 33.

XXXVII.

Harpaste fatua.

Cœcis opertum est Evangelium, 2. Cor. 4.
v. 3. 4. Qui obscuras in Sole divini verbi maculas,
videre se putant similes videntur fatuæ, quam Se-
necæ uxor alebat. Harpasten nomine: *Ea*, ut scri-
bit ad Lucill. ipse Epist. 50. *subitò desit videre, ne-*
scit se esse cæcam, subinde padagogum suum rogat,
ut migret, ait, domum tenebrosam esse. Sic hæretici
cū ex Scripturis arguuntur, vertuntur in accu-
sationem Scripturarum, ut Irenæus olim conque-
stus est l. 3. c. 2. quæ tamen, ut rectè docuit Theo-
dorus apud Cassianum, *non, ut essent incognita vel*
obscura, Sancti Spiritus gratia nobis promulgata
sunt; sed ex nostro vitio, velamine peccatorum cor-
dis oculos obrubente, redduntur obscura, quibus
rursus naturali redditus sanitati, ipsa Scriptura-
rum sacrarum lectio, ad contemplationem vera
scientia, abunde etiam sola sufficit: hzc ille l. 5. de
Spir. Gastrimarg. c. 34. p. 88. in Octav.

XXXVIII.

Evarix Gothorum Rex.

XXXIX.

Solis apud Indos inducia.

1. Spinæ suffocaverunt illud, Luc. 8. v. 7.
 Evarix Arianus & acerrimus Orthodoxorum
 persecutor fuit : nam & ipsos sacrorum Templo-
 rum aditus spinis iusserat obsecrari, scilicet ut *ra-
 ritas ingrediendi oblivionem faceret fidei*, ait Gre-
 gor. Turonens. l. 2. Hist. c. 25. Heu quibus non spi-
 nis curarum ærumnarumque obsepit Diabolus
 templorum fores ? imo & aurium, quæ ad cor ja-
 nuæ sunt, in quo Dei Templum esse debet ! *Nam
 idcirco oculos & aures patefecit in corpore divina
 solertia, ut per eos aditus scientia perveniret ad
 mentem*, inquit Lactantius l. 3. c. 3. Techna fre-
 quens impuro illi spiritui festis temporibus, de
 qua olim sic querulabat :

Dùm Natalitios, ô Princeps Pacis, honores
 Antiqui colimus ritibus obsequii,
 Heu ! *Latis aliquid semper miscetur amari,*
Latitiaq; uber flebile tuber habet !
 Jam ter funesto turbamur milite, nec nos
 Gaudere in solidum Martia corda sinunt,
 Quis fas atque nefas nullo discrimine habetur
 Inq; æqua Pietas noxaq; lance sedent.
 Pax redeat, sator ô Pacis, Pacem annue, Pacem !
Dia bonum gremio Pax habet omne suo.

2. Sed

2. Sed amaritudinem istam festorum dulcia gaudia contristantem sibi imputet tepor noster & stupor. In Indiæ locis habitabilibus, ut Ctesias apud Photium cod. 72. author est, *regio est Soli & Luna sacra*, ad quam à monte Sardonis quindecim dierum iter est, ubi Sol ad annum festum suum peregrinantibus XXXV. dierum frigusculum indulget, ne dum illi operantur aut peregrinantur æstu immani torreantur. Tale frigusculum pollicitus est Dominus festa sua ritè celebraturis, Levit. 26. 6. 24. Exod. 34. 24.

XL.

Solis cultus in Zeilam.

Coacervabant sibi Magistros, prurientes auribus, 2. Tim. 4. 4. *Ad Amicum*. Ne doleas, charum caput, famam nominis tui longè adhuc infra meritorum tuorum gradum consistere, Vulgus leve novitatis avidum, quantò quid recentius est & magis strepitum, tantò plurius æstimat, nota etsi optima fastidit.

Antiqua sordent, convolat quisq; ad nova!

Id fieri quotidie videmus, quod in Haaulam, quæ nunc Zeilam, Insula; Colitur ab incolis Solaris extra urbem frequentibus, in quibus simulachra sunt sacrata, ad similitudinem orbis Solaris Magicis artibus constructam: exoriente autem Sole orbis illi incendi videntur, magnoq; strepitu sonant. Summo itaq; mane communiter excurritur, aditurque Sol, à viris pariter & mulieribus, habentq; suas singuli acerras in manibus, &

pariter Soli thura adolent: Refert Benjamin Tudelenſis in Itinerario Interpr. Ar. Montano. Quid videntur tibi globi illi flammivomi, magnifoni? qui neſcio qua *monteſq.*, vulgus hominum ita deſequentant, ut nemo non adoret, nemo non

aut thure, aut vino, aut aliquod ſemper ſupplicet. Nunquid illi, de quibus apud Nævium percontanti: *Cedo qui veſtram Rempubl. tantam amiſiſtis tam citò?* Reſpondetur: *Proveniebant Oratores novi, ſtulti, adoleſcentuli!* Sic Sæculum eſt! Tu in rectè factorum conſcientiâ acquieſcas, aut ſi vis contentus eſto eâ virtutis opinione, *de qua tibi,* dicam cum Sidonio Apollinari l. 1. Epist. 1. *jampridem in portu Judicii publici, poſt lividorum latratuum Scyllas enavigatas, ſufficientis gloria anchora ſedet.* Vale.

XLI.

Solis Victima.

Hostiam viventem, Sanctam Deo placentem, rationabile obſequium veſtrum! Rom. 12. 1. Non adderem hoc, de quo Cauffinus l. 1. c. 12. & alii, niſi illuſtrando Sacro Codici, cui opellam hanc totam, quantulacunq; eſt, dedicavi. *Equos dederunt Soli Reges Jude, in introitu Templi Hieroſolymitani, additis quadrigis, abolevit poſtea Joſias,* 1. Reg. 23. 1. Quos Equos? an fuſos ex ære, aut alio metallo! an vivos? Prius affirmat Selden. Syntagm. 2. de Diis Syris c. 8. Poſterius Rabbini, Lyra, Vatablus, & poſt omnes Sanctius in 4. Reg. 23. num. 13. Et his ego digitum attollo!

Ratio

Ratio Sanctii satis valida, quia currus Solis combustus, Equi ablati: Cur non & ii combusti, si ex simili materia? Ablati verò, quia vivi, quia ad alios usus boni, quia si cremati fuissent, iacriticati viderentur. Adde, Procopio teste, Regibus Persarum, à quibus ritus iste traductus, *Solem quotidie salutandi morem fuisse*, ut rectè putent aliqui sacris his equis vectos, qui orientem Solem salutarant iussu Regum & nomine. Fortè similes equi fuerunt, quorum in Darii electione meminit Justinus ex Trogo. Deniq; Herodoto affirmante, nefas fuit apud Persas dedicare imagines, quod apud Patrem Historiarum est ἱερὸν εἶδος, quod Pollux l. i. Onomast. c. i. explicat, ἱερὰ εἶδος τῶν θεῶν, Templo inferre & consecrare. Nam alioqui ab omni imagine non abhorruisse, *Solis imago Crystallo inclusa*, apud Curtium, imò *& in chypeis expressa, & in inteis picta*, apud Tertull. in Apolog. argumento est. De tota re & imprimis de causa Sacri eleganter paucis Heliodorus l. 10. Æthiopie. ubi docet; soli τέθριππον, quadrigam albam, currum quatuor equis instructum, oblatam, quod τῷ ταχυστάτῳ θεῶν ἢ τάχιστα, *celerrimo Deo, id quod celerrimum est, convenire* arbitrati sint. Cavendum igitur

Ne detur sancto victima sæda Deo!

Quod observavit Abraham, Genes. 22. 9. 10.

Sente pignus qui dicavit Victimam:

Docens; ad aram cum litare quis velit,

Quod dulce cordi est, quod pium, quod unicum,

Deo libenter offerendum credito.

Prudentius in Pſychom. Præf. unde Dn. Phil. Melanchth.

*Caſta Deus mens eſt, caſta vult mente vocari,
Atq; jubet caſtas pondus habere preces.*

XLII.

Luna imago Cynocephalus.

Scultus ſicut Luna mutatur, Sirac. 27. v. 12. Cynocephalus quando Luna cum Sole coit, quaſi de raptu hujus luminis lugens, nuſpſiam detorquens oculos ſolo affigit, cibi potuſq; immemor. At eadem cum faciem facemq; mundo reddit, geſtit & exultat, quo habitu pingi ſolebat manibus in Cælum levatis, in capite ferens τὸ βασιλικοῦ, quod Cauſſinus in Obſerv. in Horum exponit, Lunæ archetypum exemplar, quomodo Diana pingitur in vertice geſtans Lunam corniculantem: Sic Lunam orientem picto Cynocephalo ſignificare volebat Ægyptii. Horus Hierogl. 1. cap. 15. Nempè uti *Luna modulationibus menſtruis variat*, ut habet Tertull. de Pallio:

*Nec par, aut eadem nocturna forma Diana
Eſſe poteſt unquam, ſemperq; hodierna ſequentē
Si creſcit, minor eſt, major ſi contrahit Orbem:*

Ovid. 15. Metam. Ita quoque

*Ludus fortuna, variatur imagine Luna,
& cum illo quotquot Cynocephali ſunt; ſi creſcat, creſcunt animis, exultant, ut Cælo ſupinas
tulit manus*

*Naſcente Luna ruſtica Phidile
Si decreſcat, ſolo affixi, deſpondent.*

XLIII.

XLIII.

Luna in calceis Nobilium.

Cynocephalus in capite fert, apud Romanos
verò

nobilis & generosus

Appositam nigra Lunam subtexit alba.

Juvenal. Satyr. 7. de quo more vide Plutarchum
Quæst. Rom. 6. Sic Ecclesia verè nobilium nu-
rix & altrix unica, Sole amicitur & Lunam
alcat, Apoc. 12. 1. 2. quod explanans Gregor.
M. l. 24. Moral. cap. 7. *In Sole, inquit, illustratio
veritatis, in Luna, autem, qua menstruis suppletio-
nibus deficit, mutabilitas temporalis accipitur:
sancta autem Ecclesia, quia superni luminis splen-
dore protegitur, quasi Sole vestitur, quia verò cum-
ta temporalia despicit, Lunam sub pedibus premit.*
Hæc ille, cætera benè, sed Solis amictum melius
explicat Corn. à Lap. in Apoc. docens Christum
Solem Justitiæ esse quali vestem Ecclesiæ, de qua
Apostolus: Induimini Dominum Jesum
Christum, Rom. 13. 13. sic Esaias c. 61. v. 10.

XLIV.

Mirum Luna ingenium.

Cùm homo exterior noster corrumpitur,
interior indies magis, magisque renovatur,
1. Cor. 4. 16. & vice versa: ut Luna, quo magis he-
misphærio illo exteriori, quo terras adspicit, cla-
ret, eò magis interiore, quod cælo obvertit, ob-
suratur: quantoque magis Sole suo plena ap-
paret

paret, tantò ab eo remotior est. Nam ut ex Opticis clarum est, quo Sphæra illuminata longius distat ab illuminante, eò minùs lucis accipit. Jam quo magis Luna augetur, eò magis à Sole discedit,

quantumq; ab Apollinis igne recedit

Hoc magis ipsa suum fundit mortalibus ignem, ut canit Jovian. Pontan. itaque cùm plena in terris visitur,

plenoq; coruscant

Orbe comam & fultivo totum caput explicat auro. Soli adversa est, sæpè etiam in auge constituta, adeo ut tum minimum ab eo Lucis accipiat, quod primo intuitu & ad oculos apparet. At in coitu, interlunia vocant, & Luna silentia, quando Soli conjunctissima est, non cernitur, non detectu luminis, sed quoniam haustum omnem lucis in versa illo regerit, unde accipit, ut docet Plin. l. 2. cap. 1. Ita, ut docet Augustinus, anima humana recedens à sole justitia, ab illa scilicet interna contemplatione incommutabilis veritatis, omnes vires suas in terrena convertit, & eò magis magisq; obscuratur in interioribus ac superioribus suis. Sed quum redire cœperit ad illam incommutabilem sapientiam, quantò magis ei propinquat affectu pietatis, tantò magis exterior homo corrumpitur, sed interior renovatur de die in diem, omnisq; lux illa ingenii, quæ ad inferiora vergebat, ad superiora convertitur, & à terrenis quodammodo aufertur, ut magis magisq; huic seculo moriatur, & vita ejus abscondatur cum Christo in Deo: &c. l. 2. ad Inquis. Januar. c. 4. & 5. Ita Ecclesia exterius obscurata, interius splendet, at quantò foris splendidior est,

ft, tantò intus & tenebriofior & à Deo remotior. *Quantum copia accessit, tantum disciplina recessit, & prosperitas venit quastuum, cum magno tempore detrimentorum: Multiplicatis fidei populis, ides imminuta est, & crescentibus filiis suis, mater grolabat:* verba sunt Salviani l. i. contra avaritiam. Hinc fit, ut ex externis istis nemo colligere errò queat, utrum amore quis sit dignus an odio? Eccles. 9. v. 1.

XLV.

Luna ab Asino epota.

Ne respondeas stulto secundum stultitiam suam, ne adæqueris ei, Prov. 26. 4. Ridiculum facinus narrat Ludov. Vives in c. 16. l. 10. de Civ. Dei S. Augustini, fuisse sua memoria populum, qui cum Arcadicum pectus sub vespere am fluvio bibisset, Lunaque, cujus in eo imago relesbat, interea obteeta se nubis condidisset, ab asino simul cum aqua Lunam haustam credens, mellellum istum Sileni vectorem in carcerem coniecerit, & post legitimam quæstionem in equuleo tortum exenterarit, ut ablatam Mundo Lunam restitueret. Luna famam, ut docet Greg. M. l. 22. Mortal. cap. 5. laudabilem significare potest, per quam celebre nomen in hac presentis vite nocte possidetur: & ut illustrationem Luna per occultum circulum, ut quidam putant, à radio Solis accipit, ut possit lucem nocturnis cursibus exhibere; Sic fama à bono opere vires accipit, & favoris gratiam quasi claritatem luminis adspersit. Talem famam qui

ex

ex stultis quæ runt, quid faciunt aliud, quam quod Lunam in asini alvo investigant? faciunt hoc quod vanissimis quorundam nugivendorum scriptis refutationis accuratæ inanem operam impendunt: quasi verisimile sit Lunam ab asino bibi, & in ventre ejus obscuro recondi posse, ut tam operosa exenteratione & evisceratione opus sit. Hoc est, quod ajunt, *laureolam quarere in mustaceo*: quod erat genus libi, & suppositis lauri foliis decoquebatur, vide Erasmi Adag. p. m. 817. Si stultus convitiis & sannis tecum agat, tu memor modestiæ, non par pari referas, alioqui similis ei eris, omnesq; dicent: nescio uter plus sapiat, cum Bitho Bacchius commissus est, ut eleganter locum Salomonium citatum explicat Lavaterus in Comment. in Prov. Salom. p. 144.

XLVI.

Luna nulla vestis apta.

1. Contenti simus præsentibus! Hebr. 13. v. 5. Cleobulus apud Plutarchum in Conv. Sept. Sapient. Interroganti, *quis rei familiaris modus esse debeat?* Atqui, inquit, Lex mensuram Sapientibus præscripsit: ineptis fabulam narrabo: Lunam ajunt à matre petiisse, ut sibi tuniculam congruentem texeret: respondisse verò matrem; Qui possim? cum te jam plenam, jam in cornua attenuatam, jam dimiduo orbe videam? Sic homini fatuo nulla fortunæ vestis apta est.

--- *Nemo quam sibi sortem*

Seu ratio dederit seu fors objecerit, illa contentus vivit. Horat. 1. Serm. 1.

Et quis est tam composita felicitatis, ut non aliqua ex parte cum status sui qualitate rixetur? Boëthius l. 2. Prof. 4. Qui lapit, præsentia diligit, fortunamq; ut ait Apulejus, ut tunicam, magis concinnam probat, quam longam: quippè ea etiamsi non gestetur & trahatur, nihilominus quam lacina præpendens, impedit & præcipitat. In Apologia. Denique sic ajunt difficile esse cani lectum sternere.

2. Lunæ Germanorum stultitia non est absterilis, nam & illis nulla vestis apta reperiri potest, ut docent vulgo

--- tot nova nomina vestis

Quæq; virum quarunt.

Petron, in Satyrico.

3. Sic cuilibet magnæ & inprimis Regiæ fortunæ nulla congruens tunica texti potest, quæ nunquam in eodem statu perseverat, sed sicut Luna, ut per momenta crescit in prosperis, ita decrescit in adversis. Sedulius de Rector. Christian, cap. 16.

XLVII.

Lunæ deliquium.

Septies in die cadet justus & resurget! Prov. 24. 16. Luna quando sublimis deficit, non diu hæret in tenebris: cum verò humilis & terræ vicina in umbram incidit, admodum premitur, & tardè ex eâ emergit: Nam etsi sublimis tardius moveatur, humilis celerius; tamen umbra terræ, quæ faciem ejus in deliquio fuscatur, coni formam habet, ac circa basin latissima paulatim acuminatur, donec in cœlo in exilem desinat cuspidem.

Y

Plu-

Plutarch. de Facie Lunæ. Umbra terræ peccatum aut infortunium notare potest, ea enim hunc quasi Ates Campum semper involvunt. Fallitur verò Latinorū Zeno, cū ait: *Talis est Sapientis animus, qualis mundi status super Lunam; semper illic serenum est!* Seneca Epist. 59. Imò, inquam, talis est verè Sapientis, quis autem ille nisi verè Christianus? animus, qualis status Lunæ sublimis, nam etsi in umbram incidere potest & solet, opprimi tamen ab illâ non potest, recipit se quàm primum, & in lucem pristinam erumpit. Itaque quod ajunt, *Primum esse errorem penitus non incurrere; alterum bene repudiare*, eorum alterum Dei est, alterum hominis Deo proximi: vide Cassianum l. 1. de Incarn. Dom.

2. Animi graves perturbationes; quid sunt nisi quædam deliquia? Cadunt eæ quoque in Sapientem, sed aliter atq; in stultum, qui cum istis immergitur, mergitur.

Vir prudens ratione ponit luctum, stultus tempore!

XLVIII.

Anima in Lunâ.

Lunam suas habere cavernas, animarum receptacula, author est Sylla apud Plutarchum in libello de Facie Lunæ. Eas verò animas, dum in umbrâ sunt, prodit lamentari & trepidare, quod harmoniam Coeli exaudire tū non possint, quâ de causâ in Lunæ defectibus æra pullentur, clamoresq; tollantur adversus animas. Luna hic instabilis mundus est, in quo velut in ergastulo quodam

dam sedent infelices animæ, in umbrâ mortis, Luc. 1. 79. ærumnabili labore, metuq; animi, & rerum expectandarum imaginationibus, ut ait Siracides, obseptæ cap. 40. 2. extorres quin etiam & exsortes primigeniæ dignitatis, harmoniæq; cœlestis, ad quam erant à Deo conditæ & institutæ, quibus ista Mundi Cymbala ista æra tinnientia, 1. Cor. 13. 1. insaniq; omnium Pseudosophistarum clamores, tam opitulari nequeunt, quàm Lunæ laboranti æra illa veterum *auxiliaria dissoniq; crepitus*, quib° eam veræ rationis deliquiorum ejus ignari juvari persuasum habebant, rati Magico cantu *deprimi*, & ut cum veteri quodam Poëta dicam, *detrahi posse altivago e speculo. Donec suppositas propior despumet in herbas.* Inq; eas ex sinu suo, omnium siderum idearumq; cœlestium virtutibus referto, novas vires diffundat. Vide de his, ut alios mittam, Ludov. Vivem in 10. August. de Civ. Dei cap. 16.

Hunc itaq; affectum, quo sumunt mortua vitam; (sunt,

Quo tenebræ fiunt lumen, quo immunda nite-

Quo stulti sapere incipiunt, agriq; valescunt,

Nemo alii dat, nemo sibi; non Litera Legis,

Non naturalis Sapiëntia, qua semel acta

In præceptis labi novit, consurgere nescit.

ut canit S. Prosper de Ingratis.

2. Possis quoque ad suffragia applicare, & ad æra illa in cista indulgentiarum tinnientia, quibus animas in purgatorii umbrâ laborantes, credunt juvari, qui aniles avias sequuntur.

XLIX.

Luna Multimammia.

Ubera consolationis! Esai. 66. 11. Vulgatum est, Lunam sub nomine Dianæ Ephesi cultam, eamq; πολύμασον, id est, Minutio Felice interprete, *mammis multis & uberibus extructam*. in Octavio; quod *omnium viventium nutrix* putaretur, explicante Hieronymo in Præf. Epist. ad Ephes. essetq; Domina omnis humoris, omnium siderum influxum recipiens, omnibusque Mundi elementis dividens. Extant ejus *Multimammia* icones passim, etiam in numis. Meminit ejus quoque Corn. à Lap. in c. 19. Actor. Apost. v. 24. ubi inquit: *Vera & verax Christianorum Diana, est Beata virgo Maria. Eadem est multimammia, quia nova Eva mater viventium, lac sua gratia & consolationis omnibus se invocantibus impertit.* Quod pluribus exsequitur. Id argumentum cum ex nostris occupasset Dn. Berneggerus in Idolo Lauretano, ansam dedit Roëltio in Apologia pro æde Lauret. cap. 10. paratragediandi, novemq; dissimilitudines excogitandi Dianam inter & Deiparam. Sed relinquamus utrisq; & Ephesiis suam & Romanis, sive Dianam sive Deiparam. Nos Christiani habemus *Deum multimammium*, cujus nomen proprium *EL Schaddai*, à *Schad*, mamilla, ut non obscura Paronomasia indicatur, Gen. 49. 25. sed & Matrem habemus, cujus ubera vino sunt suaviora, Cant. 1. 13. confer Vossium l. 2. Idol. cap. 25.

L.

Diversa Solis & Luna alimonia.

Potestis calicem bibere, quem ego bibiturus sum? Matth. 20. 22. Calicem vocat Dominus Mortem amarissimam, ut ostenderet, *oportere nos Mortem & martyrium tam facile aggredi, quàm si bibendum esset poculum*, explicante Theophylacto ibid. Tradebant Stoæ sectatores, Solem pasci magno Mari, quod sit fax quædam intellectu prædita; Lunam autem dulcibus aquis quod sit aëri permixta & terræ vicinior, apud Laërtium: Sic enim credebant sidera *terra, Maris, aquarum vaporibus ali*, Cicero de Nat. Deor. l. 2. Aristot. 2. Meteorolog. c. 2. &c. Sic cibus fuit Soli nostro amarum passionis mare, Joh. 4. v. 34. Virtus amaris alitur, stultitia dulcibus. *Virtus duritia exstruitur, mollitia destruitur*. Tertull. ad Martyr. *Virtus durioribus negotiis entesceit, & adspernatur declivem facilitatem maximoq; sudore arduum laudis annititur*. Symmach. 9. Epist. 81. Sol maculas nullas habet, & mari pascitur: Luna veras habet & dulci humore vescitur. Sic qui amaris pascuntur, defæcati sunt, qui dulcibus, pardo maculosiores sunt, nam

Maxima felicitatis ardua est concoctio.

L I.

Luna Sacrificandi mos.

Mulier ne gerat arma virilia, nec vir induatur

duatur vestimento muliebri, Deut. 22. v. 5
 Mos iste fuit apud Idololatrias, nam ut R. Mose
 Maimon. in More Nebuchim author est. Viri in
 muliebri veste Veneri, at mulieres in lorica Mart
 sacrificare solebant. Eodem ritu sacra olim facta
 esse Lunæ, quod eadem & Mas existimaretur &
 fœmina, prodidit Philochorus in Artide, & Ma
 crob. ex illo, l. 3. c. 8. Hodie omnes Lunæ sacri
 ficare videntur, adeo nulli meminere quid facta
 sint. Mitto nunc vos, Viri, tantum cum Poëta in
 susurro: --- *animum geritis muliebre!*

Quid mulieres? audite querimoniam olim ab
 Hieronymo deploratam: *Matrona & mulieres
 sunt Senatus noster; quæ dominantur in Ecclesiis,
 & de sacerdotali gradu favor judicant scœpina-
 rum,* in cap. 3. Esa. Nunquid rem acu? at quid
 stultius, turpius? *Cur enim vir mentiris fœmi-
 nam? at tu fœmina virum? Suis unumquemq; se-
 xum natura induit indumentis!* ait Ambros. l. 4.
 Epist. 15. & discrevit officiis. Sed hæc est mundi
 inversa ratio.

*Mulierem multis commixtam Viris
 Gens quadam veneratur, atq; odit pudicas;
 Alii cum pepererint eorum conjuges,
 Facient decubentes, ac si ipsi peperissent;
 Illa verò ancillantur, ministrantes vano morbo,
 Odit quod album est, ut nosti, Æthiops,
 Nigrum autem melius mille albis ducit.
 Jam commiscetur plus pedibus ab Ægyptiis.
 Manibus verò cœnum in massulas redigitur:
 Athenis δικάστροι Judices erant,
 Ex indoctis, sapientes verò ἰσχυροί,*

id est, sedebant taciti ! Ita hodiè fit vulgò, ut questus olim est Tzezes de Liberor. Educat.

LII.

Somnium Josephi.

Vidit per quietem Solem, Lunam, & Stellas XI. se adorare, Genes. 37. 9. In quo somnio Sol significabat Patrem, Luna matrem, scilicet Balam, quæ ancilla Rachelis, ea jam mortuo Josepho fuit instar matris, inquit Lyranus & Abulensis, undecim stellæ significabant undecim fratres, Josephum in Ægypto adoraturos. Imago pulcherrimæ Oeconomix, in qua Paterfamilias Solem repræsentat, Mater Lunam, familia stellas, sed hoc quidem loco uberius non illustranda: vife, si vis, D. Back. in Evang. Dom. XXI. Trinit. pag. 237. Appositè Artemidorus l. 2. de Somn. Interpr. cap. 38. *Cælum, inquit, simile est domui somniantis, stella verò possessionibus, opibus, ac hominibus in domo.* Tradiderat idem cap. 37. Lunam significare uxorem somniantis & matrem, nutricem enim, mundi scilicet inferioris, putari: Quâ de re supra num. 49. At de Sole quod dixit, *Liberos masculos soles à Parentibus vocari blandientibus*, cap. 36. confirmatur fastu Cleopatrx, quæ filium Solis, filiam Lunæ vocabulis appellari voluit, quos Augustus deinde cum matris cadaverè Romam in triumpho duxit. Tzezes Chiliad. 9. v. 80. Quo in exemplo inordinatæ & inauspicatæ Oeconomix imago exhibetur. Et sunt ferè parentes sic animati, ut præpostero amore

ex liberis suis non Dominos modò, sed & Deos sibi faciant. Similes simiis, quas ajunt, postquam partum suum musteum enixæ sunt, ὡς περ ἀγάμα-
σιν ἰσχυρίζεν, ac pulchritudinem satis demirari non posse, at simiolæ illæ quid rectè intuentibus nisi πηθίκων παύδια; ut eleganter loquitur Syne-
sius Epist. 1. hæc nonnihil illustrando somnio isti adferre visum, de quo etiam suprâ in Scraphi. Facit ad rem anulus Regis Navarræi sponsali-
tius, in quo adamas inter Solem & Lunam, cum Epigraphâ: *Simul & semper*: æterni amoris & invictæ fidei pignus; quomodo æternitatem in-
nuentes Ægyptii Solem & Lunam pingebant, διὰ τὸ αἰώνια εἶναι σοιχέαι, Horo teste cap. 1. Hie-
rogl. l. 1. Quod cum Sacris venustè congruit, Pl. 72. 17. & v. 75.

LIII.

Signum Virginis.

Astræam vocant, pingunt alatam, capite in-
ter astra condito, pedibus in nullo solo fixis: Icon
Fortunæ, quæ

--- *pernicibus alis*

*Nec sat certa gradum, viduatq; vertice summo,
Fluxa Polo vertit vestigia; lubrica ut ævum
Sors agat, & subitis obrepat mobile fatum
Temporibus.* Avienus in Phœnomen.

Latet in cœlis caput Fortunæ, Providentiæ divi-
næ, viæ & consilia in alto sunt abscondita. Quis
enim cognovit sensum Domini? Rom. II. 34.
Itaq; non multum oportet consilio credere, quia
suam

suam habet fortuna rationem, ait Petronius in Satyr. Apelles sedentem pinxit, quod stare nesciat. *Nostri*, ait Scythia ad Alexandrum, *sine pedibus dicunt esse fortunam, quam manus & pinnas tantum habet: cum manus porrigit, pinnas quoque comprehendere non sinit.* Curt. l. 7. Boëthius l. 2. Prof. 1. videtur innuere, *biformem* pingi solitam, duplici vultu, altero albo, altero nigro, ut visum ejus interpreti Thomæ Aquinati l. 1. Consolat. Phil. metro 1. vulgatam imaginem Pacuvius explanat, versibus hic quoque legi dignis, ex Cornifici l. 2. ad Herenn.

Fortunam insanam esse & brutam, & cæcam perhibent Philosophi;

*Saxoq; instare globosè prædicant volubili,
Ideò, quò saxum impulerit, decedere fortunâ autumant.*

*Cæcam ob eam remitterant, quia nihil cernas,
quo se applicet:*

Insanam autem ajunt, quia atrox, incerta, instabilisq; sit:

*Brutam, quia dignum atq; indignum; nequeat
internoscere!*

LIV.

Sirius & Oenanthæ.

Avis hæc est, quam Gaza ex Græco vocavit *Vitifloram*, quæ, quâ die Sirius oritur, latebras petit, & quâ iterum occidit, prodit. Aristot. l. 9. Hist. Anim. c. 49. Plinius l. 10. c. 29.

--- *Bene qui latuit, bene vixit!* ---

Sed non est id bene latere, inutili inertia torpe-

scere, & ex virorum numero exire, antequam moriaris, deniq; sic in hac vitâ esse, quasi in conditorio. Latet aliquando & Sapiens, cùm rectè factis consultisq; calumpniam atq; invidiam paratam, nec malorum impotentiam refrenari, sed efferiari videt: sed ita latet, ut ubicunq; otium suum absconderit, prodesse velit, & singulis & universis, ingenio, voce, consilio: vide Senecam c. 3. de Tranq. sic Socrates sub. XXX. Tyrannis Athenis; Sic Romæ sub Cinnano tumultu Pompeius Atticus, *ut semper tamen optimarum partium esse, ac divina quadam prudentia salvus tot scopulos evaderet*; Corn. Nepos in ejus vita; Sic David sub Saule, 1. Sam. 27. 6. 8. & cap. 30. 1. Sic Athanasius, cùm Arii furor grassaretur, latuere.

2. Sic Deus suos ex æstuariis publicarum calamitatum subducit. Late, inquit, ad momentum donec prætereat æstus! Esa. 27. vers. 1. huc illa prudentia referenda, de qua Jerem. 8. v. 6. Aves cœli noverunt tempus suum! Felix ter & amplius, qui se in vulnera Salvatoris illat: brat, cùm æstum sentit iræ divinæ, ut cœnanthe, oriente Sirio

--- *truncam quarit arboris cava
aut putre lignum, corticemq; flammeo
Præducit astro noxiq; lumini.*

Winshemius in Sirio suo:

*Vel qualis gelidis plumâ labente pruinis
Arboris immoritur trunco brumalis hirundo.*

Claudian, in Eutrop. l. 1.

LV.

Sirius ab Oryge adoratus.

Nolumus hunc regnare super nos! Luc. 19. 14. Oryx animal unicornes, inter munda relatum, Deut. 14. 5. pilos contra omnium naturam habet ad caput versos, utque distortam indolem agnoscas, Sirium orientem sternutando adorare & salutare creditur, cum Lunam exorientem cum clamore aversetur, pedibusque terram effodiens oculos diro obtutu in eâ defigat, & adversus Solem etiam alvum dejiciat, cum supra horizontem se attollit. Horus 1. Hierogl. 49. ubi vide Hœschelium & quos citavit, ut & Caussin. p. 121. Convenientissima imago Judæorum perversitati. Sed & vulgo aptissima, de quo vulgatum id:

Ungentem pungit, pungentem Ruslicus ungit.

Mitium Dominorum apud servos ipsâ consuetudine metus exolefcit. Plin. 1. Epist. 4. Ranzæ trabem Regem averlatæ, serpentis vel invitæ dominatum sustinent.

LVI.

Mirus Solis cultus.

Ecce applicant ramum, ad nares suas! Ezech. 8. 17. Locus valde obscurus, quod quo ritu ramos Soli offerri solitum fuerit, plerisque minus cognitum sit. Itaque aliis alia placuere. Elegantius docti ad ritum illum respexerunt, quo in pompis Deorum *thallos, verbenas & corollas gaudio delibuti populares terre consueverant*, ut docet

docet Apulejus ult. Milefior. unde Hieronymus per ramos palmarum τὰ βάρια intelligit, quæ ab Hebræis *Osannoth* dicuntur, à priscis Græcis vocæ Syriaca *אֲסַנְתִּי*, frondes palmarum, quas in manibus gestantes psallebant Diis suis, ut est apud Hesychium. D. Luther. vertit: Sie halten die Weiden Râben an die Nasen. Fr. Junis: Ramos omni fructu τῆς ὁπωρεως onustos, quasi primitias, Soli & suis Idolis hoc loco offerunt. Mihi εἰσπορεύειν innui placet. Fuit ea oleæ ramus lemniscatus, lanâ coronatus, signum Supplicationis, qualem appensis omnis generis primitiis manibus ferebant accinentes:

Ficus & pingues panes ferat εἰσπορεύειν

Atq; in vasa favos, olei fundatq; liquorem,

In calicesq; merax, ut dormiat ebria Vinum!

Hæc ex Plutarchi Theleo Interp. Xylandro, quæ ad verum loci obscuri sensum faciem aliquam præferre videbantur. Hebræi duo notant, alterum, dictionem *Hazzmora* non significare ramum, sed fæctorem: alterum, esse in textu *Tikun Sophrim*, i. e. correctionem Scribarum, legendum enim esse: *Ecce applicant fæctorem ad nasum meum!* quasi mihi velint oppedere: Quod quia contra Dei reverentiam vergebat, à scribis mutatum sit. Calvinus hinc ait ex-ogitaram à quibusdam Interpp. *ineptiam fabulam, quod oppederetur in honorem Solis, quasi ventris crepitus esset gratum Idolo obsequium.* In comm. h. l. sed hujus ineptæ fabulæ possent aliqua adferri fundamenta. Crepitus ventris non modò Mercurio sacer & Bonæ Fortunæ nuncius, ut est apud Homerum in hymn.

Mercuri,

Mercurii, sed & inter Ægyptiorum Numina fuit, teste Clemente Romano in Recognit. Qui Serapidem non magis, quàm strepitus per pudenda corporis expressos extremilcebant, ut docet Minutius Felix in Octavio. Notus est ex Aristoph. τῆ ἀνταποστροφῇ πρὸς τὰς βροτῆας, ritus oppedendi contra tonitrua. Baal Peorem ab aperiendo & distendendo dictum ferunt Hebræi, quod cultores in ejus venerationem podicem distenderent, & in conspectum ejus cacarent, ut prodidit Fagius in Paraphr. Chald. Num. 25. 3. Quâ de re tamen alibi. Deniq; mysteria nemo ignorat, quo obsceniora fuerint, eò impurissimo illi Spiritui, qui se sic coli volebat, gratiora fuisse: De quibus in primis Clem. Alexandr. in Protrept. Hæc ex occasione: Cæterum quid faciunt aliud, qui fidem pietatemque Christianam defensuri

Non doctis dictis inter se, sed maledictis decertant, ὡς ἀρτοπώλιδες; Ecquid hoc est aliud, quàm oppedere in honorem Solis?

LVII.

*Stella VENERIS, Stella
Magorum.*

Ecce Stella, quam viderant in Oriente, antecedeat eos! Matth. 2. v. 9. *Ex eo, quò Trojâ profectus est Æneas, Veneri per diem Stellam semper vidit, donec in Laurentium agrum venit, ubi non amplius est visa, quare cognovit, terras esse fatales.* Varro l. 2. Rer. Divin. *Sic itaq; ad Palæstinam*

nam venientibus Magus, quasi Dux itineris semper apparuit Stella: cum eos oportebat pergere, pergebat & ipsa, cum versandum erat, stabat, sicut illa in cremo columna nubis, hæc Chrysost. Homil. 6. in Matth. In omni bono opere necesse est, ut nos gratia Dei semper præcedat & subsequatur. *Prævenit impium, ut fiat justus: subsequitur justum, ne fiat impius. Prævenit cæcum ut lumen, quod non invenit, donet: Subsequitur videntem, ut lumen, quod contulit, servet.* Fulgentius l. II ad Monim. p. 260. Hæc est illa, ut Magorum stellam vocavit Augustinus, *Lingua Cælorum*, quæ arcana nobis enuntiavit! Serm. 2. & 3. de Epiph. hic est ille, ut de eadem dixit Maximus in Epiph. *caligantis mundi oculus*, qui nobis oculos animi aperuit & illuminavit! Confidenter sequuti sunt. Stellam Magi vis non errare, Deum sequere!

Nisi dubites auctore bono! mortalia querunt

Consilium, certus jussa capeſſe Dei.

Auson. ad Imp. Theodos. Magos Stella ad Sacerdotes deduxit, à quibus de ortu & patria Messie plenius erudirentur, nec spreverunt illi humanæ demonstrationis officium, non cogitarunt; *Quo illis Lucerna Templi, quibus cæli sidus mirabile prælucebat?* ex Chrysost. Serm. 156. Sic gratia Dei a ministerio verbi non abducit. 2. Petr. 1, 19. Esa. 28. 11. Et ut illam Magi eum summo moerore amiserunt, cum summo gaudio receperunt; sic lux gratiæ divinæ ubi post amissionem iterum dilucescit, ibi dulcescit. Nam, ut ait Haymo, *majus fit gaudium de re inventa, quæ fuit perditæ, quam de re possessa, quæ non erat amissa.*

LVIII.

Astrorum Servitus.

In ministerium gentium creata sunt.

Deut. 4. 19.

Servit & astrorum velox chorus, & vaga servit Luna, nec injussa toties redit orbital lucis.

tatius 3. Silvar. Sic Reges Principesq; quid aliud int, nisi servi publici? Populi mancipium est, quisvis Patriæ est utilis, ut habet Mimus.

2. Admonuit Stella Magorum conserva, sic icta à P. Chrysologo Serm. 56. nec injuriâ: *Amulante Mago, ambulat, inquit, Stella; sedente Mago, sedet Stella; dormiente Mago, excubat cella.* Imago fidelis Ecclesiæ ministri, qui Clero homini servit, & omnibus fit omnia. 1. Cor. 9. 22. *Nam quicumq; in Ecclesia pie vivit & caste, ut ea quæ sursum sunt, sapit, non ea, quæ super terram, cælestis quodammodo est instar luminis, & cum ipse sancta vita nitorem servat, multis viam ad Dominum quasi stella demonstrat.* Leo M. Serm. e Epiph. 3. *Lucete quasi Luminaria in mundo!* Philip. 2. 15. 1. Petr. 5. 3.

LIX.

Stella Veneris non facit Ecclipsin.

Avari Principes, vasa pessima! Des Geizis en Regieren ist eitel Schaden/D. Luth. Esa. 32. 7. *Observat. Scaliger Exerc. 72. Veneris interpositio ipsâ coitione Solem nunquam esse obscuratum:*

in historiis scriptum esse, interdum visam esse Mercurii stellam quasi maculam in Solis corpore. Et tamen circulus visualis Mercurii longè minor est, quàm Veneris, ut docent Connimbricenses. l. 2. de Cœlo cap. 7. q. 4. art. 2. Ita si Venerem cum Mercurio, libidinem cum avaritiâ quis conferre velit, nemini non illa fœdior apparebit. Nam hæc ἐκτὸς τοῦ σώματος ἔστιν, extra corpus admittitur, illa εἰς τὸ ἰδίον σῶμα, in proprium corpus, 1. Cor. 6. 18. Regi certè, qui quasi Sol est in orbe suo, nihil turpius quàm servum esse libidinum, quem decebat κρατεῖν τῶν ἐπιθυμιῶν μάλλον, ἢ τῶν πόλεων, magis imperare suis cupiditatibus, quàm subditis, ut ad Nicoclem scripsit Isocrates. Certum tamen & experienciâ comprobatum, Venerem non tam conspicuam inferre Regio splendori maculam, quàm Mercurium, adeo vel minima turpis lucris cupiditas Regium nomen infuscat. Quid enim indignius, quàm si præ eminentem virum thesauri possideant sui, & pecuniis serviat, qui præ liberis? illud magis decet, ut supra thesaurum sit animo, & infra amicum obsequio. Ambros. 2. Officior. c. 14.

LX.

Veneris Equi desultorii.

Quomodo cecidisti de cœlo Lucifer? Esai. 14. 12. Veneris Stella, cum Sole inferior est, circumcivit enim cum Mercurio hunc siderum Regem, manè oritur, & Lucifer est, Equoque albo vehi fingi.

ngitur : at cū supra Solem se attollit, vel perimergens fit.

Mutato Nocturnus equo ---

canit Statius 6. Thebaid. Sic Rex Babylonius
uamdiu se hominem meminens intra cuticulam
continuit, Lucifer fuit & manē oriebatur : Cū
erò diceret in corde suo : in cœlum conscen-
dam, ! &c. furvo equo vehi & adversa fortuna
ti cœpit, donec in profundum lacu concidit. Ne-
o regio splendori nimis fidat, perpetuis vicibus
olvitur, ut Lucifer semper equos mutat, unde
ἑλκάρης, Desultor dicitur; & eidem equi desulto-
i consecrati sunt. Cassiod. 3. Var. Epist. 51. Quis
nim nesciat Veneris stellam, ut ista Pilidæ usur-
em --- *Binorum opificem cursuum*

Lucis Prophetam, noctis esse nuntium?

*unquam, ait Seneca, in solido stetit superba felici-
s, & imperiorum magna fastigia, oblivione fragi-
tatis humana, collapsa sunt.* Luciferum Hebræi
ocant *Heilel*, à laudando, Aquila vertit : *ululan-*
em Aurora filium? Hieron. in c. 14. Esai. Re-
um fortuna cū splendidissima est, lugenda p-
us quàm laudanda videtur.

LXI.

Helena & Castores.

Melius est duos esse simul quàm unum,
ccl. 4. 9. In tempestatibus apparent aliquando
uasi stellæ, antennis navigantium, aliisque na-
ium partibus insistent, ceu vocali quodam so-
o, & ut volucres sedem ex sede mutant : gra-
Z ves

ves cum solitaria venere mei gentesq; navigia,
 si in carinae ima deciderint exurentes : Gemin
 autem salutare & prosperi cursus prænuntia, ju
 varique se tunc periclitantes existimant Polluc
 & Castoris numine, quorum

simul alba nautis

Stella refulsit

Concidunt venti, fugiuntq; nubes, &c.

Seneca l. 1. qq. Nat. c. 1. Plin. 2. c. 37. Horat. l.
 Od. 12. Certissimi exitii nuntius est, qui solus in
 tempestate se effert. *Bini* itaque à Domino vo
 cantur, *bini mittuntur*, quia *Charitas non confi*
scit in uno; unde dicitur: Va soli! Duo educunt He
braeos ex Aegypto, duo deportant botrum de terr
sanctâ &c. Beda in Marc. c. 11. Hinc Castorum
 effigies insigne & tutela navis, in quâ veheba
 tur S. Paulus, Act. 28. 11. *Tutela* enim dice
 batur τὸ ὁράσημα τῶ πλοίου, quod erat effigies ali
 cujus Deorum, cujus fidei navis commendaba
 tur, qui & velut præsens cum gubernatore navi
 garet, colebatur, expiabatur, *habebat enim navis*
piculos, in puppe ferè, *Præsules*, quorum & nomi
 nibus nuncupabatur. Sic Lucretius in Statii The
 baid. l. 8. Glossarium vetus. Petronius in Satyr
Aggrediuntur nos furentes nauta cum funibus
tentantq; vilissimo sanguine Tutelam placare. Ali
 quando & in prorâ erant ista παράσημα. τὰς γὰρ
 πρώτας αἰεὶ Θεῶν εἰκότας ἐνέχεον, ὡς καὶ νῦν ἀγίων
 μαρτύρων, ait Procopius in cap. 12. Esaiæ, ubi κα
 κοζηλίαν, vides Christianorum, qui pro Idolis Gen
 tibus Sanctos Martyres substituere. Sic Cornel
 à Lap

Lap. in acta l. cit. fatetur pro Castore & Polluce à navigantibus nunc invocari B. Virginem, S. Paulum, S. Nicolaum, Xaverium, Telmum qui & Petrus Confalvus Dominicanus: invocari autem non ut Deos, more Gentilium, sed ut Patro-
nos; quasi non & Gentiles statuerint, *unum esse Deum Patrem & Regem omnium, reliqui autem Dii habiti sunt* Θεὸν πᾶντες, συνάρχοντες Θεῷ, *Dei lli, cum Deo regnantes.* Maximus Tyrius Dissert. 1. De tutelis navium, & quod hæ illarum nomine vocatæ fuerint, vide Lactant. l. 1. cap. 11. Iadr. Junium l. 1. animadv. cap. 12. &c.

LXII.

Fulmine feriendi.

Incrassum cor populi hujus, Esa. 60. 10. Ullimum suppliciorum indurationem Theologi vocant, extremi ferè excidii aut comitem, aut prodromum. *In Tagetis Hetrusci libris legitur, Veneris fulmine tangendos, adeò hebetari, ut nec tonitrua, nec majores audire possint fragores.* Arnian. Marcell. l. 17. *Sic solent marum injectantibus fa-*
les hebetari sensus hominum & obtundi, Idem l. 14. *Deus, quibus fortunam mutaturus est, consilia cor-*
umpit, ait Vellejus Paterculus. Noti sunt versus:

*Iratu ad pœnam Deus si quos trahit,
Auferre mentem talibus primum solet,
Caliginemq; offundit, ut ruant suas
Furenter in clades, sibi quas noxiis
Accersierunt ultro consiliis malis.*

LXIII.

*Ignis aquas succendens, & ex
aquis succensus.*

Carbones ignitos coacervat in caput inimi-
ci, qui beneficiis demereri studet, Roman. 12. 20.
Quonam pacto? *Quia si inimici in inimicitiiis per-
duraverint, impietate suæ mentis, nostra obsequia
proficient illis in pœnam: aut certè obsequiorum no-
strorum sedulitate compuncti, velut carbones mor-
tui reviviscunt,* Ambros. in eum loc. Nec mirum,
si tandem benigno calore ignescant etiam frigi-
diores rigente bruma, victi assiduitate bene me-
rentium. Nam & aquas igni inflammatas, & flu-
ctus arsisse legimus: *Videre erat spectaculum no-
vum, fluctus ipsos perinde atq; regiones quasdam
marinas, igni ardere,* Nicephor. l. 13. c. 36. vide
Amos. 7. 3. Augustin. l. 13. de C. D. c. 31. & Stra-
bon. l. 1. Confer Esa. 64. 2. ex vers. vulgat. Afful-
geat modò Deus. *facile ex inimico feceris amicum,*
teste Regum Sapientissimo, Prov. 16. v. 7. Sic or-
bem vitreum plenum aquæ si tenueris in Sole, de
lumine, quod ab aquâ refulget, ignis accenditur,
etiam in durissimo frigore. Lactantius de Irâ Dei
cap. 11. p. 458.

--- *Non extorquebis amari*

Hoc alterna fides, hoc simplex gratia donat.

Claudian. ut Micipsa apud Sallustium: *Non exer-
citus, non thesauri præsidia regni sunt; verum ami-
ci, quos neq; armis cogere, neq; auro parare queas,
officio & fide parantur.*

2. Sed

2. Sed quod de orbe vitreo adfert lacteum os illud, ad efficaciam ministerii declarandam quoq; facit, quæ à ministrorum dispositione non dependet, & illustrat illud Apostoli: Habemus thesaurum hunc, Lucem dixit prius v. 6. in testaceis vasculis, ut virtutis eminentia sit Dei & non ex nobis, 2. Cor. 4. 7. Mali sacerdotes quodammodo lapidei sunt canales: *In lapideis autem canalibus aqua nil germinat, donec per eos decurrens in fecundas se areolas fundat.* Petr. Damian. de Instit. Eccl. cap. 11.

LXIV.

Fornax Babylonia.

1. Ut Ligna ignem, sic iracundus rixas, Prov. 26. 21. Ut Babylonii calefactores in igne pereunt, quem succenderant; Sic rixosi sæpè suis intereunt incendiis, quibus alimenta ministrarunt. Dan. 3. 22. Diogenianus refert Carbonarium, cum præter modum fornacem congestis lignis incendisset, suo ipsummet conflagrasse igni, vociferantem: *μὴ πῦρ ὅτι πῦρ! Ne ignem super ignem!* quod in Proverbium abiit. Nam ut aliud est adagium: *πυρὶ ὃ σβέννυται πῦρ, Ignis igni non extinguitur.* Si in ignem inflas, excidas incendium; Si inspuis, extinguis; & est utrumque tibi in manu: Sic si vecordes & inflatos sermones iracundo ingeras, ignem excitabis; sin mites & moderatos adhibeas, priusquam excandescat, iram citò extinxeris. Chrysost. Hom. 3. de non adeund.

Speët. In bello in sæpissimè usu venit: *Si quis, ait Polybius, silvam semel succenderit, non amplius ad ejus arbitrium fertur incendium, sed depascitur quicquid apprehenderit, ventisq; regitur ac subiecta silva consumptione, quin & sepenumero ipsum incensorem cum primis præter expectationem corripit: Itabellum si semel à quibusdam excitatum exarserit, tùm quidem illos primum perdit, postea verò fertur injustè singula qua incidunt perdens, agitatam temeritate, & ab ignorantia accedentium, velut à ventis inflatum.* Hæc ille l. i. pag. m. 625.

2. Est alioqui Fornax illa famosa, Typus Clibanis carnis nostra, quem Rex Babylonius incentivis suggestionum carnalium succendere non desistit, idcirco propensius nobis non solum continentia corporis, verùm etiam contritio cordis assiduis orationum gemitibus adhibenda, ut descendente in corda nostra rore Sancti Spiritus extinguatur. Cassianus l. 6. de Sp. Forn. c. 17.

3. Sed & figura est tribulationum, in quibus pii effulgent, impii & earum in primis authores consumuntur. *Sicut sub uno igne aurum rutilat, palea fumat; & sub eadem tribula stipula comminuntur, frumenta purgantur,* Augustin. 1. de C. D. c. 8. Ex quo loco & illud obiter observa, *tribulam* aut *tribulum* veterum, cæsuris fuisse plenum instar limæ, ut simul frumenta excuteret, & stipulas in pabulum comminueret, de quo dixi cap. 3. Joël. p. 144. Geminum exemplum trium in igne servatorum, combusto incendii authore nobili Zelotypo, refert Sigebertus, & ex illo Centur.

tur. Magdeb. ut & Brunnus in Triad. Elect. sive
de miraculis ad ann. 1154.

LXV.

Ignis Augustale insigne.

Ante faciem ejus ignis exurens ; & post
eum flamma vorans, Joël. 2. 3. De Chaldæo-
rum Rege & exercitu loquitur, & videtur omni-
nò alludere ad sacrum Ignem, qui Boni omnis gra-
tia Regibus & Ducibus præferri solebat in argen-
teis altaribus, quod in Commentario olim pluri-
bus docui, quem à Chaldæis Persæ, ab his Romani
acceperunt & inter Imperii pignora habuerunt.
Ammian. Marcell. *Ferunt Magi si justum est cre-
di, ignem cælitus lapsum apud se sempiternis foculis
custodiri ; cujus portionem exiguam, ut faustam,
præisse quondam Asiaticis Regibus dicunt*, L. 23.
Summa Mundi potestas, ut Deo proxima, qui
Ignis comburens est, sic Igni simillima, sive cle-
menti sublimitatem spectes, sive necessitatem,
sive parem nocendi ac benefaciendi facultatem,
&c. *Ut ignis est urere & lucem præbere ; Ita Re-
gis, benefacere & punire* : Procopius in c. 2. Gen.
Fallor? an eodem respiciunt Reges Benomotapæ?
qui quotannis ad subiectos Regulos Legatum
mittunt, cujus adventu omnes, quicunq; ubique
sunt, quaque ejus imperium patet, ignes extin-
guuntur, & si quis non illicò extinguat, pro re-
belli habetur, punitur ; postea in foro alius ignis
accenditur, ad quem incolæ veniunt, suis ulibus
petitum. Orosius de Reb. Emanuel. Portug. Reg.

l. 4. Sed ignis tamen iste cœlesti multò inferior est. *Ita, ut ait Cassiodorus in variis, quamvis ignis in nocte reluceat, Soli tamen præsentatus, obscurus est.*

*Regum timendorum in proprios greges,
Reges in ipsos imperium est Jovis.*

Deniq; quod ad modestiam facit, in cinerem definit hic ignis; quod recogitantes Æthiopum Christianorum Reges, pro igne sacro, sibi cinerem in aureo vase præferri jubent. Vidit S. Augustinus Cæsaris in sepulchro cadaver, cum Romæ cum Marte Monica ad spectanda opera paganorum circumduceretur; nec temperare potuit, quin exclamaret: *Ubinam* est Cæsaris Corpus, præclarum? *ubi* magnitudo divitiarum? *ubi* apparatus deliciarum? *ubi* multitudo dominiorum? *ubi* caterva Baronum? *acies* militum? *ubi* canes venatici? *ubi* equi veloces? *ubi* aves cantantes? *ubi* thalamus pictus? *ubi* lectus eburneus? *ubi* thorus regalis? *ubi* thronus imperialis? *ubi* mutatoria vestimentorum? *ubi* capilli solares? *ubi* facies decora? *ubnam* quæso sunt hæc omnia? meminit ipse in Sermon.

LXVI.

In igne Animalia.

Ignis eorum non exstinguetur, Esa. 66. 24. Gignit animalia & contrarium naturæ elementum, ait Plin. l. 11. c. 36. nec gignit modò, sed & educat, conservat. In fornacibus Cyprii mulcas nasci, paulò nostris majores, quibus extra ignem degere natura sit negatum, gravissimi authores testan-

testantur, Aristoteles. Cicero, Plinius, alii. Augustinus confirmat l. 21. de C. D. cap. 2. & 9. & Cyprianus cum Platonis ait: Deum suis incolis singula elementa adornasse, de quo & Apulejus de Deo Socrat. vide Cyprian. de Resurr. Christi. vide de hac re Torniell. in Annal. Die M. 6. p. 28. hinc argumentum, posse damnatos æternis ignibus uri, & tamen non comburi.

Vita erit his sine fine mori; mors, vivere Pæna:
ut canit S. Paulinus. Nam *montes quoque nonnulli*
quàm nimio torrentur incendio. & tamen inter
flamas suas stabiles perseverant. Salamandra
incendio reficitur, & ignis calore reparatur. Ver-
miculi quidam aquis æstuantibus nutriuntur. Cal-
siodorus de Anima cap. 19. De Salamandra &
similibus plura suo loco.

LXVII.

Ignis in rubo, Promethei.

1. Ignem veni mittere in terram, ait Do-
minus Luc. 12. 49. De igne tribulationis aliqui
sequutum sentiunt, de quo supra; alii de Igne Fi-
dei, Gratia & Spiritus divini, quo *anima, quæ quasi*
terra spinosa & sterilis est, succensa divinorum se-
minum capax & spiritualium frugum ferax sit.
Theophylact. ibid. Sic Augustin. Serm. 100. de
Temp. Hieron. l. 2. contra Ruffin. Greg. M. su-
per Ezech. Homil. 2. De hoc igne Spiritus ele-
ganter & novè Alcimus Avitus:

Jam sacer innocuas dederat de fomite flamas
Et rubus in rubeo viridis permanserat astu;

*Quo signo spinas nostra fervescere mentis,
Et lucere bonis, qui non consumeret, ignem
Sed tenebras mundi auferret, pia pectora nos-
sent.*

Lib. 5. de Transitu Maris Rubri v. 23. Exod. 3. 3.

2. Sic Promethei ignis, quem ille Minervâ Duce, admotâ Solis currui ferulâ, Cœlo subdu-
ctum, mortalib⁹ divisisse proditur, Sapiencia fuit,
teste Platone in Protag. & Philebo. Hinc Cle-
mens Alex. dixit, in Philosophiâ Gentili, velut
Promethei furto subrepta aliquantum esse ignis,
atque aliquod veræ sapientiæ vestigium. Lib. 1.
Stromat. Ipse cœvus Mosis creditur, ferturq; de
luto formasse homines, quod optimus Sapientiæ
Doctor fuerit. Augustin. l. 18. de C. D. c. 8. Eu-
sebius in Chron. &c. Lubet argumentum hoc
paucis expolire. A Sole primus ignis devenit.
Ita à Dēo Sapiencia omnis:

*Quem quia perspicit omnia solus
Verum possis dicere Solem.*

Ex filice tamen aliqui primitus excussum perhi-
bent, authore Pyrode Cilicis filio, Plin. l. 7. c. 56.
Ita nos

*-- genus durum sumus, experiensq; laborum,
Et documenta domus, quâ simus origine creti,
nempe ex filicibus Deucalionæis.*

Ἐκ δὲ λίθων ἐγένοντα βροτοὶ, λαοὶ δὲ καλεῦνται.

Medium excussionis *Disputatio* est, qua razione
inter se collidimus, ut ex hujusmodi conflictatione
pulchra quadam veritatis scintilla dissiliat. Boë-
thius l. 3. Prof. 12. Quid si forte dixeris adversitas?

-- & duris urgens in rebus egestas?

πείρα

πενία σοφίαν ἔλαχεν, vetus verbum est. *Calamitas virtutis occasio*. Seneca de Provid. c. 4. Hoc Caroli Burgundi chalybes & silices denotabant, in signis militaribus picti; *Virtutem attritam igniri. Sic ignis flatu premitur, ut crescat*. Greg. M. 1. 6. Epist. 27. *Latet mens somno oppressa, tanquam ignis obdicto cinere sopitus, quem si paululum commoveris rursus ardescit & quasi evigilat*, Lactant. de Opif. Dei c. 18. Vitruvio de ortu ignis aliter visum: Quodam in loco ab tempestatibus & ventis densas crebritatibus arbores agitatae, & inter se terentes ramos ignem excitavisse, lib. 2. de Architect. cap. 1. Quod confirmat id, de quo modò diximus, calamitatem hominibus ad sapientiam esse incitamento; Sic enim lignorum quoque attritu ignes excitantur. Non tamen omnis haec materia praestat, sed idonea eliciendis ignibus, sicut laurus, hederæ, & alia nota in hunc usum Pastoribus, Seneca l. 2. qq. Nat. cap. 22. *Non ex omni ligno fit Mercurius. Nemo tamen reperitur, qui sic studio nihil consecutus*. Quintil. l. 1. c. 1. Xenophon. l. 4. Memor. Socr. ignem ait esse σύνεργον πρὸς πᾶσαν τέχνην, ut Plutarchus de cap. util. ex hoste, τέχνης ἀπάσης ὄργανον τοῖς ἡγεῖσιν μαθηταῖς, commune instrumentum artium omnium, si quis rectè sciat uti; nempe ex Æschylo, qui in Prometheus hoc elogio tractat ignem, quod sit

... διδάσκαλος τέχνης πάσης βροτοῖς καὶ μέγας πόρος.

Sic Sapientia verè, quod de Logica dixit Aristoteles, ὄργανον ὀργάνων: hanc qui habet, omnia sua secum

secum portat. Πᾶσιν ὁμοίως ἀνῆται τὸ ὠφέλιμον τῆς σοφίας, ait Basilus, si quis modò uti sciat, nam nescienti idem quod Gladius in manu furiosi. Utque igni carbones ignescunt, splendent : Sic anima humana, illa, ut canit Prudentius, *Lucis & aetheris indigena*, contagio corpusculi ita decoloratur, ut ex Chai tenebris nata videri possit, si adhibueris hunc ignem *Carbonem accensum* videbis, *Luminare mundi*, Isidorus Pelusiota Epist. 2. l. 1. Ignis lucidus innumerabiles accendere potest, extinctus neque sibi lucere potest, nec aliis flammam impertiri : Sic εἰν τὸ ἐν ἡμῖν φῶς λαμπρὸν ἢ μυείους καὶ μαθητὰς καὶ διδασκάλους ἐργασόμεθα, ὥσπερ ἀρχιτυπὸν περικείμενοι, si splendeat in nobis Lux Sapientiae, innumeros efficiemus & discipulos & Doctores, ceu quoddam exemplar propositi. Chrysostom. Homil. 5. in 2. ad Thessalon. Hinc ignis propter copiam omnis invidentiae expertem, cum ab uno lychno infinitas accendamus lampades, ipso nihil imminuto, quoddam Deitatis Symbolum est. Isidorus Pelus. Qui Sapientiam impertit,

Quasi lumen de lumine accendat, facit,

Ut nihilominus ipsi luceat, cum alii accenderit;
ex Ennio apud Cicer. 1. Offic. Ignis alta appetit, Caelum desiderat. Sapientia *remotarum ab oculis rerum investigationem sibi vendicat*, Apulejus de Dogm. Platon. Et ut iste non est sine lumine unquam, rarò sine fumo : Sic Sapientia humana, etiam quantilla sit, lumen est, sed non sine fumo ignorantiae. Scitè Sidonius Apollin. carm. 9.

Nulla scit, mihi crede, quanta nescit.

Sed

Sed & Sapientes non magis gloria sequitur, quàm invidia. *Fumus*, ajunt, *pulchriores persequitur*. Solet bonis livor obstrepere, Symmach. l. 9. Epist. 92. Aquâ extinguitur ignis. *Nihil est tam mortiferum ingenies quàm Luxuria*. Seneca Controv. 1. Præf. Ligna quoque si subtraxeris, interit ignis. *Pernicibus aliis negligentes fuit Scientia*. Ennod. Epist. 31. lib. 7. Sed quò me extra oleas? Prudenter tractanda est Sapientia & sobriè, ut ignis, qui nec propè accedendus nec procul, ne aut algeas, aut ardeas. Barbari illi Indi & infruniti fuère, quibus ante adventum Eudoxi adeò ignotus fuit ignis, adeoque vilis mirum in modum placuit, ut amplecti etiam flammæ & ardentia sinu abdere, donec noceret, libuerit. Pompon. Mela l. 3. cap. 4. Denique alius est *Sacer ignis* ex cœlo delapsus, quo sacrificia omnia absumi necesse erat in Populo Dei, qui in altari custoditus, quotidie à Sacerdote alendus fuit, Lev. 6. 12. Nempe *Verbum Dei*, Jer. 5. 14. cap. 23. 29. Zeph. 3. 5. Hebr. 13. 10. Quo qui non salientur, ut sint *θυσιά ἐνάτης & τῷ Θεῷ*, Rom. 12. 1. orci victimæ salienter igni illo *ἀσβέσῃ*, Marc. 9. 48. *Tollamus* ergò corpus nostrum & ædificemus altare, cui semper imponamus *πᾶσαν ἡμῶν τὴν ἐξουσίαν*, Dominum orantes, ut mittat cœlitus manum illum & invisibilem ignem; qui altare & omnia in eo comburat. Ac tùm sentiemus spirituales pluvias, velut hominis vestigium venientem in animam. Macarius Hom. 31. ex 1. Reg. 19. caveamus profanationem: Nam si apud Romanos *ignem è flaminia, nisi sacrum*, in ulum sacrum,

sacrum, *efferrī ius non erat.* Fabius Pictor l. 1. Quāto magis nefas erit verbum Dei in nugis leurriles detortum profanare? Ignem ē vicinia petere moris fuit apud Veteres, & denegare nefas habitum: *Datur ignis, tametsi ab inimicis petas.* Plautus in Trinum. Act. 3. Scen. 2. meminit Es. cap. 30. 14. ubi Proverb. *Ne testula quidem supererit ad ignem de foco!* Ast ab ara nec petere licuit, nec dare. Ita Deo consecrata profanis usibus impendere religio fuit: hodiē quāvis quisque domi habeat unde calefieri possit plus satis, tamen ab aris non ignem modò, sed & cibum rapere pessimis moribus receptum est: sed plerumque accidit, quod aquilæ in fabulis, quæ dū exta rapit, aliquid simul de favilla & carbonibus in nidum detulit, quo & illum & implumes pullos concremavit. Deniq; ut Phædrus docet Fab. 69.

--- *nec Lucernam de flamma Deūm,*

Nec de lucerna fas erat accendi sacrum.

Quod ex Populo Dei traductum, ubi nefas erat alio quā sacro & cœlesti igne sacrificare, de quo Cl. D. Franzius in Schol. Sacrif. Quod Ennothea Priapi Sacerdos *testo ignis pleno* sacrum ignem reficit, ex viciniā petito, apud Petron. in Satyr. non morem indicat, aut legitimum fuisse, sed factum contra legem fortè, nisi vis tale fuisse sacrum, qualis fuit Deus. Hodiē ut de sacro igne lucernam accendit, qui verbum Dei profanat; Ita de lucernâ sacrum ignem excitat, qui rationis suæ ductum in fidei mysteriis & cultu Dei sectatur. Hæretici idem faciunt, quod fur ille apud Phædrum fab. cit. de quo ait:

Lucer-

*Lucernam sur accendit ex arâ Jovis
Ipsumq; compilavit ad lumen suum.*

Sed nunc tandem desino.

LXVIII.

Tempestatis avertenda remedia.

Pœnitentiam agite & convertimini, ut deleantur peccata vestra, Actor. 3. 19. Contra tempestates, fulmina, grandines varia olim superstitio commenta fuit remedia, carmina, sacrificia, & alia, de quibus prolixè Durant. Casellius l. 2. Variar. cap. 10.

*Utq; Jovis Magni prohiberet fulmina Tarchon,
Sape suas sedes præcinxit Vitis albis.*

Columella de Curâ Hortor. *Illud mirabile Cleona fuisse præpositos χαλαζοφύλακας, speculatores futuræ grandinis; hi cum signum dedissent, adesse jam grandinem, quia expectas? ut homines ad penulas discurrerent, aut ad scortea? imò pro se quisq; aut agnum immolabat, aut pullum: si quis nec agnum nec pullum habebat, digitum suum bene acuto graphio pungebat & hoc sanguine litabat. Protinus autem illa nubes altò declinabant, cum aliquid gustassent sanguinis.* Refert Seneca l. 4. qq. Nat. cap. 6. & Clemens Alexandr. quoq; 5. Stromat. Grandinis speculator est S. Petrus, prænuntiat diem Populo Judaico terribilem ex cap. 2. Joëlis, vide Actor. 2. 20. diem turbinis & grandinis, Zephan. 1. 18. sed certiora longè & tutiora quoq; indicat remedia; Resipiscentiâ & conversione.

versionem. Hæc est vitis alba, venenorum expul-
trix, fulminum & grandinum averruncatrix.

--- *Si pœnitet, haud nocet error!*

Certè ut canit Gregor. Naz. carm. 1. de reb. suis,

--- *anima vitiorum sordibus atra*

Munere nulla Dei melior concessa medela est.

Sed ad impetrandam veniam agnino sanguine
opus est, illo quo empti sumus, *sine quo nulla sit re-
missio*, Hebræor. cap. 9. v. 21. Quod pagani à vete-
ribus cum acceperant, ejusmodi ceremoniis te-
stari voluerunt: dextra traditum, sinistra arre-
ptum, ut alia multa.

LXIX.

Parelii, plures Soles simul visi.

Ut vir uxoris; Sic Christus Ecclesiæ caput,
Ephes. 5. v. 23. Unius scilicet unicum. Fallitur,
qui aliud Corpori mystico apponit, qui Roma-
num Pontificem Caput, Sponsum, Maritum Ec-
clesiæ facit, uti

*Nemo duos Soles nisi sub glaucomate videt,
Aut si fusca Polum suffudit palla serenum,
Oppositus quoties radiorum spicula nimbus
Igne percussio mentitos spargit in orbes:*

Prudent. adv. Marcion. Plures quidem sæpè Soles
in Cælo visi, sed non sine discordiarum omine, &
infelici eventu, de quo Joh. Bapt. Nazarus apud
Wolff. Lection. Memor. centen. XVI. pag. 894.
& tamen omnes tandem in unum iterum coalue-
runt. Surius Hist. sui Temp. Anno 1514. Witem-
bergæ tres simul Soles conspectos ait, singulos
cruento

cruento gladio notatos. Sic sæpè in Ecclesia plures, q. Soles exorti, de primatu pugnârunt, non sine multo sanguine. Sed ubi omnes? evanuerunt! *Nec enim mundus duobus Solibus potest regi, nec duo summa regna (capita, inquam) salvo statu terrarum potest habere, ut Alexander Dario rescripsit apud Curtium l. 4. alludens ad vulgatam de Sole fabulam, quod aliquando à Matre contenderit, ut & sibi uxorem ducere, parvosque mundo Soles dare liceret &c.* ὡς, ἃ ἡ γῆθησι ἡλίοις & δύναται θάλλεσθαι, ἔτω μία ψυχὴ δυάδῃ πυρσῶν ἐρωτικῶν ἐκ ἀνέχεσθαι, Simocatta Epist. 39. *ut terra duos simul Soles; Sic anima una duos simul amores ferre nequit.*

Pentheus Bacchico furore percitus videre sibi videt δύο μὲν ἡλίας, διααῖς ᾧ θήβας, apud Eurip. in Bacch. geminos Soles, & Thebas duplices: Ita qui duos in Ecclesiâ Soles videre se putat, æstro percussus & ex aureo illo τῷ βδελυδμάτων poculo inebriatus est. Apoc. 17. v. 4.

LXX.

Circius ubi & cur cultus?

In omnibus gratias agite, 1. Thess. 5. 18. Etiam in adversis. Galliam Circiis ventus infestat, cui ædificia quassanti, tamen incolæ gratias agunt, tanquam salubritatem Cœli sui debeant ei. Divus certè Augustus templum illi, cum in Gallia moraretur, & vovit, & fecit. Seneca l. 5. qq. Nat. c. 17. Quantò magis par est Christianos etiam in sorte infelici Deo agere gratias, cum sciant se

Aa

adver-

Speſt. In bello in ſæpiſſimè uſu venit: *Siquis, ait Polybius, ſilvã ſemel ſuccenderit, non ampliùs ad ejus arbitrium fertur incendium, ſed depaſcitur quicquid apprehenderit, ventisq; regitur ac ſubjecta ſilva conſumptione, quin & ſepenumero ipſum incenſorem cum primis præter expectationem corripit: Ita bellum ſi ſemel à quibusdam excitatum exarſerit, tùm quidem illos præmiũ perdit, poſtea vero fertur injuſte ſingula qua incidunt perdens, agitatũ temeritate, & ab ignorantia accedentium, velut à ventis inflatum.* Hæc ille l. i. i. pag. m. 625.

2. Eſt alioqui Fornax illa famoſa, Typus Clibanĩ carnis noſtra, quem Rex Babylonius incentivis ſuggeſtionum carnalium ſuccendere non deſiſtit, idcirco propenſius nobis non ſolum continentia corporis, verũ etiam contritio cordis aſſiduĩ orationum gemitibus adhibenda, ut deſcendente in corda noſtra rore Sancti Spiritus extingatur. Caſſianus l. 6. de Sp. Forn. c. 17.

3. Sed & figura eſt tribulationum, in quibus pii effulgent, impii & earum in primis authores conſumuntur. *Sicut ſub uno igne aurum rutilat, palea ſumat; & ſub eãdem tribula ſtipula comminuntur, frumenta purgantur,* Auguſtin. i. de C. D. c. 8. Ex quo loco & illud obiter obſerva, *tribulam* aut *tribulum* veterum, cæſuris fuiſſe plenum inſtar limæ, ut ſimul frumenta excuteret, & ſtipulas in pabulum comminueret, de quo dixi cap. 3. Joël. p. 144. Geminum exemplum trium in igne ſervatorum, combuſto incendiĩ authore nobili Zelotypo, refert Sigebertus, & ex illo Centur.

tur. Magdeb. ut & Brunnus in Triad. Elect. sivè
de miraculis ad ann. 1154.

LXV.

Ignis Augustale insigne.

Ante faciem ejus ignis exurens; & post
eum flamma vorans, Joël. 2. 3. De Chaldæo-
rum Rege & exercitu loquitur, & videtur omni-
nò alludere ad sacrum Ignem, qui Boni omnis gra-
tia Regibus & Ducibus præferti solebat in argen-
teis altaribus, quod in Commentario olim pluri-
bus docui, quem à Chaldæis Persæ, ab his Romani
acceperunt & inter Imperii pignora habuerunt.
Ammian. Marcell. *Ferunt Magi si justum est cre-
di, ignem cælitus lapsum apud se sempiternis foculis
custodiri; cujus portionem exiguam, ut faustam,
præisse quondam Asiaticis Regibus dicunt*, L. 23.
Summa Mundi potestas, ut Deo proxima, qui
Ignis comburens est, sic Igni simillima, sivè cle-
menti sublimitatem spectes, sivè necessitatem,
sivè parem nocendi ac benefaciendi facultatem,
&c. *Ut ignis est urere & lucem præbere; Ita Re-
gis, benefacere & punire*: Procopius in c. 2. Gen.
Fallor? an eodem respiciunt Reges Benomotapæ?
qui quotannis ad subjectos Regulos Legatum
mittunt, cujus adventu omnes, quicunq; ubique
sunt, quaque ejus imperium patet, ignes extin-
guuntur, & si quis non illicò extinguat, pro re-
belli habetur, punitur; postea in foro alius ignis
accenditur, ad quem incolæ veniunt, suis usibus
petitum. Olorius de Reb. Emanuel. Portug. Reg.

l. 4. Sed ignis tamen iste cœlesti multò inferior est. *Ita, ut ait Cassiodorus in variis, quamvis ignis in nocte reluceat, Soli tamen præsens, obscurus est.*

*Regum timendorum in proprios greges
Reges in ipsos imperium est Fovis.*

Deniq; quod ad modestiam facit, in cinerem definit hic ignis; quod recogitantes Æthiopum Christianorum Reges, pro igne sacro, sibi cinerem in aureo vase præferri jubent. Vidit S. Augustinus Cæsaris in sepulchro cadaver, cum Romæ cum Marte Monica ad spectanda opera paganorum circumduceretur; nec temperare potuit, quin exclamaret: *Ubinam* est Cæsaris Corpus præclarum? ubi magnitudo divitiarum? ubi apparatus deliciarum? ubi multitudo dominiorum? ubi caterva Baronum? acies militum? ubi canes venatici? ubi equi veloces? ubi aves cantantes? ubi thalamus pictus? ubi lectus eburneus? ubi thorus regalis? ubi thronus imperialis? ubi mutatoria vestimentorum? ubi capilli solares? ubi facies decora? ubinam quæso sunt hæc omnia? meminit ipse in Sermon.

LXVI.

In igne Animalia.

Ignis eorum non exstinguetur, Esa. 66. 24. Gignit animalia & contrarium naturæ elementum, ait Plin. l. 11. c. 36. nec gignit modò, sed & educat, conservat. In fornacibus Cypriis muscas nasci, paulò nostris majores, quibus extra ignem degere natura sit negatum, gravissimi authores testan-

testantur, Aristoteles. Cicero, Plinius, alii. Augustinus confirmat l. 21. de C. D. cap. 2. & 9. & Cyprianus cum Platonice ait: Deum suis incolis singula elementa adornasse, de quo & Apulejus de Deo Socrat. vide Cyprian. de Resurr. Christi. vide de hac re Torniell. in Annal. Die M. 6. p. 28. hinc argumentum, posse damnatos æternis ignibus uri, & tamen non comburi.

Vita erit his sine fine mori; mors, vivere Pæna:
ut canit S. Paulinus. Nam *montes quoque nonnulli*
quàm nimio torrentur incendio; & tamen inter
flamas suas stabiles perseverant & Salamandra
incendio reficitur, & ignis calore reparatur. Ver-
miculi quidam aquis astuantibus nutriuntur. Cal-
siodorus de Anima cap. 19. De Salamandra &
similibus plura suo loco.

LXVII.

Ignis in rubo, Promethei.

1. Ignem veni mittere in terram, ait Do-
minus Luc. 12. 49. De igne tribulationis aliqui
sequutum sentiunt, de quo suprâ; alii de Igne Fi-
dei, Gratia & Spiritus divini, quo *anima, quæ quasi*
terra spinosa & sterilis est, succensa divinatorum se-
minum capax & spiritualium frugum ferax sit.
Theophylact. ibid. Sic Augustin. Serm. 100. de
Temp. Hieron. l. 2. contra Ruffin. Greg. M. su-
per Ezech. Homil. 2. De hoc igne Spiritus ele-
ganter & novè Alcimus Avitus:

Jam sacer innocuas dederat de fomite flamas
Et rubus in rubeo viridis permanserat astu;

Z 5

Quo

*Quo signo spinas nostra fervescere mentis,
Et lucere bonis, qui non consumeret, ignem
Sed tenebras mundi auferret, pia pectora nos-
sent.*

Lib. 5. de Transitu Maris Rubri v. 23. Exod. 3. 3.

2. Sic Promethei ignis, quem ille Minervâ Duce, admotâ Solis curru ferulâ, Cœlo subdu-ctum, mortalib⁹ divisisse proditur, Sapiencia fuit, teste Platone in Protag. & Philebo. Hinc Cle-mens Alex. dixit, in Philosophiâ Gentili, velut Promethei furto subrepta aliquantum esse ignis, atque aliquod veræ sapientiæ vestigium. Lib. 1. Stromat. Ipse cœvus Mosis creditur, ferturq; de luto formasse homines, quod optimus Sapienciæ Doctor fuerit. Augustin. l. 18. de C. D. c. 8. Eu-sebius in Chron. &c. Lubet argumentum hoc paucis expolire. A Sole primus ignis devenit. Ita à Dō Sapiencia omnis:

*Quem quia perspicit omnia solus
Verum possis dicere Solem.*

Ex filice tamen aliqui primitus excussum perhi-bent, authore Pyrode Cilicis filio, Plin. l. 7. c. 56. Ita nos

*... genus durum sumus, experiensq; laborum,
Et documenta domus, quâ simus origine creti,
nempe ex filicibus Deucalionæis.*

Ἐκ δὲ λίθων ἐγένοντα βροτοὶ, λαοὶ δὲ καλεῦνται.

Medium excussionis *Disputatio* est, qua ratione inter se collidimus, ut ex hujusmodi conflictatione pulchra quadam veritatis scintilla disiliat. Boë-thius l. 3. Prof. 12. Quid si fortè dixeris adversitas?

... & duris urgens in rebus egestas?

πικρία

πανία σοφίαν ἔλαχεν, vetus verbum est. *Calamitas virtutis occasio*. Seneca de Provid. c. 4. Hoc Caroli Burgundi chalybes & silices denotabant, in signis militaribus picti; *Virtutem attritam igniri. Sic ignis flatu premitur, ut crescat*. Greg. M. l. 6. Epist. 27. *Latet mens somno oppressa, tanquam ignis obdicto cinere sopitus, quem si paulum commoveris rursùm ardescit & quasi evigilat*, La-
 Etant. de Opif. Dei c. 18. Vitruvio de ortu ignis aliter visum: Quodam in loco ab tempestatibus & ventis densas crebritatibus arbores agitatae, & inter se terentes ramos ignem excitavisse, lib. 2. de Architect. cap. 1. Quod confirmat id, de quo modò diximus, calamitatem hominibus ad sapientiam esse incitamento; Sic enim lignorum quoque attritu ignes excitantur. Non tamen omnis hoc materia præstat, sed idonea eliciendis ignibus, sicut laurus, hederæ, & alia nota in hunc usum Pastoribus, Seneca l. 2. qq. Nat. cap. 22. *Non ex omni ligno fit Mercurius. Nemo tamen reperitur, qui sic studio nihil consecutus*. Quintil. l. 1. c. 1. Xenophon. l. 4. Memor. Socr. ignem ait esse σύν-
 εργον πρὸς πᾶσαν τέχνην, ut Plutarchus de cap. util. ex hoste, τέχνης ἀπάσης ὄργανον τοῖς χεῖρας μα-
 θῶσι, commune instrumentum artium omnium, si quis rectè sciat uti; nempe ex Æschylo, qui in Prometheo hoc elogio tractat ignem, quod sit

... διδάσκαλος τέχνης πάσης βροτοῖς καὶ μέγας πόρος.

Sic Sapientia verè, quod de Logica dixit Aristoteles, ὄργανον ὀργάνων: hanc qui habet, omnia sua secum

secum portat. Πᾶσιν ὁμοίως ἀνέιται τὸ ὠφέλιμον τῆς σοφίας, ait Basilus, si quis modò uti sciat, nam nescienti idem quod Gladius in manu furiosi. Utque igni carbones ignescunt, splendent : Sic anima humana, illa, ut canit Prudentius, *Lucis & aetheris indigena*, contagio corpusculi ita decoloratur, ut ex Chai tenebris nata videri possit, si adhibueris hunc ignem *Carbonem accensum* videbis, *Luminare mundi*, Isidorus Pelusiota Epist. 2. l. 1. Ignis lucidus innumerabiles accendere potest, extinctus neque sibi lucere potest, nec aliis flammam impertiri : Sic εἰάν τὸ ἐν ἡμῖν φῶς λαμπρὸν ἢ μυείους καὶ μαθητὰς καὶ διδασκάλους ἐργασόμεθα, ὥσπερ ἀρχέτυπον ποικιόμενοι, si splendeat in nobis *Lux Sapientiae*, innumeros efficiemus & discipulos & Doctores, ceu quoddam exemplar propositi. Chrysostom. Homil. 5. in 2. ad Thessalon. Hinc ignis propter copiam omnis invidentiae expertem, cum ab uno lychno infinitas accendamus lampades, ipso nihil imminuto, quoddam Deitatis Symbolum est. Isidorus Pelus. Qui Sapientiam impertit,

Quasi lumen de lumine accendat, facit,

Ut nihilominus ipsi luceat, cum alii accenderit;
ex Ennio apud Cicer. 1. Offic. Ignis alta appetit, Coelum deliderat. *Sapientia remotarum ab oculis rerum investigationem sibi vendicat*, Apulejus de Dogm. Platon. Et ut iste non est sine lumine unquam, rarò sine fumo : Sic Sapientia humana, etiam quantilla sit, lumen est, sed non sine fumo ignorantiae. Scitè Sidonius Apollin. carm. 9.

Nulla scit, mihi crede, quanta nescit.

Sed

Sed & Sapientes non magis gloria sequitur, quàm invidia. *Fumus*, ajunt, *pulchriores persequitur*. Solet bonis livor obstrepere, Symmach. l. 9. Epist. 92. Aquâ extinguitur ignis. *Nihil est tam mortiferum ingenies quàm Luxuria*. Seneca Controv. 1. Præf. Ligna quoque si subtraxeris, interit ignis, *Pernicibus alis negligentes fuit scientia*. Ennod. Epist. 31. lib. 7. Sed quò me extra oleas? Prudenter tractanda est Sapientia & sobriè, ut ignis, qui nec propè accedendus nec procul, ne aut algeas, aut ardeas. Barbari illi Indi & infruniti fuère, quibus ante adventum Eudoxi adeò ignotus fuit ignis, adeoque vilis mirum in modum placuit, ut amplecti etiam flammæ & ardentia sinu abdere, donec noceret, libuerit. Pompon. Mela l. 3. cap. 4. Denique alius est *Sacer ignis* ex cœlo delapsus, quo sacrificia omnia absumi necesse erat in Populo Dei, qui in altari custoditus, quotidie à Sacerdote alendus fuit, Lev. 6. 12. Nempe *Verbum Dei*, Jer. 5. 14. cap. 23. 29. Zeph. 3. 5. Hebr. 13. 10. Quo qui non salientur, ut sint *θυοία ἐνάψας τῷ θεῷ*, Rom. 12. 1. orci victimæ salienter igni illo *ἀσβέσω*, Marc. 9. 48. *Tollamus* ergò corpus nostrum & ædificemus altare, cui semper imponamus *πᾶσαν ἡμῶν τὴν ἐκθύμωσιν*, Dominum orantes, ut mittat cœlitus manum illum & invisibilem ignem; qui altare & omnia in eo comburat. Ac tùm sentiemus spirituales pluvias, velut hominis vestigium venientem in animam. Macarius Hom. 31. ex 1. Reg. 19. caveamus profanationem: Nam si apud Romanos *ignem è flaminia, nisi sacrum*, in usum sacrum,

sacrum, *efferrī jus non erat.* Fabius PiCTOR l. 1. Quantò magis nefas erit verbum Dei in nugas scurriles detortum profanare? Ignem è vicinia petere moris fuit apud Veteres, & denegare nefas habitum: *Datur ignis, tamesi ab inimicis petas.* Plautus in Trinum. Act. 3. Scen. 2. meminit El. cap. 30. 14. ubi Proverb. *Ne testula quidem supererit ad ignem de foco!* At ab ara nec petere licuit, nec dare. Ita Deo consecrata profanis usibus impendere religio fuit: hodiè quamvis quisque domi habeat unde calefieri possit plus satis, tamen ab aris non ignem modò, sed & cibum rapere pessimis moribus receptum est: sed plerumque accidit, quod aquilæ in fabulis, quæ dum exta rapit, aliquid simul de favilla & carbonibus in nidum detulit, quo & illum & inplumes pullos concremavit. Deniq; ut Phædrus docet Fab. 69:

--- *nec Lucernam deflamma Deum,*

Nec de lucerna fas erat accendi sacrum.

Quod ex Populo Dei traductum, ubi nefas erat alio quàm sacro & cœlesti igne sacrificare, de quo Cl.D. Franzius in Schol. Sacrif. Quod Ennothea Priapi Sacerdos *testo ignis pleno* sacrum ignem reficit, ex viciniâ petito, apud Petron. in Satyr. non morem indicat, aut legitimum fuisse, sed factum contra legem fortè, nisi vis tale fuisse sacrum, qualis fuit Deus. Hodiè ut de sacro igne lucernam accendit, qui verbum Dei profanat; Ita de lucernâ sacrum ignem excitat, qui rationis suæ ductum in fidei mysteriis & cultu Dei sectatur. Hæretici idem faciunt, quod fur ille apud Phædrum fab. cit. de quo ait:

Lucer-

*Lucernam fur accendit ex arâ Jovis
Ipsumq; compilavit ad lumen suum.*

Sed nunc tandem desino.

LXVIII.

Tempestatis avertenda remedia.

Pœnitentiam agite & convertimini, ut deleantur peccata vestra, Actor. 3. 19. Contra tempestates, fulmina, grandines varia olim superstitio commenta fuit remedia, carmina, sacrificia, & alia, de quibus prolixè Durant. Casellius l. 2. Variar. cap. 10.

*Utq; Jovis Magni prohiberet fulmina Tarchon,
Sape suas sedes præcinxit Vitibus albis.*

Columella de Curâ Hortor. Illud mirabile Cleona fuisse præpositos χαλαροφύλακας, speculatores futuræ grandinis; hi cum signum dedissent, adesse jam grandinem, quia expectas? ut homines ad penulas discurrerent, aut ad scortea? imò pro se quisq; aut agnum immolabat, aut pullum: si quis nec agnum nec pullum habebat, digitum suum bene acuto graphio pungebat & hoc sanguine litabat. Protinus autem illa nubes aliò declinabant, cum aliquid gustassent sanguinis. Refert Seneca l. 4. qq. Nat. cap. 6. & Clemens Alexandr. quoq; 5. Stromat. Grandinis speculator est S. Petrus, prænuntiat diem Populo Judaico terribilem ex cap. 2. Joëlis, vide Actor. 2. 20. diem turbinis & grandinis, Zephan. 1. 18. sed certiora longè & tutiora quoq; indicat remedia; Resipiscentiam & conversionem.

cruento gladio notatos. Sic sæpè in Ecclesia plures, q. Soles exorti, de primatu pugnârunt, non sine multo sanguine. Sed ubi omnes? evanuerunt! *Nec enim mundus duobus Solibus potest regi, nec duo summa regna (capita, inquam) salvo statu terrarum potest habere, ut Alexander Dario rescripsit apud Curtium l. 4. alludens ad vulgatam de Sole fabulam, quod aliquando à Matre contenderit, ut & sibi uxorem ducere, parvosque mundo Soles dare liceret &c.* *ὡς, ὃ ἡ γῆδοι ἡλίοις ἔδυναται θάλλεσθαι, ἔτω μία ψυχὴ δυάδ' αὐτῶν πρῶτων ἑρωτικῶν ἐκ ἀνέχεσθαι, Simocatta Epist. 39. uti terra duos simul Soles; Sic anima una duos simul amores ferre nequit.*

Pentheus Bacchico furore percitus videre sibi videt δύο μὲν ἡλίας, διααὶς ᾧ θήβας, apud Eurip. in Bacch. geminos Soles, & Thebas duplices: Ita qui duos in Ecclesiâ Soles videre se putat, œstro percussus & ex aureo illo *βδελυδμάτων* poculo inebriatus est. Apoc. 17. v. 4.

LXX.

Circius ubi & cur cultus?

In omnibus gratias agite, 1. Thess. 5. 18. Etiam in adversis. Galliam Circiis ventus infestat, cui ædificia quassanti, tamen incolæ gratias agunt, tanquam salubritatem Cœli sui debeant ei. Divus certè Augustus templum illi, cum in Gallia moraretur, & vovit, & fecit. Seneca l. 1. qq. Nat. c. 17. Quantò magis par est Christianos etiam in sorte infelici Deo agere gratias, cum sciant se

Aa

adver-

adversitatibus suis & salubritatem animorum & Cœlum denique ipsum debere? *Non est arbor solida & fortis, nisi in quàm frequens Ventus incurSAT: ipsâ enim vexatione constringitur & radices certius figit; fragiles sunt, quæ in apricâ valle creverunt.* Idem de Proverb. cap. 4. Noverant S. Dei Martyres; ergò lata in caput suum peremptoriali sententia dixerunt: *Deo Gratias.* Sic Cyprianus in vita quæ est apud Baron. & Grasium: Nam cùm Proconsul decretum *ex tabella* recitâset: *Thascium Cyprianum gladio animadverti placet!* Respondit ille: *Deo Gratias.* Pontius verò Diaconus, qui Passionem ejus descripsit, ait tantùm, Amen, dixisse, & Statium ei prænomen fuisse, &c. Rogatus quidam quomodò in aulis rem esset consecutus rarissimam senectutem? *injurias*, inquit, *accipiendo, & gratias agendo*, apud Senecam. Quantò æquius est Christi servos omnes mundi & Sathanæ injurias patienter concoquere, & Gratias agere, juxta exemplum Apostolorum Act. 5. v. ult.

LXXI.

*Antrum Æolium, ventosus pileus
Erici.*

Ex corde exeunt cogitationes male. Matth. 15. 19. Franciscum Tridenteum refert Hier. Megiserus in descript. Venetiar. quâ Patavio itur Vicentiam habuisse in prædio Paradisum pulcherrimum inq; eo speluncam longam pedes 4000. latam 3000. ex qua quoscunque vellet ventos posset emittere, in introitu erat Epigramma.

Æolu

Æolus hic clauso ventorum carcere regnat.

Antrum ejusmodi suum cuique cor est. *Has nimbi, ventiq; domos & naufraga servat Tempestas;*

Hanc quisquis in potestate habet verè ille *av-*
tibet & alter Æolus est, quem

--- *Ταμίλλω ἀνέμων ποίνοε Κρονίων.*

2. Sed & Salomonium illud huc quadrat; *Sapiens iram Regis placat*, Proverb. 15. 15. *Qui apud Potentes gratia pollent*, ventos quos volunt, inducant. Habent quasi ventosum Regis Erici pileum, qui tam familiaris erat malis Dæmoniis, quorum cultui summoperè vacabat, ut quocunque verteret pileum suum confestim inde optatus ventus adspiraret. *Qlaus l. 3. pag. 37. In magnâ domo post Dominum, secundus est semper gradus amicorum; Soli sunt per quos apud Dominum & suggerendi liber locus & impetrandi facilis præbeatur accessus. Magna est securitatis portio, in rebus asperis de domo Regis habuisse suffragium, &c. S. Valler. hom. 15. Sic Æolum & alios credebant veteres ventos in utrem concludere & emittere potuisse, quos vellent. Nat. Comes l. 8. Mythol. c. 10. Ita Sapiens verè dixerit;*

--- *mibi Pontus inertes*

Submittit fluctus, Zephyriq; tacentia ponunt

Ante meos sua flabra pedes.

ex Petron. Satyr. Si Sapientiâ eris instructus, ut canit Empedocles,

Flamina ventorum compones, concita motu

Quæ sola terrarum, pelagi quæ cærule verrunt,

Mox mundo induces eadem, si fortè libebit.

LXXII.

*Rupes Austro Sacra, Psyllorum
interitus.*

Qui vos tetigerit, tangit pupillam oculi mei!
Zachar. 2. v. 8. Qui sanctos Domini tetigerit sic est,
quasi vexare cupiat pupillam oculi ejus, & illum ni-
tatur clarâ luce privare, de qua loquitur in Evange-
lio: vos estis Lux Mundi! aut Hieronym. in Zach.
1. cit. Nil carius est oculo, undè oculissimus, & ocu-
litus dilectus,

Ambobus si quis carior est oculis,

Ut dicam cum Catullo: sed & nihil tenerius, tan-
gique se non patitur. Hebræis Bath dicitur, ut
Græcis *ῥήγν* filia, virguncula, nec aliter à Latinis
pupilla, à Pupa, propter icunculam, quam exhi-
bet, & est quoque tali virgine Pupa, ut nil fragi-
lius, ita nec quippiam charius. Hinc illa pro-
verbialia: Custodiore quasi pupillam in oculo, Deut.
32. 10. Psa. 17. 10. *tangere pupillam oculi alicujus*,
aut etiam sui, sic enim apud Zachariam ex He-
bræo aliqui vertunt, vide Vatablum. In Cyrenia-
ca Africæ provincia rupes quædam est Austro
sacra: hæc cum hominum manu attingitur, ille
immodicus exurgit, harenasque, quasi maria a-
gens, sic sævit, ut æquor fluctibus, hæc Pompon.
Mela l. 1. cap. 4. meminit & Plinius lib. 2. cap.
45. Sic Ecclesia rupes est Deo Spiritui Sancto,
Austro illi Cœlesti Cantic. 4. 16. Sacram hanc
nemo impunè tanget. Deterrat Exemplum
Psyllorum in Africa, qui cum Austro nimis flante

te omnes eorum aquæ essent exsiccatæ, irati, cum Vento belligerare & sumptis armis præliari adversus illum incepere, sed reflante illo, repente magnis arenarum montibus operti perierunt. Ita evenit Pharaoni, Herodi, Antiocho; & in primis Sennacheribus sensit hanc Divini Spiritus iram, potentiam: qui amisso cœlesti plagâ exercitu, turpi fugâ ad suos relapsus, in idolo Nisrochi à filiis inactatus est, incisumque sepulchrali lapidi Epigramma: *In me intuens, Pius esto! meminit Herodotus.*

LXXIII.

Nivis Leana.

Scitè Siracides de Garrulis Balatronibus, quos Græci ἀδρυγοςόμυς, quod os habeant semper patens, nullis foribus aut pessulis coërcitum, Latini, Rimarum plenos, dixere: *Stultum concepto sermone non aliter parturire, quàm soleant gravida, foctu jam maturo, & erumpere alvi materni claustragestiente.* cap. 19. v. 11. Similes sunt hujuscemodi hominû calumniæ, quas ex vanis rumoribus acceptas & continere non possunt, & in majus augere semper assolent, nivium molibus, quæ parvo ex principio exortæ, paulatim tuendo è montibus crescunt, donec tandem cum impetu per declivia lapsæ

--- *Sternant fata leta boumque labores.*

Sic, ut scribit Olaus M. de gent. septentr. l. 2. p. 18. Compertum in terris Suecicis, aviculas volatu excitasse globulos nivium, quorum augmen-

to casuque flante Australi vento, arces, & villæ sunt prostratæ.

Fama malum quo non aliud velocius ullum

Mobilitate viget, viresq; acquirit eundo.

Cùm in piscinam Lapis missus est, videmus in multos orbes aquam discedere, & fieri primum augustissimum orbem, deindè latiore, ac deindè alios majores, donec evanescat impetus, & in planiciem immotarum aquarum solvatur. Seneca l. 1. qq. Nat. c. 2. Ita hic videas fieri.

Nam citius flammæ Mortales ore tenebunt

Quàm secreta tegant, quicquid dimittis in aula

Effluit, & subitis rumoribus oppida pulsat;

Nec satis est vulgasse fidem; Simulatiùs exit

Proditionis opus, famamq; onerare laborat.

Inter Fragm. Petronii. De nivium cumulis, quos Helverii Löwinen vocant, propter horrendum rugitum, quem in casu edunt, plura apud Münsterum &c.

LXXIV.

Gelu Scythicum.

A juventute excipe doctrinam & canescens invenies Sapientiam! Siracidæ dictum est cap. 6. v. 38. Antiphanes unus ex Platonis familiaribus dicere solebat: esse in quadam regione Scythiæ tam dirū gelu, ut & verba in ore colloquentium congelent, nec priùs audiri possint ac intelligi, quàm æstate resolvantur: Ita Platonis disputationes, quamvis apud juvenes proferantur, à solis tamen senibus intelligi. Plutarch. de prof. Virt

Virt. sent. Ita est, multa juvenes discimus, quæ ferò tandem senes intelligimus. Obstat juventuti frigidus

— *circum præcordia sanguis.*

Unde negat Aristoteles juvenem esse οἰκεῖον ἀκροατὴν τῆς πολιτικῆς, Idoneum civilis doctrinæ auditorem; posse eum Geometricum fieri & Mathematicum, Prudentem non posse &c. *Difficile est*, dicebat Bion, *mollem caseum hamo piscari.* At nihilominus tamen discendum est in juventute. *Turpis & ridicula est res, Elementarius senex: juveni parandum, seni utendum est*, Seneca Epist. 36. Hoc merito Siracides juventuti suggerit, si obtemperes; fiet, ut sis *Ætate juvenis, maturitate senex.* Hieron. l. 1. in Es. *etatis cursum virtute prætervectus*, Panegy. Max. & Constant. & verbo παιδαγωγίῃ, quomodo S. Macarius dictus apud Palladium hist. Lausiac. c. 19. & 20. Ita illi:

*Canescant alii mento, nos mente; capillo,
Nos animo; facie, nos pectore; tempora quippè
Virtutem non primam negant, non ultima donant.*

LXXV.

Mundi extrema tenebra.

Ex parte cognoscimus. 1. Cor. 13. vers. 9. *Habet humana scientia modum & terminum. Rati sunt veteres Cosmographi, extra mundum hunc quem incolimus, nihil esse, præter caliginem & tenebras, & perpetuam noctem profundo incubantem mari, in quibus emoriens natura defecerit! Curtius lib. 9. Qui concessos scientiæ limites exceßerit, quid assequetur, nisi Ciminerias tenebras?*

Sinamuseosdem esse intellectu nostro & mundo fines. *Furor est, profectò furor egredi ex eo, & tanquam interna ejuscuncta plane jam sint nota, ita scrutari externa.* Plinius lib. 2. cap. 1. In primis latere Deum in caligine sua patiamur, quâ se profanis obtutibus non adeundum obsepsit. *Caligo est post omne Lumen*, ait ille, & *sola mentis ignorantia cognoscitur.* Bene igitur S. Prosper in Epigramm.

*Scrutarine cura procax obstrusa laboret,
Cui cuncta in Christo nosse & habere datur.*

*Multa etenim bene tecta latent, nescitaq; profunt,
Dùm mansueta fides, quædam dilata, modeste
Sustinet, & nullo ignorat non edita damno.*

Idem de Ingratis. Denique non terrarum modò sed & hominum extrema nox obscurissima involvit. Ergo

*Tu ne quaeris scire, nescis! quem mihi, quem tibi
Finem Dj dederint!*

ait Horatius. Latet unus dies, ut timeatur omnis, ultimus, ut quemq; apponamus lucro. Apud Pedonem navigante Germanico aptemiles:

*Quo ferimur? ruit ipse dies orbemq; relictum
Ultima perpetuis claudit natura tenebris;
Dj revocant, rerumq; vetant cognoscere finem
Mortaleis oculos?*

LXXVI.

Alphæus.

Sinceri in medio nationis perversæ. Philipp. 2. v. 15. Alphæus ex Elide Peloponnesi per medios Oceani fluctus servatâ dulci aquâ in Siciliam

am deproperat ad amatam sibi Arethufam. Testantur multi, Plinius, Seneca, Gregorius quoque Nazianz. in Monod. vide Natal. Com. l. 8. Mythol. c. 21. Majolum in Fluviiis &c. Mundus mare est, Arethusa virtus, seu, ut Christiane dicam, Imago, Dei, Sanctitas & Justitia, Alphæus æternitatis Candidatus, Virtutis prociis & competitor, sed maculis adhuc obsitus, ἀλφὸς enim macula est. Vin' amplecti fontem illum omnis beatitudinis? fervate ἄσπιλον πότον ἔχουσιν πάντες Jac. 1. 27. Dabitur.

Si tibi, cū fluctus inter labere Sicanos,

Doris amara suam non intermisceat undam.

Bona Mens, ut Lucida veritas, omni malorum morum saljedine circumdata, pollui aliqua commistione non novit. Fulgent. l. 3. Mythol.

Sic rosa de spinis nescit violariet ullis.

Histor. Apollon. Tyrii,

LXXVII.

Fontes & Lacus miri S. Scriptura.

1. *Fons Sapientie Verbum DEI.* Sirac. 15. Fons est in India quotannis auro fluido scatens, quod urceis fictilibus hauritur, quia aurum illicò ut extrahitur concrevit, ut frangi vas necesse sit. In fundo ferrum est miri effectus, nam si in terram defigatur, avertit nebulas & grandines. Ctesias in Indicis; nugatur se ex eo ferro duos enses habuisse. Ita Verbi DEI duæ quasi venæ sunt,

Aa 5

ferrea

quod ultra est non licet explorare aut attingere, qui id ausus sit malo plectitur, quantamque sui partem ingurgitaverit, tantam it perditum, ut, qui lineam projectam recuperaturus, merso brachio, dum nisum adjuvat, cadaver manum factam vidit. Ex Solin. c. 10. In S. quoque literis.

Est aliquid prodisse tenens, si non datur ultra:

Nam hic quoque modus est optimus sunt certi deniq, fines! Fluvius est in quo agnus ambulat, Elephas natat. Denique hic quoq; altare est, Christus in medio situs, hic sistamus!

Qui Christum discit, satis est si cetera nescit!

Pertinet huc Stagnum mirabile, quod ex Polycrito describit Aristoteles, quod descendantibus in illud quibusdam magis magisque dilatatur, plures semper admittens, sed ad numerum certum. Quinquagenarium, tot si se iminiserint, quasi gravetur, ἐμβαλὲι μετεώρει τὰ σώματα τῶν ἀποπνέοντων exterminat & in altum expuit ultra ripas suas corpora lavantium, inque nativum suum se modum recipit. De Mirab. auscult. Monere potest sobriè tractanda sacra. Ne quid nimis! Nam & in vestibulo suo inquirentem repellit objecta veneratio, & si quis propius adierunt, quod oculis in Solem se contendentibus evenit, præstrictâ acie, videndi facultate caruerunt. Nazarius in Paneg. Constant.

LXXXI.

Aqua casta, pudica.

Nunquam cum Ludentibus miscui me, ait Sara Tob. 3. vers. 17. Rem mirandam refert Zachar.

Theo-

Theobaldus in Arcanis Naturæ cap. XI. pag. 56. Non procul Risenberga, quæ Bohemiæ hinc illinc Bavarix arx imminet, in monte reperiri fontem ex dura rupe scaturientem, qui si accedat mulier, dum mensium profluvio laborat, aufugiat, & sæpè post annum demùm revertatur. Sed & illud æquè mirandum quod Boccatus, in Tract. de Stagnis & Paludibus, esse Averigum Stagnum, in quo, si quis vectus turpe quid aut ignominiosum effutiat, tanta, quasi indignantibus undis, Tempestas oriatur, ut in summo omnes sint periculo. Ita monet ipsa rerum natura, scurrilia stultiloquia vitanda esse. Ephes. 5. 4. *Talium societati ne congressu quidem priore soscire, quorum sermonibus prostitutis ac theatralibus, nullas habenas, nulla repagula permittit pudor. Nam quibus citra honestatis nitorem jactitabundis loquacis fece petulantia lingua polluitur infrenis, his conscientia quoque sordidatissima est. Denique facilius obtingit ut quispiam seria loquens vivat obscenè, quàm valeat ostendi, qui pariter existat improbus dictis, & probus moribus.* Hæc Sidonius Apollin. l. 3. Epist. 13.

LXXXII.

Asphaltites.

Qui tangit picem, inquinabitur. Sir. 13. v. 1. Lacus Asphaltites studiosè à multis describitur, Josepho, Egesippo, Strabone, Plinio, Tacito, Solino & aliis. Nihil viventium recipit, non pisces, non aquis assuetas aves, etiamsi viva merferis, quamvis vehementer allisa, resiliunt, excutuntur:

Lu-

sacrum, *efferrî jus non erat.* Fabius Pictor l. 1. Quânto magis nefas erit verbum Dei in nugas scurriles detortum profanare? Ignem è viciniâ petere moris fuit apud Veteres, & denegare nefas habitum: *Datur ignis, tamesi ab inimicis petas.* Plautus in Trinum. Act. 3. Scen. 2. meminit Es. cap. 30. 14. ubi Proverb. *Ne testula quidem supererit ad ignem de foco!* Ast ab ara nec petere licuit, nec dare. Ita Deo consecrata profanis usibus impendere religio fuit: hodiè quâmvîs quisque domi habeat unde calefieri possit plus satis, tamen ab aris non ignem modò, sed & cibum rapere pessimis moribus receptum est: sed plerumque accidit, quod aquilæ in fabulis, quæ dùm exta rapit, aliquid simul de favilla & carbonibus in nidum detulit, quo & illum & inplumes pullos concremavit. Deniq; ut Phædrus docet Fab. 69:

... *nec Lucernam de flamma Deûm,*

Nec de lucerna fas erat accendi sacrum.

Quod ex Populo Dei traductum, ubi nefas erat alio quàm sacro & cœlesti igne sacrificare, de quo Cl.D. Franzius in Schol. Sacrif. Quod Ennothea Priapi Sacerdos *testo ignis pleno* sacrum ignem reficit, ex viciniâ petito, apud Petron. in Satyr. non morem indicat, aut legitimum fuisse, sed factum contra legem fortè, nisi vis tale fuisse sacrum, qualis fuit Deus. Hodiè ut de sacro igne lucernam accendit, qui verbum Dei profanat; Ita de lucernâ sacrum ignem excitat, qui rationis suæ ductum in fidei mysteriis & cultu Dei sectatur. Hæretici idem faciunt, quod fur ille apud Phædrum fab. cit. de quo ait:

Lucer-

*Lucernam sur accendit ex arâ Jovis
Ipsumq; compilavit ad lumen suum.*

Sed nunc tandem desino.

LXVIII.

Tempestatis avertenda remedia.

Pœnitentiam agite & convertimini, ut deleantur peccata vestra, Aëtor. 3. 19. Contra tempestates, fulmina, grandines varia olim superstitio commenta fuit remedia, carmina, sacrificia, & alia, de quibus prolixè Durant. Casellius l. 2. Variar. cap. 10.

*Utq; Jovis Magni prohiberet fulmina Tarchon,
Sape suas sedes præcinxit Vitibus albis.*

Columella de Curâ Hortor. Illud mirabile Cleona fuisse præpositos χαλαζοφύλακας, speculatores futuræ grandinis; hi cum signum dedissent, adesse jam grandinem, quia expectas? ut homines ad penulas discurrerent, aut ad scortea? imò pro se quisq; aut agnum immolabat, aut pullum: si quis nec agnum nec pullum habebat, digitum suum bene acuto graphio pungebat & hoc sanguine litabat. Protinus autem illa nubes altò declinabant, cum aliquid gustassent sanguinis. Refert Seneca l. 4. qq. Nat. cap. 6. & Clemens Alexandr. quoq; 5. Stromat. Grandinis speculator est S. Petrus, prænuntiat diem Populo Judaico terribilem ex cap. 2. Joëlis, vide Aëtor. 2. 20. diem turbinis & grandinis, Zephan. 1. 18. sed certiora longè & tutiora quoq; indicat remedia; Resipiscenciam & conversionem.

cruento gladio notatos. Sic sæpè in Ecclesia plures, q. Soles exorti, de primatu pugnârunt, non sine multo sanguine. Sed ubi omnes? evanuerunt! *Nec enim mundus duobus Solibus potest regi, nec duo summa regna* (capita, inquam) *salvo statu terrarum potest habere, ut Alexander Dario rescripsit apud Curtium l. 4. alludens ad vulgatam de Sole fabulam, quod aliquando à Matre contenderit, ut & sibi uxorem ducere, parvosque mundo Soles dare liceret &c.* ὥς, καὶ ἡ γῆθησι ἡλίοις καὶ δύναται θαλάσσης, ἔται μία ψυχὴ δυάδου πυρσῶν ἐρωτικῶν καὶ ἀνέχεται, Simocatta Epist. 39. ut *terra duos simul Soles; Sic anima una duos simul amores ferre nequit.*

Pentheus Bacchico furore percitus videre sibi videt δύο μὲν ἡλίας, διασῶς δὲ θήβας, apud Eurip. in Bacch. geminos Soles, & Thebas duplices: Ita qui duos in Ecclesiâ Soles videre se putat, astro perculsus & ex aureo illo καὶ βδελυδμάτων poculo inebriatus est. Apoc. 17. v. 4.

LXX.

Circius ubi & cur cultus?

In omnibus gratias agite, 1. Thess. 5. 18. Etiam in adversis. Galliam Circiûs ventus infestat, cui ædificia quassanti, tamen incolæ gratias agunt, tanquam salubritatem Cœli sui debeant ei. Divus certè Augustus templum illi, cum in Gallia moraretur, & vovit, & fecit. Seneca l. 5. qq. Nat. c. 17. Quanto magis par est Christianos etiam in forte infelici Deo agere gratias, cum sciant se

Aa

adver-

adversitatibus suis & salubritatem animorum & Cœlum denique ipsum debere? *Non est arbor solida & fortis, nisi in quàm frequens Ventus incurSAT: ipsâ enim vexatione constringitur & radices certius figit; fragiles sunt, quæ in apricâ valle creverunt.* Idem de Proverb. cap. 4. *Noverant S. Dei Martyres; ergo lata in caput suum peremptoriali sententia dixerunt: Deo Gratias.* Sic Cyprianus in vita quæ est apud Baron. & Grasium: Nam cùm Proconsul decretum *ex tabella* recitâset: *Thascium Cyprianum gladio animadverti placet!* Respondit ille: *Deo Gratias.* Pontius verò Diaconus, qui Passionem ejus descripsit, ait tantùm, Amen, dixisse, & Statium ei prænomen fuisse, &c. Rogatus quidam quomodò in aulis rem esset consecutus rarissimam senectutem? *injurias*, inquit, *accipiendo, & gratias agendo*, apud Senecam. Quantò æquius est Christi servos omnes mundi & Sathanæ injurias patienter concoquere, & Gratias agere, juxta exemplum Apostolorum Act. 5. v. ult.

LXXI.

*Antrum Æolium, ventosus pileus
Erici.*

Ex corde exeunt cogitationes male. Matth. 15. 19. Franciscum Tridenteum refert Hier. Megiferus in descript. Venetiar. quâ Patavio itur Vicentiam habuisse in prædio Paradisum pulcherrimum inq; eo speluncam longam pedes 4000. latam 3000. ex qua quoscunque vellet ventos posset emittere, in introitu erat Epigramma.

Æolus

Æolus hic clauso ventorum carcere regnat.

Antrum ejusmodi suum cuique cor est. *Has nimbi, venti, domos & naufraga servat Tempestas;*

Hanc quisquis in potestate habet verè ille *arbitratur* & alter Æolus est, quem

--- *Ταμίαν ἀνέμων ποίησε Κρονίων.*

2. Sed & Salomonium illud huc quadrat; *Sapiens iram Regis placat*, Proverb. 15. 15. Qui apud Potentes gratia pollent, ventos quos volunt, inducant. Habent quasi ventosum Regis Erici pileum, qui tam familiaris erat malis Dæmoniis, quorum cultui summoperè vacabat, ut quocunque verteret pileum suum confestim inde optatus ventus adspiraret. *Qlaus l. 3. pag. 37. In magnâ domo post Dominum, secundus est semper gradus amicorum; Soli sunt per quos apud Dominum & suggerendi liber locus & impetrandi facilis præbeatur accessus. Magna est securitatis portio, in rebus asperis de domo Regis habuisse suffragium, &c. S. Valer. hom. 15. Sic Æolum & alios credebant veteres ventos in utrem concludere & emittere potuisse, quos vellent. Nat. Comes l. 8. Mythol. c. 10. Ita Sapiens verè dixerit;*

--- *mibi Pontus inertes*

Submittit fluctus, Zephyriq; tacentia ponunt

Ante meos sua flabra pedes.

ex Petron. Satyr. Si Sapientiâ eris instructus, ut canit Empedocles,

Flamina ventorum compones, concita motu

Quæ sola terrarum, pelagi quæ cerula verrunt,

Mox mundo induces eadem, si fortè libebit.

LXXII.

*Rupes Austro Sacra, Psyllorum
interitus.*

Qui vos tetigerit, tangit pupillam oculi mei!
Zachar. 2. v. 8. Qui sanctos Domini tetigerit sic est,
quasi vexare cupiat pupillam oculi ejus, & illum ni-
tatur clarâ luce privare, de qua loquitur in Evange-
lio: vos estis Lux Mundi! aut Hieronym. in Zach.
1. cit. Nil carius est oculo, undè oculissimus, & ocu-
litus dilectus,

Ambobus si quis carior est oculis,

Ut dicam cum Catullo: sed & nihil tenerius, tan-
gique se non patitur. Hebræis Bath dicitur, ut
Græcis *νηψ* filia, virguncula, nec aliter à Latinis
pupilla, à Pupa, propter icunculam, quam exhi-
bet, & est quoque tali virgine Pupa, ut nil fragi-
lius, ita nec quippiam charius. Hinc illa pro-
verbialia: *Custodiore quasi pupillam in oculo*, Deut.
32. 10. Psa. 17. 10. *tangere pupillam oculi alicujus*,
aut etiam sui, sic enim apud Zachariam ex He-
bræo aliqui vertunt, vide Vatablum. In Cyrenia-
ca Africæ provincia rupes quædam est Austro
sacra: hæc cum hominum manu attingitur, ille
immodicus exurgit, harenasque, quasi maria a-
gens, sic sævit, ut æquor fluctibus, hæc Pompon.
Mela l. 1. cap. 4. meminit & Plinius lib. 2. cap.
45. Sic Ecclesia rupes est Deo Spiritui Sancto,
Austro illi Cœlesti Cantic. 4. 16. Sacram hanc
nemo impunè tanget. Deterrât Exemplum
Psyllorum in Africa, qui cum Austro nimisflan-
te

te omnes eorum aquæ essent exsiccatae, irati, cum Vento belligerare & sumptis armis præliari adversus illum incepere, sed reflante illo, repente magnis arenarum montibus operiti perierunt. Ita evenit Pharaoni, Herodi, Antiocho; & in primis Sennacheribus sensit hanc Divini Spiritus iram, potentiam: qui amisso cœlesti plagâ exercitu, turpi fugâ ad suos relapsus, in idolio Nisrochi à filiis inactatus est, incisumque sepulchrali lapidi Epigramma: *In me intuens, Pius esto! meminit Herodotus.*

LXXIII.

Nivis Leana.

Scitè Siracides de Garrulis Balatronibus, quos Græci ἀθύροσφοι, quod os habeant semper patens, nullis foribus aut pessulis coërcitum, Latini, Rimarum plenos, dixere: *Stultum concepto sermone non aliter parturire, quàm soleant gravida, foetu jam maturo, & erumpere alvi materni claustragestiente.* cap. 19. v. 11. Similes sunt hujusmodi hominû calumniæ, quas ex vanis rumoribus acceptas & continere non possunt, & in majus augere semper assolent, nivium molibus, quæ parvo ex principio exortæ, paulatim tuendo è montibus increscunt, donec tandem cum impetu per declivia lapsæ

--- *Sternant sata lata boumq; labores.*

Sic, ut scribit Olaus M. de gent. septentr. l. 2. p. 18. Compertum in terris Suecicis, aviculas volatu excitasse globulos nivium, quorum augmen-

to casuque flante Australi vento, arces, & villæ sunt prostratæ.

Fama malum quo non aliud velocius ullum

Mobilitate viget, viresq; acquirit eundo.

Cùm in piscinam Lapis missus est, videmus in multos orbes aquam discedere, & fieri primum augustissimum orbem, deindè latiore, ac deindè alios majores, donec evanescat impetus, & in planiciem immotarum aquarum solvatur. Seneca l. 1. qq. Nat. c. 2. Ita hic videas fieri.

Nam citius flammæ Mortales ore tenebunt

Quàm secreta tegant, quicquid dimittis in aula

Effluit, & subitis rumoribus oppida pulsat;

Nec satis est vulgasse fidem; Simulatiùs exit

Proditionis opus, famamq; onerare laborat.

Inter Fragm. Petronii. De nivium cumulis, quos Helvetii Sôwinen vocant, propter horrendum rugitum, quem in casu edunt, plura apud Münsterum &c.

LXXIV.

Gelu Scythicum.

A juventute excipe doctrinam Scanesens invenies Sapientiam! Siracidæ dictum est cap. 6. v. 38. Antiphanes unus ex Platonis familiaribus dicere solebat: esse in quadam regione Scythiæ tam dirū gelu, ut & verba in ore colloquentium congelent, nec priùs audiri possint ac intelligi, quàm æstate resolvantur: Ita Platonis disputationes, quamvis apud juvenes proferantur, à solis tamen senibus intelligi. Plutarch. de prof. Virt

Virt. sent. Ita est, multa juvenes discimus, quæ ferò tandem senes intelligimus. Obstat juventuti frigidus

— *circum præcordia sanguis.*

Unde negat Aristoteles juvenem esse οἰκεῖον ἀκροατὴν τῆς πολιτικῆς, Idoneum civilis doctrinæ auditorem; posse eum Geometricum fieri & Mathematicum, Prudentem non posse &c. *Difficile est*, dicebat Bion, *mollem caseum hamo piscari*. At nihilominus tamen discendum est in juventute. *Turpis & ridicula est res, Elementarius senex: juveni parandum, seni utendum est*, Seneca Epist. 36. Hoc meritò Siracides juventuti suggerit, si obtemperes; fiet, ut sis *Ætate juvenis, maturitate senex*. Hieron. l. 1. in Es. *etatis cursum virtute prætervectus*, Panegy. Max. & Constant. & verbo παιδαγωγέον, quomodo S. Macarius dictus apud Palladium hist. Lausiac. c. 19. & 20. Ita illi:

*Canescant alii mento, nos mente; capillo,
Nos animo; facie, nos pectore; tempora quippè
Virtutem non primæ negant, non ultima donant.*

LXXV.

Mundi extrema tenebræ.

Ex parte cognoscimus. 1. Cor. 13. vers. 9. Habet humana scientia modum & terminum. Rati sunt veteres Cosmographi, extra mundum hunc quem incolimus, nihil esse, præter caliginem & tenebras, & perpetuam noctem profundo incubantem mari, in quibus emoriens natura defecerit! Curtius lib. 9. Qui concessos scientiæ limites excefferit, quid assequetur, nisi Cimimerias tenebras?

Sinamuseosdem esse intellectui nostro & mundo fines. *Furor est, profectò furor egredi ex eo, & tanquam interna ejus cuncta plane jam sint nota; ita scrutari externa.* Plinius lib. 2. cap. 1. In primis latere Deum in caligine sua patiamur, quâ se profanis obrutibus non adeundum obsepsit. *Caligo est post omne Lumen*, ait ille, & sola mentis ignorantia cognoscitur. Bene igitur S. Prosper in Epigramm.

Scrutarine cura procax obstrusa laboret,

Cui cuncta in Christo nosse & habere datur.

Multa etenim bene tecta latent, nescitaq; profunt,

Dùm mansueta fides, quædam dilata, modestè

Sustinet, & nullo ignorat non edita damno.

Idem de Ingratis. Denique non terrarum modò sed & hominum extrema nox obscurissima involvit. Ergo

*Tu ne quaesieris scire, nefas! quem mihi, quem tibi
Finem Dī dederint!*

ait Horatius. Latet unus dies, ut timeatur omnis, ultimus, ut quemq; apponamus lucro. Apud Pedonem navigante Germanico apte miles:

Quo ferimur? ruit ipse dies orbemq; relictum

Ultima perpetuis claudit natura tenebris;

Dī revocant, rerumq; vetant cognoscere finem

Mortaleis oculos?

LXXVI.

Alphæus.

Sinceri in medio nationis perversæ. Philipp. 2. v. 15. Alphæus ex Elide Peloponnesi per medios Oceani fluctus servatâ dulci aquâ in Siciliam

am deproperat ad amatam sibi Arethufam. Testantur multī, Plinius, Seneca, Gregorius quoque Nazianz. in Monod. vide Natal. Com. l. 8. Mythol. c. 21. Majolum in Fluviiis &c. Mundus mare est, Arethusa virtus, seu, ut Christianē dicam, Imago, Dei, Sanctitas & Justitia, Alphaus æternitatis Candidatus, Virtutis procus & compeditor, sed maculis adhuc obsitus, ἀλφὸς enim macula est. Vin' amplecti fontem illum omnis beatitudinis? servate ἄσπιλον δῶπό & ἡγόμην, τὰτε Jac. 1. 27. Dabitur.

Si tibi, cū fluctus inter labere Sicanos,

Doris amara suam non intermisceat undam.

Bona Mens, ut Lucida veritas, omni malorum morum falsedine circumdata, pollui aliqua commissione non novit. Fulgent. l. 3. Mythol.

Sic rosa de spinis nescit violari ex ullis.

Histor. Apollon. Tyrii.

LXXVII.

Fontes & Lacus miri S. Scriptura.

1. *Fons Sapientie Verbum DEI.* Sirac. 15. Fons est in India quotannis auro fluido scatens, quod urceis fictilibus hauritur, quia aurum illicò ut extrahitur concrevit, ut frangi vas necesse sit. In fundo ferrum est miri effectus, nam si in terram defigatur, avertit nebulas & grandines. Ceteras in Indicis; nugatur se ex eo ferro duos enses habuisse. Ita Verbi DEI duæ quasi venæ sunt,

Aa 5

ferrea

ferrea Legis, vitiorum arcensturbines, & aurea Evangelii. Habemus autem thesaurum hunc ἐν ὁ σπῆλαις κρυπτός. 2. Cor. 4. 7. Quid enim est corculum hoc? quid corpusculum? *vas quassum & fragile,*

Quod simul offendit ad fortunam frangitur!

Phadrus in Fab. Qualia miro, an Naturæ dicam ingenio, an Geniorum lusu? In Polonia efodi apud Nohaw & Poluki inter fluvios Bober ac Neus non procul à Guben & Loberberg multis testatum, apud Jac. Mokium de aquar. affect. p. 1 p. 133.

LXXVIII.

2. Die & Nocte. Psalm. 1. 2. In Cappadocia lacus est Tatta Salis fontem habens, quo qui madescunt sal fiunt; aut sale incrustantur concrecente statim humore; & aves prætervolantes, si extrema alarum obiter tinxerint, illicò quasi viscatæ adhærent. Sacra Scriptura Fons est. *Salis*, quo omnia non modò verba sed & facta nostra condienda sunt, Marc. 9. v. ult, Coloss. 4. v. 6. At Salis hujus tanta est, mirum! dulcedo, ut teneat eos, qui semel mentem illo adspexerunt; non aliter ac Ulyssis Socios *Lotophagorum* poma. Hoc est quod de Sponso suo Ecclesia ait: *Guttur illius suavissimum.* Quia incredibile est nescienti, quàm suave sit de DEO Opt. Max. ex sacris literis meditari, ac loqui, Philo Carpath ibid. in Cant. 5. v. 16. Denique qui ingurgitant, fiunt *Salterra*, Matth. 5. 13.

LXXIX.

LXXIX.

3. *Lex Domini perfecta.* Psalm. 119. 8. ut Linguna Lacus, in Cambria insula Britannica prope Sabrinnum flumen, ingentes maris æstus excipiens, nunquam tamen augetur, ut margines excedat, quin cessante æstu reddit mari, eructans instar montis, aquas acceptas: Majolus de Lacub. Colloq. XII. ex Ortelio. Sic S. Scriptura multorum æstibus & salo quasi quotidie accumulatur, quibus nihilò fit auctior; respuit itaque quicquid ab æstuoso humani cordis mari curarum & adinventionum accepit.

— *opis nihil indiga nostræ*

atque integra mortalibus contagii. Ceterarum artium hæc indoles est, ut ab hominibus inventæ hominum inventis indies excolantur, & perficiantur: Scriptura neque cum dat inanior, nec cum accipit plenior fit: *Ut ille, qui omnes aquas cælo & terris præbet Oceanus, semper tamen in montibus suis totus est.* Panegy. Max. & Const. Denique similis est *Lecytho olei Elisæi*, nec deficit affluentia Spiritualis gratiæ, nisi deficient vasa haurientium, 2. Reg. 4. v. 6. *Afferamus igitur multa mentis nostræ vasa, ut impletis illis domum redeamus,* Chrysost. hom. 3. in Genes.

LXXX.

4. *Torrens qui non potest transuadari.* Ezech. 47. 5. In Siciliâ, Peloriade Lacus est quem ars sacrum approbat, à profundis in medio sita dividens breviter, usque ad eam aqua cruretenus pertingit, quod

quod ultra est non licet explorare aut attingere, qui id ausus sit malo plectitur, quantamque sui partem ingurgitaverit, tantam it perditum, ut, qui lineam projectam recuperaturus, merso brachio, dum nisum adjuvat, cadaver manum factam vidit. Ex Solin. c. 10. In S. quoque literis.

Est aliquid prodisse tenens, si non datur ultra:

Nam hic quoque modus est optimus sunt certi deniq; fines! Fluvius est in quo agnus ambulat, Elephas natat. Denique hic quoq; altare est, Christus in medio situs, hic sistamus!

Qui Christum discit, satis est si cetera nescit!

Pertinet huc Stagnum mirabile, quod ex Polycrito describit Aristoteles, quod descendantibus in illud quibusdam magis magisque dilatatur, plures semper admittens, sed ad numerum certum. Quinquagenarium, tot si se immiserint, quasi gravetur, ἐνβάλλει μετεωρεὰ τὰ σώματα τῶν ἀπορμάνων exterminat & in altum exspuit ultra ripas suas corpora lavantium, inque nativum suum se modum recipit. De Mirab. auscult. Monere potest sobrie tractanda sacra. Ne quid nimis! Nam & in vestibulo suo inquirentem repellit objecta veneratio, & si quis propius adierunt, quod oculis in Solem se contendentibus evenit, praestriatâ acie, videndi facultate caruerunt. Nazarius in Paneg. Constant.

LXXXI.

Aque castæ, pudicæ.

Nunquam cum Ludentibus miscui me, ait Sara Tob. 3. vers. 17. Rem mirandam refert Zachar.

Theo-

Theobaldus in Arcanis Naturæ cap. XI. pag. 56. Non procul Risenberga, quæ Bohemiæ hinc illinc Bavarix arx imminet, in monte reperiri fontem ex dura rupe scaturientem, qui si accedat mulier, dùm mensium profluvio laborat, aufugiat, & sæpè post annum demùm revertatur. Sed & illud æquè mirandum quod Boccatus, in Tract. de Stagnis & Paludibus, esse Averigum Stagnum, in quo, si quis vectus turpe quid aut ignominiosum effutiat, tanta, quasi indignantibus undis, Tempesta oriatur, ut in summo omnes sint periculo. Ita monet ipsa rerum natura, scurrilia stultiloquia vitanda esse. Ephes. 5. 4. *Talium societati ne congressu quidem priore socière, quorum sermonibus prostitutis ac theatralibus, nullas habenas, nulla repagula permittit pudor. Nam quibus citra honestatis nitorem jactitabundis loquacis face petulantix lingua polluitur infrenis, his conscientia quoque sordidatissima est. Denique faciliùs obtingit ut quispiam seria loquens vivat obscenè, quàm valeat ostendi, qui pariter existat improbus dictis, & probus moribus.* Hæc Sidonius Apollin. l. 3. Epist. 13.

LXXXII.

Asphaltites.

Qui tangit picem, inquinabitur. Sir. 13. v. 1. Lacus Asphaltites studiosè à multis describitur, Josepho, Egesippo, Strabone, Plinio, Tacito, Solino & aliis. Nihil viventium recipit, non pisces, non aquis assuetas aves, etiam si viva merferis, quamvis vehementer allisa, resiliunt, excutuntur: Lu-

Lucerna accensa supernatat, extincto lumine demergitur: Nihil gignit præter tenacissimum bitumen, quod avelli scindique non potest, quoniam in quantum ducatur, extenditur, navibus tamen capitur, quibus impletis, quod abrumpi vi non potest, contactum filis menstruo cruore pollutis & lotio perfusum sponte discerpitur, aut in oram terræ adductum cuneis & securibus, ut lignum finditur, cum vi Solis inaruerit, quin & carmina quædam adhiberi Possidonius author est. Mundi imago, quem fugiunt viva omnia, ne immergantur, nec possunt, quamdiu Spiritum vitæ retinent. Aves itaque pii, qui pennas fidei habent, (*Da mihi fidei pennas, ut volem sursum DEO! erat Marius Victorinus hymn. 3. ex Psalm. 55.*)

Queis celsa conscendant Poli!

Quas sibi cum velox mens induit

Terras perosa despicit.

Iidem pisces, semen Christi, qui veteribus ex acrostichide nominis *ἰχθῦς*, *Piscis* est, ait Optat. Millevitanus, qui in baptismo per invocationem fontalibus, undis inseritur, ut quæ aqua fuerat, à pisce etiam piscina vocetur. Pix & bitumen sunt impii, hos in Ecclesiæ navim colligere, hoc opus, hic labor est. Adhibenda varia remedia, ostendenda tabes peccati, quasi cruor menstruus Esa. 64. & ignominia æternitas, quod quasi lotio est perfundere: denique si hæc nihil effecerint, sacra carmina recitanda, piæ preces, quibus tamen nisi æstus tribulationum, nisi ictus divinarum securium efficaciam dederint, nil dederit. Hoc est *πάταλον πατήλων*

ἐκκαθεν & malo nodo malum adhibere cuneum. Fuge Picem, qui fapis, nisi impediri vis & pollui! Nam ut habet Theognis:

*A puris pura accipies, sed turpibus amens
Mixte, cave mentis perdere quicquid habet.*

LXXXIII.

Ciconum aqua & similes.

Ditescere cupientes incidunt in tentationem. 1. Timoth. 6. 9. Ovidius.

Flumen habent Cicones quod potum saxeæ reddit viscera. In quibusdam Italiæ locis evenire ait Seneca, ut si virgam, si frondem demerferis, lapidem post paucos dies extrahas. Talis fons est Salis, de quo nuper ex Strabone, aqua tantâ celeritate concrefcentibus, ut si avium alæ madescant, volatum impediunt, & corollæ imbutæ statim rigido salis gelu constant, vide alia apud Mokium de aquar. affect. Tales aquæ sunt divitiar. Ὅπως ἂν λάθῃ τὸ ρεῦμα τῆτο, ἐντεῦθεν ἀναγκαστὸν ἐξοικίζεσθαι ἀρετῇ, non potest non exulare virtus, ubi hoc flumen latet, ait Themistius in Grat. Act. ad Const. Imp. Ea de causa ait, se hunc quasi felicitatis torrentem, occultis Cæsaris canalibus in domum suam derivatum, velut objecto aggere avertisse. Ubi opes, ibi semper ferè

Capit cor cura, erumna corpus conficit.

Denique alas intervelli, & ipsos divitiarum amassios, lapidescere testis erit uxor Lothi. Genes. 19.

LXXXIV.

LXXXIV.

Fons Vitæ Mortisque Index.

Ira Regis, nuntius mortis: Serenus vultus, vita.
 Proverb. 16. 15. 16. In Bohemia non procul à pago Milavvez, ut refert oculatus testis Zachar. Theobald. In Arcan. Nat. Fons est Woytieska dictus ab accolis, ex quo si quis hauriat eo vase, quo hibernare solitus sit æger, indicium vitæ accipit, si serenus fluxerit; mortis, si turbidus: Ita in vultu Regum clarissimum argumentum est vitæ, necisque. Nihil pulchrius oculo eorum Clemente.

Contra fortuita ad aspectu Rex cives refovet suo.
 Verè Aurélius Anton. Imp. Nihil magis commendare Imperatorem Gentibus, quàm Clementiam. Nam &

--- *sola Deos æquat Clementia nobis!*

Claudian. in Panegy. Honor. 4. Ita ut exosos reddit, ita turbat animum, pervertit iudicium, mortem præcipitat. Nam juxta P. Syrum:

Fulmen est, ubi cum potestate habitat iracundia.
 Cogitent imperantes, utrum Mundi status gratior oculis pulchriorq; sit sereno & puro die, an cum fragoribus crebris omnia quatiantur & ignes hinc atque illinc micant? Atqui non alia facies est quieti moderatiq; imperii, quàm sereni Cœli & nitentis! Crudele regnum turbidum, tenebrisq; obscurum est, &c. Seneca de Clement. l. 1. c. 7.

LXXXV.

Fons in Andro.

Cætum publicum ne deferamus. Hebr. 10.25. In Templo liberi Patris, quod erat in Insulâ Andro Plinius author est, fontem quotannis Nonis Januariis vino fluxisse, sed ut sapor iste nulli præberetur extra templum. Mutianus verò id singulis septenis diebus accidisse prodidit. Refert Michaël Piccart. Vir Clariss. in orat. de Lusib. Naturæ. An id aliquando verè evenerit, id neque affirmare habeo, neque negare. Res Diaboli vires non excedit, miris ille præstigiis hominum sensus ludere & potest, & ut sibi locisque suo honori consecratis divinitas opinionem augeat, ab antiquo assolet. Vide Libellum aureolum Nicol. Hurnii Theologorum acutissimi, qui probavit: *Ecclesiam Romanam non esse Christianam*, hic titulus est. Epiphanius hæresi 51. refert, quotannis eâ die & horâ, quâ primum in Nuptiis Canæ celebravit miraculum Dominus, vinum ex fontibus fluxisse, seque ipsum bibisse ex fonte Templi Geraseni in Arabiâ, testesque esse, quod idem in Ægypto & Nilo evenerit. Mira res! nisi fortè idem his fontibus evenit, quod apud Æthiops Mensæ solis, ut vino repleti fuerint, obduratis scaturiginibus, à Magistratibus aut aliis, ut miraculi memoria sic commendaretur. Tempus ferè cum eo quod assignavit Plinius convenit. Remansit credula superstitio, quod cum pace Epiphanii dicam, etiam sub papatu apud majores

Jores, qui nocte media, quâ natus mundi Salvator creditur, unde nostri Sanctam dicunt, die *Wenhenacht*/ *Wenhe* enim Sanctum est, unde *Wenhen* consecrare, in puncto temporis omnes aquas mutari in vinum crediderunt. Sape à Parente meo audiivi puer, Deyssellæ, quæ ei Patria fuit in Hassiâ inferiore, temerarium quendam experimentum capere voluisse, profectumque extra pagum ad ripas *Dimmellæ* præterfluentis expectasse, sub noctis meridiem, ictum campanæ duodecimam horam indicantem, tum, cum cum audisset, haustro arrepto aquas è fluvio petiisse, recitato quasi legitimo carmine:

In der Nacht der Wenhen

Da werden alle Watter Wein/

quasi dicas: *Nocte sacri partus vinum fuit omnibus undis*; vix finierat, cum horrendus ei vir adstitit, post quem nihil vidit, inque oculos inflans, dixit rythmum complens:

So sind deine Augen mein!

Sed quod de fonte Liberi patris dixit Plinius, quod Mutianus; de Fonte divini verbi verus dixeris, efficacius & sapidius fuit in Templo; *Viva vox plus afficit, plus efficit*. Sive enim mœror aliquis negotium facessat, hic relegatur; sive curæ seculares, aufugiunt; sive aliena à ratione perturbationes sedantur. Qui huc cum studio & fide ventitat, innumeris thesauris ditatus abscedit, & si os tantum aperuit, omni odorum suavitate continuo completur: Hæc & alia S. Chrysof. in S. Lucian. Martyr.

LXXXVI.

Jordanes.

Qui perseveraverit, usque in finem, salvus erit. Matth. 10. 22. Jordanes unum atque alterum lacum integer perfluit: tertio retinetur, Tacitus l. 5. histor. Egesippus: Duos lacus videtur egressus, tertio retinetur. Nam ut Lipsius in Notis ad Tacit. observat, transit stagnum Tiberiadis, & in Traconiti de lacu, cui Samochonitis nomen, tandem mari Mortuo hauritur. *Non requiruntur in Christianis initia, sed finis.* Hieronym. Quid juvat semel atque iterum in acie contra vitia stetisse & rem gessisse fortiter, si tandem perduellis evadas aut deditione capiaris?

Non benè qui capit, sed qui benè perstitit, & qui Pertigit ad metam donatur honore coronæ.

LXXXVII.

Gyndes fluvius.

Babylonis infantes ad petram allidere: Psalm. 137. v. 12.

--- Consueta relinquere durum!

Cyrus Babylonem expugnaturus Gynden latè fustum amnem vado transire tentavit: Uno autem equo, qui trahere regium cutrum albi solebant, vorticibus abrepto, irat⁹ juravit, se amnem eò redacturum, ut & a foeminis transiri possit, & tamdiu operi huic assedit, ut tandem in 160. rivos disper-

geret, siccumque relinqueret. Seneca l. 3. de ira c. 21. Babylon est *Concupiscentia* prava *Vitium*, ut aiebat Bion *Metropolis*. Hanc expugnaturis plerunque obiacet malæ consuetudinis flumen infidum, vorticosum, in quo crebra naufragia & *Apparent rari nantes in gurgite vasto.*

Pauci emergunt,

*Nec revocare gradum quisquam gressumq; referre
Præcipiti jam mente potest,*
ut habet Alcimus Avitus l. 4. *Habet enim hoc infelix consuetudo peccandi, ut quantum ampliùs quisque peccaverit, tantò minùs peccata ipsa intelligat, & tantò plùs eum peccare delectet.* Eusepius quispiam Gallus homil. 5. ad Monach. Remediũ à tempore venit, si deduxeris quasi in rivos, & nunc hunc, nunc illum transilias. *Est consuetudo hæc quedam gravis & perniciofa catena, solvenda utique faciliùs quàm rumpenda, ut hic maximè vulgare illud proverbium videatur usurpari, industriam violentiã potiorẽ.* Bernhard. in serm. de VII. Sp. S. donis. Optimum igitur, obstare principiis. Hinc S. Paulinus in Psalm. suprà cit.

Si cupis extincta Babylonis stirpe beari

In te ipso primis gliscentia crimina flammis

Frangere fidem, jam propter adest, Petra Christus, in ipso

Viperam sobolem validis elide lacertis.

LXXXVIII.

Aqua dulcamara.

Labia Meretricis suavia, novissima absynthium.

Pro-

Proverb. 5. v. 3. Hypanim tradit Herodotus ab ortu quinque dierum via dulcem fluere, deinde per quatrimum valde amarum, apud Athenarum l. 2. Dipnos. cap. 2. Asanius lacus est, cujus aquæ in summitate sunt dulces atque potabiles, si ad profundiores processeris, vitiosas comperies, Boccatius de Lacub. Sic Voluptas primò dulcis, in fine amarescit. Scitum est & scitu dignum Aristotelis dictum, quo voluptatum initia oblivioni mandanda asseruit, & solos exitus recordandos, apud Saresber. l. 8. Policrat. cap. 5. p. 468. ὡς περ καὶ ἡ ἀμαρτία γλυκεῖα μὲν τῇ γένεσι, πικρὰ δὲ τῇ πέλει καὶ τῇ ἀναδύσει καθῶς, εἴρηται, ut & Peccatum dulce gustu sed amarum concoctu, ut ajunt, Andreas Casariensis. in Apoc. c. 29. Juba, apud Plinium, in Troglodytis lacum esse dicit, insanum maleficam appellatum, ter die fieri amarum falsumque, ac deinde dulcem, totiesque etiam noctu, scatentem albis serpentibus vicensimum cubitorum l. 31. cap. 2. Vita humana talis lacus, in quo multi serpentes genimina viperarum,

--- dolor & voluptas

Invicem cedunt, brevior voluptas.

Et subtexta malis bona sunt, lacrymaeq; sequuntur

Vota, nec in cunctis servat Fortuna tenorem.

LXXXIX.

Fons in Chersoneso Rhodiorum.

Effunde sicut aquam cor tuum. Threnod. 2. 19. Est in Chersoneso Rhodiorum fons, qui post magnum intervallum temporis, foeda quædam

dam turbidus ex intimo fundat, donec liberatus
eliquatusque est. Seneca l. 3. qq. Nat. cap. 26.
Imago Pœnitentiæ & confessionis; optimum
liberandæ eliquandæque mentis medium! Ni-
hil rarius, adeò ferè nullus qui dicat: quid fe-
ci? Jerem. 8. vers. 6. *Nam quis, ut queritur Ju-
venalis,*

Peccandi finem posuit sibi? quandò recepit

Ejectum semel attritâ de fronte ruborem?

Sed nihil salubrius, nihil DEO acceptius. No-
veris volo non ut est apud præsulem fori, sic esse apud
judicem Mundi. Namque ut is qui propria vobis
non tacuerit flagitia damnatur; Ita nobiscum, qui
eadem DEO fuerit confessus, absolvitur. Sidonius
lib. 4. Epist. 14.

XC.

Fons Garamantum.

*In angustia, quesierunt te. Esa. 26. 16. Garaman-
tum oppidum est Debris fonte miro,*

Frigore qui noctis servet calefactus Æ umbris,

At Solis friget radiis glacialis Æ igni.

Priscianus de situ Orbis. *Quis ergò non stupeat
fontem, qui friget calore, colet frigore?* Solin. cap.
31. Sed hoc plerisque hominum est ingenium,
quando Sol illis candidus affulget, algent, nive
Gallicanâ frigidiores: Si nox ingruat tempesta-
temque hyememque ferens incalescunt, ut sa-
pienter dixerit Idiotæ de contempl. Patient.
cap. 1. *Quamvis omnis fortuna timenda sit; tamen
magis timenda est prospera, quàm adversa: quia
hec quidem seviendo erudit; illa autem blandiendo
educit.*

XCi.

CXI.

Aqua Stygis.

Fortissimi quique interfecti sunt ab eâ, via inferidomus ejus. Proverb. 7. 26. Alter Stygis fons est circa Theſſalica. Tempe, viſus omnibus terro-
 rori eſt, traduntque etiam æs & ferrum erodi illa aqua. Profluit brevi ſpatio, mirumque, ſiliqua ſylveſtris amplecti radicibus fontem eum dicitur, ſemper florens purpurâ, ex Plin. l. 31. cap. 2. Schenck. l. 7. obſ. Medicin. 4. pag. 9. *Silique*, S. Lucas Græcè vocavit *ægætia* quod fructus cornuum formam habeat noſtris. Johannis brod/cibus tenuiorum hominum, unde Horatius l. 2. Epist. 1.

--- *Vivit ſiliquis* & pane ſecundo,
 & porcorum eſt. Luc. 15. 16. Theophylaët. *affimilatur ſiliquis peccatum, dulcedinem habens* & *aſperitatem, delectat enim momentaneè, & perpetuò cruciat.* Euthymius voluptates putat indicare.

Sperne voluptates, nocet emptâ dolore voluptas.
 Arridet oculis voluptatis virens purpura, palato dulcis ſilicula; at radices Stygem implicant, quæ æs quoque & ferrum erodit, adeò verè dixit Xenophon; *Multò plures poſſe in vincendis hoſtibus, quàm voluptatibus ſuperiores evadere.* In vita Agellai c. 33. Quod ut de omni, ſic de meretriciâ voluptate inprimis, uſu comprobatur. Appoſitè vetus quidam:

*Omnis mulier intra peſtus virus celat peſtilens,
 Dulce de labris loquuntur, corde vivunt noxiø.*

Denique sola asini ungula reperta, neque ulla alia materia, quæ non perroderetur à veneno Stygis, Plinius l. 30. c. 16. Ita fieri nequit, ut ab impuris voluptatibus animus nullam capiat noxam, nisi prorsus sit *ἀναισθητός*, atque adeò ipsa Asini ungula stupidior. *Amare & sapere, nec DEO conceditur.*

XCII.

Lacus Nidrosiensis.

Aque plurimæ non poterunt extinguere. Cantic. 8. 7. Propè Nidrosiam Metropolin Norvegiæ Lacus est qui in summis frigoribus non congelatur, in fundo enim venis sulphureis scatet & fervidus est, vide Olaum, M. lib. 2. cap. 1. Sic Charitas, etiamsi in summo sit frigida, in cordis fundo tamen fervet, nec ullo aut frigore, aut aquarum cumulo extinguitur. Non in oris superficie est, verbis non ostenditur, sed factis. *Parvus amor est qui oris testimonio sufficienter aperitur.* Ennod. lib. 7. Epist. 8. *Avi & atavi nostri cum allium & cepe eorum verba olerent, tamen, ait Varro Bimargo, optime erant animati.* Multi calida & callida verba dant, quorum animus frigidior est rigente brumâ. *Salices frugiperdæ!* de quibus Petrus Ravennas Chrysologus; *Sicut sterilis arbor, quæ vernali tempore cum tota candescit in flore, fructum non dat, sed fallit: Ita Charitas quæ putatur, & non est occasionum concussa fluctibus, evanescit.* Serm. 162. Addo, ut miraculum est lacus ille in hyeme non duratus gelu; Sic verè Charitas.

Rara

Rara avis in terris, nigroq; simillima Cygno.
Adeò ubique refrixit! Matth. 24. 12.

XCIII.

Insula natans.

Omni custodiâ serva Cor tuum, Prov. 4. 23.
 Quid ita omni? Quia fugitivum est, vagum
 est; Petulantium puerorum, more semper se domo
 proripit, ut vanitatibus & lusibus suis indulgeat: Est
 velut canis venaticus pruriens pedibus ad venatio-
 nem & ad prædam suam omni momento exire gliscens.
 Hæfftenus in Schola cordis lib. 2. Lect. 1. Nihil
 est in me, Corde meo fugacius, quæritur S. Bern-
 hardus. cap. 9. Meditat. Hinc David, 2. Sam. 7. 27
 Invenisse se dixit Cor suum, quasi sciret ab eo fugere,
 & ille sequi velut fugitivum, & non posse compre-
 hendere, ac clamara ad Dominum: Cor meum dere-
 liquit me! Psalm. 38. v. 13. Augustin. in Psalm. 85.
 In mari versùs Hiberniam, ajunt, insulam, cui ex
 re nomen venerit *Fugitivæ*, visam & à navigan-
 tibus sæpè petitam semper effugere solitam, nul-
 lique se calcabilem præbere vo uisse, donec sua-
 su senis cujusdam Sapientis tela ignea in eam
 projecta sint. quod ignem Lemuribus, à quibus
 insula possessa tenebatur, adversari dixisset. Ta-
 lis insula est Cor nostrum, solo igni Gratia &
 verbi Divini stabiliendum Hebr. 13. 9. sic D. Die-
 tericus in Sap. cap. 1. conc. 5. pag. 71. Ergò uti-
 que summa diligentia custodiendum. Bonum
 castellum custodit qui corpus suum custodit, vulgi
 verbum est. de quo Bernhard. sermon. 46. ex Par-
 vis: Quanto magis, qui Cor?

XCIV.

Alia.

Circumferri quavis vento, Ephes. 4. 14. Ipse ad Catulias natantem insulam vidi, quæ & arbores habet & herbas nutrit, tamen aqua sustinetur; & in hanc atque illam partem non tantum vento impellitur, sed & aura. Nec unquam illi per diem & noctem in uno loco statio est. Seneca l. 3. qq. Nat. cap. 25. Meminit & Macrobius. 1. Saturn. c. 7. & alii. Tale est ingenium τὸ ἀσμεάντων, quale arundinum fluvialium

--- quas leniter adflans

Aura susurrantis posset confundere ventus.

Quid multa? Verè Boëthius l. 2. Met. 3.

Constat eternâ positumq; lege est,

Ut constet genitum nihil.

Volunt mortalia vices crebra Omnium rerum fugâ vivitur. Symmach. l. 8. Epist. 27.

XCV.

Insula Accipitraria.

Saturitas divitis non sinit eum dormire. Eccles. 5. vers. 11. Navigantibus ex Hispania in Americam obvix sunt Insulæ Accipitrariæ: Primus detexit Bentencurius Gallus & Lusitanis vendidit; id mirum! circa eas qui navigant infestari culicibus, cimicibus, pulicibus, pediculis, sed simul atque prætervecti fuerint, liberantur. Ex Navigat. Hulsii. Idem accidit in hoc vitæ humanæ Pelago ut circa Accipitrarias, avaritiæ & am-

& ambitionis sedem, vela facientes multi undique circumstrepant culices; pediculi, qui oculis somnum videre non sinunt, & edacibus moriunculis animum exagitant. Nam ut de avaritia cecinit. Prudentius in *Psyfomach.*

*Cura, fames, metus, anxietas, perjuria, pallor,
Corruptela, dolus, Commenta, insomnia, sordes
Eumenides Furiae, monstri comitatus aguntur.*

Ita pediculos, ait Aristophanes in *Pluto*, vellicare aurem & immurmurare

--- πηνήσεις αὐτὴν ἐπενέλω!

Bene igitur Salomon: *Melior pugillus cum requie.* Eccles. 4. 7. vis te non infestari ab istis cimicibus, accipitrarias prætervehere, idque quam primum: *in freto viximus, moriamur in portu.* Senec. Epist. 19.

XCVI.

Montes & Luci asyli.

In Monte Sion erit Salus. Joël. 2. 32. In monte Parthenio Templum erat Panos, & circa illud area Aula dicta, in qua cervis aliisque imbellibus feris tutissimus receptus erat, adversus Lupos & Leones: *Ælian. l. 11. hist. anim. c. 6.* Fortè non alius est locus in Lycæo monte Arcadiæ, sacer Jovi Lycæo, quo feras confugientes venator non persequitur, & jaciunt illæ in hac sacra area nullam de se umbram. Pausan. in *Aread.* Sic apud Venetos Lucus fuit Junonis Argivæ, & alius Dianæ Ætolicæ, in quibus cervi inter lupos agebant impunè, Strabo l. 5. Pertinet huc Mons Kindaculle apud Austro Gothos altissimus, amœnissimus, & omni-

& omnium fructuum sponte suâ feracissimus, ut sit quasi Paradisus, ad quem nautæ tempestatibus jactati remis velisque contendunt, nam ad pedes ejus tranquillissimus portus est. Olaus l. i. etc. Talis mons est Sion Ecclesiæ, in quo sit quod ex Esaia c. l. i. in Sibyllinis extat; ex vers. Castalionis:

*Cumq; Lupis agni per montes gramina carpent,
Permixtiq; simul pardi pascentur & bœdi,
Cum vitulis ursi degent, armenta sequentes,
Carnivorumq; Leo præsepia carpet uti bos,
Et pueri infantes colubros in vincula mittent.*

XCVII.

Montium concursus.

Mons perniciosus. Jerem. 51. v. 25. Montes sunt Principes & potentes; si boni; umbriferi, frugiferi,

--- tempus iræ dare

Orbi quietem, seculo pacem suo

Hæc summa Virtus, petitur hæc Cælum via.

Seneca in Octavia. Et ut isti immoti, sic Principum fidem esse decet;

Quâ sine non tellus pacem, non æquora norunt.

Longè lateque conspici possunt. Quantò excellentiorem locum tenemus inter homines, tantò magis omnium patemur adspectibus; omnium itaque mortalium oculi, omnium judicia, omnium vota nostrum velle ac nolle considerant, ait Constant. M. in Epist. ad Helen. Matr. Deniq; testante Senec. in Oedipo;

Ut alta ventos semper excipiunt jura;

Imperia sic excelsa fortuna objacent.

At

At cùm concurrunt terrâ movente, nihil perniciosius. Sic Anno Urb. Cond. 666. quo sociale bellum exarsit, in agro Mutinensi duo montes inter se concurrerunt, crepitu maximo assultantes, recedentesque, inter eos flammâ fumoque in Cœlum exeunte: eo concursu villæ omnes elisæ, animaliaque multa, quæ intra fuerant, exanimata sunt. Julius Obseq. de Prodig. cap. 116.

Quicquid delirant Reges, plebuntur Achivi.

XCVIII.

Æthna.

In irâ memor misericordie. Habac. 4. 2. Sicilia, ut est apud Priscian. de situ Orb.

--- montem mirandum sustinet Æthnam,

Vertice qui summo rigidâ nive temperat ignem,

Nec superant flammæ frigus, nec frigora flammæ.

Possis ad impuros amatores transferre, in quibus durissimum frigus est, si Deum, si proximum respicias, & tamen, si amoris amentiam

--- acrior mentem excoquit

Quàm qui caminis ignis Æthnæis furit.

Seneca Herc. Fur. Sed ad Deum venustius, qui Iræ vindices flammæ, nive & refrigerio gratiæ semper temperat, *De nostro iustus*, ut ait Tertullianus, *de suo optimus*. Denique apud inferos quoque eodem modo Tartarus, ut visum antiquis,

--- Cobibet, mirabile dictu,

Æternam flammis glaciem, æternoque rigore

Ardentis horrent scopuli ---

ut de Æthna scripsit Silius lib. 14.

CXIX.

XCIX.

Spelunca Dalmatica.

Iracundia quiescit in sinu stultorum. Eccles. 7. 11. Specus est in Dalmatiz ora, vasto in præceps hiatu, in quem dejecto levi pondere, quamvis tranquillo die, turbini similis emicat procella. Nomen loco est Senta. Plin. lib. 2. cap. 45. Similia feruntur de lacu Lucernatium in Helvetia, lacus Pilati vocatur, obsessus ab im-mundis Spiritibus, in quem si quid deditâ operâ conjiciatur, statim fremit, intumescit, effluit, agris perniciem affert & obviis quibuscunque, ut prodidit Vadianus in Pomp. Mel. Lignaridus in oblectam. Academ. &c. Alia vide apud Majolum Colloq. XII. Zach. Theobaldus alium describit lacum in finibus Bohemorum situm non procol à Schüttenhoff/ cui nomen sit Bavarico, ut locoubi est, in jener Welt/ in altero mundo, cui si ferrum si lapidem injeceris, non prius quiescere videbis, quàm è fundo iterum emoritur, & quasi evomuerit. In Arcan. Nat. Talis specus, talis lacus est cor τ φιλατίων καὶ μικροκα-
των, quibus animus

--- levior cortice & improbo

Iracundior Adriâ;

Si bene quid feceris levior plumâ est gratia, si vel minimo digitulo offenderis plumbeas iras gerunt, & vel ad imprudens verbum ita exandescunt, ut ab iis Lucernam, loquar cum Theocrito, possis accendere. Malæ mentis, mali Spiritus argumen-tum! Nam ubi bona Mens, ubi S. Spiritus, ubi

Alcyo.

Alcyonii quasi dies sunt. Venuſtè Petronius in Satyrico : *Incultis asperisque regionibus diutius nives hærent ; aſt ubi arato domeſacta tellus nitet, dùm loqueris levïs pruina dilabitur : Similiter in pectõribus ira conſidit ; ſeras quidem mentes obſidet, eruditæ præterlabitur.* Quò nihil ad ſententiam Salomoniam aptius quadraret.

C.

Ager calvus. Lacus Gadarenus.

Ne diligatis Mundum. 1. Joh. 2. 16. Apud Indos campus eſt venenofum gramen edens, quò paſta animalia pilos & cornua amittunt, undè nomen Calvo. Itaque Elephanti refugiant, & nil ex eo natum guſtant. *Ælianus lib. 8. hiſt. anim. c. 15.* Par veneni efficaciam aquæ Gadarenæ, è qua quod biberit pilis, unguibus, & cornibus, ſi quod ſit cornutum, animal deſtituitur. *Strabo l. 16.* voluptas, honor, opes virulenti ſucci, κακὰ καὶ βλαβερά ſunt. Tres denique in Mundo quaſi lacus ſunt in quibus maxima pars hominum peritat ; Tria ſtagna, ait Marcellus Palingenius in Sagittario :

*Quorum unum fertur limoſum illique Voluptas
Præſidet : aſt aliud ſpinoſum dicitur, in quo
Regnat Avaritia, & Lucrandi effræna cupido :
At reliquo eſt nomen fumoſo, cuius habet jus
Imperiumque tenet ſit i-bunda ſuperbia honoris.*

Robur omne animi & corporis enervat mundus.

Tri-

Triplex ille mundanæ voluptatis fons, eandem habet indolem cum aqua Salmacis:

Quisquis in hos fontes vir venerit, exiit indè

Semivir & tactis subito mollescit in undis:

Ovid. 4. Metam. *Impedit consilium voluptas, & rationi inimica est, & mentis, ut ita dicam, perstringit oculos, nec ullum habet cum Virtute commercium, Cicero de Senectute.*

CI.

Fons Job.

Sufferentiam Job audistis, & finem Domini vidistis. Jacob. 5. vers. 11. Fons Job in Idumæa quater in anno colorem mutare dicitur, id est, pulverulentum sanguineum, viridem & limpida, ternis mensibus in anno tenens unum ex his colorem. Hæc Isidorus lib. 13. Etymol. cap. 13. quæ Boccatus de fontib. repetit. Ita omnium rerum vicissitudo est. Nostra certè metatio, quod clausis, vel in totum Homericis oculis liquet, totum versiforme est: dies & nox invicem vertunt: Solstitutionibus annuis, Lunamodulationibus mensuris variat, &c. Tertull. de Pallio. Felix patientia!

Fortiter malum qui patitur, idem post potitur bonum!

Specula Jobum, cui post pulverem & sanguinem nunc æternum virescit voluptas, & quas limpida fluit ac sincera lætitia. Merito igitur beatificamus qui Justinuerunt, Jacob. 5. v. 10.

--- Dicimus autem

Hos

*Hos quoque felices, qui ferre incommoda vitæ
Nec jactare jugum vitæ didicere magistrâ.*

Juvenal: Satyr. 13.

CII.

Aurea Pythia mensa & alia.

Non in persuasoriis humana Sapiencie verbis.

1. Cor. 2. v. 4. De Pythiæ auri fodinis, & inexplabilis, deque uxores prudenti consilio, quo animum auro unicè deditum mariti ab isto studio nonnihil abduxit, appolitis omne genus ex auro elaboratis eduliis, visu quidem elegantibus sed quæ avido stomacho placando non essent, cum neglectis agris omnes in eruendo auro essent subditi, famesque jam premeret regionem, notissima est historia. Argumentum elegans, nihil humanarum rerum famem mentis nostræ exsaturare. Heliogabalus Parasitis suis in secundâ mensâ sæpè ceream Cœnam, sæpè ligneam, sæpè eburneam, aliquandò fictilem, nonnunquam vel marmoream etiam vel lapideam exhibuit, ut solis oculis vescerentur, & manus, quasi comedissent, lavarent. Lamprid. in Heliogab. Eloquar? an fileam? nunquid Deus, ipse insanos Mundi hujus Parasitos ita ludit? Quid omnes Persarum montes, qui toti aurei fuisse credebantur? quid honores quid voluptates, ipsa humana Sapiencia eloquens, & Eloquencia sapiens, quid? nisi cibus ex auro, ebore, marmore? quem qui esse velit, cum calceatis dentibus veniat oportet, nec magis tamen abibit satur, quàm Tantalus apud Inferos.

Qui sitit inter aquas & poma fugacia captat.
 Ita fit, quod prædixit Dominus, *mensa in laqueum*,
 ex Psalm. 69. 27. nam non satiat cibus iste sed
 suffocat. Sed aliud erat in animo. Oratio elegans
 & quasi aurea, at verò in recessu sterilis, epulum
 quoque est Pythiæ, Heliogabali mensa secun-
 da. Zeno argento Alexandrino similem dixit, scitè
 percusso, sed nihili. Plutarchus, operi coronario
 virginem, quod ex pulcherrimis floribus contex-
 tum, diarium est & nullius frugis. Scitè Nazianz.
 in distichis :

ἤχοι θαλάσσης ἀνδρὸς ἀφρονὸς λόγοι,
 βέλτοντες ἀκτὰς, ἢ πιαίνουσι χλόας.
Ut litorales sunt soni stolidi logi,
Fremunt in acta, nec solum pingue faciant.

CIII.

*Aureum rete, argentea an-
 chora.*

Aurum & argentum stabiliunt pedes, Sirach. 40.
 25. Sunt quasi anchora firmissima, ut vulgo vi-
 detur, sapientibus non item;

Quisquis habet nummos securus naviget aura
Fortunamque suo temperet arbitrio.

Petronius in Satyr. Phœnices in Tartessum navi-
 gantes primò, tantam argenti vim ex permuta-
 tione aliarum mercium compararunt, ut nautica
 vasa, omnia, etiam *anchors* subdiscessum *argen-*
teas facerent, quod navès non essent capiendis
 tot opibus. *Argenteâ anchorâ nitti* idem quod *ar-*
gentei

genteis bastis pugnare, & aureo bamo piscari. Nero piscatus est rete aurato, purpura coccoq; funibus nexis. Sueton. in Nerone. Pulcherrimum nassæ aut reticuli genus, mirum si non pisces ipsi suâ sponte se induerunt. Nempè ut in auream Timothei Atheniensium Ducis nassam urbes spontè ingrediebantur, dormiente ipso, de quo alibi Euripid. in Bellerophonte citatus à Seneca, de Pecunia venustè dixit:

*Tam dulce siquid Veneris in vultu micat,
Meritò illa amores cœlitum atq; hominum movet.*

CIV.

Æneus aper Caledonius.

Non est finis ulli populo. Eccles. 4. 12. Novitatis semper avidum est vulgus, regnantibus nunquam non infestum, præsentium tædio, futurorum ambitu. Id aper ille Caledonius significabat, qui Constantinopoli erat in Hippico æneus, fetis horrentibus & dentibus fulmineis Leonem invadens, cui conjux Alexii Comneni Euphrosyna magicis artibus dementata rostrum præcidit: At Isacius Angelus in imperium restitutus in magnum Palatium transtulit, sic plebem se in officio retenturos sperabant. Nicetas Choniates. in Alexio & Isacio l. 3. & 4. Annal.

*Tradere turpi fasces populus
Gaudet, eosdem colit & odit,*

Meritò igitur timet, qui timetur.

λαῶν μὴ πίσειε, πολύτροπος ἐστὶν ὁ μῦθος,
Nè vulgo credas, varium & mutabile semper.

CV.

Vitreus globus præstigatorum.

Non esse sapientum cibum, non prudentum divitias.
 Eccles. 9. 11. Quid ita? brutorum ergò & dormientibus

--- *per ventos assa columba venit?*

Refert Nicephorus Gregoras. l. 8. suâ tempestate venisse Constantinopolin præstigiatos Ægyptios, quorum aliquis vitreum globum in altum jactatum, relabentem, nunc digito uno, nunc cubito, nunc alio modo dextrè excipiebat. Vitreus globus Fortuna est, nam ut est in Mimis

--- *cùm splendet, frangitur:*

hunc cœlo delabentem excipere prudenter summum ad felicitatem compendium est. Ita pilæ sparsivæ confert divitias S. Asterius homil. in Calend. Januar. quæ datatim ab alio ad alium transvolat, & ex arte excipi debet. Quomodo tali cadant bono eventui in manu est, sed artis est qualemcunque jactum bene disponere. Sensus itaque est dicti Salomonii: (quamvis aliqui Epicureis tribuant, omnia in casu ponentibus, & apud quos Fortuna utramque facit paginam) non solo consilio & prudentiâ niti debere nos, multum in fortunâ, quam Philosophi nihil suâ vi posse, sed providentiæ ministram esse voluerunt. Macrobi. lib. 1. Saturn. cap. 16. Fallitur Juvenalis:

*Nullum Numen abest, si sit prudentia: Sed Te
 Nos facimus, Fortuna, Deam, cœloq; locamus.*

Quare

Quare fallitur? quia *φρόνησις τύχης δεινὴ*, Prudentia eget fortuna comite. Plutarch.

CVI.

Vitrum ductile.

Septies cadit justus. Proverb. 24. 16. Fertur sub Tiberio Cæsare quendam artificem excogitasse vitri temperamentum, ut flexibile esset & ductile. Qui cum admissus esset ad Cæsarem, porrexit Phialam, quam ille indignatus in pavementum projecit, (imò, ut ex Petronio refert Saresber. l. 4. Policrat. c. 5. Faber ut admirationem intuentium verteret in stuporem ipse se in pavementum projecit tanto impetu, ut nec constantissima & solidissima æris materia maneret illæsa) artifex autem sustulit phialam de pavimento, quæ complicaverat se, tanquam vas æneum, deinde malleum de sinu protulit & phialam correxit. Hoc facto Cæsar dixit artifice: Numquis alius scit hanc condituram vitrorum? Postquam ille jurans negavit alterum hoc scire, jussit eum Cæsar decollari, ne, si hoc cognitum fieret, aurum pro luto haberetur, & omnium metallorum pretia abstraherentur. Hæc Isidor. l. 15. Orig. c. 15. Mirus Faber est Deus Opt. Max. vasa Gratia, quæ præparavit ipse, sæpè quasi pessum daturus solo affligit, ut stupeat orbis, expavescant ipsa: *Nim robur mihi lapideum? nùm caro mea cbalybea?* tinnit quasi Sanctissimus Jobus, optatque *conteri & comminui*. cap. 6. vers. 9. 12. Sed expecta paulisper: refinget ille opus suum de pulvere suscitatum, quod ita temperavit, ut cadere possit,

possit, perire non possit. De operibus Dei non est iudicandum ante Quintum Actum.

Dextra Dei in melius vertere cuncta potest.

CVII.

Turris ferrea.

Nervus ferreus cervix tua. Esai. 48. 4. *Turris ferrea* apud inferos fingitur à Platone Poëtarum Virgil. 6. *Æneid.*

*Porta adversa ingens, solidoque adamante columna,
Vis ut nulla virum, non ipsi excindere ferro*

Cœlicolæ valeant ---

Superbia est: quam nec Divinus timor, nec humana virtus nec fama verecundia revocare potest. Fulgent. Placiad. de Virgil. Contin. Ejusdem imago est turris Babylonica, vide Hieron. Lauret. Sylv. Allegor. in Turris. Vere enim *γίγαντις* superbia, montes imponit montibus, --- *Et cœlum territat armis.* Pectus habet ferreum --- *Et rigido stant adamante fores!* Zachar. 7. 12.

At mihi magnoperè faber est invisus, in altum

*Qui struit, adhitens superare jugum Oromedontis,
ut est apud Theocritum.*

CVIII.

Ferri Messis.

Expectavimus pacem Et non est bonum. Jerem. 14. 19. Ferrum alicubi in Cypro feritur circa Tyrriam, aquaque perfusum crescit, ut meti & colligi possit. Aristot. in Mirab. Auscult.

ô Pa-

ô Patria! quàm larga ubique ferri seges est! Succrescitque indies ut irrigua herba! At tu Paci insensa turba,

--- *fecundum concute pectus*

Disjice compositam Pacem, sere crimina belli!

Ferrum seris, ferrum metes! Gal. 6. 6.

--- *authorem scelus*

repetit, suoque premitur exemplo nocens,

CIX.

Aurea Tantali Phiala.

Omnes in unum spiritum potati sumus. 1. Cor. 12. 13. vel ut apud Clement. Alexand. legitur: πάντες ἐνὶ πόματι πρὶομεν. Habeant sibi Brachmanes auream illam Tantali phialem, cujus gratia Philostratus ait Apollonium suum latissimo Phisōn amne transmissio pervenisse ad Brachmanas, ut Hiarcham in throno sedentem aureo & de Tantali fonte potantem audiret, verba sunt Hieronymi in Prologo Bibl. ad Paulin. Nam apud Brachmanas fuit statua quadricubitalis Tantali subscriptione notata, quæ propinanti similes porrigebat phialam, plenam semper liquore incorruptibili, nunquam tamē exundantem, è qua bibere solebant ante somnum, amicitie firmande causa, cujus ferunt Tantalum fuisse studiosissimum. Nobis alius diviniore calix est præbitore Christo Domino, crater Philothesius, in mutuam *charitatis confederationem*, viaticum morientium, pharmacum immortalitatis; hic verē incorruptibilis liquor Sanguinis Dominici, semper abundans

nunquam superfluous, quem effudit cor ejus in
cruce

*Testa quidem felix qua Vita fonte repleta,
Corpora nostra fovet, animas quoque pace quieta.*
Petrus Blesens. de Eucharist. cap. 9.

CX.

Poculum Alexandri, & Vespasiani.

Calix in manu Domini. Psalm. 75. 7. plenus me-
ro mærore, temeto tribulationum. Hauriendus
tamen etiam cum gratiis, quia Poculum Regis,
& Patris est. Magnus honor cum Rege bibere
eodem poculo! Invitavit Macedonum aliquan-
do Alexander novem millia, habitusque omni-
bus is est honor, ut de eo poculo biberent ex
quo Rex propinasset. Arrianus lib. 7. de reb.
gest. Alex. Vespasianus Aviaæ Tertullæ, sub qua
educatus fuerat, memoriam tantopere dilexit,
ut solemnibus ac festis diebus poculo quoque
ejus argenteo potare perseveraverit. Sueton. in
Vespas. post pr. Nos bibere renuemus, unde
prius Rex & Pater?

--- *Quid, vita, rependam*

*Pro vita tibi, Christe, mea? nisi fortè salutis
Accipiam calicem, quo te mea dextra propinet,
Ut sacro Mortis pretiosa proluar haustu!*
Paulin. in Natal. Felic. 9. ex Psalm. 116. 13.

CXI.

CXI.

*Cælum Babylonicum, aurea
avicula.*

Quantò magnus es humiliare. Sirac. 3. 20. Apud Babylonios porticus erat, in cœli effigiem extructa, & Sapphiro, quæ cœlestis coloris gemma est, incrustata; siderum instar habebant aureæ Deorum Babyloniorum imagines; ex testudine pendebant quatuor lynes, motacillas aut torquillas vocatur Latini, quæ *Deorum Lingue* dicebantur, significantes Adrasteam Nemefin, & monentes Regem, qui ex eo loco jus populis dabat, hominem sese meminsens, ne supra conditionem se efferret, Philostratus l. 1. de Apollon. De cœlo Cosrois suprâ dixi, nec absimilis fuit Constantinopolitanorum Imp. Sedes Augusta, in qua Legatos solebant audire,

*Quatuor eximiis circumvallata columnis,
Quas super ex liquido præfulgens cymbius auro,
Immodico similans convexi climata Cœli,
Immortale caput, soliumque sedentis obumbrat.*

ut depingit Corippus l. 3. in Justin. Min.

*Dominare tumidus spiritus altos gere,
Sequitur superbos ultor à tergo Deus!*

Alludit ad Cælum Babylonicum Esa. c. 14. 12.

CXII.

Corona Aenea.

Non est pax impiis. Esa. 57. ult. Henricus VI. Imp. Tyrannum quendam qui Apuliz &

Siciliæ regnum affectâset, horrendo supplicio peremit, æneam ei coronam quatuor clavis infigans, habes, inquit, coronam quam venatus es, nemo tibi invidet, fruiere desiderio tuo! Nicetas Chroniat. in Alex. Comn. lib. 2. Annal. vide Phil. Melanchth. lib. 4. Chronic. Talis est corona gloriæ & felicitatis impiorum, trabalibus clavis infixa, *plus fellis quam mellis habet!* Talis Tyrannorum potentia! *Neque frustrâ præstantissimus Sapientiæ Socrates* (apud Platon. de Repub. vide Lipsii comm.) *firmare solitus est, si recludantur Tyrannorum mentes, posse adspici laniatus* & *ictus: quando ut corpora verberibus; ita sevitia, libidine, malis consultis animus dilaceretur.* Tacitus lib. 6. Annal. *Οὐδὲν Τυραννικὸν δειλότερον* Plutarch. in Arato. Exemplum apud Valer. Flacc. lib. 1. v. 25, Pelias, cui

*Non nulla quies animo, fratrique parenti
Progeniem, Divûmque minas;*

apud Egesippum Herodes, *aliter se non putans esse securum, nisi deficeret genus humanum*, l. 1. Excid. cap. 40. Vide Nicetam in Manuel, l. 4.

CXIII.

Artemisia trophaum.

Curam habe de bono nomine. Sirac. 41. 16. Artemisia post Mausoli Regis sui mortem devictis Rhodiis trophaum in urbe Rhodo constituit, æneasque duas statuas fecit, unam Civitatis Rhodiorum, alteram suæ imaginis urbi illi stigma imponentis, Rhodii postea religione impediti, *nefas enim erat trophæa dedicata, removeri*, circa eum locum

locum ædificium extruxerunt & id erectâ Grajâ statione texerunt, ne quis adspicere posset, & id abaton vocari jusserunt. Ita Vitruvius l. 2. archit. c. 8. Bona fama tenerrima res est, semel laesa tegi fortasse, perfanari non potest unquam.

Obducas licet usque cutem, manet usque cicatrix,

Utque tegas semper vulnera, vulnus habent.

Merito itaque cura habenda est, potior quam divitiarum ut Sirach. indicat. l. c.

Si bonam mihi ser vasse famam, dives ero satis.

Plaut. in Mostellar. Pecuniam si cuipiam ademit fortuna, aut si alicujus eripuit injuria, tamen dum existimatio est integra, facile consolatur honestas egestatem. Cic. pro Quint.

CXIV.

Delphica statua.

Schema Mundi. 1. Cor. 7. 13. *Habitus mundi*, est apud Tertullian. & quasi externa persona, *vacua enim sunt omnia, quæ cernimus*, ut est inter opera Cyprian. de laud. Martyrii, *ὁ δὲ κόσμος*, transitive, decipit adspectu suo, fallit & seducit, sic enim Faber Stapul. & Alciat. in *παρεργ.* ut persona Tragica, quia juxta Petronium, *totus mundus agit histrioniam*. Brennus Gallos suos, corruptis Delphorum captivorum suffragiis, induxit ut statuas Delphicas, ferreas auro superficieten⁹ litas, ex puro puto auro crederent. & alacrius spe prædæ dimicarent. Polyænus l. 7. Stratagem. Quid honor? opes? voluptas? ferrum auro allusum, pro quo mundus tantâ contentione dimicat! Bene! bene! cum quis
aurum

aurum querit, invenit gladium! S. Zeno ferm. I. de Avarit,

CXV.

Dodonaum as.

Pulsate & aperietur. Matth. 7. 7. Dodonæ fuerunt duæ columnæ; in altera pendebat ænea pelvis, in altera pensile pueri simulacrum, flagellum æneum manu tollentis, quo vento inspirante percussa pelvis ad moderatos ictus paulatim increpuit, rogantibus numeris ligata reddens responsa; at vehementius flante vento crebrius & fortius icta diutinum & inconditum edebat tintinum. Hinc Proverbium: τὸ ἐν Δωδώνῃς χαλκεῖον, de loquacibus, vide Adagia Erasmi. Oportet igitur ἀφιλονείκως καὶ ἀφιλοτίμως, ut utar verbis Clementis Alex. πρὸς τὴν θύραν τῆς ἀληθείας l. 8. Stromat, *modeste & placide pultare ostium veritatis*: nam qui aliter faciunt εἰ τιμὴ ἀχρηστον ἐξαίρονται φλυαρίαν, ut idem ait, ut sit in Sophistarum Leſchis, *hirundinum Musea* dixeris;

--- *Verborum tanta cadit vis*

Tot pariter pelves tot tintinnabula dicas

Pulsari. Juvenal. Satyr. 6.

Nimium altercando veritas amittitur.

CXVI.

Æolipila ærea.

Spiritu ferventes, Rom. 12. 11. Ad ignes flatu excitandos. *Fiunt*, ut docet Vitruvius, *Æolipila ærea caveæ*, hæc habent punctum angustissimum

num quo aqua infunditur, collocanturque ad ignem, & antequam calecant, non habent ullum spiritum, simul autem fervere cœperint, efficiunt ad ignem vehementem flatum lib. 1. cap. 6. Licet autem, ut eodem loquar, *artificiosis rerum inventionibus, divinitatis exprimere veritatem.* Aqua in Æolipilâ scientia est, & doctrina; sic enim sæpè quoque in mysticis Scripturæ vide Lauret. Silv. Alleg. in aqua: hæc ut feliciter influat, instillanda est quasi, nec oneranda infirmitas discientium. *Vascula oris angusti superfusam humoris copiam respuunt, sensim autem influentibus vel etiam instillatis complentur,* Quintil. lib. 1. Instit. cap. 3. At nisi fervor accedat à Divino igni, Spiritum aquæ istæ habent nullum. Vis ignem excitare; prius ipse incalescas necesse est.

Ut ridentibus arrident, ita flentibus adsunt

Humani vultus, si vis me flere dolendum est.

Vides quàm sine Zelo parum proficiat eruditio, sine conscientiâ, scientia? Omne in sanctè Docto & doctè Sancto studiorum omnium culmen antevenit, quod habet eminenti scientiæ conscientiam superiorum, ut cum Sidonio Apollin. loquar. l. 1. Epist. 9.

CXVII.

Draco æneus Sinensium.

Draco Magnus. Exech. 29. vers. 2. Rex Ægypti dicitur, & fit ad insigne ejus allusio, nam Crocodilus Ægypti Typus fuit, ut ex numis antiquis apparet; vide Oecon. A.U.C. 707. Richter.
in

in præfat. Politic. *Draco autem aquatilis* Crocodilus multo elegantius dicitur in sacra lingua, quam apud Romanos *Struthiocamelus Fasser marinus*, *Elephas Bos Luca*, *Gryphes Pici* qui aureos montes incolunt, *Pantheræ mures Africani*, *Camelopardales oves ferae* &c. cum adhuc stivam tedoleret eorum lingua, ut Lipsius in Elect. Sed sunt Tyranni ejusmodi Dracones magni, insatiabiles, gentium damnis alti & educati, ut, juxta proverbium, *Serpens nisi serpentem edat, non fit Draco*. Sinensium Reges instituto barbarico, cum legatos audituri sunt, includunt se in vasti serpentis simulacrum, audiuntque ex fenestella vitrea non visi ipsi, sic metum & majestatem sibi conciliaturi. Pigafet. l. 3. c. 2.

--- *Sors ista Tyrannis*

*Convenit, invideant claris, fortesq; trucident,
Muniti gladiis vivant, septique venenis.*

Ancipites habeant artes, trepidique minentur.

Claudian. in IV. Consul. Honori.

CXVIII.

CHRISTUS Dn. N. in labaro:
Et alia.

Rathix Jesse vexillum populorum. Esa. II. 10. ad quod omnes nempè confluant, quod venerentur & colant, sub quo fortiter dimicent, unde LXX. *consurget, ut si Princeps gentium.* Nam ut est in Senecæ Thebaide:

--- *aurea clarum nota*

Nomen Ducum vexilla præscriptum ferunt.

Nec

Nec ea, apud Gentes, Romanos imprimis, aliter culta, quàm si Imperator ipse adesset, cujus erant signa, de quo multa Alex. l. 4. c. 2. & ibid. Tiraquell. ut alios taceam. Hinc mos ortus ut Christi Domini Nomen à Christianis Impp. signis inscriberetur, sic, ut litera P. X. medium à summo dissecaret, in velo purpureo, cujus hastile transversum cornu habebat instar Crucis, Eusebius l. 1. de vit. Const. c. 25. &c.

Christus purpureum gemmato textus in auro

Signabat labarum, clypeorum insignia Christus

Scripserat, ardebat summis crux addita cristis.

Prudent. 1. adv. Symmach. Bene, nam & in Clypeis olim Impp. mox Domini nostri Nomen inscriptum. Prius ostendit Lipsius in Notis ad Tacit. pag. 37. posterius Notitia Imperii, ubi crux salutaris in præcipuis scutorum signis est, quibus Legionarii inter se discernebantur. Sic in signe Thebeorum secundæ Valentis, fuit in clypeo albo, crux rubra, quasi Christi sanguine purpurans, in cujus medio erat pelta, scutum breve & Lunatum, quomodò apud Virgilium:

Amazonidum Lunatis agmina peltis:
rubri quoque coloris, aureo globulo inserto, subtùs hinc indè quiescebant duo Tauri. Scutum fortissimum nomen Domini, nulla orbem meliùs tuebitur parma, quàm crux Salvatoris, sub quâ etiam ipsi orbis præfides, per Tauros significati ut Deut. 33. 17. tutissimi recumbunt. v. Pancirol. ibid.

Nil desperandum Christo Duce & auspice Christo

CXIX.

Labarum Juliani.

Per me reges regnant. Proverb. 8. 16. Id A-
postata sed minùs feliciter indicabat, cùm Jo-
vem pingi curaret in suo labaro, de cœlo purpu-
ram & coronam deferentem, Martemque &
Mercurium se respicientes. vide Cuspin. in ejus
vitâ. Nempè: *Omneim potestatem à DEO esse, &*
qui non legerunt, sentiunt; & qui legerunt, cogno-
scunt. Orosius l. 2. adv. Pagan. c. 1. Enim verò
Ausonio teste,

Bellandi fandique potens Augustus honorem
Bis meret, ut geminet titulos, qui prælia Musis
Temperat & Geticum moderatur Apolline Mar-
tem.

Sic T. Calphurnius de Imperatore, Diocletiano
fortè, aut quisquis fuit, Eclog. 7. in fine :

--- *nisi me decepit visus, in uno*
Et Martis vultus & Apollinis esse putavi.

CXX.

Oscillatio ludus, larva argen-
tea.

Vidi servos in equis sublimes, & principes ire pe-
destres. Eccles. Salom. 10. 4. *Errore male impe-*
rantium, qui nulli Principum favent,

--- *Super ipsius ingens*

Iustat fama viri, Virtusq; baula Tyranno.

Valer. Flacc. l. 1. *maximos itaq; honores ad infi-*
mos devolvunt homines, & sui similes ut supra
vul-

vulgus suum emineant. Sed quoque Dei talis ludus est in hoc mundo. Ita ille quasi pilas habet homines, & humana omnia fingit, arratque ut lubet. *Oscillatio*, Ludus erat apud veteres: erant autem *oscilla* imagunculae, ex XIV. figuris Geometricis factae, quae variis vertibularum coagmentis, mille formarum species simulabant, homines & feras, res animatas & inanimas, ut alius alio scientius variegebat. Aufonius in praef. Centon. Virgil. Ejusmodi oscillum fuit larva *Trimalchionis argentea*, quae in mensam abjecta, articulis, vertebrique suis in omnem partem mobilibus, varias figuras exprimebat. Petron. in Satyr. θεῶν παιγνία ἀνθρώποι. Bene Theophilus Philosophus apud Fulgentium: Μιμῶσις. Sceptrum & chlamydem cui fabulae assignant in scenâ, is cothurnatus & elatus cum exierit exalceatur, Seneca Epist. 76. Ita fit in vitâ.

CXXI.

Neurospasta simulachra.

Ne exhibeatis membra vestra arma iniquitatis peccato; Rom. 6. vers. 12. 13. De Oscillis scribenti Neurospasta in mentem veniêre. Erant automata, quae adductis fidiculis membra modò hæc, modò illa venustè motitabant. Qui hoc ludicrum exercebant Neurospastæ dicti, si filum membri, quod agitare vellent, traxissent, torquebatur cervix, nutabat caput, oculi vibrabant, manus ad ministerium præstò erant, ut tota viderentur vivere. Apulejus & antè Aristotel. ut creditur, de

Mundo. Ita peccatum, illud in irrogenitis regnans, ludos facit, omnia eorum membra ad nutum regens, & occultis suis quasi fidiculis trahens, ut nihil sint aliud, nisi mortua hominum simulacra, flagitiorum verè ancillarioli, ut cùm Seneca dicam l. 1. de Benefic. cap. 9. Ejusmodi humuncio, etiam si Rex sit

--- servit miser atque

Ducitur ut nervis alienis mobile lignum.

Horat. l. 2. Satyr. 7.

CXXII.

Persarum regium sigillum.

Maledictus qui facit opus Domini fraudulenter.
Jerem. 48. 10. Sigillum Persicum habebat imaginem Rhodogunes Reginae, Semiramidis putae, disiectis capitis crinibus. Polixenus lib. 8. Strategem. ita enim capillis nondum in ordinem compositis de rebellibus Babylonis, cùm famam accepisset, vindictam exegit, quo ei habitu quoque statua Babylone posita est. Valer. Maxim. lib. 9. cap. 3. Monet celeritate opus esse in bello. *Μηδὲν αἶψα βούλει ποιεῖν*.

Tolle moras, nocuit semper differre parat.

Vel: Manifestis flagitiis confestim eundem esse obviam, ne contagio in plures serpat.

--- tutius ergo

Anteire auxiliis, & primas vincere causas.

Gratius de Venat. Nam ut ex serpentibus & viperis aliisque venenatis concisis antidotum & Theriaca conficitur adversus venena: Sic decet

im.

improbos & δολωρράφους concidere in commune remedium, ait Tzezes Chiliad. 8. v. 923. νόσους ἰατρῶν ἰατρὸς, αἰφροσύνην θάνατος, morbos medicus sanat, sceleratum mentem Mors sola, Phalaris in Epistol.

CXXIII.

Parma Antei.

Pondus super se tollit, qui honestiori se communicat. Sirac. 13. 2, Honestus verò vulgato hîc & alibi, qui propter opes & potentiam aliis honoratus. *Paupertas & honestas utraque à DEO.* Sirac. cap. 11. &c. Onus verè grande, & humiliorum humeris intolerandum, amicitia potentum, & verbo *Parma* quasi *Antei*, quæ apud Tingitanos ostensa olim, signum urbis suæ ab isto conditæ, ut Pompon. Mela prodidit in Mauritan. lib. 1. cap. 4. Erat autem elephantino tergo exsecto ingens, & ob magnitudinem nulli nunc usuro habilis, quam locorum accolæ ab Antzo gestatam pro vero habent, traduntque & indè eximiè colunt. Talis est infida cum Potente societas grandis, culta à multis, sed nulli usuro habilis, onus non honos, pondus ad ferendum gravissimum, ubi auxilio opus est *levius plumâ & cuniculi capillulo.* Clypeus est qualis ille Democriti, quem constituit contra exortum Hyperionis, & ita radiis Solis aciem sibi effodit luminis, ut Laberius scripsit, de quo alibi jam dictum.

*Usibus docto si quidquam credis amico,
Vive tibi, & longè nomina magna fuge!*

*Viv tibi; quantumque potes prælustria vita;
Sævum prælustri fulmen ab arce venit.*

CXXIV.

Sepulchra Parentum.

Certare super semel traditâ sanctâ Fide! Judæ Epist. v. 3. Scythæ Dario inertiam exprobranti, quasi bellum declinarent, responderunt: tûm ipsum cogniturum animos Scytharum, cûm ad Parentum suorum sepulchra venissent, pro iis enim se usq; ad mortem esse præliaturos, Valer. Max. l. 5. c. 4. Sepulchra Parentum libri sunt Apostolorum, qui nos per fidem Deo genuerunt. Themistius; Animam ego, inquit, Sapientis hominis illius Sapientiam esse arbitror, ac mentem & sermonem: Sepulchra verò ejusmodi animarum libros ac scripta, in quibus tanquàm in monumentis recondite eorum reliquiæ servantur, Orat. 13. Pro his nos πόνος καὶ λείψανον pugnare decet, & si opus sit, sacris Fidei & Patientiæ

— pugnando prognariter armis animam, ut ait Ennius de corpore mittere. Agasicles Philophanem audire noluit, quod quorum, non esset filius, eorum nollet esse discipulus. Plutarch. in apophth. Lacon. Facit huc dictum R. Matthiæ Ben Horeschi, qui scitè dictitabat: Esto cauda Leonum, non esto cauda vulpium.

CXXV.

CXV.

Sepulchrum Cadmi & Harmoniæ.

In captivitatem redigentes omnem intellectum, in obsequium Christi, 2. Corinth. 10. ut ne pugnet, adversetur, quod cum sit certissima pestis indicium est, ut cum Cadmi & Harmoniæ sepulchrum in Illyrico mutuo conflictu mala omnia portendit.

Cernitur hic tumulus, qui Cadmi dicitur esse Harmoniæque simul, namque hic serpentibus illi Corpora post tempus longum mutasse feruntur, In senio, postquam Patriam Thebasque relinquunt. Hinc illos aliud posuerunt numina monstrum, Namque duo tumuli concurrunt peste futura, Significant quoties seivissima damna Colonis.

Priscian. ex Dionys. Afro de situ orbis. Sepulchrum Cadmi quid est nisi prisca illa & originalis Sapientia, autore ipso DEO antiquissimo dierum ad homines profecta? Ut Cadmi nomen videatur esse à *Kedem* deductum, à quo Academia. Hæc sic cum Harmoniâ id est cum recta Ratione, quod sine prodigio quasi fieri nequit, nam ut verum vero, sic recta Ratio cum Fide semper consonat & concordat, concurrat, & confligat, quam pestem, quanta damna ferat, nemo nescit. Nam ut Sol Lunam non extinguit, sed suo lumine auget & venustat, cum per se Luna non nisi exile habeat; meritoque inter ostenta est relatum, *Solem visum esse*
D d 3 cum

cum Luna pugnare, Hartmann. Schedel. in Chron. Norib. apud. Wolff. anno. 1494. Cent. XV. Ita profectò Fides rectam rationem non tollit, sed sanat, illuminat, dirigit, & si pugna sit, jam ostentum est, & monstrum, futuræ in populo Dei pestis præfagium & origo. Patiatur itaque se hæc ab illa regi, & deferat

--- *Submissis fascibus imperium.*

Tunc enim recta est cùm regitur, tunc ratio cùm contra datorem fatoremque Deum non insanit. *Licet supereminens claritas Divina fertilitati, nimia subtilitate abdita sit, nec humanis omninò subiaceat inquisitionibus, tamen quia eadem argumenta maximis minimisque causis conveniunt, non ex toto ipsa se subtrahit nostris demonstrationibus,* ait Hugo Eterianus lib. 3. adv. Græcos præfat. *Veruntamen, addit, spuria vitulaminâ hujusce acuminis præciden- da sunt proprietatis circumscriptione, quâ cognoscuntur aliena.*

CXXVI.

Silenii Alcibiadæi.

Homo exterior & interior. 2. Corinth. 4. 16. Nihil ad explicationem hujus mysterii venustius, quàm quod de Silenis imagunculis Proverbio dicitur; Sileni Alcibiadis, de quo vide Erasmus. Nam Athenis οἱ δαιμονεργοὶ Venerem & Gratias & ejusmodi alia pulcherrima Deorum simulacra solebant Silenorum & Satyrorum statuis quasi amicire, & sic προσωπον βεῖον ὑπὸ φαυλοτέρῳ σχήματι occultare, ut foris quidem ventrosus quidam & deformis senex, talis enim erat

erat Silenus, vel proverbio attestante, τῶν Σειλη-
νων αἰχρίων turpior *Silenis*, appareret, intus verò
pulcherrima numinis alicujus imago exhibere-
tur. Tali Sileno confert Alcibiades Socratem,
nos multò rectius Christianum, in quo sub tur-
pissimo schemate hominis externi, peccato cor-
rupti & quotidie corrumpendi per renovatio-
nem, intus homo novus, imago DEI, occulta-
tur, de die in diem formosior apparens. Sic
S. Macarius hom. 43. confert eundem βαλαντίῳ
σαπρῶ πεπληρωμένῳ μαργαρετῶν *marfupio putri mar-*
garitis referto, nam secundum exteriorem ho-
minem humilis & despectus, in interiore con-
tinet τὸν πολύτιμον μαργαρίτῳ *pretiosam margari-*
tam, illam de quâ apud S. Matth. cap. 13. vers.
45. de Silenis quæ dixi, habet Synesius Epi-
stol. 154.

CXXVII.

Statua Memnonia.

Labia mea aperies & os meum annuntiabit
laudem tuam. Psalm. 51. 16. Apud Thebanos
Ægyptios celeberrimum fuit olim Memnonis
monumentum, quem ex Æthiopia ajunt Tro-
janis venisse auxilio. Fuit id statua ex nigro
lapide, quamvis Zezes dicat πυρροποικίλον fuisse,
hominis impubis, ita sedentis quasi confur-
gere jam velit, oculiq; & labia sic sunt, quasi ser-
monem conari videantur. At radio Solis, quod
fit cum exoritur sidus istud in os incidente so-
num quendam, artibus Magicis, edit dulcem,
Dd 4 quasi

quasi salulet salutare lumen, cui etiam assurgere videtur, oculisque hilaribus de adventu gratulari. Sic Suidas Zezes addit histor. 64. Chiliad. 6. pag. 110. interdium, velut lætetur de Matris Auroræ præsentia, χαρμόσυνον πέμπειν μέλῳ, noctu contra γοερόν αἰεῖν. Ita fit; cū bona Mens mole malorum obruta, magis muta est quā statua, si primoribus modò labris radius incidat à summo illo Sole, exultabit & in hymnum erumpet ad Dei laudem. Hoc est quod ait Rex Psaltes: *Ad vesp̄um demorabitur fletus ad matutinum letitia!* Psalm. 30. v. 6. adde v. 9. & Psalm. 40. v. 1. 4. Expertus est S. Bernhardus, qui roganti, undè præsentiam Verbi gratiosam, deprehendat? *Vivum*, inquit, & *efficax* est: *Mox ut intus venit expergescit dormitantem animam meam* &c. Cœpit quoque evellere & destruere, edificare & plantare, rigare arida, tenebrosa illuminare, clausa referare frigida inflammare, ita ut benediceret anima mea Domino, & omnia, quæ intra me sunt, nomini sancto ejus! Serm. 74. in Cant. Hæc matutina fuit Bernardi lætitia, fletum vespertinum quoque accipere: *Dominus declinavit in irā à servo suo, hinc ista sterilitas animæ meæ, & devotionis inopia, quam patior.* Non compungi ad lacrymas queo, non sapit psalmus, non legere libet, non orare delectat, meditationes solitas non invenio. *Ubi est illa inebriatio spiritus? ubi mentis serenitas, & gaudium, & pax in Spiritu Sancto?* Serm. 54. *ibid.*

CXXVIII.

Scyphus Josephi auguralis.

Ignis probat ferrum durum; Vinum corda. Sir.
31. v. 30. Ex Calicibus divinare veterum fuit
superstitio, species Hydromantias de quâ Del-
rius lib. 4. Disq. Mag. cap. 2. q. 6. sect. 3. Ta-
lem se Divinum simulat castissimus Josephus, ut
personam, quam ex vulgi & fratrum opinione
acceperat, prudenter quamvis joco, sustineret.
Sic enim rectè explicant locum Genes. 44. v. 5.
& 15. Augustin. D. Lutherus & alii. Sic ex vi-
no licet augurari, qualis cujusque sit animus.
In vino veritas, ajunt, & *quid in corde sobrii, id est
in linguâ ebrii.* Quare ut canit Horatius ad Pi-
sones:

Reges dicuntur multis urgere culullis

Et torquere mero, quem perspexisse laborent,

An sit amicitia dignus?

Quod Agathoclea fecisse memorat Diodorus Si-
culus, ut quo quisq; erga se esset animo explora-
ret, *Vino veritatem citra velamentum prodente.* l. 20.
Hinc cum Siracide consentiens Theognis (nisi
mavis hanc ipsam sententiam ex Theognide ve-
lut flosculum sacro Siracidæ ferto aptatam, ut a-
lias aliorum multas) ait:

*Ignem aurum argentumque solent dignoscere Fabri,
Sed qui sint homines, vina recepta probant.*

CXXIX.

Poculum Herculis.

Vita animæ & corporis vinum modicum. Sir.

Dd 5

31. 36.

31. 36. *Scyphus* Herculis poculum est, ut *Liberi* patris *cantbarus*. *Herculem* verò veteres fictores non sine causa cum *Poculo* fecerunt: non solum quod is *Heros* bibax fuisse perhibetur, sed etiam quod antiqua historia est, *Herculem* poculo tanquam navigio ventis immensa maria transisse. *Macrobius* l. 5. *Saturn.* cap. 21. *Vino* moderate sumpto non corporis modò sed & animi vires excitantur. Ita fertur

--- *magni Catonis*

Sapè mero caluisse virtus.

Qua de causa *Amyclæ*, de quibus *Proverbium* apud *Catull.* in *Pervigil.*

--- *Amyclas* perdidit silentium;

Bacchum coluere aligerum, quod animo quasi pennas faciat, & ingenium evehat, uti se alites pennis. *Pausan.* in *Laconic.* *Fomes* & incitabulum ingenii *Virtutis*que si mens & corpus hominis in vino flagret, *Platonis* apud *Macrobius* est l. 2. c. 8. Itaque ut *Herculi* sic *Poëtis* quoque pro navi est vinum, pro *Cymba*, *Cymbium*.

Magnus equus lepidò vinum *Geniale Poëtæ*,

Potator undè nil potest parere boni.

Niceratus apud *Erasm.* in *Adag.* *Aquam* hiberni nil boni parit.

CXXX.

Poculus sal inditum.

Vino qui delectatur non gerit sapiens. *Proverb.* 20. 1. *Moris* erat olim ut convivis *Gryphi* id est *Gryphus* & *nothura* proponerentur, quæ qui non

non poterat solvere, eum falsum poculum ebibere oportebat, quod in hunc finem circumferebatur, & quidem manibus in tergum rejectis ἐλκεν ἀπνευστὶ educere sine respiratione. Refert ex Antiphanis Ganymede Athenæus l. 10. extremo. Monebant veteres vinum esse bibendum cum grano salis, quod ajunt. *Salem* apponito, vetus verbum est, prudentiam modum in rebus omnibus adhibendum indicans. Quod nisi fiat, *Vinum sapientiam* omnem expectorat, vel ut eum Eubulo dicit Plinius, *obumbrat*, --- vitiis alimenta ministrat, libidini inprimis, ut & Iracundiæ, stultæque simplicitati prodigæ arcanorum &c. Hinc caper in Poculis cælatus, stat caper in *Phiala*, Martialis ait, & Juvenalis commemorat

--- *Stantem extra pocula caprum;*

quia lascivos facit *Vinum* quod *Veneris* lac vocavit Aristophanes. De quo Sirac. cap. 9. 12. 13. Hinc Baccho cornua addita, undè ejus epithetha, *Τυρόμορφος*, *Τυροκέφαλος* & apud Orpheum *Βυκέρος*, ut apud Latinos *Corniger* & *Bicorniger*, mosq; ut ex cornibus biberetur, de quo Langius l. 1. Epist. Medic. 29. Stukius in conviv. alii. Etenim

-- tunc pauper cornua sumit. *Vina parant animos.* vide Proverb. 23. 29. Hinc Pica avis loquax Baccho consecrata, quia *nullum secretum est*, ubi regnat ebrietas Proverb. 31. 4. *Nam quis inter cyathos texit, quod latere cupiebat?* ait Ambrosius de Elia & Jejun. cap. 17. addit: *Plerique vino utuntur ut equuleo, & quibus tormenta non eliciunt vocem proditionis, eos tentant bibendo, ut Patriæ statum,*
salu-

salutem civium, defensionis suæ prodant consilia. De quo paulò antè. Nota sunt exempla Crassi apud Dion. l. 51. & Bonosi apud Vopiscum, &c. Sal ergo vino apponendum. *Sapientis Viri super mensam celebre dictum est: Prima, inquit, cratera ad sitim pertinet, secunda ad hilaritatem, tertia ad voluptatem, quarta ad insaniam.* Apulejus 4. Florid.

CXXXI.

Poculum saluberrimum.

Calix Salutis. Psalm. 116. 4. ad literam, ut rectè & breviter ibi docet Jansenius, intelligitur poculum, quod in convivio gratulatorio coram Deo apud Judæos bibi cum lætitia, addo & benedictione atque Gratiarum actione, solebat. De quo Constant. L' Empereur. Vir Clar. in Mid-doth. cap. 2. sect. 6. *Calix, inquit, cujus Psaltes meminit, erat calix Gratiarum actionis, usitatissimus apud Judæos: siquidem moris fuit inter eos, ut in quotidianis etiam mensis DEO benedicentes biberent, (de quo in Barochot & meminit Buxtorff. in Synagoga, quantò magis ubi Eucharisticis sacrificiis vescerentur? Nempè post celebratum sacrificium, in atrio Templi, & quasi præsentè Domino, qui populum suum eo dignatus erat honore, ut quali ὁμολογῆσαι καὶ ὁμολογῆσαι habèret. Imitati sunt, ut alia multa pagani, qui in conviviiis suis sacris in Idoliis celebratis carchesia priùs ter Diis suis libantes, aliquid effundebant, deindè, ut habet Horatius.*

Explicuere mero contraxerunt seria frontis.

Nec ablimile erat poculum quod vocabant, αἶμα.

ἡ δὲ Δαίμων.

Θεοῦ Δαίμων, post epulas circumlatum cum gratiarum actione. Mysticè verè alii Davidem loqui putant de calice Passionis, qui Domino ita ordinante, non in sacco modò Benjamin Gen. 44. aut S. Pau'li, qui inventum etiam in suo sacco fatetur cùm ait: *Ego stigmata Domini nostri Jesu Christi in corpore meo porto!* Galat. 6. Prosper. Promiss. & Prædict. p. 1. cap. 31. sed & omnium fidelium reperitur; alii de calice illo εὐλογίας Eucharistico, 1. Corinth. 10. 16. Apud Indos circa Hyphasidem ajunt pasci onagros Monocerotas, ex quorum Cornibus, habent autem singuli unum in fronte, pocula fiant regia, saluberrimi usus, nam qui ex tali biberint nullis venenis lædi, ex igne incolumes egredi, & si vulnerati fuerint non dolere feruntur. Ælian. hist. anim. lib. 3. cap. 41. & alii, Philostratus lib. 3. non procul à principio, fert Apollonium credulitatem & ampullas Indorum de tam salutari cornu deridiculo habuisse! *Credam*, inquit *Damidi* sciscitanti, an fidem haberet Indorum fabulis de tam pretioso poculo? *Si Regem immortalem intellexero.* At Calix salutaris Domini verè immortales facit, dolorum pausam inducit, in igne & aquis transeuntes tuetur illafos Esa. 43. 2. 3. ut qui ex eo bibunt verè dicant:

O turtuose serpens.

Discede, Christus hic est!

Hic Christus est, liquesce!

Christi immortalem sanguine bibimus, nostro sanguini Christi sanguis adjunctus est; hoc est salutare remedium scelerum tuorum! quod id die afficiat, à

Dei

Dei plebe mortiferum virus excludit, ut ait Julius Firmicus de errore profan. Relig. Accedit quod Filius Dei Monoceroticonfertus Num. 23. v. 22. de quo fortè alibi, Ergò, ut S. Remigius calici suo inscribi curavit Eucharistico;

*Hauriat hinc populus viam de sanguine sacro:
Inflicto æternus quem fudit vulnere Christus!*

CXXXII.

In poculis specula.

Ne intuearis vinum splens in vitro, Proverb. 23. v. 31. Quid ergò? Te ipsum in fundo, ut maturè advertas quàm soleat homines reddere deformes, & caveas. Hunc in finem puto jam olim pocula ita figurantur, expulsis intus crebris ceu speculis, ut vel uno intuente, populus totidem imaginum fiat. Plin. l. 33. c. 9. Nam si, ut Anacharsis censuit apud Laërtium, ad præcavendam ebrietatem nihil salubrius, quàm si quis ebriosorum imaginem animo suo circumferat; quidni salubre erit se ipsum intueri, antequàm vino succumbat animus?

--- aut semel iusto

Accedat fervor capiti, numerusque lucernis?

Horat. l. 2. Satyr. 1. Ita Spartani liberis suis ad ebrietatis decestationem servos suos Heilotas deridendos propinabant, mentem multo mero saucios, & in omnem turpitudinem provolutos, ut solent ebrii ludos dare

Cum redeunt, titubant, & sunt spectacula vulgi.

Ovid. 3. Fastor. Plato certè ebriis, Laërtio teste l. 3. consuluisse legitur, ut in speculo se studiosè in-

ntuerentur. Et quibusdam, ut ait Sextius, iratis profuit adspexisse speculum, apud Senecam de Ira l. 2. c. 36. cui tamen hoc consilium supervacaneum videtur. Iratis quidem nulla est formosior effigies, quàm atrox & horrida, qualesque esse, etiam videri volunt.

CXXXIII.

Speculum Hera Megapolitana.

Videmus nunc per speculum. 1. Corinth. 13. 12. Apud Arcadas in Templo Heræ, quod fuit Megapoli, in pariete visibatur speculum mirum, in quo Deorum quidem signa, quæ in Templo erant, & solium ipsum resplendebant, sed aliorum intuentium nulla resultabat imago. Pausanias in Arcadic. At Sacra Scriptura speculum est perfectissimum non Dei modo sed & nostri nobis imaginem exhibens, quod nulla alia possunt specula neque uda, neque suda. Lais anus Veneri speculum suum dicat, ex more, sic enim Virgines Virginitati renunciaturæ Veneri Erycinæ pupas donabant; Sic bullam auream, quàm de collo suspensam ferebant, Laribus adolescentibus cum in Ephebos transcriberentur; Sic naufragi soliti

— suspendisse potenti

Vestimenta maris DEO;

Sic Timon Luciani aurea quasi virgula dives factus Rhennonem suam & ligonem Pani consecrat: &c. Ita ergo Lais quoque quod speculo uti jam nollet, aut non posset,

quia

quia cernere talem

Qualis sum nolo, quales eram nequeo.
inquit apud Ausonium in Epigr. Enim verò speculum verbi Divini omnimodis nos nobis ostendat, quales ante lapsum fuerimus, quales per peccatum evaserimus, & quales per regenerationem fieri debeamus? ut scire docet Oecumen. in c. 1. Jacobi v. 23. 24. de quo in vindemiolis Biblicis alibi. Deniq; in omni speculo falsa apparet imago, quia ea quæ dextra sunt, in speculo fiunt sinistra, & quæ sinistra, dextra: Ita

Apparet mendax illimini fonte figura:
At Speculum veritatis nemini blanditur nullum seducit. Bernhard. serm. 1. de VII. Panib. Plura ubi locum Jacobi explano c. 1. in Vindem, & in Tab. Oeconom. mea.

CXXXIV.

Speculum Smyrneum.

Invidiæ pedisequa calumnia. 1. Petr. 2. 1. Invidus oculus similis est speculo quod Smyrnæ fuit, cujus ut monstrifici meminit Plinius l. 33. cit. nam & pulcherrimos ita repræsentabat ut horribiles viderentur. Oculus naturæ speculum est, ut speculum oculi quasi artis. Sed livido oculo nihil monstruosius! ex suo ingenio alios judicant invidi; ut arquatis omnia videtur lutea, ita illis omnia prava, ita enim reddunt non ut sunt ipsa sed ut ipsi, eumq; innocentiam destruere atque expugnare non valeant, satis habent famam mendacii & falsorum ore maculas inspergere: Cyprian. ad Cornel. l. 2. Ep. 10

Sanda

bandalium, quod ajunt, Veneris reprehendere
udent, atque alabastra unguentis plena putere
putant

--- amaracinum fugitat *Sus* & timet omne unguen-
tum,

Nec mirum, quia oculus livore suffusus, non po-
est rem cernere uti est. *Quia acier nostra in humido*
labitur, nec apprehendere, quod vult, fideliter potest.
Senecal. 1. 99 Nat. cap. 1. Ταῖς ἐνὸς αἵματος ait Syne-
sius Epist. 1. δεινὰς δεικνύου τὰς ψήφους, nihil magis
corrumpere judicium benevolentia, excipio Malevo-
lentiam: illa etiam turpicula pingit, ut placere
possint; hæc pulcherrima adeo devenustat ut
turpissima videri queant. Invidi, ait S. Zeno ex
Basilio serm. de Livore, sobrium, acerbum dicunt,
justum, crudelem: Prudentem, callidum vocant, libe-
rum, arrogantem criminantur, liberalem verò luxu-
riosum dicunt, parcum, avarum nominant: Omnes
prorsus virtutum species decolorare contrariis & a
malitia assumptis appellationibus gestiunt.

CXXXV.

Specula dentibus hebetat a.

Dentes ejus lacte candidiores. Genes. 49. 12.
vide Cantic. 4. v. 2. Dentes Christi & Ecclesiæ
Doctores sunt, qui verbum veritatis ὀφθόμενος vides
2. Tim. 2. 15.

Quicquid habent, tribuunt, sibi nulla caducarelin-
quunt,

ut canit in Cant. Wilramus, quærunt enim
non sua, sed Christi. Hos decet esse candidos, ne
verbum Dei obnubilent, ne teneros Ecclesiæ co-

lumbulos enecent. *Hominum dentibus inest quoddam virus: namq; & speculi nitorem ex adverso nudati hebetant, & columbarum fœtus implumes necant.* Plinius l. 11. cap. 37. Experitur id virus non illud modò S. Scripturæ speculum, sed & arctissima necessitudo quæ inter virum & uxorem est, interq; amicos trabali quasi clavo connexos. Quid est amicitia, nili speculum, in quo videri potest, *Alter ego?* undè Siracides reconciliatum ex inimico amicum speculo æreo terso comparat, quod semper iterum æruginat. c. 12. 20. Æra enim exterfa celerius rubiginem trahunt, quàm neglecta, nisi oleo perungantur. Plin. l. 34. c. 9. & Plutarchus venustè docet, uxorem similem debere speculo esse, in quo non quæritur, an auro & gemmis sit exornatum, sed an rem objectam verè repercutiat? & ut illud vitiosum est speculum, quod tetricum vultum exhibet quasi renideat; aut lætum, quasi ringatur: Ita uxor illa nihili est, quæ non juxta viri instar mores suos componit. In Conjugial. Præcept. Hæc tamen specula quàm sæpe livido dente hebetantur? nitoremque suum perdunt? Nam susurronum lingua quid non efficit? quàm sæpè pacificos turbavit? ut docet Sir. 28. 14. 15. 16.

*Quâ fingente nefas Pyladen odisset Orestes,
Disereretque suum Thesea Pyrithous.*

Sunt ea dere scitissimi versus Gregor. Naz. εἰς τὴν ἐν, ὑψηλαῖς σιωπῇν, quos ita Latinos facio:

*Sæpè domos domibus committere & urbibus urbes
Confestim ac nullo lingua labore potest,*

Tam

*Tam citò principibus populos, populisque Regentes;
 Quam vapor in cannis fragrat arundineis.
 Illa Patres, natos, atque nomina sacra,
 Mutua mox, ubi vult, armat in exitia &c.*

CXXXVI.

Specula uistoria.

Satagite immaculati & inviolati inveniri in pace.
 l. Petri 3. 14. cùm nempè Dominus revertetur
 judicaturus omnem carnem in flammâ ignis.
 specula sunt cava uistoria, qualia fecit Proclus
 Mathematicus insignis, Vitaliano Thrace Con-
 stantinopolin obsidente, quibus in muris contra
 classem hostis suspensis, cum radii solares impe-
 gissent, tanta erupit vis ignium, ut naves cum
 classariis militibus incenderit, Zonaras, Evagri-
 us & alii. Fecit & olim, ac de totâ speculorum ra-
 tione scripsit ingenti volumine Archimedes Syracu-
 sanus, vir in omni quidem Geometriâ multùm ante alios
 admirabili subtilitate, ait Apulejus Apolog. 1. Sed
 id mirum, aliorum colorum materias facile flam-
 mas concipere, candidissimas non nisi multo So-
 le, & longo tempore, ut author est Bodinus l. 4.
 Theat. Nat. Ita cùm impios ignis ille iræ, quo mun-
 dus & mundana omnia in cinerem ibunt & in ni-
 hilum succendet, ignis à facie Domini erumpens
 qui limpidissimum Divinæ virtutis speculum est, Sap. 7
 26. quanquàm veterum quorundam sententia
 fuit, omnes illo eliquandos esse, vel ut cùm Am-
 brolio dicam, baptisandos, etsi, aliquis ut Petrus sit, ut
 Johannes &c. in Ps. 118. tamen candidæ mentes,
 Ecce a & jam.

& jam hic, dum in carne viverent, à vitiorum sordibus Dominico sanguine emundatæ, transibunt intactæ, obviam factæ Deo Judici in nubibus. *Hi qui Temporalibus pœnis digna gesserunt, per fluvium igneum, & vada ferventibus globis horrenda transibunt; quanta fuerit peccati materia, tanta & transeundi mora.* August. l. 50 hom. 16. Opinio ab Origene traducta nulli solido innixa, imò ideò suspecta meritò, quia errori manifestario implicita, de salute omnium Christianorum, quamvis quis sit

Per multa sæpè devolutus crimina,

Tamen fidei nomen æternum gerens

Nunquam salutis exulabit finibus: &c.

Paulinus in Psalm. 1. Quippè, inquit,

Qui concremanda gesserit, damnum feret,

Sed ipse salvus evolabit ignibus:

Tamen subusti corporis signis miser,

Vitam tenebit, non tenebit gloriam!

Quæ in Theologicis, in Loco de Purgatorio, & ad explicationem dicti Apostolici 1. Cor. 3. 13. suum habebunt usum. Mihi aliquis autem velit & admonet: *Hoc age!*

CXXXVII.

Annulus pretiosissimus.

Doctrina Sapientiæ auro potior. Proverb. 8. 10. Nonii Senatoris annulus, inclusam habens gemmam XX. millibus, id est integro auri millione, taxatam, famâ celebratissimus fuit. Opalus fuit gemma, cui generi pretiosissima, ut docet Plinius, gloria. Est enim in iis carbunculi tenuior

ignis

ignis, & amethysti fulgens purpura, est Smaragdi virens mare, & cuncta pariter incredibili mixturâ lucentia. Propter hanc proscriptus Nonius ab Antonio, & fugiēs solum hunc annulum ē fortunis suis omnibus abstulit secum, mirâ contumaciâ, cū etiam feræ abrosas partes corporis relinquant, propter quas se periclitari sciant. Plin. lib. 37. cap. 6. Lubet exclamare! Si tanti vitrum, quanti margaritum? Nam lapillos istos qui cum auro superbiam jungunt, quid aliud interpretetur quam lapillos & calculos, ejusdem terre mineralia? Tertull. de Habitu Mulieb. cap. 6. Quantò his pretiosior Sapiētia? in quâ verē omnia sita sunt, ut Stilpon Megarensis, captâ Patriâ, amissis liberis, amissâ uxore, cū ex incendio publico solus & tamen beatus exiret, rectē dixerit Demetrio Regi; *Omnia bona mea mecum sunt.* Seneca in Epist. 9. Quidni? secum abstulerat annulum, in cujus palâ Opalum Sapiētiæ incluserat, omni auro & supra terram egesto, & infra condito contrachartam.

--- *Virtus pretiosior auro,*

Per quam præclarum plus micat ingenium.

Corn. Gallus Eleg. 1.

C XXXVIII.

Annulus Salomonis.

Signati Spiritu sancto, Ephes. 1. 13. Qui & arrhabo est nostræ hæreditatis, v. 14. & Spiritus Sapiētiæ v. 17. Annulum Sapiētiæ fertur habuisse Salomon, quem cū meretrices amasiæ ejus in Jordanem abjecissent, evenisse, ut Sapientissimus

Regum non magis faperet, quàm occisa fus; sed cum in pisce postea repertus & redditus esset, resipuisse. Refert ex Pinedà l. 3. de Reb. Salomon. cap. 29. Cornel. à Lap. in cap. 2. Hagg. vers. 24. *Meretrix est hac vita, quæ in delitiis & voluptatibus transigitur, eaq; turpissima, & multos tamen decipit:* ait Chrysost. hom. quod nemo lædatur nisi à se ipso, verè! *Nàm quid tam meretricium quàm secularis voluptas?* Ambros. lib. 1. de Cain & Abel cap. 40. Hæc ut annulo Sapientiæ insidiatur, sic ubi animo recepta est, omnem expilat. Amisit homo hunc annulum in Paradiso, hinc quantus quantus est mera stultitia est! Recipit autem in regeneratione & quando resipiscit, perfectè tamen non ante diem illum restitutionis,

*Tunc patre placato meriti reddentur honores,
Annulus, & cinget me stola justitiæ.*

Canit plenus bonæ spei S. Paulinus in obit. Celsi ex Luc. 15. v. 22.

CXXXIX.

Calasiridis annulus.

Beata terra cujus Rex nobilis est. Eccl. 10. v. 17. Qui verò nobilis? si frugalitatis legem calleat, si bibat non ad temulentiam, sed ad vires reficiendas. Ita ibid. Fallor? an hoc annulus significabat, quem Calasiris dedit Nausicli, ut eo redimeret Charicleam, erat autem electrinus inserta in palam amethysto, ad modulum oculi Virginalis magnâ, ebrietatem arcente eb eo, à quo gestabatur. Emblema habebat pastoris, qui fistulâ præcinens

cinens pascebat oves aurei velleris lascivientes. Heliodorus l. 5. Æthiopic. Felix Resp. felices ovestali custode! Bene de Gratiano s. o Aufonius, si verè: *In cibus cujus Sacerdotis abstinentior ceremonia? In vino cujus senis mensa frugalior? Operto conclavistui non sanctior ara vestalis, non Pontificis cubile castius, non pulvinar Flaminis tam pudicum!* In Gratiar. Act. Quæ talem pastorem habent, aureum vellus ferunt oves. At contra nihil turpius, nil infaustius quàm si custos ipse custode opus habeat, ut ebriis usuvenit, juxta Platon. Dial. 3. de Republ. unde probare se ait Carthaginensium legem: *Vinum in castris nunquàm gustanto: nunquàm magistratus, Gubernatores, Judices munus suum obituri.* Dial. 2. de Legib. Certè & Solonis lex fuit: τῷ ἀρχοντὶ ἀν μεθύων ἀφθῆναι θάνατον εἶναι τῷ ζῆναι, Magistratui, si ebrius deprehendatur, capitalem poenam irrogandam. Laërt. l. 1. 7

CXL. THRIPDESTA.

A vermibus comesta sunt; Jac. 5. 1. Ante usum figillorum Lacones, ut Hesychius prodidit, ligna à vermibus corrofa variisque notis signata, adhibuerunt, quibus utensilia & quæ volebant, obsignabant, ea signacula *θελπίδες* dicebantur, vide Etymol. M. Dignum patellâ operculum! Quàm aptè à vermibus obsignatur, quod à vermibus olim consumendum est? *Omnia habent vermem suum!* ait S. Augustin. Sed si divitum cor liceat inspicere, nunquid differet

ab his thripedestis? ubi autem thesaurus, ibi Cor: nulla ergò signacula thesauro asservando aptiora, quàm quibus & cor ipsum impressum, clausumque est. At exedunt illud vermes, avaritia, invidia, intemperia,

Fœdaque avaritiæ complexæ pectora matris

Insomnes longo veniunt examine curæ!

Claudian. l. 1. in Rufin. Facit huc aliud annuli signatorii Emblema, quod Christianos in digitis circumferre optat Clemens Alex. l. 3. Pædag. c. 11. *Navis, quæ celeri volatu à vento defertur!* Adde Lemma illud ex libro Sap. 5. v. 10. *Transierunt omnia quasi navis!* Quippè incertissimo statu fortunæ huc atque illuc acta, affluunt subito, repente dilabuntur, &c. Valer. Max. l. 6. cap. 9.

C XLI.

Annulus pronubus.

Mulieres viris subditæ sint, tanquàm Domino. Ephes. 5. vers. 22. Annulus olim servitutis fuit Symbolum, & ab ipso ortu suo; primus enim gestavit ferreum inserto pro gemmâ saxi Caucasæi fragmento Prometheus, jussu Jovis, cum eum in gratiam recipisset ne meritæ pœnæ unquam subreperet oblivio. Herculem enim milit, qui eriperet diræ Titana volucris,

--- post fatis sibi furtum

Ignis & ætheriæ defensa silentia mense!

Notissima fabula, de quâ sic Valer. Flacc. l. 4. Hinc apud Cattos ignominiosum erat ferreum gestare annulum, nec erat absolvi nisi cæde hostis.

Tacit.

Tacit. de Germ. Triumphantis in digito æque ferreus annulus fuit, ac servi à tergo coronam auream sustinentis. Plin. l. 33. c. 1. Ad honorandam Augusti defuncti memoriam censuere quidam exequiarum die ponendos aureos annulos, & ferreos sumendos. Sueton. cap. 100. in August. &c. Itaque qui Sponsa mittebatur annulus pronubus dictus, ferreus & sine gemmâ; Plinius loc. cit. servitutem ei quandam & ut ait Franc. Junius in Tertullian, τὸ σκῆπτρον commendabat, domi enim, etiam qui ob legationem aureos annulos acceperant, ferreis utebantur, antequàm lux in immensum excrevit, eò usque ut & pedibus aurei induerentur. Vide Plin. l. 33. cap. 1. & 3.

Haud ulla salva mansit unquam familia,

Partes priores uxor in qua gesserit!

Eurip. in Andromachâ. *Bona uxor est ancilla dans opera ancillis* Ambrosius in c. 31. Prov. c. 3. nec aliter multò Augustin. l. 50. homil. 49.

C XLII.

Ponti lapides.

Plus proficit correctio apud prudentem, quàm centum plagæ apud stultum. Proverb. 17. vers. 10. In Ponto Medorum fluvio lapides sunt combustiles, sed ingenio quàm carbones ex lignis diversissimo, nam ventilati extinguuntur, aquis perfusi redardescunt, & pulchrius resplendent. Aristot. in Mirab. Auscult. Ita ingenium ingenium verbis acui solet, servum non nisi verberibus. *Pbryx non nisi plagis emendatur, juxta Pro-*

verbum. Nostri ajunt, Rustico si rogetur
tumescere ventrem. Et in veteribus rythmis,
Heldenbuch:

Wir wollen ihn bitten und sagen /

Als man den Esel thut /

Wann er nicht Sack will tragen /

So schlägt man ihn genug.

Concinis quod dici solet :

Nux, Asinus, Mulier simili sunt lege creata ;

Hec tria nil rectè faciunt, si verbera desint.

Sic sumus naturæ pravâ conditione,

--- *durum genus experiensque laborum,*

Et documenta damus, quâ finis origine creti !

Virtus duritiâ extruitur, mollitiâ destruitur, Ter-
tullian. ad Martyr. Facit huc fons Garamantum,
apud Priscian. de situ orb. de quo suo loco ; Et
Sal Agrigentinus ibid. v. 496.

Naturas in quo proprias mutare videntur

Ignis & unda, Salem namque illum solvere flam-
ma

Unda solet crepitus illi conjuncta movere.

Itaque ignem patitur, aquam cum crepitu respuit.

C XLIII.

Uxor Lotbi lapidea.

Respicens retrò, non est aptus : Luc. 9. ult. Sic re-
spiciens uxor Lothi

In fragilem mutata salem stetit, ipsa sepulchrum,

Ipsaque imago sibi formam sine corpore servans :

Durat adhuc etenim nudâ statione sub Æthram,

Nec pluviis dilap'sa situ, nec diruta ventis :

Quin etiam si quis mutila verit advena formam,

Præti-

Protinus ex sese suggestu vulnera complet:

Dicitur & vivens alio jam corpore sexus

Munificos solito dispungere sanguine menses:

Sic anno 1348. in Bavaria ex terræ motu 50. homines rustici vaccas in prato emulgentes subito diriguerunt, mutati in salarias statuas, Aventin. l. 7. Annal.

--- *Quibus opes & gloriam*

Fortuna tribuit, sensum communem abstulit,
ait Phœdrus in fab. & Sedulius:

--- *nemo retrorsum,*

Noxia contempti vitans discrimina Mundi,
Respicies salvandus erit!

CXLIV.

Tragemata lapidea.

Facite fructus dignos pœnitentiâ. Matth. 3. 8. ut appareat vos verè pœnitentes esse, non hypocritas atque

Astutam vapido servare in pectore vulpem.

Inter Anienis arenas albi leguntur lapilli, amygdalum, anisum, cinnamomum aliasq; species Indicæ arundinis succo indui solitas referentes, quos accolæ conferti da Tivoli appellant, tragemata Tiburtina, iisq; hospitibus ignaris illudunt; Sic vitia fallunt sub imagine virtutum &c. Lansius in Consult. contra Italiam, Sic lapideas castaneas, mala quoque Punica, uvas, & alia vidisse se ait Zachar. Theobald. c. 1. arcan. Natal. nullâ humanâ industriâ elaborata. Tales sunt hypocritarum

tarum fructus, quibusignaris illudunt, non Deo καρδιογνώση, Fallit enim vitium specie virtutis! Mala, ait Seneca, interdum speciem honesti obtulerunt, & optimum ex contrarionituit. Sunt enim, ut scis, virtutibus vitia confinia, ac perditis quoque & turpibus recti similitudo est, vide eum Epist. 120. Vitium & virtus in eadem habitant vicina. Proverb. est apud Galen. &c.

CXLV.

Mortis poculum.

Fel Draconum vinum eorum, Deuteron. 32. id est: Doctrina ab iistam impiis expressa, & manans, quam ipsi aliis propinant, ut in eos sua scelera transfundant, est venenata & lethifera, velut, fel Draconum, quod omnes hibernes perdit & occidit. Sic Corn. à Lap. ibid. Matthesius vir sanctæ memoriæ in Concil. X, de metallicis rebus, Berg-Predigt; refert se de Cobalto, sic metallici vocant quam Cadmiam Græci, lapidem ex pyrite & argento concretum de quo Georg. Agricola in Bermanno pag. 459. habuisse testulam Cobaltscherben / quam naturæ ingenium finxerit ad speciem calvariæ humanæ, suis capsulis & cellulis distinctæ, sed propter admixtum argentum vivū adeo venenatam, ut peremptoria esset, si quis ex eâ biberet, hinc *Poculum mortis* vulgò dici. Tale poculum est synciput delirorum hominum, plenum veneno aspidum insaniabili. Fuge, qui sapis, & si vita tibi chara est, bibe de saluberrimis DEI fontibus, quam-

quamlibet amaris, nam verbum lucis, verbum crucis.

*Sed calicem crucis ac vitæ libare verentes,
Vipereum obducto potamus melle venenum.
Dulcia sunt etenim gustu, specieque decora,
Quæ morbos mortemq; animæ generantque fovent-
que.*

Canceris & ritu languentia viscera carpunt.
Prosper de Provid.

CXLVI.

Lapis Scoticus.

Exultabit solitudo & florebit quasi lilium. Esai. cap. 35. v. 1. In mari Scotico scriptores rerum Scoticarum confirmant, lapides vulgariter reperriri, qui cum sint durissimi tamen herbescant, Cardanus ait se habuisse unum in umbrâ adservatum, qui virentia emisit folia, & radículas candicantes, cum ipse esset ater, spectaculo pulcherrimo. Ita refert Dn. Michaël Piccart. in orat. de Lusib. Naturæ, Imago vocationis Gentium, & efficaciz verbi divini. Lapidem Scotico similimus est animus, vere Christianus! durus & nulli cedens ictui adversitatis, florens tamen & fructificans. *Tantum potest illa venerabilium Doctrinæ Sacrorum antistes Philosophia Dominica scilicet, quæ ubi pectore recepta est hominum inhonesto atque inutili adfectu dispulso, insitisque, quod addo, melioris vitæ seminibus, totos in solido virtutis munimento confirmat, potentiores metu ac dolore faciens.* Val. Max. l. 3. cap. 3. in Extern. num. 1.

CXLVII.

CXLVII.

Adamantum venatus, & hircino sanguine molliri.

*Mulieres etiam cordatos auferunt. Sir. 19.2. juxta Pagnin. Indorum historia est, Græcæ tamen fidei propior; ultra orbem Bilingar in monte Abingar procreari adamantes, quos accolæ missis ex editiore loco in eum montem sagittis, carnibus tectis, venari soleant, carnibus enim adhærescere adamantes, & ab aquilis simul cum illis in nidos deferri, sub quibus delapsos adamantes inveniri: Aliter inaccessum esse montem, propter venenosas bestias & serpentes, quibus differtus sit. Scaliger Exerc. 113. sect. 3. Adamantes sunt, qui cum Paulô dicere possunt: *Quis nos separabit à charitate Christi? tribulatio? an angustia? an persecutio? an fames?* Rom. 8. adamantes quos Deus in manu suâ habet, Amos 7. v.7. juxta Septuag. & Symm. *nâm nisi quis Dei teneatur manu, & illius valletur auxilio, omnem perdit fortitudinem*, cum verò tam robustus est, ut dicatur ad eum: *Si transferis per ignem, flamma non comburet te.* Esa. 43. 3. *quantoque magis tentationibus ceditur, tantò fortior fit, &c.* Caput tamen nonnullos venator infernalis sagittis suis ignitis carnes jaculatus: vel ut cum Hieronymo pergam, ex quo ista in cap.7. Amosi, *cum à nullo superari queat talis adamas, solo mortifera libidinis calore dissolvitur.* Ita enim & adamas quamvis nulli cedat materiæ, non ferro, nâm antea ihcus & malleus vulnus accipiunt, quàm adamas conteratur; non*

non igni, quod duriores reddit; non limæ, nam & ipsam limam terit; solo hircorum cruore dissolvitur & missus in calidum sanguinem perdit fortitudinem suam. Hæc & alia S. Hieron. l. cit. Caveas itaque olentem hircum, caveas carnes, quas mundus jaculatur, 1. Joh. 2. 15. *Carnes*, ait aliquo loco Ambrosius, *etiam volantes aquilas deponunt*. De duritia adamantis, & hircino sanguine vulgò notum est, dubium tamen & incertum. Efficaciam sanguinis dominici indicare plerisque dictum, vide D. Pelargum in cap. 16. Lévi. Corn. à Lap. in c. 3. Ezech. Marbodeus de lapid. pretios. sic habet:

*Cujus durities solidissima cedere nescit,
Ferrum contemnens, nulloque domabilis igni,
Incudis damna percussorumque labore,
Hæc tamen hircino calefacta cruore fatiscit.*

Priscian. de situ orbis v. 1090.

*Quem minimè valeat ferrum superare nec ignis,
Frangitur hircino maceratus sanguine tantum,
Sed tepido, fractis multis incudibus antè, &c.*

Ne quid desit expoliendo, Legem Dei molliri & à rigore suo *ἡμετέρας* adduci solo sanguine Christi, notabis, fata Dei olim in tabulis adamantinis perscribi creditum fuisse. Adamas in electri similitudinem venena deprehendere & maleficis artibus resistere dicitur. Hieron. l. c.

*Indomitumque facit mirâ virtute gerentem,
Et noctis leniures, & somnia vana repellit,
Atravenena fugat, rixas & jurgia vincit, &c.*

Marbodeus vetus Poëta l. cit.

CXLVIII.

Adamantum amor & partus.

Fortis ut mors dilectio. Cant. 8. 6. *Amor impenetrabilis est lorica, respuit jacula, gladios excutit, periculis insultat, mortem ridet, si amor verus est, omnia vincit,* ait Petrus Ravenn. Chrysologus. *serm. 40.* Mirum referunt Rucius de gemm. l. 1. cap. 1. & Bustamantius lib. 5. Reptilib. 5. Script. c. 15. Dominam Heverensem ex illustri familia Luxemburgorum, duos habuisse adamantes, virum quasi & foeminam, qui quotannis sobolem eniti videantur, alium tenellum adamantulum, quasi partum suum mustem. Plurimi oculares testes confirmant. Adeo

Omnia vincit Amor! quid enim non vinceret ille?
Juxta Ceir. Virgil.

Perque Cælum, perque terras, perque pontum subditum.

Pervium sui tenorem seminali tramite

Imbuit, jussitque mundum nosse nascendi vias.

Catull. in Pervigil. Amorum.

CXLIX.

Gemma triumphans.

Rex hodiè, cras morietur. Sir. 10. 12. Alexandro Magno ferunt oblatam dono gemmam, quæ in lance posita, facile omnia alterius lancis pondera suo vincebat, undè Triumphanti nomen fuerit; omni autem quamlibet pondusculo victam cessasse, asperso pauxillo cinere. Michaël Piccart

Piccart. de Lusib. Nat. Imago Regum potentissimorum, & ipsius Alexandri in primis, quorum omnis gloria & invicta virtus cineri cedit. Hinc vetus quidam Poëta Alexandrum inducit sic loquentem:

Omnia tollebam, ne mors tulit omnia tollens,

Nulla tenere queo, pulvis & umbra teror.

Apud Joh. Hussum in serm. V. Tom. 2. oper. ubi alia ad rem idonea, inter alia mos vetus in Coronatione Impp. Constantinopolitanorum: ut lapicida oblatis marmorum variorum diversicolorum fragmentis inauguratum percontaretur; quò de marmore jubet imperium, ut sibi fiat sepulchrum? quasi diceret: *Omnia mors equat. Aequo pede pulsat pauperum tabernas Regumque turreis!* Ne mirere igitur, si quo die tibi imponitur corona, præparetur & sepultura. Hodie Rex es, cras moriëre! De morte nemo triumphabit homo mortalis natus, illa de omnibus. *Ἀξιωματῶν λαμπρότης ἔδυσωπείτω ὁ θάνατος*, Mors dignitatem splendores non reformidat, omnibus enim *τὰς πανφάγους ὀδόντας*, omnivoros dentes infigit. Agapetus Diacon. ap Justinian. Imp.

CL.

Achates Pyrrhi.

Reges erunt nutricii tui. Esa. 49. v. 23.

*Rex Pyrrhus digito gessisse refertur Achaten,
Cujus plana novem signabat pagina Musas
Et stans in medio Cytharam tangebatur Apollo;
Naturæ non artis opus: Marbodeus l. cit.*

Ff

& qui-

& quidem ita discurrentibus maculis, ut Musis quoq; singulis sua redderentur insignia. Plin. 37. cap. 1. Quos colebant veteres maximè, eorum in annulis gestabant imagines. Ad Principum sanè pleriq; malunt Epicuri, quod ejus factitabant familiares, in anulis & poculis circumferere.

--- *similes in imagine vultus:*

Qui Musas & Apollinem, rarus est. *Ædem Herculis Musarum in Circo Flaminio Fulvus ille nobilior fecit, quòd acceperat Herculem Musagetam esse: Idemque novem Musarum signa ex Ambraciensi oppido. translata, sub tutelâ fortissimi Numinis consecravit ut res est, quia mutuis operibus & præmiis juvari orariq; debet; Musarum quies defensione Hercules, & Virtus Herculis voce Musarum, ait Eumenius Rector pro Scholar. restituit.*

CLI.

Amethystus cur vilis?

Anima nostra nauseat super cibo isto levissimò. Num. 21. 5. At cibus iste manna erat, panis Angelorum, omnem in se habens delectationem. Adeò, ut verè dixerit Tertull. de habit. Mulieb. Semper abundantia contameliosa in semetipsâ est. Ita Amethystus lapidum pretiosorum flos & quasi rosa cui similis colore,

--- *contrarius ebrietati,*

*Aarus haberetur meritò, si rarioreffet,
Cbt nunc negligitur, quoniam communis habetur.*

Marbo-

Marbodeus de gemm. τὸ πρὸ πάντων τίμιον. Plaro in Euthidemo.

— *Amica vincit*

Uxorem. Rosa Cinnamum veretur;

Quicquid queritur, optimum videtur.

Petronius.

CLII.

Alectorius.

In silentio ὁ ἄνθρωπος. Esa. 30. 15. De Alectorio idem Marbodeus:

Inviatum reddit lapis hic quemci nq, ge entem,

Nam Milo Crotonias pugiles hoc præst le vicit,

Hoc etiam multi superârunt prælia Reges!

Est autem lapis Crytallo similis, nascitur in ventriculo galli gallinacel, exsectis testibus,

Cum tribus ad minimum factus spado vixerit annis.

Cæterum, addit Gallus noster Poëta,

Ut bona tot præstet clausus portetur in ore.

Invieta est patientia, cui vultus tranquillus ὁ ἄνθρωπος placidus, frons pura, nulla mœroris aut iræ rugositate contracta, supercilia æquè in latum modum remissa, oculi humilitate non infelicitate dejecti, os taciturnitatis rubore signatum, color qualis securis ὁ ἄνθρωπος innoxiiis, Tertull. de Patient. Sententiam Esaiaæ pro Symbolo sibi delegit D. Lutherus, in quam lusi olim hoc disticho:

Dum tacet ὁ ἄνθρωπος patitur Virescit Vulnere Virtus!

Ff 2

Efficit

Efficat invictos spes taciturna pios!

Est & fideli tuta silentio merces! juxta Horat.

CLIII.

Aëtites in nido aquilarum.

Lex DEI prægnaus est. Zephan. 2. 2. parturit enim inevitabiles pœnas, suo in lucem edendastempore. Ut Aëtites lapis, loquar cum Marbodeo,

Quem petit extremis orbis Jovis ales ab oris

Custodem nidi defensoremq; futurum:

Continet hic alium prægnaus more lapillum.

Creditur ergo potens prægnaus auxiliari,

Ne vel abortivum faciant, partuve laborent.

Elegans profectò divinæ legis icon, quæ in nidulo aquilarum spiritualium semper reperitur, partumque novi hominis adjuvat Matth. 24. 28. Psalm. 29. 8. & 40. 9. sed & hypocritas prodit, qui epulas divini verbi gustare nequeunt, si subfit hic aëtites, uti juxta eundem Poëtam:

Pulmento posito, cui sit submissus Etites

Si fraus corde subest, tentans glutire nequibit.

CLIV.

Abestos.

Non aquæ plurimæ poterunt amorem extinguer. Cantic. 8. 7. Abestos Arcadiæ lapis ferrei coloris, ab igne nomen sortitus, eò quod accensus semel nunquàm extinguitur. De quo lapide mechanicum aliquid humana ars molita est, quod gentiles capti sacrilegio mirarentur.

Deni-

Denique in Templo quodam fuisse Veneris fanum dicunt, ibique candelabrum, & in eò lucernam sub divo sic ardentem, ut eam nulla tempestas, nullus imber extingueret. Isidorus lib. 16. Origin. cap. 4. *Lucet in amantium pectore, ut vetustus Poëta Valerius Æditiuus apud A. Gellium venustè ait, flamma inextinguibilis:*

*Istam non potis est vis seva extinguere venti,
Aut imber cælo candidus præcipitans!*

CLV.

Callaidis venatus.

Tempus & Fortuna! Eccles. 9. 11. Callais gemma è viridi pallens, nascitur post averfa Indiæ & in Carmania, in rupibus inviis, oculi figura extuberans, leviterque adhærens; Scandere ad eam pigritia pedum equestres populos tædet, sed & periculum terret; ergò fundis è longinquo incessunt & cum toto musco excutiunt. Quidam ictu primo cepere præclaras, multi insectando nullas. Plin. l. 37. c. 8.

Sæpe habet imprudens alieni lucra laboris.
ait Gratius de Venatione.

*Quin etiam infelix virtus, & noxia felix,
Et malè consultis pretium est, prudentia fallit.*
Manilius lib. 4. Nunquid ambitus honorum, opum, gloriæ, quasi Callaidis venatus est?

CLVI.

Carbunculus.

Qualis Rex talis græx. Sirac. 10. 2. Carbunculus

culus Principum & Magistratum præfert imaginem. Primò quia, ut ait Plinius, principatum habent carbunculi, à similitudine ignium appellati. Deindè, quia omnes oranium gemmarum virtutes habet, Phœbo ea propter consecratus siderum Regi. Adhæc ejus

--- *nec tenebra possunt extinguere lucem,*
ut canit Marbodeus.

Quin flammæ vibrans oculis nitet adspicientum,
sub vivis quidem carbonibus & in ignem jactus, quasi inter mortuos extingui videtur, sed aquis perfusus redardescit. Isidor. l. 16. c. 13. Denique authore Aristotele, omnibus aliis gemmis speciem suam imprimit & figuram, quod ipsi nulla præstare potest. Rucius l. 2. de Gemm. cap. 14. Quæ de re plura dixi in cap. 4. Amosi. Sic Magistratum in terris præcipua authoritas, tanta quanta singulorum potestas, lux inter titiones ardentes Esa. 7. 4. et si deficere videatur, tamen inextinguibilis est, & exempli vis pollentissima in utrumvis.

--- *totus componitur orbis Regis ad exemplum.*
Quales in Repub. sunt Principes, tales reliqui solent esse cives, ut ait Cicero, & vicissim: *Talis est Rector, quales illi, qui reguntur,* S. Cyprian. l. 1. Epistol. 3. ad Cornel.

CLVII.

Carbones fossiles.

Desideria ditescere cupientium pestifera. 1. Tim. 6. vers. 9. In partibus Britannia septentrionalibus, fodinae sunt carbonariae, in quibus lapis, quem

quem Plinius vocat obsidianum reperitur, non procul novo castro, spiritum tam gravem nonnunquam exhalantes, ut conductas operas nulla mora interficeret, nisi ex indicio ardentis lucernæ, cujus flamma tunc antè paulò & liquefcit & consumitur, quàm is adventat, statim sese subducerent Schenk. lib. 7. observ. 1. ex Joan. Cayo Anglo de Ephem. Britann. Adeò magno cum salutis periculo quæritur opulentia, nisi lucernam Divini verbi oculo irreflexo adspicias, 2. Petr. 1. 20. Nàm juxta Martialem lib. 11. epig. 6.

Ardua res hæc est, opibus non tradere mores.

Et cum tot Cræsos viceris, esse Numam.

Et quid id est, quod tantum constet, ut sine Virtutis & vitæ dispendio vix aut acquiri possit, aut possideri? De tenui filo pendet puer Plutus, quod si casus aliquis ruperit, omnia dilabantur, & thesaurus fit, quod ajunt, Carbones. Lucian. de Votis.

CLVIII.

Ceraunios.

Fidelis DEUS, non patietur tentari vos, supra quod potestis. 1. Corinth. 10. 13. Cerauniagemma est CrySTALLINI generis, cœruleo & rutilo infecta, similisque securibus, ut scribit Sotacus, rarissima non alicubi invenitur, quàm in loco fulmine ictò. Plin. l. 37. c. 9. Castè si gestetur ab omni tempestate & fulminum ictu illasum præstat. Magi ea urbes & classes expugnari jactant, & ut Marbodeus docet:

*Ad causas etiam vincendaque praelia prodest,
Et dulces somnos & dulcia somnia præstat.*

Denique Cœlo cadit, juxta eundem,
*Ventorum rabie cùm turbidus æstuat aër,
Cùm tonat horrendum, cùm fulminat igneus
æther.*

Ita inter ipsa irati DEI fulmina cœlo demittitur
invieta Patientia, quâ suis ad ferendum vires
sufficit. Nàm non sic est, ut servos suos tantùm spe-
det, sed & ipse luctatur in nobis, ipse congregitur, ip-
se in certamine agonis nostri & coronat pariter &
coronatur. Cyprian. ad Martyr. lib. 2. Epist. 6.
Adhæc vera & rara illa calamitatum omnium
victrix Patientia, ut non nisi usu mala toleran-
di discitur, sic non nisi in corde sapè ictō repe-
ritur. Contemptum periculorum dat assiduitas pe-
riclitandi. Seneca de Provid. ut fabricando,
quod dici solet, fabri; sic patiendo patientes
simus. Denique superior est omni fortunæ
procella, & quâvis, ut habet S. Zeno Veronensis,
turbationum tempestate tranquillâ, serenitatem su-
am nebulis turbulentare non novit. Serm. de Patient.
ac ne quid indictum patiar, somnum quoque
beatissimum tandem conciliat, & somnia omni-
bus hujus mundi vigiliis veriora. Perfer ergo &
obdura, ac cogita:

*Omne malum volucris cum tempore transvolare
cursim,*

Nil grave, quod peragi finis facit & quiete donat.
Prudent. hymn. 5. Peristephan.



CLIX.

Chrysopasius.

Patientia parit probationem. Rom. 5. 4. ut Chrysopasius juxta Marbodeum :

Noctibus igne micans, vanescit luce diurna,

Absque nitore jacens, auri pallore sepultus :

Ita virtus sub cinere quasi sopita in prosperis, stricturas suas effundit in adversis. Latet sæpè vir magnus temporum felicitate quasi sepultus, at duris temporibus opes animi sui explicat, & ut de cane Britannico dixit Gratius in Venat.

Ad magnum cum venit opus, promendaque Virtus,

Et vocat extremo præceptis discrimina Mavors.

2. Quadrat etiam id Siracidæ, cap. 6. 7. quod & Ennius dixit :

Amicus certus, in re incertâ cernitur.

CLX.

Chrysolithus.

Crescite & multiplicamini. Genes. 1. 22. 26. Chrysolithum *τετυπωμένον*. refert Rueus reperi- tum, in quo naturæ ingenio picta esset fœmina, unâ avem manu, alterâ piscem præferens. Imago Veneris, id est ingenitæ omnibus cupiditatis generandi sui simile, hæc enim omnibus divîna benedictione insita est,

Denique per maria ac terras, fluviosque rapaceis,

Frondiserasque domos avium, camposque virentes,

Omnibus incutiens blandum per pectora amorem

F f s

Efficit,

Efficat, ut cupidè generatim secta propagent.
 Lucretius in princ l. 1. confer Emblema Alciati,
 de Amore piscem & flores tenente n. 106. & ibi
 Claud. Minoëm.

CLXI.

CHRYSELECTRUS.

1. *Verecundie comes gratia.* Sirac. 32. 14. *Et gratia verecundie super aurum.* Idem. c. 7. v. 21. sed ut Chryselektus similis auro, matutino tantum adspectu jucundus est;

Hic matutinis visu jucundior auris,

Diffimilem speciem post adspicientibus offert,

ait Marbodeus. Ita verecundia non semper æquè pulchra est. In adolescente color virtutis est rubor, sed seni erubescendus. *Juvenes verècundos laudamus omnes, senes nemo.* Nihil enim eos agere convenit, quod erubescendum sit. Aristot. lib. 4. Ethic. Nicom. c. ult. ut in senibus gravitas, in juvenibus alacritas, ita in adolescentibus verecundia, veluti quædam dote commendatur naturæ: Ambros. 1. officior. cap. 17. Benè quoque Bernhardus cùm ait: verecundiam esse pulchram & splendidam morum gemmam in vita & vultu adolescentis. In Cantic.

2. *Omnis caro scænum est!* Esai. 40. 6. *Kana est pulchritudo.* Prov. 31. 19. Quid ergo carnem in delitiis habes? *An ejus virtutem diligis? frangit ac subigit illam quivis dolor.* *An pulchritudinem ejus? at commutabilis res est, & quæ unâ febre vel quâlibet facillimè deleatur injuriâ?* S. Zeno de Spiritu &

car-

carne, post allegata verba Eſaiæ. Sic manè tantum pulcher est Chryſelectrus.

*Cujus materies rapidiſſima dicitur ignis,
Nàm citò vicino corruptus flagrat ab igni.*

C LXII.

Chalazias.

Induraverunt vultus ſuos magis quàm ſaxum. Jer. 5. v. 3. Chalazias grandinum & colorem & figuram habet, adamantinæ duritiæ. Narrant etiam in ignem additæ manere ſuum frigus, Plin. l. 37. cap. 11. Marbodeus:

Iſtibus omnimodis inviſta chalazia gemma,

Cujus nature viſtanta probatur, ut omni

Tempore frigida ſit, nulloq; caleſcat ab igne.

Ita Impietas flagella quidem excruciat ſentit; ſed à quo flagelletur obdurata non ſentit. Oroſius l. 7. adv. Gent. c. 22.

--- animos genius excœcat malus,

Dorſumq; reddit æreum, ut, ferro velut

Incus, domari non queant mille iſtibus,

Gregor. Nazianz. adv. opum amanti.

C LXIII.

Diadochus.

Exurge à mortuis. Ephes. 5. 14. Quod fit per pœnitentiam ab operibus mortuis Hebr. 6. 1. quæ mortua ſunt quâ privativè, quia carent vitæ gratiæ, quâ effectivè, quia mortifera Diadochus Beryllo ſimilis ad Divinationem à Magis adhibita eſt,

Nec

*Nec lapis est alius qui fortiùs evocet umbras ;
Sed si defuncto quis forsitan applicet illum,
Protinùs adseritur solitas amittere vires,
Namque lapis sacer est, & quæ mors sternit abhor-
ret.*

Ita fides cum operibus mortuis sociata, solo nomine manet fides, mortua est, Jac. 2. 16. Hinc ex lege Mosaicâ qui morticinas carnes attigissent, impuri erant

--- donec se flumine vivo abluerint :

Pythagoras ὁνησιμαλὸς abstinuit Laërt. lib. 8. Polluti funere, sacra ne facerent religione vetabantur. Servius 11. Æneid. Flamini Diali locum in quo bustum erat ingredi, aut mortuum attingere nefas fuit, A. Gell. lib. 10. cap. 15. Jamblichus ne eam quidem per viam ire voluit, quâ modò funus erat deductum. Eunapius in vitâ. Ita Diabolus, ut serè semper DEI simia est. Nam & levitas Deo iniciandos iussit Lex radi & depilari, quod crines & pili τῆς νεκρώσεως σύμβολον essent, de quo Theodoretus Cyrensis; vide Num. 8. 7. undè Sacerdotes Ægyptii ne quidem in superciliis crines habebant, rati naturis aternis & vitâ perpeti fruentibus cum mortuis rebus nihil commercii esse oportere, de quo Synesius Cyrenensis, de Calvit. Denique rasura Clericorum hinc orta est, docens & monens Clericum :

*Capturum claram Christo cedente coronam,
Ceui crines capitis convellero crimina cordis,*
ut canit Calvorum encomiastes Hugbaldus in
carm. ad Carol. Calv. Imp. v. 17.

CLXIV.

Draconites.

Mulieræ ornent se verecundiâ & sobrietate, non auro aut margaritis. 1. Tim. 2. v. 9. Nàm, juxta P. Syrum:

Smaragdum ad quam rem viridem, pretiosum vitrum,

Quo Carchedonios optas, ignes lapideos?

Nisi ut scintillent! PROBITAS est carbunculus.

Σοφία ἢ χρυσάδι. Theognetus apud Wovvern. in Petron. Satyr. Deindè

In via quis calidi scrutatus regna profundi

Tetbyos invasit gremium? quis divitis algæ

Germina flagrantès interquæsiuit arenas?

Quis junxit lapides ostro? quis miscuit ignes

Sidonii rubrique maris? Claudian. in IV. Consul.

Honorii. Dracontides ex cerebro Draconis eruitur, quæ nisi viventi abscissa fuerit, non ignescit.

Audaces igitur viri explorant Draconum specus & spargunt ibi gramina medicata ad incitandum Draconum soporem, atque ita somno sopitis capita defecant, & gemmas detrahunt. Isidorus lib. 16. cap. 13. Ergò hoc quoque deerit Christianæ, ut de serpente cultior fiat. Sic calcabit diaboli caput, dum de capite ejus cervicibus suis aut ipsi etiam capiti ornamenta struit. Tertull. de Habit. Mul. cap. 6. &c.

CLXV. CLXVI.

Enydros, Dionysia.

Deduc quasi torrentem lacrymas, per diem &
no-

noctem. Thren. 2. 18. Enydros gemma semper est absolutæ rotunditatis, in candore levis, & ad motum fluctuat intus velut in ovis liquor. Plinius lib. 37. cap. 11. imò & perpetuis lacrymis destillat:

Quæ velut è pleni fontis scaturigine manant.

Marbodeus & ex eo Isidorus similiter. Gemmei profectò oculi semper lacrymis pleni. Quid enim oculis illis *formosius perpetuo lacrymarum imbre* & *quasi margaritarum decore ornatis*? Chrysostom. hom. 30. in Genes. hinc in Hieroglyphicis & apud somniorum interpretes uniones significant lacrymas:

διλάσει μαργαρίται δακρύων ῥόον;

lacrymas fluentes margaritæ denotant.

Denique guttæ Enydri febricitantibus prodesse dicuntur, juxta Albert. M. at lacrymarum ex animo ægrotantibus salutares sunt. Quid enim æstuans pravis cupidinibus, algens in pietate, quid ille?

Mersisne anhelat febribus?

Atque igne venarum furit?

Prudent. in Martyr. Laurentj. *Mirum tamen in hoc artificis Dei ingenium, in lacryma de venis erumpens peccatorum, profusa humiliter absorberet omne peccatum!* Petrus Abbas Cellens. Tom. 9. Biblioth. PP. Dionysia gemma in aquâ trita vinum fragrat, ut Marbodeus & Plinius,

Et tamen ebrietas ipsius odore fugatur.

Vinum Angelorum fragrat cor lacrymis exundans pœnitentium, & fugat ebrietatem culpæ, de quâ Ambros. de Heiâ & jejun. c. 16. & Hieron.

Omnia

Omnis animæ perturbatio ebrietas appellatur, quæ concipitur de vino furoris Draconum & de veneno aspidum insanabili. Hieron. in cap. 5. Esa.

CLXVII.

Formica in gemma.

Vade ad formicam, ô Piger! Prov. 6. v. 6. Michaël Gehlerus D. in Epist. de Formicâ refert, inter alia veterum hieroglyphica reperiri formicam in gemmâ sculptam, cum tribus spicis ori ejus insertis. Imago boni Patris familias qui aliquid pro amicis, proq; Deo acervat. Nostri dicunt: Ein Hausvatter soll ein Zehr- ein Ehr- und Mehr- und Wehr- Pfenning haben. --- Sicut

*Parvula, nam exemulo est magni formica laboris,
Ore trahit quodcunque potest, atque addit acervo,
Quem struit baud ignara ac non incauta futuri.*

Horat. l. 1. Satyr. 1.

CLXVIII.

GAGATES.

Responsio mollis frangit iram. Proverb. 15. 1. Gagates, schwarzer Augstein / ut habet glossator Marbodei:

*Vicinas paleas trahit attritu calefactus,
Ardet aquâ lotus, restinguitur anctus olivo.*

*Ita multi iracundi leviculas ob res insaniunt. Quid enim est, cur tussis alicujus, aut sternut amentum, aut musca parùm curiosè fugata nos in rabiem agat? Seneca l. 2. de Ira c. 25. Frigidam si affundas, magis incandescunt, inq; tuam perniciem, ut Siquis
Baccha*

Baccha Bacchanti velit adversari. At tunc demum cum Æschyli Prometheo existimo:

Mederi posse rationem iracundie,

Siquidem, qui tempestivam medicinam admo-
vens,

Non adgravescens vulnus illidat manus.

CLXIX.

Gagatromeus.

Vix sapiens fortis est. Proverb. 24. 5. Gagatro-
meus diversicolor est pelli capreoli similis:

Quem qui portarit dux pugnaturus in hostem

Hostem depulsum terræque marique fugabit:

Illius Alcides ope multa pericula vicit,

Succubuit quoties lapidem non sustulit illum.

Utor enim Marbodei versibus libenter, quia ra-
rus est.

→ Sæpè acri potior Prudentiâ dextrâ!

Valer. Flacc. l. 4. at

Vis consilii expers, mole ruit suâ!

CLXX.

Glossopetra.

Non sum Propheta, non sum Propheta filius.
Amos. 7. 14. Glossopetra linguæ similis huma-
næ, in terra non nascitur, sed deficiente Luna
cœlo decedere creditur, & ventos ea comprimi
narrant. Plinius l. 37. c. 9. Sic deficiente Ecclesiæ
ordinaria luce, de Cœlo suscitatur Deus linguas &
extra ordinem demittit. Tales fuere Lothus apud
Sodomitas, Jonas apud Ninevitas, Amos apud
Israëli-

Israëlitas, quique novissimis temporibus ventos
Doctrinæ erroneæ. Ephes. 4. 14. dispulit, Dn. Lu-
therus. Ita fit quod ait Dominus: *Sibi tacuerint,*
lapides clamabunt. Luc. 19. 40.

CLXXI.

Gonia petra.

Ego baptizo quidem aquâ; ille autem Spiritu &
igni; Luc. 3. 16. In Carthaginensium regione
mons est Gonijs, in quo petra æstate flammam
emittens, hieme aquam limpidam. Juxta fons
est oleo scatens, odore lacrymarum Cedrina-
rum, sed haurientem oportet ἀγνόντων castum &
impollutum esse. Aristot. in Mirabil. Talis
mons est Ecclesia, in qua fons est sapientiæ Sir.
1. 5. Sacra Scriptura. *Hæc enim fons est æthereo de*
marginè scaturiens, de quo quântò ampliùs bauritur,
tantò minùs expenditur. Carol. M. l. 2. contra Sy-
nod. Græcor. de Imag. cap. 30. &c. Petra Chri-
stus est. 1. Corint. 10. 3. è quo uterque *baptismus*
fluminis institutus per Baptistam cùm adhuc qua-
si hyems esset, vere Novi Testamenti vix dùm
ineunte, Cant. 2. 12. & *flamminis*, Act. 1. 5. cœlitus
missus, cùm jam æstas esset, Luc. 10. 2. Joël. 2. 28.
ut de baptismo Johannis verè dictum sit, fuisse
ἐξ ὁρίων & non ex hominibus. Matth. 21. 25.
Marc. 11. 30. Luc. 20. 4. Itaque ut canit Pruden-
tius Cathemer. hymno. 7.

Hoc ex lavacro labe demtâ criminum,
Ibant renati, non secùs quam si rudis
Auri recocta vena pulchrum splendeat.

Gg

Succi-

Succinit S. Paulinus in Carm. de S. Johann Bapt.

*Diluit infusis credentum crimina lymphis,
Absolvitque metus hominum, poenasque remittit,
Atque ignem restinguit aquis, &c.*

CLXXII.

Galactites.

Vae mihi si non evangelizavero! 1. Cor. 9. 16. Ga-
lactites lactei aut cinerei coloris gemma est, &
ut lac auget, si bibatur è mulsa, ac si circum ovile
spargatur cum sale mixtus aquæ,

Lacte replentur oves, scabiesq; fugatur ab illis;
Juxta Marbodeum: ita tritus lacteum succum
edit,

Et si quis terat hunc, albescit lacte liquefcens.
ut ait Priscian. de situ orbis v. 4, 3. verum, ut ite-
rum habet Marbodeus. turbat mentem

Si clausus in ore liquefcit,
Verbum Dei denotat, lac illud rationale conti-
nens de quo 1. Petr. 2. 2. quod bonorum omnium
fons est & thesaurus, ut de Galactite ait Marbo-
deus noster, persuasum fuisse veteribus, omnia
bona prestare gerenti:

Quæ simul à reliquis cuncta virtute darentur.
Væ autem illi qui clausum ore finet colliquefcieri
vide Jerem. 1. 9. Cui dispensatio verbi commissi
est, etiamsi sanctè vivat, & tamen perditè viventem
arguere aut erubescat aut metuat, cum omnibus quæ
eo tacente perierunt, perit! Prosper de Vita Con-
templ. l. 1. cap. 20.

CLXXIII.

Gemma Arurophylax.

Quasi tuba exalta vocem tuam. Esa. 58. 1. *Di-*
vites in Elide gemmam feruntur habuisse mi-
ram, cui nomen inditum Arurophylax, ab ar-
gumento, quod ante thesaurorum limina posi-
ta aurum custodiret, fures sonitu tubæque clana-
gore & arceret, & repelleret, non aliter ac si à
satellitibus abrepti, per præcipitia agerentur.
Plutarch. de Fluminibus. Malim dicere tamen
θησαυροφύλαξ. Tales sunt in Ecclesia custodes
divini depositi, verbi præcones. *Depositum custodi*
ait Apostolus 1. Tim. 1. 14. & 6. 20. *Quid est de-*
positum: id quod tibi creditum est, non quod à te in-
ventum &c. Aurum accepisti, aurum redde! Nolo
mibi pro aliis alia subicias; nolo pro auro impuden-
ter plumbam, aut fraudulenter aramenta supponas.
Vincent. Lirin. contra Novatores.

CLXXIV.

HFLIOTROPIA.

Beati mundo corde! Matth. 5. 8. *Heliotro-*
pium, ut ait Plinius, porracei coloris, sanguineis
venis distincta, extra aquam speculi modò So-
lem accipit; at in vas aquæ dejecta, ut habet
Marbodeus,

Sanguineum reddit mutato lumine Solem,

Eclipsimque novam terris effundere cogit.

Denique eam ipsam aquam in nebulam & im-
brem resolvit, &

--- *Post modicum vas ebullire videbis,*

Adspargique forâs subitæ scaturiginis imbrem.

Ita *Mundicordes*, ut loquitur S. Augustinus, specula sunt in quibus Dei imago pura refulget, videbuntque DEUM ipsi & hîc fide, quâ corda mundantur, Act. 15. velut in speculo, & illic ad oculum. At si cordis oculi suffusi sint aqua opinionum erronearum, aut cupiditatum terrenarum, jam Deum ut est videre nequeunt. *Purâ mente coli, purâ vult mente videri!* Sed & Fides cœlestis illa Heliotropia aquam omnem istam sensim evaporat. *Munditia cordis & conscientie puritas*, ait Chromatius, *nullam nubem ad intuendum Deum patietur.* In Matth. 1. cit.

CLXXV.

Hephæstites.

Omnis vallis exaltabitur: omnis collis humiliabitur! Esa. 40. 4. *Hephæstites* rutila gemma, aridam materiam in Sole addita accendit, at ferventem aquam statim refrigerat. Plinius lib. 37. c. 10. alia multa efficit, sed in pectore, ait Marbodæus --- *memorifixum teneamus oportet,*

Quâ cor parte jacet lapides hos esse gerendos.

Mira divinæ Eloquentiæ, si modò ex corde procedat, efficacia, *in utrumque peritia est!* Sagas & Divinipotentes posse Cælum deponere, terram suspendere: fontes durare, montes diluere: Manes sublimare, DEOS infirmare, sidera extinguere, Tartarum ipsum illuminare, ut ampullatur Apulejus 1. Miles. Logi sunt & nugæ meræ. Virga Mercurii quâ

animæ

--- *animas evocat Orco*
Pallentes, alias sub tristia Tartara mittit,
Dat somnos, adimitque &c.

Nebulæ in pariete pictæ! Plura & majora potest,
 illa verè *Divinipotens, Flexanima & Verticordia*
Elequentia! Eadem & destruit, & ædificat! colles
 infimat, valles sublimat! Cæcos illuminat, viden-
 tes occæcat! vivos mortificat, mortuos exsusci-
 tat! &c.

CLXXVI.

Hieracites.

Semei maledicit Davidi exuli. 2. Sam. 16. 5. 6. De
Hieracite gemma hæc habet Marbodeus.

Muscis expositum corpus nudato gerentis,
Lactis commixto mellisque liquore perunctum,
In tactum cupido miraberis agmine linqui:

Si lapidem tuleris facto grege spicula figent.

Musca est Semei; Hieracites Regia dignitas, quæ
 dum aderat Davidi, non ausus erat ille prorepe-
 re, ne tum quidem cum se quasi nudo corpore,
 admissio in Bathsebam adulterio, palam prosti-
 tuisset. Muscæ susurrone sunt, ad ulcera convo-
 lant, saniem exsorbent. Hæ muscæ Magnates su-
 gillare non audent, dum salva est potestas. Non
 ajunt, tutum est in eum scribere, qui possit proscribere.
 Periculosum est deridere eos, qui gladio ἀντιπονη-
 τικῆς solent. In omnibus Regibus hæc urbanitas ex-
 timescenda est. Sen. Suasor. 1. Quod si casus aliquis
 tulerit hunc Hieracitem, quem stantem meru-
 re, videbis odisse jacentem, venenatisque spicu-
 lis proscindere.

Og 3

Turba

*Turba Remi sequitur fortunam, ut semper, & odit
Damnatos, &c. Juvenal. Sat. 10. v. 74.*

CLXXVII,

Hexicon talithos.

CLXXVIII.

CHELIDONIUS.

1. *Quid mihi in cælo? & à te quid volui super terram? Psalm. 73. vers. 24. De Traglodytis Solinus cap. 33. Nullus ibi habendi amor, à divitiis paupertate se abdicarunt voluntariâ. Tantum lapide uno gloriantur, quem Hexicon talithon vocant:*

Qui sexaginta modico gerit orbe colores,

Corporis exigui numero dispendia supplens,

Dum tot gemmarum fert gemmula sola decorem.

Hæc Marbodeus. Mihi Hexicon talithos IESUS est, in quo omnia! hoc uno glorior! Præ hac unâ gemmula omnia ut stercora arbitror. Phil. 3. 8. Solis lux in multis multipliciter lucet: Si incidat in carbuunculum, egrediens vicinam aërem facit rutilare; in Smaragdo virescit; in Sapphiro firmamento puriori conformatur; Hiacinthi quoque speciebus efficitur concolor, &c. Sic lux & gratia Spiritus sancti, in aliis alia efficit (vide Saresber. l. 5. Policrat. c. 3.) in Christo Jesu, qui omnem recipit sine mensurâ, omnia. Hinc mihi factus est Sapientia & Iustitia, Sanctificatio & Redemptio, 1. Cor. 1. 3.

2. *Parva volucris apîs, at fructus ejus est omnium dulcissimus Sirac. 11. 2. ἀεχὴ γλυκασμάτων principium*

ciplum omnium dulcedinum. Ita Hexiconthalithos gemmula a'iarum omnium decore ornata est. Ita Chelidonium.

Parvus & informis, sed nulli viribus impar.
Marbodeus, & Tecolithus apud eundem:

Adpectu vilis, natura vi pretiosus.

Granum sinapis, quod minimum videtur in semine, maximum extat in olore. S. Paulin. ad Amand. Epist.

1. Deus in minimis maximus est!

Sic adamas punctum lapidis pretiosior auro,

Parvula sic totum pervadit pupula cælum.

Manil. l. 4. Quam S. Chrysostomus vocat μικροῦ
κρυπτὸν de humilit. Τὰ τριπλά ὄσω μικρότεροι, τοῦ
ὄντος καὶ χαλεπότεροι. Vide Augustin. l. 22, de C.
Dei cap. 24. &c.

CLXXIX.

JASPIIS.

DEUS pacis conteret Satanam sub pedibus vestris,
Rom. 16. 20. Invenitur in Jaspide vir clypeum
in collo & in manu cuspidem habens, pedi-
busque serpentem conculcans, ajuntque eam
vim habere contra omnes inimicos, sic Rueus
lib. 2. de Gemm. cap. 1. Meminit & Piccart. de
Lusib. Nat. &c. Imago victoriæ spiritualis ad-
versus Draconem infernalem: Insidiatur ille
calcaneo nostro, nec fuit, excepto Christo Domi-
no, qui morsus ejus omnes evitarit

-- *fugientis adunco*

Dente pedem strinxit, virisque in corpore liquit.

Gg 4

Varios

Varios ille perimendi modos novit, mille nocendi artes

--- *hos morsu, longis amplexibus illos,*

Hos necat afflatu, funesta hos tabe veneni.

Sed qui clypeo Fidei, & ense Spiritus armati sunt, tandem conculcabunt, non suâ, sed Christi virtute, ambulabuntque super aspidum & basiliscum, Ps. 91. v. 13.

CLXXX.

Alia.

Liga Sapientia leges ad collum tuum. Proverb. 3. 3. Galenus legitur in digito gestasse Jaspidem, in qua vir fasciculum herbarum de collo suspensum ferens visus fuerit: Virtutem ejus fuisse, ut gestans morbos omnes discernere sanguinemque sistere posset. Ruus ex Tethulio Judæo l. cit. Sapientia in verbo Dei patefacta omnibus herbis & malagmatis potentior est, Sap. 16. 12.

Omnes humanos sanat medicina dolores!

Hujus Medicina archiatros est Christus, discipuli verò sunt Medici. Orig. in Psalm. 37. Spernit munus, ut --- *amaracinum fugitat suus* --- at prudens collo suspendit, cordi apponit. Non omnium est herbarum genera virtutesque, nosse: & si quis imperitus aut nescius in agrum salubribus herbis divitem venerit, omnia inutilia & promiscuè genita existimans præteribit: at verò si peritus & doctus hunc pretiosum his germinibus agrum fuerit ingressus, omnia quæ ab aliis præterita erunt, demetet, & quæ ab ignavis erunt neglecta, mirabitur: Sic & in divi-

divinis scripturis esse intelligendum est, &c. Hilarius in Psalm. 134.

CLXXXI.

IRIS.

Consolatio scripturarum spem facit Rom. 15.4. Iris gemma Crytallo similis, ex argumento vocatur. Nam sub tecto percussâ Sole, species & colores arquus coelestis in proximos parietes ejaculatur, subindè mutans, magnaue varietate admirationem sui augens. Sexangulam esse ut Crytallum constat, optimaque quæ maximos arquus facit, simillimosque coelestibus. Plinius l. 37. cap. 9. Ita S. Scriptura recepto fulgore à Sole patre luminum, spem in corda piorum ejaculatur, cujus figura & in Sacris literis Genes. 9. 26. & in Onirocriticis, arcus coelestis est. Quomodocunque apparuerit Iris in somnis, semper his qui in multâ paupertate, aut alio aliquo infortunio constituti sunt bona judicetur: Quia aëris constitutionem & statum mutat, &c. Artemidorus. l. 2. cap. 39.

CLXXXII.

Lipare.

Nomen tuum unguentum effusum. Cant. 1. v. 3. Lipare suffitu ad se inuiat - genus omne ferarum, vide Isidor.

*Non eget ergò canum morsu curâque sagaci
Saltus perlustrans, lapidem qui gesserit istum,
Sternenda satis est venabula tollere præda.*
Marbodeus. Lapis salutis odoratissimus est,
Gg 5 omnes

omnes ad se gentes nationesque trahit. Denique hæc gemmâ freti fuerunt Apostoli *Venatores*, cum potentes mundi hujus ex montibus & collibus, videlicet ex diversis seculi dignitatibus, detractos, ad humilitatem Christianæ servitutis deposuerunt. Radulph. Flaviac. lib. 13. in Levit. cap. 2. vide Jerem. 16. 16.

2. Mundo Lipare pecunia est. *Pecuniæ obediunt omnia!* Eccles. 10. 19. *Lucri autem bonus est odor ex re qualibet.* Sed & illud quadrat, quod feras tantum pecudes capit.

Si dicitur à pecude ipsa pecunia; rectè

Fiet, pecus ut habeat, quod suum vocavit.

Ait Scaliger in Epidorp.

CLXXXIII.

Lyncurius.

Thesaurus absconditus cui bono? Lyncurius electri colore lapis, ex urinâ lyncum natus creditur;

Quem mox egestum properant aperire liquorem,

Et super accumulans congestæ pondus arene,

Scilicet invidiâ ne nostros cedat in usus.

Marbodeus. Similes sunt lyncibus qui quamvis Sapientiâ polleant, tamen Reip. nil. profunt, o-
pes animi sui supprimunt, & libros, si quos bonos vel ediderunt, vel edere possunt - tenebris & carcere damnant. Sir. 20. 32. Ovid. aut Lucan. ad Pison.

Abdita quid prodest generosi vena metalli?

Paulum sepultæ distat inertia

Celata virtus. Horat. l. 4. od. 9.

CLXXXIV.

CLXXXIV.

Lychnis, Noctiluca.

Lychnus apparens in loco obscuro. 2. Pet. 1. 19.

--- *Flammæ similis splendenti lumine Lychnis,*
ut canit Priscian. v. 326. gemma fuit, quam Ju-
no Hierapolitana in vertice ferebat, noctu sui-
gorem edens, Lucian. de Deâ Syriâ. At in ver-
tice Ecclesiæ radiat alia Lychnis, quæ & noctu
lucet, & omnibus, & sine imminutione suæ lu-
cis. Nunquam sensit luminis sui damnum plurimis
ignis accensus, nec minuit Solis lucem considerantium
multitudo; sed quanti ad eum prosperint, tantis mune-
ra sua commodat, & ipse semper integer permanet.
Euseb. Gallus hom. 7. ad Monach. sive Cæsari-
us est.

CLXXXV.

Magnes & Ferrum.

Si exaltatus fuero, omnes ad me traham! Jo-
han. 12. v. 32. Magnes alia omnia quæta finit,
ferrum duntaxat ad se trahit, & in altum subla-
tum quasi ostentat, etsi nec ab inferiori ulla
re suffultum, nec à superiori ab aliquo visi-
bili nexu colligatum sit, sed solâ occultâ la-
pidis virtute pendeat. Sic Verbum Dei, quam-
vis omnes audiant, solos tamen fidei alumnos
capit, animis eorum occulta rerum invisibili-
um spe suspensis, hæc pluribus Theodoret. ser-
mon. 5. de Cur. Græc. Ne mirère si Magnes
cœlestis non omnes cum effectu trahat! Non
virtu-

virtutis id defectus est, sed materiæ vitium. Obstat divino tractui, aut *rubigo* indurata in prævum mentis, aut *adamas* actualiter contumax cordis inobedientis, de quo Zachar. i. v. 12. Sæpè etiam *allium* pravi sodalitii retrahit halitu suo pestilenti. Hæc enim & magneti officere dicuntur, vide Scaliger. Exercit. i. 12. *Adamas*, ait Marbodeus, adducit ferrum,

*Quod facit & magnes absente potens Adamante
Nam præsens Adamas, Magneti quod rapit, aufert.*

CLXXXVI.

Magnes in igne. Theamedes.

Qui non mecum colligit, dispergit. Matth. 12. 30. Proverbium in hypocritas, qui se simulant stare à partibus Christi, & tamen hostibus clam favent, aut medii & Neutrales esse volunt, quos in Repub. sua tolerare non vult Dominus, ut & Solon infamiâ notavit, qui in seditione neutram partem sequutus esset, Plutarch. in Solone. Tales erant Pharisei, qui acceptâ à Deo legis scientiâ cum Christo stare & colligere debuissent, sed quia post principia stabant finem certaminis quod Dominus cum Satana susceperat expectaturi, meritò pro hostibus habentur, copias Domini clam dispergentibus. Sic Pompej sententia fuit: *Omnes adversarii sunt, nisi qui nobiscum sunt.* Cicero pro Ligario. *Magnes in igne positus amittit efficaciam, cœruleam flammam & fumum sulphureum eructans; Bapt. Porta Mag. Nat. l. 7. cap. si fragmina ejus in ardente, prunas posita domum aliquam divitem vapore impleant,*

Men-

*Mentibus eversis, velut impendente ruinâ,
Defugient omnes in eâ quicunque manebunt,
Et fur securus rapiet quæcunque libebit,*

Marbodeus. Ita Magnes ille divini verbi positus in igne livoris, ambitionis, iræq; adversum Dei Filium insanæ, apud Phariseos vim trahendi perdidit, multos e domo Dei fugabat, furibus fores patefaciebat. Hic est ignis ille alienus, quem Deus averfatur. Lev. 10. 1. *Ignis alienus est cum animus ardet irâ, avaritiâ, luxuriâ*, Radulph. Ibid. Sic aliquis in Æthiopia mons gignit *Theameden* qui ferrum omne abigit respuitque Plin. l. 36. c. 16. Et in Sardinia montibus soli magnetum, qui ad Orientem reperiuntur, ferrum trahunt, qui alias Cœli plagas respiciunt, respuunt Cassin. ex Leandro.

CLXXXVII.

Magnetici annuli.

Docete & commonete vobis invicem cantionibus. Coloss. 3. v. 16. Nam ut Magnetis spiritus, quo ferrum trahit, in anulum transfusus, ab eo aliis communicatur, ut longâ serie & concatenatione cohæreant; Ita Spiritus Divinus in Psalmis & sacris cantilenis latens, diffundit se, animosq; Deo facit adhærescere. Fit enim multò magis hîc, quàm quod Angelus Politianus canit in Nutritiis:

*Carmina Phœbeos videas adflare furores,
Et cœli spirare fidem, quin sancta legentem
Concutiunt parili turbam contagia motu,
Deque aliis alios idem profeminat ardor
Pectoris instinctu Vates: Ceu ferreus olim*

Annu-

*Annulus arcana quem vi Marpeſſia cautes
Suſtulerit, longam nexu pendente catenam
Implicat, & cæcis inter ſe conſerit hamis.*

Qui verbum Dei diligenter tractant, & ipſi Spiritu Dei animantur, ac incaleſcunt, & alios atque alios deinceps inflammant, ut ab his quoque alii poſteà incenduntur. Sic Pharmacopolæ odorem unguentorum aliis quoque, qui cum ipſis converſantur quaſi affricant. Si unguentario, ait S. Chryſoſt. hom. 52. in Johan. aut unguentarie tabernæ quiſpiam aſſideat, etiam invitus illum odorem accipit: longè magis qui Eccleſiam frequentat, etſi durus, & aſper fuerit, tandem gemet & incipiet aliquando audita opere implere.

CLXXXVIII.

Medus.

Odor vitæ & mortis. 2. Cor. 2. 16. Lapis in Medorum regione reperitur, dictus

— Mortis dator atque ſalutis.

Nam ſuper cotem ſolutus mulieris lacte, quæ ſemel peperit, & puerum edidit partu, cæcos multo jam tempore, perſanat inunctus; idem aquis ſolutus miſto cotis pulviſculo, oculos lavantis extincto lumine occæcat: ex Marbodeo, & Dioſcoride. Medus eſt prædicatio nominis Chriſti, qui, ſi lacte rationali Eccleſiæ Dei reſolutus 1. Petr. 2. 2. & ſecundum fidei *ἀναλογίαν* applicitus Rom. 12. 6. inungatur, cæcos efficit videntes. Idem aqua prudentiæ carnis, aut quam hæretici caupones Divino vino miſcent, traditionum humanarum vide Eſa. 1. Hieron.

aqua

aqua errorum in qua porci moriuntur Matth.
8. 32. in qua ferrum demergitur. 2. Reg. 6. 5.
&c. vide Lauret. Sylv. allegor. in A Qu A. tempe-
ratus, addita cotis, id est, improbi Doctōris fun-
gentis

--- Vice cotis, acutum

Reddere quæ ferrum valet, exsors ipsa secandi, mix-
tura, videntes illitus facit cœcos. Adeo

Nil prodest, quod non ledere possit idem.

Ut rosa hominibus vitæ odorem afflat.

--- Rosa tribuit Pater ipse medendi

Corpore ab egroto varios depellere morbos,
ut canit Passeratius; Scarabæis cicuta & vene-
num est: Ita verbum Dei, ita Sacramenta, deni-
quæ Christus ipse in utrisque oblatus, Luc. 2.

--- f. 34.

Mors est malis, Vita bonis.

CLXXXIX.

ORITES, Myndan.

Super aspidem & basiliscum. Psalm. 91. 13. con-
f. Esa. 118. Orites niger lapis curat lethiferos
orsus ferarum, &

Per vastos eremos interque feras gradientes

Illæso servat, morsus abigendo ferarum.

Marbodeus. Similis est Myndan niveus,
quem qui secum fert, & δὲν τῶν θηρίων ἀδίκηται
leontius apud Caussin. Innocentia infularum
loco est.

Integer Vitæ scelerisque purus

Non eget Mauri jaculis, nec arcu!

Ut libeat cum Petronio exclamare,

δ' max-

--- ô maxima rerum
Et meritò pietas homini tutissima virtus!

CXC.

Ophthalmius.

Ne quis circumveniat in negotio fratrem.
 Theff. 4. 6. Accipio cum vulgo Interpretum
 de fraudibus & imposturis negotiatoribus usi-
 tatis, non de technis adulterorum quibus cir-
 cumveniunt quorum thalamos infestare cupi-
 unt, cum Hieron. quem Estius sequitur. Habent
 autem Mercatores artes suas, sua aucupia, &
 quendam quasi Ophthalmium lapidem, de quo
 Marbodeus:

*Asseritur furum tutissimus esse patronus,
 Nam se gestanti visus conservat acutos,
 At circumstantes obducta nube recondit,
 Ut spoliare domos possit impunè latrones.*

Quod in rem suam sit acutiùs vident, quàm ser-
 pens Epidaurius, juxta vulgatum vetus: *Nibile
 Cocio si est cæcus!* ac fraudibus deniq; & perjuriis
 oculantissimos exoculant. *Quid aliud est cunctorum
 negotiantium vita, quàm fraus & perjurium?* Salvia-
 nus l. 3. de Gub. Dei, quid aliud imò, quàm quod-
 dam neglectum à majoribus, à nobis etiam concessum
 intra mœnia & in ipso foro latrocinium? ut de cani-
 no studio rabularum forensium dixit Columella
 l. 1. de Re Rust. præf. Atque etiam pejus furto
*Majores enim nostri sic habuerunt, & ita in legibus
 posiverunt, furem dupli condemnari, feneratori
 quadrupli.* Cato de Re Rust. in princ.

CXCI. Fa.

CXC.

Pantherus.

Pietas ad omnia utilis. 1. Tim. 4. 9. Pantherus,
at Panthera, à qua dictus, fera diversicolor.

India quam pingit, cuius pavescit Draconum

Voce fugit rabies, quam bestia contrémit omnis;

Varios habet colores, idem niger & rubeus, viridis & pallidus, roseus & purpureus,

--- sparsimq; colores

Hos habet, & vario distinctus stemmate vernat.

Si quis inspiciat Sole exoriente, eo die invictus

erit. Marbodeus. Oportet rectè Philosophan-

tem adveniente aurora cum Djs versari, procedente

lie de Djs loqui, reliquum tempus humanis rebus & ser-

monibus impendere. Apollon. apud Philostrat. l. 1.

A Pietate lucis liquidissimum auspiciu est. Ma-

riè igitur adstandum Deo. Psal. 5. 4. & 88. 14. & 92.

7. 3. ita,

--- manè quod tu occaperis

Negotium agere id totum procedit diem.

Plaut. in Persa.

2. Sed & à juventute operandum sapientia,

monet Pantherus, ut invictus sis Sir. 1. 24. & 6.

7. 18. Diversicolor illa est, complexuque suo o-

mnès bonas artes vinculo quodam sororio nexas

continet. Scitum enim est, omnes disciplinas inter

se conjunctionem rerum & communicationem habe-

re. Vitruv. l. 1. de Archit. cap. 1. Sapientes non

sunt, nisi qui, ut idem ait ibid. pluribus disciplina-

rum quasi telis armati sunt, & ut habet Gratias de

venatione:

--- *ex omni flore virtute capeffunt.*

Ergò ait Ruffinus de Metris:

*Vos Phœbi comites, animis hæc condite vestris
Et memores doctis componite mentibus artem:
Non unum natura dedit nos ferre laborem,
Legibus alterius pulchras quæ junxerat artes.*

CXCII.

Pantarba.

Invenerunt me, qui non quæsierunt me, Esa. 65. 1. Pantarba, ut Jarchas nugatur Brachmanum apud Indos Princeps, lucet sicut ignis: lumen ejus spiritus est potentia admirabilis, quicquid enim propè est attrahit, lapides alios quoque in profundo maris aut fluminum, ut coacervati velut examen apum ei subjaceant. Sed inquirere nemini licet, aufugit enim nisi summa cum ratione trahatur. Philostratus lib. 3. pag. num. 141. Linquo equidem suum Pantarbam Brachmanibus, attrahant illo, quantum volunt lapidum; Ego verò cum S. Bernhardò.

Quocunque loco fuero

Jesum meum desidero!

Quàm letus cùm invenero!

Quàm felix cùm tenuero!

Sed non est volentis, non currentis! Roman. 9. 16
Nisi trahat ipse, lux mundi, frustra trahatur; Job
6. 44. Ergò, ô Jesu! trahe nos post te, lapides non
in profundo mersos,

--- *durum genus, experiensq; laborum!*

CXCIII.

PANDIA.

Vir duplex animo, inconstans. Jac. I. v. 8. Hæsitans & dubius homo Bianimis dicitur: quia

--- animum nunc huc, nunc dividit illuc

In partesque rapit varias.

Quem, ut cum Cassiodoro loquar l. 5. variarum Epist. 34. non immeritò Pandia gemma dicimus esse consimilem, in qua unus se fulgor non potest continere, fluctuat adspectibus tremulis, dùm lapis teneatur mobilis. Nam quod modò videris, mox aliud ibi, si amplius intuearis, advertis; sic mutatum credis, quod neminem eripuisse cognoscis. Tales sunt qui in precibus fluctuante animo, modò fidunt, modò diffidunt, quorum vota venti discerpunt. Tantum enim quisq; accipit, quantum credit, ut S. Machtildi revelatum ajunt, vide Blosii Monile c. 7. p. 90. Ipse Cassiodorus leves promissores confert. Quia levissimi animi mos est, polliceri facile, quod non disponit implere. l. cit. sed & vaga studiosorum ingenia similia sunt, de quibus Seneca: Nusquam est, qui ubique est. Nihil æque sanitatem impedit, quàm remedium crebra mutatio. Non coalescit planta, quæ sæpè transfertur. Epist. 2.

CXCIV.

PYRITES.

Viri diligere debent uxores ut corpora sua. Ephes. 5. v. 28. quonam modò? Sincerè, sed & cum modò, ut eis Induplas, Rom. 13. 14.

Hh 2

Uxor

*Uxor legitimus debet quasi census amari,
Nec censum vellem semper amare meum.*
ait Petronius. Pyrites furvi coloris lapis.
*Tangi vult leviter, pavidâq; manu retineri,
Nam pressus nimium digitos stringentis adurit.*

Juxta Marbod. & Plin. l. 37. c. 11. Hinc Xystus Pythagoræus in Enchirid. Interp. Ruffino: *Adulter etiam propriæ uxoris est, omnis impudicus, vel amator ardentior.* Nempè si ex legis rigore judicandus sit sed apud pios Christianos sit quod ait Lactantius l. 6. c. 16. *Si libido extra legitimum thorum non evagetur, licet sit vehemens, tamen culpâ caret.*

CXC.V.

Rupes Harpasa.

Ne loquaris cum potente tanquàm cum equali.
Sir. 13. 14. Juxta Harpasa oppidum Asiæ cautes stat horrenda, uno digito mobilis, eadem si toto corpore impellatur, resistens. Plin. l. 2. c. 96. Ita cum potentibus si quis feliciter conversari velit, caveat improbè impellere. Modestè tangenti cedent, contra vim aut impudentiam adferentes, stabunt --- *veluti Harpesia cautes.* Cum Regibus, ut Soloni dixit Æsopus, *δεῖ ὡς ἡμισα ἢ ὡς ἡδισα ὀμιλεῖν*, Plutarch. in Solone extr. Quomodò & Callisthenem Aristoteles monuit ut cum Rege, aut quàm rarissimè, aut quàm jucundissimè loqueretur, quo scilicet apud regis aures vel silentio tutior, vel sermone esset acceptor. Val. Max. lib. 7. cap. 2. *Regibus etiam quæ prosunt, ita tamen ut delectent, suadenda sunt.* Cestius apud Senec. Suafor. 1.

CXC.VI.

CXCVI.

Sagda.

Filius hominis quum venerit, fidemne inveniet in terrâ? Luc. 18. 8.

Difficilis gemmas super omnes Sagda repertu, ait Marbodeus, nascitur enim in profundo mari, Chaldæi adhærescētem navibus inveniunt coloris Prasini. Plin. 37. cap. 10. nam ut magnes ferro sic ista ligno adhæret, morsu --- sic fixa, tenaci

Quòd nequit abrasa ligni sine parte revelli. Sic fides vera rara avis est! Quâ pia mens ligno crucis adhæret, & ex profundo emergens, cum Gregor, Naz. ait:

Quæro Nohe navem, mortis quò flumina vitem!

CXCVII.

Selenites & Turcois.

Gaudete cum gaudentibus, & flete cum flentibus. Rom. 12. 15. Selenites

--- Iassidis æmula gemma,

Lunares motus & menstrua tempora servat,

Crescit enim Luna crescente, minorq; minuta

Efficitur, tanquàm Cœlestibus auxilia damnis:

Idcirco sanctus lapis à plerisque vocatur.

Dicitur esse patens ad amorem conciliandum.

Nihil potentius animos ligat & devincit similitudine morum. Idem velle & idem nolle, ea demùm firma est amicitia. Catilina Sallusti. Sancti lapides sunt qui bonorum prospera in suis commoditatibus numerant, aspera in damnis. 1. Petr. 2. v. 5.

Hi ad ædificium Templi Dominici facile per se coalescunt. *Semper enim natura gaudet equalibus, & familiare sibi est omne, quod simile.* Symmach. l. 1. Epist. 37. sic Rueus rem miram de Turcoide narrat, quæ mortuo domino nubilum sibi obdlexerit, & rimam egerit, deindè vendita felicem dominum reperiens, pristinam pulchritudinem receperit. Michael Piccartus repetit, de Lusib. Nat. Consulem quendam Argentinensem alaundam habuisse, quæ colorem cum fortunâ ejus mutarit audire memini à fide digno. Ita servus debet domino

concolor esse suo.

Probos quosq; & Bonæ Mentis servos pro ingenio Dominico conversari videmus, Siquidem artificium promerendi obsequium est: obsequii verò disciplina, morigeratio subjectio est. Tertull. de Patient.

CXCVIII.

Silex bufone facta.

Scindite corda. Joël. 2. 13. Bufones in durissimis filicibus reperiri, ubi metalla fodiuntur, inter alios prodidit Agricola de animal. Subterranean. latere in medio, aditu inaccessio, ut ne quidem aurula ulla penetrare possit, quod si ruptis filicibus in lucem proferantur statim intumescere, & mori. Sic in durissimo humano corde latet non unus bufon, Feuerfrod/Erdfrod/sed si malleo legis Divinæ contundatur illud, ut in confessionem erumpat, cum Davide: *Peccavi!* interit foedissima pestis. Scindamus ergo, frustillatim discerpamus durum hoc saxum quod salit

leve

--- *levæ sub parte mamillæ ! Nàm.*

Quid valet abscondi ? quoniam sua crimina nutrit.

Qui tegit, & plagam trepidat nudare medenti.

Sedulius. Μὴν ἐμοί γε δοκεῖ ἴασις ἀμαρτίας, ὁμολογεῖντε ἀμαρτάνοντα. **Arrian, lib. 7. de Exped. Alex. M.**

CXCIX.

Smaragdini oculi.

Rex sedens in solio iudicii, dissipat omne malum intuitu. Proverb. 20. 8. *Apud Cyprios juxta Cetarias marmoreo Leoni in tumultu Reguli Hermiæ oculi erant inditi ex Smaragdis, ita radiantibus etiam in gurgitem, ut territi instrumenta refugerent thynni, diu mirantibus novitatem piscatoribus, donec mutavere oculis gemmas.* Plin. l. 37. cap. 5. *Ita bonus justusque princeps fugat oculorum quasi fulgore improborum coluviem. Odere illi istum non minus quam ululæ Solem. Innocentia sola non fugit, amat etiam & colit, quid enim oculis Smaragdinis latius? visive jucundius?* Αφοβία μεγίστη τὸ φοβεῖσθαι τὸ νόμος. **Synesius Epist. 2.** *Leges qui metuit, nil habet metuere.*

CC.

Vitrum Dei, olla fossiles.

Fingit nos DEUS opere quasi Phrygio in inferioribus terræ. Psalm. 139. 14. *Vitra fossilia reperiri in India quæ Dei dicantur.* Gottesglas / meminit Dn. Matthesius & ex eo Theobaldus de Arc. Nat. credo ea esse quæ Myrrhina dicuntur:

de quibus Scaliger ad Cardan. &c. Naturæ artificio fingi & pingi credidêre quos citavi & alii. Nec abnuet, qui noverit ex eadem officina eodem ingenio profectas tot pulcherrimas gemmarum, marmorum, lapidum, aliarumque materialium picturas, sculpturas, de quibus legere est Epistolam D. Michaëlis Gehleri de gemma formicina. In Polonia apud Nohaw & Polukii, item inter duos fluvios Bober & Neufs dictos non procul à Guben & Lobersperg, ut & alibi miræollarum forma reperitur, omnis generis, tanquam si in foro venales invenirentur, vulgò natura ita crescere & asseritur & persuasum est, de quibus Jacob Mokius de aquar. affect. Ita fingit nos Deus in abstrusis locis, ita format *hoc vas anime rationalis* Paulin in obit. Celsi, *hoc terrestre vasculum*, Salvian. *Vas fictile, quod simul offendit ad fortunam, frangitur*: Phœdrus in fab. *Vas quassum & fragile, juxta Senecam!* Sed & olim ita refinget. Quid dubitas? *Idoneus est reficere qui fecit! quanto plus est fecisse, quam refecisse; initium dedisse quam reddidisse; ita restitutionem carnis faciliorem credas institutione!* Tertull. de Resurr. carn. Quid mirum? non & in communi vita *Calix bene sibi conscius, & de diligentia ministerii commendatus, coronis quoque potatoris sui inorabitur, aut ad spargine florum honorabitur?* Ibid. In qua spe nunc quidem finio.

Gratia tibi ô JESU!

IN-



INDEX SYMBOLO- RUM.

*Prior Numerus Symbolum, alter
Paginam denotat.*

| | | |
|----------|----------------------------|--------------------------------|
| A | Bestos. Symb. 154. | Annulus Salomonis. 138. |
| | Pag. 178 | 163 |
| | Achates Pyrrhi. 150. | Annulus pronubus. 141, 166 |
| | 175 | Annulus pretiosissimus. 147 |
| | Adamantum amor & partus. | 162 |
| | 148. 174 | Antrum Æolium, ventosus |
| | Adamantum venatus, & hir- | pileus Eriæ. 71, 96 |
| | cino sanguine molliri. 147 | Apollo Medicus. 1. 11 |
| | 172 | Aqua Stygis. 91, 117 |
| | Actites in nido aquilarum. | Aquæ dulcamaræ. 88. 114 |
| | 153. 178 | Aquæ castæ, pudicæ. 81. 106 |
| | Æthna. 98. 123 | Arabum lapis quadratus. 40 |
| | Æneus aper Caledonius. 104 | 15 |
| | 129 | Artemisæ trophæum. 113. |
| | Æolipila æreæ. 116, 138 | 136 |
| | Ager calvus, Lacus Gadare- | Asphalrites. 82. 107 |
| | nus. 100. 125 | Astrorum Servitus. 58. 77 |
| | Alectorius. 125. 172 | Aurea Tantali Phiala. 109. |
| | Alia. 94. 120 | 133 |
| | Alia. 180. 198 | Calasiridis annulus. 139. 164. |
| | Alphæus. 76. 102 | Callaidis venatus. 155. 179 |
| | Amethystus curvilis? 151 | Carbunculus. 156. 179 |
| | 176 | Carbones fossiles. 157. 180 |
| | Animæ in Luna. 48. 64 | Cerantios. 158. 181 |
| | Animalium sermo. 29. 37 | Chalazias. 162. 185 |
| | Animalia in igne. 66. 86 | Chelidonium. 178. 196 |
| | | Christus |

INDEX.

| | | | |
|---|-----------------|--|-------------|
| Christus Dn. N. in labaro: & alia. | 118.140 | Fornax Babylonia. | 64.83 |
| Chryselestrus. | 161.184 | Fulmine feriendi. | 62.81 |
| Chrysolithus. | 160.183 | Gagates. | 168.189 |
| Chrysopasius. | 169.183 | Gagatromeus. | 169.190 |
| Ciconum aqua & similes. | 83 109 | Galactites. | 172.192 |
| Circius ubi & cur cultus? | 70. 95 | Gelu Scythicum. | 74.100 |
| Cœlum monstriferum. | 30.41 | Gemma arurophylax. | 173. 193 |
| Cœlum Chostrois. | 26.38 | Gemma triumphans. | 149 174 |
| Cœlum Babylonicum, aureæ aviculæ. | 111.135 | Globus vitreus præstigiato- rum. | 105.130 |
| Cœna Hecatæ. | 17.27 | Glossopetra. | 170.190 |
| Corona Ænea. | 112.135 | Gonia petra. | 171.191 |
| Delphicæ statue. | 114.137 | Gyndes fluvius. | 87.113 |
| Diadochus. | 163.185 | Harpastæ farua. | 37.53 |
| Dionysia. | 166.187 | Helena & Castores. | 61.79 |
| Dodonæum tes. | 115.138 | Heliotropia. | 174.193 |
| Draco æneus Sinensium. | 117 139 | Hephæstites. | 175.194 |
| Draconites. | 164.187 | Hexicontalichos. | 177.196 |
| Enydros. | 165.187 | Hieracites. | 176.195 |
| Evaxix Gothorum Rex. | 38. 54 | Hieroglyphicum felicis. | 15. 25 |
| Ferri Messis. | 108.132 | Jaspis. | 179.97 |
| Fons in Andro. | 85.111 | Ignis in rubo Promethei. | 67. 87 |
| Fons Garamantum. | 90.116 | Ignis aquas succendens, & ex aquis succensus. | 63.83 |
| Fons Job. | 101.116 | Ignis Augustale insigne. | 65. 85 |
| Fons Vitæ mortisque index. | 84.110 | Insula natans. | 93.119 |
| Fons in Chersoneso Rhodio- rum. | 89.115 | insulæ accipitrariæ. | 95.120 |
| Fons Dodonæus. | 3.14 | Jordanes. | 86.113 |
| Fontes & Lactis miri S. Scri- ptura. | 77.78.79.80.103 | Iris. | 181.199 |
| Foramen in Cœlo. | 78.40 | Kneph Deus Ægyptiorum. | 19.29 |
| Formica in gemma. | 167.189 | Labarum Juliani. | 119.142 |
| | | Lacus Nidrosensis. | 92.118 |
| | | Lapis | |

INDEX.

| | | | |
|----------------------------|---------|---------------------------------|---------|
| Lapis Scoticus. | 146.171 | Orites, Myndan. | 189.205 |
| Lapis probationis. | 7.17 | Oscillatio ludus, larva ar- | |
| Li par. | 182.199 | gentea. | 120.142 |
| Luna ab Afino epota. | 45.61 | Pandia. | 193.209 |
| Luna in calceis Nobilium. | 43 | Pantarba. | 192.208 |
| | 59 | Pantherus. | 191.207 |
| Luna multimammia. | 49.66 | Parma Antæi. | 123.145 |
| Lunæ imago Cynocephalus. | | Paralii, plures Soles simul vi- | |
| | 42.58 | si. | 69.94 |
| Lunæ sacrificandi mos | 51.67 | Perfarum regium sigillum. | |
| Lunæ mirum ingenium. | 44 | | 122.144 |
| | 59 | Poculum Alexandri, & Ve- | |
| Lunæ nulla vestis apta. | 46 | spasiani. | 110.134 |
| | 62 | Poculum saluberrimum. | 131 |
| Lunæ deliquium. | 47.63 | | 154 |
| Lychnis, Noctiluca. | 184.201 | Poculum Herculis. | 119.151 |
| Lyncurius. | 183.280 | Poculum salutis. | 14.24 |
| Maculæ an in sole? | 30.51 | Poculis sal inditum. | 130.152 |
| Magnes in igne. Theamedes | | Ponti lapides. | 142.167 |
| | 186.202 | Pyrites. | 194.209 |
| Magnes & Ferrum. | 185.201 | Rete aureum, argentea an- | |
| Magnetici Annuli. | 187.203 | chora. | 103.128 |
| Medus. | 188.204 | Romanorum cœnationes | |
| Mensa Gad & Meni. | 18.28 | versatiles. | 27.39 |
| Mensa aurea & alia Pythiæ. | | Rupes Harpasæ. | 191.210 |
| | 102.127 | Rupes Austro sacra, Pſyllo- | |
| Mexicanorum Deus. | 1.11 | rum interitus. | 72.98 |
| Montes & Luci asyli. | 96.121 | Sagda. | 196.111 |
| Montium concursus. | 97.122 | Sapientia in quadrato lapide | |
| Mortis poculum. | 145.170 | | 5.16 |
| Mundi extrema tenebræ. | 75 | Scyphus Josephi auguralis. | |
| | 101 | | 118.151 |
| Neurospasta simulachra. | 121 | Selenites & Turcois. | 197.211 |
| | 143 | Sepulchrum Cadmi & Har- | |
| Nivis Læonæ. | 73.99 | monia. | 125.147 |
| Numus Davidis. | 21.31 | Sepulchra Parentum. | 124.146 |
| Numus Mardocheæ. | 21.33 | Serapis à Sole salutaris. | 9.19 |
| Ophthalmius. | 190.206 | Serapis comites. | 12.23 |
| | | Sibylla | |

INDEX.

| | | | |
|----------------------------|---------|--------------------------------|---------|
| Sibylla per mundum sparsa. | 24.35 | Specula dentibus hebetata. | 135.159 |
| Sielus Samuelis. | 1030 | Specula in poculis. | 132.156 |
| Signum Virginis. | 53.70 | speculum Smyrnaeum. | 134.158 |
| Silenii Alcibiadæi. | 126.140 | Speculum Heræ Megapoli- | |
| Silex bufone fortis. | 198.212 | tanæ. | 133.157 |
| Simulaerum Daibuti. | 10.21 | Spelunca Dalmatica. | 99.144 |
| Sirenes in cælo. | 13.34 | Sphæra ænea Athletarum. | 8.16 |
| Sitius ab Oryge adoratus. | 55.73 | Statua Memnonia. | 117.148 |
| Sirius & Oenante. | 54.71 | Stella Veneris non facit Ecli- | |
| Smaragdini oculi. | 199.215 | pfin. | 19.77 |
| Sol odoratus. | 35.50 | Stella Veneris, stella Mago- | |
| Sol exsecratus. | 34.49 | rum. | 57.75 |
| Sol in mari exstinctus. | 32.47 | Tempestatis agerendæ re- | |
| Sol in Ida. | 31.45 | media. | 48.93 |
| Sol in navi pictus. | 29.42 | Terminus Erasmi. | 6.16 |
| Sol Gigas centimanus. | 11.22 | Thripedesta. | 140.165 |
| Solis cultus in Zeilam. | 40.55 | Tragemata lapidea. | 141.169 |
| Solis & Lunæ diversa ali- | | Turris ferrea. | 107.132 |
| monia. | 50.67 | Veneris equi desulto ril. | 60.78 |
| Solis mensa. | 16.26 | Vitrum Dei, olle fossiles. | 200.213 |
| Solis Victima. | 46.56 | Vitrum ductile. | 106.131 |
| Solis Ovis. | 33.48 | Uxor Lothi Lapidea. | 143.168 |
| Solis apud Indos induciæ. | 39.54 | Zona sacerdotalis. | 13.24 |
| Somnium Josephi. | 52.69 | | |
| Specula uxoriar. | 136.161 | | |

F I N I S.

✽:o:✽



S. JEREMIÆ,
VIRGA
VIGILANS

ET
OLLA SUCCENSA
Occasione

Terribilis nuper visi

COMETÆ,
proposita, & illustrata

JOH. HENRICO URSINO.



NO RIMBERGÆ,
Sumptibus JOHANNIS DANIELIS
TAUBERI.

Typis Christiani Sigismundi Frobergeri.

ANNO M. DC. LXXXV.



A & Ω.

PROOEMIUM.

I.



Ladium vindictæ iustus scelerum ultor DEUS triplici modo gestare perhibetur: 1. *In vaginâ*, accinctum femori; dùm, quamvis armatus jam, tamen adhuc patiens, peccatorum Conversionem expectat, malens ipsorum poenitentiam quam poenam, Psalm. 45. v. 4. 2. *In ore*, nudatum; dùm bellum palam impœnitentibus indicit, & supplicia, quæ sceleribus debentur, comminatur, quâ Verbis, quâ signis terribilibus: quæ tubæ instar creaturas in prælium adversus rebelles excitant & ad arma vocant; quædamq. *Cæli Lingua*, ut Stellam Magorum Ducem appellavit S. Augustinus, Apoc. 1. v. 16. cap. 19. v. 15. Denique 3. strictum & acutum *vibrat manu*, cum jam inexorabilis quodammodò furit, & implacabiliter fecit obvios quosque:

Namq; in justorum justos mala ferre necesse est, ut est apud S. Prosperum, Psal. 7. v. 13. 14. Deut. 32 v. 40. 41. Ezech. 21. v. 9. & antè 3.

2. Ea verò perditorum hominum socordia & securitas est, ut neque paternis blanditiis se duci neque severis comminationibus flecti, neque horrendis suppliciis frangi patiantur; dùm tan-

der

dēm planè efferentur, brutescant, & in exitium, quod merentur, eant præcipientes. Ità iisdem mediis quibus boni meliores fiunt, mali evadunt peiores:

*Limus ut hic durefcit, & hæc ut cera linquescit,
Uno eodemq; igni!*

3. Neque hoc impiis accidit sine tremendo, sed iusto, Dei iudicio: Vere enim dictum est; neminem celerius opprimi, quàm qui nihil timeret, & frequentissimum initium esse calamitatis, Securitatem. Scilicet eum fata jam prævalent consiliis, omnemque animi aciem præstinguunt: Quippè ità se res habet, ut plerumq; quibus fortunam mutaturus est Deus, consilia corrumpat, Vellejus Paterc. l. 2.

4. Nostra tempora nec accusare, nec deplorare libet. Utrumque vulgare & tralaticium est: nulli hîc disertiores sunt, quàm qui non vident id mantice quod in tergo est. Qui nuper in cœlo fulsit Cometa, quamvis terribili face omnes ferè gentes, spectatoresque toto orbe adverterit & affecerit, tamen à plerisque jam susque deq; habetur: nec desunt qui omnes artes advocant, ut doceant hæc naturæ abortantis portenta contemnere. Neque vituperandi essent, qui inveteratæ forsan superstitioni cuperent opponere remedium; nisi quo collyrio oculos parant ad acutius cernendum inungere, eodem omninò extinguerent, & ut veteri verbo dicam, *elucifcerent*.

5. Absit à Christianis mentibus profana vanitas. Non metuamus Cæli signa, ut qui non metuant Deum, Mundi fabricatorem & ludicem. Tu-

tiores tamen sunt qui timēt dubiâ mente, quàm qui temerè feruntur securâ. Naturam magistrâ de talibus possumus rejicere; quia tacet; & non audire experientiam; quia fallax, aut incerta est: Quid Divina Oracula? quæ & clamant, & neque falli possunt, neque fallere? Quid deindè rerum nostrarum quis status, temporum quæ conditio sit, an ignorare possumus, ut pueri? aut non videre, ut cœci? Nihil mali prænuncient isti in Cœlo ignes, si nihil est, quod jure metuamus: imò aliquid boni, si quidquam sperare audemus.

6. Verùm, ubi Divina extant de Cometis Oracula? Dicam, cùm priùs de Geminâ S. Jeremiæ Visione. Hanc videre Deumq; audire interpretem, operæ erit pretium. Postea statuat quisque quod animo allubescet: Suum cuique pulchrum, mihi meum. Eventus judicium comprobabit.

Visio S. JEREMIÆ,

Cap. i. v. 11. seqq.

7. Versio vulgata: *Et factum est Verbum Domini ad me, dicens: quid tu vides Jeremia? & dixi; Virgam vigilantem ego video.*

v. 12. *Et dixit Dominus ad me; Benè vidisti: quia vigilabo ego super Verbo meo, ut faciam illud.*

v. 13. *Et factum est Verbum Domini secundò ad me dicens: Quid tu vides? & dixi; ollam succensam ego video, & faciem ejus, à facie Aquilonis.*

v. 14. *Et dixit Dominus ad me: ab Aquilone pandetur omne malum super omnes habitatores terræ.*

v. 15. *Quia ecce Ego convocabo omnis cognationes*

nes

nes regnorum Aquilonis, ait Dominus, & venient, & ponent unusquisque solium suum in introitu portarum Jerusalem, & super omnes muros ejus in circuitu, & super universas urbes Juda.

v. 16. Et loquar judica mea cum eis, super omnem malitiam eorum, qui dereliquerunt me, & libaverunt Diis alienis, & adoraverunt opus manuum suarum.

Hanc interpretationem cum fontibus & aliis versionibus, inter explicandum, conferemus, compendii gratiâ.

8. Præmitto autem, oblatam visionem istam Prophetæ nostro in ipso vocationis Divinæ initio: Anno scilicet Regis Josiæ XIII. quo ipso Nabuchodonosor M. Babyloniorum Rex, junctis cum Prolocero Cyaxare Rege Medorum, cujus Neptim in matrimonio habebat, viribus, Nineven Assyriacæ Monarchiæ Metropolin, cepisse, & tandem evertisse post annos aliquot, fertur: vide quæ ex diversis Chronologis dixi, in Isagogâ p. 169. 170. & h. l. Cornel. à Lap. Illud indubium, incidisse hanc visionem in primordia surgentis Monarchiæ Babylonicæ, quam Deus ideò voluit suscitare & extollere, ut fastum & insolentiam Regni Judaici deprimeret. Evénit hoc annis post XL. occupatâ à Babyloniis Hierosolymâ. Hic visionis nostræ fuit eventus.

9. Eam, ut per partes explicemus, considerabimus 1. *Materialiter*; Quid viderit Propheta?

2. *Formaliter*; quo fine? & quæ visionis significatio fuerit?



De PRIMO: Quid viderit Jeremias.

Duo indicantur; inter se tamen, ut sine & significatione, ita & tempore ac loco conjuncta; *Virgam primò vigilantem; ollam deindè succensam*, vidisse ait.

10. VIRGA VIGILANS in fontibus Hebraicis est, מקל מקל *Makkel Schaked*. *Makkel* propriè *Baculus*, voce videlicet non abludente ab Hebræâ, *M.* cum *B.* ejusdem organi elemento permutato, ut ait Marinus in Arcâ Nohe. Avenarius conjicit per literarum Metathesin hinc dictum *Calamum*. Derivari videtur à *Kalal*, q. d. baculum *levem*, qui manus gestantis non oneret, aut & *lævem*, *levigatum*, politum: quales sibi è lignis decorticatis faciebant *pastores*, Gen. 30. v. 36. 1. Sam. 17. v. 41, Zachar. 11. v. 7. &c. Ponitur etiam pro baculo, *Viatorum*, Gen. 32. v. 10. Exod. 12. v. 11. *equitantium*, Num. 22. v. 27. & pro *Sceptro Regio*, Jerem. 48. v. 17. cum epitheto, *baculus gloriæ*. Quid inter sit inter, מטה *Matte*, פלך *Pelech*, שבט *Schebet*, מישן *Mischan*, quibus ferè nominibus ista gestamina manuum, quæ vel dignitatis insignia vel gressuum fulcra, vel defensionis, aut aliorum instrumenta sunt, ab Hebræis appellantur, inquirere non est hujus loci.

11. Epitheton baculi *Schaked*, à radice *Schakad* festinavit, sedulus fuit, maturavit, vigilavit, varias admittit interpretationes: propriè *amygdali* nomen est, ut dixi Arboreti Bibl. cap. 31. ubi de
h. l.

h. l. Jeremix. Hinc **LXX.** habent Βακχεῖον κα-
 ρυῖν, **Theodotion**, ἀμυγδαλίνην, **Aquila & Sym-**
machus, ζηγοῦσιν, ut **Vulgatus**, *Vigilantem.* **Cæ-**
tera mox dicam, & expendam.

12. Venio ad OLLAM SUCCENSAM : סִיר נָפֹחַ
Sir naphuach, **Hebr.** *Sir* vas coquinarium rotun-
 dum significat, in quo ad ignem admoto, carnes
 & pulmenta coquuntur. **Vulgatus** *ollam* & **Græci**
 λέβητα habent. **Levitæ 2. Paralipom. 35. v. 13.**
 dicuntur coxisse, *sanctificata*, hostiarum carnes,
Bassiroth, ubaddvadim, ubazzelachoth, in lebetibus,
cacabis, abenis, ollis, caldariis, &c. **LXX.** habent
 ibi χαλκεία καὶ λέβητες: hîc verò λέβητα ὑποκαί-
 μενον. Vocabulum tamen *naphuach* propriè in-
 dicat, *exsufflatam*, quod quidam *ebullientem, fer-*
ventem, vertunt: **Emphasis** est in **Hebræo**: q. d.
 ollam aheneam, circumdatam flammis, easq; q.
 undique eructantem, ut fit, cum vehementi flatu
 inspiratur. **Causa** ponitur pro effectu, ut **Jobi, 41.**
v. 12. Es. 54. v. 16. Ezech. 22. v. 20.

13. Hinc colligo vidisse Prophetam nostrum
in cœlo.

COMETAM.

Quod ut obtineam, **1. præmitto**; *visionem hanc*
non fuisse imaginariam, sed externam, sensibilem, ocu-
lis ipsius objectam; quomodo **Moses** vidit Ru-
 bum ardentem, **Exod. 3. v. 2.** Verba clara, bis vi-
 disse, significant. Neque ulla apparet ratio, cur à
 propriâ verbi, *videre*, significatione recedendum
 sit? Imò contrâ est, quod à certo cœli carline vi-
 disse advenientem ollam dicitur. **Quid opus erat**

ut imago hæc in imaginativâ efformaretur? aut quomodò depingi potuit? quàm multa hîc addenda & inferenda verbis Prophetæ, ut hæc per imaginationem oblata intelligantur? Scilicet: & cum Dominus imaginationi meæ formam, primò baculi, deindè ollæ, impressisset, sive per semetipsum, sive ministerio angeli alicujus factum est Verbum ejus ad me, dicens: Quid vides? id est, oculis feriantibus & otiosis, quam imaginem animo concepisti? vel ut apud Ghislerium est; *quidnam est illud, quod Prophetarum more imaginariâ visione intueris?* aut ut apud Castrium; *ostenso spectro hunc ad me sermonem fecit Dominus, &c.* Talia interponere nulla urget necessitas. Potuit enim videre oculis corporeis, ut cælum ipsum, verso vultu in Aquilonem: imaginatione non potuit; nisi Cælum quoque & terra, oculis à sensu abductis, animo per spectrum repræsentarentur. Verùm etiâ finis visionis & utilitas persuadet, vidisse quod verè visibile esset, & ab aliis quoque conspici posset, ac deberet. Vidit enim non sibi, sed universo Populo. Itaque quod Chislerius habet in Paraphrasi: *Enarra modo, quid singulariter videas, quod ab aliis minimè cernitur: Tu instar totius Judaici populi oculus intuens, quæ illi immineant, expone, quod cernis, ut quantum in te est, id ab eis evitari queat:* partim accipio partim respuo. Accipio; Prophetam, *Videntem* scilicet, quod Prophetarum proprium nomen est, totius Populi in hæc visione oculum fuisse, ut & ad videndum adverteret securos, & visum ipse divino oraculo interpretaretur: Solum vidisse,

disse, neque verba indicant, quibus nisi cogat necessitas, nihil addendū est; & finis refutat. Frustrā puto vidisset, si sibi soli. Nā si in ipso muneris sui exordio, spectrū tale vidisset narasset omnium narasse creditus, fidem apud præfractum populum nullam invenisset. Novo igitur prodigio de cœlo, Prophetæ firmanda erat auctoritas, oculisque prius apertis aures erant contumacibus referendæ, animusq; ad attentionem excitandus. Accedit ratio ab ipso visionis tempore: Nam eo ipso anno Rex Josias in eam curam seriò incubuit, ut everfis idolis, destructisq; sacellis, avitam religionem restitueret, 2. Paralip. 34. v. 3. & seqq. Sed & circa hunc articulum temporis surgebat nova Babyloniorum Monarchia, exitio regni Juda. Has regnorum mutationes prodigiis prænunciari solere quis nescit? Et si nulla tunc temporis conspecta fuissent; nihil insolitum, visuq; horrendum, mentes exterruisset; quis prudenter Prophetæ credidisset, visa sua narranti, ultimamque cladem minitanti regno, quod, tam pius & de pietate tam sollicitus, Rex tū administrabat? quem, nisi mors cruenta rebus humanis exemisset, aureum quoddam seculum in Judæam reducturum, quis non sperasset? Quid? quod in Novo Prophetâ, homine adhuc juveni, nihil reperiiebatur, quod aliquam auctoritatem ei conciliare posset, apud auditores, imprimis in summâ dignitatē constitutos. Itaque, quod & aliās fecit Sapientissimus juxtâ ac optimus, Maximus Deus; insolito aliquo signo præparandi erant animi, nondum planè obdurati, ut

a s.

fidem

fidem dicenti haberent, poenasque poenitendo si non omnes, tamen æternas evitarent. Ita *Hosæ* Prophetæ mirabile connubium, pestis locustarum tempore *Joëlis*, *Amos* terræ motus, quæque spectra Regibus Babylonii tempore *Danielis*, dormientibus aut vigilantibus, oblata fuerunt, animos excitârunt & erexerunt, ut rebus præsentibus admoniti, post facta. Verba Dei admitterent, aut si spernerent, nullam postea excusationem invenirent. Quamobrem ita censeo; visionem hanc fuisse sensibilem, nec à solo Prophetâ conspectam: idque & vero similis, & suavi providentiæ divinæ rationi esse convenientius. Quod & PP. Græcis placuisse, audiemus.

*Segnius irritant animos commissa per aures,
Quàm quæ sunt oculis subjecta fidelibus.*

14. Jam quod Cometam viderit 2. *probo*: 1. per *ἀνολοκευήν* aliarum interpretationum. Nam edisserat nobis aliquis, quomodo potuerit videre baculum aut Virgam vel vigilantem, vel festinantem, vel nuceam, aut amygdalinam? Audio Hebraizantes; visam fuisse virgam amygdalinam, quod amygdalus prima floreat, fructumque maturet, quâ de re dictum satis in Arboreto cap. 31. cit. Audio Græcos; *Virga amygdalina celeritatem vindictæ indicat: flore enim hæc arbor ante alias*, sic Theodoretus h. l. sed cur nucea dicitur? Quia lignum hoc *σερρόν καὶ βαρὺ καὶ πληκτικόν*, ut Severus in Catenâ, & Olympiod. aut quia nux naturâ suâ vigilias inducit, *ἀγρυπνίας ποιητικόν ἐστίν*, iidem. Sic Cyrillus Alexandrinus: *nuceam Vir-*
gam

gam capiti suppositam vi naturali efficere vigilantiam, l. 10. de Adorat. Audio Hieronymum; Quomodo Nux, sive Amygdalus, amarissimum habet corticem, & testâ durissimâ cingitur, ut detractis austerioribus & duris, fructus dulcissimus reperiatur: Sic omnis correptio, & labor continentiae, amara quidem videtur ad praesens, sed fructus parit dulcissimos. Hæc quidem ita sunt; Verum cum certum sit apud omnes; non baculum verum, sed formam baculi visam, rogo; quomodo potuerit Propheta nucumne, an amygdalinum viderit discernere? aut materiam discernere? Hic nihil apud Interpretes invenio: nisi quod Ghislerius animo advertit hoc quæri posse, & Paraphrasin sic instituit; *Video Virgam absque ullo vel florum, vel foliorum decore: imò ita atram & asperam, ut gravem illam appellem baculum nucum, ad percussionem paratum: quam & ita celerem suâ ipsa denunciat vibratione, ut & amygdali illam dicam.* Sed hæc ratione non vidit ille baculum nucum, aut amygdali; verum talem, quem ipse utroque nomine appellavit, cum ex neutro esset ligno.

15. Esto tamen, viderit aliquid baculo sive nucum, sive amygdalino simile, potueritq; tam accuratè cognoscere, cujus ligni essent? Quoniam modò verò vidit vel vigilantem, vel festinantem? Hugo Cardinalis, *Virgam vigiliarum aut Vigilantium* intelligit *Uncinum Latronum*, quo de nocte *Vigilantes* dormientium bona per fenestras extrahunt: ut *Judææ exspoliatio* significetur: quod refellit Lyræ. Maldonatus notat, non potuisse quosdam intelligere, quomodo *Virgæ vigilare conveniat?* Quare ipse expli-

plicat; *Virgam visam Vigilantis DEI*: aut *Vigilantem*, id est, *nimis manè surgentem*, *nimis festinè germinantem*. At hoc est nodum nodo solvere. Recurrit enim quæstio: Quomodo vidit ille *Virgam* *nimis manè surgentem*? aut undè cognovit, esse de ligno *nimis festinanter germinante*?

16. Viegas apud Cornel. à Lap. h. l. *Vigilantem* exponit *oculatam*, vel *oculos apertos* & *vigiles habentem*. Sic ajunt Ægyptiorum Hieroglyphico Deus significabatur *baculo* aut *sceptro*, cui *insculptus*, aut *impositus esset oculus*: quod & Castrius adfert. Eleganter, si modò Propheta assentiretur. At quid ab ejus verbis remotius? Ergò Ghislerius putabat, *visam hanc Virgam in manu Dei*, meritoque dictam *Vigilantem*, quod *extensa visa esset*, & *Vibrans*, aut ut vertit Vatablus, *imminens*. Neque aliter tandem Cornel. à Lap. qui refert ex Theodoro, Simeoni Stelitæ similiter in visione conspectas duas Virgas, Cœlo delapsas; quarum altera in Orientem, altera in occidentem lata, Persarum Scytharumque impressionem in Imperium Romanum præsignaverint. Mitto ejus generis alia, quæ operosè refutare velle, otio abutentis esset, & operâ. Placet quod concludit Cornelius: *Hæc ergò Virga vigilans ostensa Jeremie, fuit similis ostento, vel portento Comete, qui specie Virgæ aut gladii apparens, pestem, bellum, & vastitatem, quasi index iræ Dei portendit hominibus*. Ego tamen non similem, sed omninò Comeram fuisse.

17. Probo 2. per κατὰ Γραμμήν: Neque nunc utar conjecturis, ex historiis de Cometarum ortu & eventu petitis: quod ante Regnorum, in præci-
piti

piti stantium, ruinam, novorumq; exortum, sapè visi fuerint Cometæ, quibus inde agnomen datum, ut dicti fuerint - *mutantes regna*. Hanc antiquissimam fuisse Sapientum persuasionem Bileam Magus testari videtur, dùm prædicit: *exorituram Stellam ex Jacob, & Sceptrum ex Israël*, Num. 24. vers. 17. Sanè Messiam, Stellam illam Matutinam, præcessit Stella, Lux & Dux Magorum, natum mundo Regem significans, qui omnia hostilium Regum imperia sibi subiecturus esset. Verùm de his postea.

18. Nunc uno utar hoc argumento; quod hæc Sententia, per se non absurda, imò probabilis, ita comparata sit, ut optimè Verbis Prophetiæ consentiat, & omnes Versiones jungat & conciliat, *Explico* igitur & applico.

Jeremias à Deo *sanctificatus*, excitatus, & ad Sacrum hoc ministerium segregatus, jussus edicere, quid oculis videret suis, in cœlesti regione objectum ad contemplandum? cùm oculos per Cœli plagas circumduxisset, ab Aquilonari parte confpexit exorientem Cometam, primò caudam suam supra Horizontem terris ostendentem, motuq; celerrimo tendentem versùs Hierosolymam: Paullò post iterùm, jussu Dei, ad hoc prodigium conversus, ipsum crinitum ignibus corpus, jam in cœlum proVectum, supra Horizontem spectavit.

Figura caudæ similibus visa fuit *Baculo*, & quidem *amygdalino*, sive quod LXX. habent *nuceo*: nam & Amygdali pomum nux est, & sunt arbores cognati generis. Ideò autem *amygdalino*,
quod

quod ejusmodi baculi *insigne* essent, quod gestare solebant in Judæâ *Principes Tribuum*, & *Populi Judices*. Probatum dedi in Arboreto cap. 31. & colligitur ex Num. 17. v. 6. 8. ubi Cyrillus in Catenâ Zephyrini: *Quod è Virgâ Aaronis eruperint amygdala, multò magis congruum fuit, quàm si nuces alijs, aliosve foetus Virga tulisset. Erant enim omnes Virgæ amygdalinæ, de more ejus gentis. Ex eâ enim arbore potissimùm scipionibus utebantur, quæ Symbolum gerit Vigilantiæ, quod ex h. l. Jeremiæ confirmat. Similis mos alibi gentium fuit, ut magistratus gestarent baculos, ut in Arboreto dixi. Sic Centurionum in manu vitis, quæ etiam in delictis pœnam honorabat, Plinius l. 14. c. 1. quod Romanos cives non alio fuste fas esset cadere. - Latineq; superbum Vitis adornabat dextrâ decus. Silius l. 2. vide Alex. Neapol. l. 6. Genial. cap. 18. & ibi Tiraquell. contra baculo castigati servi, ut apud Frontin. l. 1. Stratagem. c. 1. n. 3. & c. Undè apparet, cur Propheta dixerit, se videre baculum amygdali, gestamen notum Judicum, eumque & festinum & imminuentem, ac q. in pœnam Vigilantem, maturè germinantem, & ad feriendum expergefactum? At corpus Comete cavum, cavum, rotundum, undiq; ignibus circumdatum, potuitne aptiùs comparari ulli rei, quàm olle ferventi abeneæ? ostendam pluribus, cum de Cometis ipsis agendû erit.*

19. Quid obstare possit, equidem nondum video. Nova videbitur hæc sententia: sed non est; placuit & aliis, displicuit nemini. Veteres de sensu allegorico, aut tropologico solliciti, de historico parum dixerunt, nec nostro contradixerunt.

Pro

Pro nobis tamen facit, quod ajunt, hæc ideò per
visionem expolita fuisse, quod τ πρᾶγμα τῶν ἡ ὄψις
τ λόγων ἐνάργεστερα rerum ipsarum intuitus eviden-
tior sit quàm Verba, magisque mentem percellat, ut
Theodoretus h. l. & Olympiodorus in Catenâ
Vidisse ergò oportuit, non Prophetam solum, nec
tantùm per imaginem in animo expressam; sed
etiam Populum, quem unicè verbis factisq; per-
celli conveniebat. Vidit ergò hic quoque osten-
tùm: quodnam? si non Cometam? Nam quod
fortè dicat aliquis, *distinctas res visas Prophetæ, &
non unam*; Virgam puta, & deindè ollam: & sic
à Pictoribus visionem hanc depingi: frustra est;
nam & cauda atque Cometæ corpus distinctæ res
sunt; neque enim illa hujus vera pars est: & u-
tramque eodem loco ac tempore, distinctè tan-
tùm, intuitus est Prophetæ; quod cauda prior
exorta esset, corpore adhuc latente: Tùm nec il-
la verè baculus aut Virga, neque hoc olla fuit; sed
ex impositione Prophetæ propter similitudinem
sic dicebantur.

Denique -- pictoribus atque Poëtis

Quidlibet audendi semper fuit æquâ potestas.

20. Quæ cum ità se habeant, possumus ex hac
visione contemplari

SACRAM de Cometis Physiologiam.

Equidem cum Tertulliano adoro Scripturæ pleni-
tudinem, quæ mihi & factorem manifestat & facta,
adv. Hermogen. c. 22. soleoque non rarò & no-
stra

strā irasci ignaviæ aut negligentæ, & detestari quorundam impietatem: nam neque opera Dei ex ipsius ore investigamus, & sunt, qui in iis quæ naturæ sunt, Deum ipsum tēstem refutent. Aristoteles fortassis meliùs novit, quæ DEI sunt, quàm Deus ipse. *Natura Magistra est, anima discipula: quicquid aut illa edocuit, aut ista perdidicit, à DEO traditum est, Magistro scilicet ipsius Magistros,* Tertull. de Testimon. Animæ. Audiamus igitur hanc, sed & istum ipsum. Non possunt discordare: quod altera non poterit edocere, docebit alter: & quod hic reticebit, illa fortè expromet, sed non sine isto.

21. De COMETIS, præter ea, quæ oculis du-
cibus indagavimus, pauca naturā monstrante
assequuti sumus, Causarum, propriarum & pro-
ximarum, in profundo Democriti puteo abdita
latet veritas. Neque satis Deus adhuc scire vo-
luit, ut ignorantia nostræ conscii, cavēremus
scrutari super cœlestia, quibus nec huc quidem
usque perveniri concessum sit. *Furor est, profectò
furor, egredi ex hoc mundo, & tanquàm interna ejus
cuncta planè jam sint nota, ità scrutari extera, ut piè
dixit homo non valdè pius, Plin. l. 2. c. 1.* Quia ta-
men hoc quoq; opus suum, non minimum spe-
ctaculorum cœlestium, adspicere & nosse nos
voluit Deus; quod Natura vel negavit, vel occu-
luit, quantum satis erat, & nostrā scire intererat,
Verbo tuo manifestavit.

22. Ac de causis quidem Cometarum nihil sta-
tui potest, nisi de loco ortus priùs constiterit. Illud
autem tandem ferè definitum est: alios esse aërios
& su-

& sublunares; alios *æthereos*, & Lunâ superiores. Nam *Aristoteles* quidem omnes in supremâ regione aëris locavit: *Astronomi* verò, secuti veteres quosdam ante *Aristotelem*, quos ipse refutare nititur, 1. *Meteorolog.* c. 6. in ipso *æthere*, & quidem *Tycho Brachew* omnes, ut apud *Vossium* 3. de *Idololatr.* c. 9. Sic *Cardanus* apud *Scaligerum* *Exercit.* 79. *In cælo esse necessario.* *Experientia* docuit ut ubique generari posse, ut docet *Vossius* l. cit. Mitto argumenta & testimonia plura; non enim hoc ago. In aëre natos exempli docent, quæ affert *Promondus* & repetit *Senguerdus*: In Cælo ipso, & quidem a plane, inter stellas Fixas produci posse Novas stellas, argumento est, quæ in *Cassiopeâ* ferè biennio visa fuit, An. 1572. & concedunt miraculo productam *Connimbricenses*.

23. Quid S. Literæ? hoc invenio; argumenta, quæ *Aristotelici* proferunt, cur nulli *Comete*, nulla nova stella in Cælo generari possint? dissolvisse. Primum est, quod Cælum sit adeò æternum, ut tales transmutationes subire nequeat: nihil ergò illic generari per naturam, nihil corrumpi possit: alterum; quod nova ista sidera generari nequeant, nisi partes Cœli aliæ rarefiant, aliæ condensentur: hoc per naturam non esse possibile; eò quod Cælum non sit naturæ fluidæ, sed consistentis & solidæ; ita *Connimbr.* 1. de Cælo cap. 3. pag. 47. m. Utrumque Scriptura negat, quæ nobis & liquidos describit Cœlos, & corruptioni obnoxios, quod argumentum *Cornel. à Lap.* tractat in *Esaï.* cap. 34. v. 4. & in *2. Petr.* 3. v. 10. ubi rectè: *Aristoteles sequi potius S. scripturam debet, quam præire:*

præire: operosè idem probat Caramuel in Philosophiâ l. 3. pag. 188. & deinceps, inprimis ex consensu omnium ferè, præter Aristotelem, Sapientum. Conclusio est: Sit igitur ratum & certum, Cælos esse pervios & corruptibiles: & tandem; viderit igitur sincerus lector, utri debeat opinioni subscribere? an illi quam præpugnant Ecclesiæ Romanæ (imò universæ) Patres, doctores veteres, & utriusq; ævi Theologi; quam Philosophi suadent, demonstrant Mathematici, & Sapientiæ floridioris Professores exornant? an illi, quam Veteres sugillant, juniores notant, & rationes robustissimæ expugnant? Neque pluribus hîc opus est.

24. *Jam ærios ex Elementari, materiâ constare, vereque ardere igne elementari, sed subtiliore, plerique concedunt. De iis qui in ipso æthere apparent, lis est fortè nunquàm componenda: an oriri possint ex vaporibus elementaribus eoque evaporatis? Quæ sanè Stoicorum & aliorum opinio fuit, ex cælo & terrâ omnibus etiam stellis alimenta dividi, ut dixit Seneca: de quâ multa Lipsius Physiolog. Stoicor. l. 2. Dissert. 14. An ex aurâ ipsâ cælesti condensatâ? aut ex iis nebulis, quas ipsa corpora cælestia evaporant? quod quidam ex diversis Lunæ in deliquiis apparentibus coloribus, ex Solis maculis, ex nubilo quod in orbem Jovis planetâ circuitu suo cingit, & aliis confirmât. Quanquàm istæ opiniones non adeò videantur pugnare, ut conciliari nequeant. Nota est sententia, omnia elementa ex se invicem generari, per rarefactionem & condensationem: ita ut venisset Ancreon;*

*Et Terra nigra potat,
Potantq; Ligna terram,*

Potat-

Potatque Pontus auras,
Sol potat ipse Pontum,
Ipsum; Luna Solem:

Terra igitur, rarefacta alit aquam; hæc aërem;
ille ignem; id est æthera: æther corpora stella-
rum: & vicissim hæc vapores aliquos exhalant,
qui condensati descendunt, augentq; aërem ut
hic aquam, & hæc terram. Mirâ & suavi divinæ
Providentiæ ratione? -- alterius sic

Altera poscit opem res, & conjurat amicos.
Atque hæc est illa Catena Homérica, aut potius
Prophetica, indicata Hoseæ c. 2. v. 21. 22. Nec
adeo absurdi vetustissimi sapientes Ægyptio-
rum, qui teste Lucano l. 10.

-- Oceano pasci Phœbumque Polumque
crediderunt. Credidit etiam Ambrosius, 2. Hex-
aëm. c. 3. ideoq; Solem frequenter madidum & ro-
rantem adspici; hancque esse causam, quod mare
falsum sit: quia quod purum & leve est sibi, rapiat,
quod verò grave atq; terrenum relinquat. Sanè Phy-
fici, qui falsedinem mari à Creatore inditam sta-
tuunt, non negant eam augeri & conservari à So-
le, quod tenuiores & dulciores vapores educat:
itaq; æstate & sub Zonâ torridâ falsius esse. Sed
hoc agamus.

25. Noster Cometes in quam Classem refe-
rendus sit? nescio anquis divinando queat asse-
qui. Si Soli Judææ minacibus flammis immine-
bat, quod innuit Propheta, elementaris fuit. Quod
si cæteris quoque per Asiam, & Africam regnis,
cladem & ruinam eam, quam à Babylonicâ Mo-
narchiâ debebant expectare, præsignificavit, al-

tius evectus fuerit oportet, ut & illis immineret, & supra vertex illucesceret. Atque hæc de materiâ satis; quæ & S. Scripturæ, & rectæ rationi bene conveniunt.

26. De causâ Efficiente Ratio sibi relicta nihil certi exsculpere potest. Etenim quamvis concedatur Cometas ex Vaporibus vel aëriis, vel æthereis coalescere, vel quod idem est, ex igniculorum atomis in unum corpus coire & condensari; tamen quæ causa sit condensationis, quæque formam multiplicem, coloresque varios effingat, locum designet, motum cieat, tempus determinet, ratio ex principiis naturalibus firmiter vix unquam demonstrabit. Quotquot hoc aggressi, tandem intellexerunt, se in Labyrinthum inexplicabilem ingressos, unde vestigia re'egere nequirent: Itaque fatentur tandem, multa hîc naturæ arcana adhuc latere, neque peplum ejus à quopiam resectum esse. Quare, ut in Cœli fiderumque motu, ad Intelligentias, DEI ministras, & DEUM ipsum Primum Motorem, recurrendum fuit, de quibus D. Jacob. Martini l. 2. Exerc. Metaph. 3. pag. 780. & seqq.

27. S. Scriptura innumeris locis, etsi naturales causas non negat; DEUM tamen hæc talia, ut fulgura & fulmina, ventos & turbines, nubes & pluvias, ex abditis suis thesauris, ex armamentariis suis, producere affirmat; quod peculiari quâdam ratione tam in efficiendo, quam in gubernando concurrat, his maximè rebus majestatem & gloriam suam manifestans. Quâ de causâ etiam Cleantes, inter quatuor causas, quibus dixit in animis homi-

hominum informatas esse DEI Notiones, banc posuit, quæ terreret animos fulminibus, tempestatibus, &c. tum facibus visis cælestibus, & stellis iis, quas Græci Cometas, nostri crinitas vocant, quæ nuper bello Octaviano magnarum fuerunt calamitatum prænunciæ, ita Cicero 2. de Nat. DEor.

28. Quare, quanquam naturæ vi Cometas, maximè elementares, citra miraculum, existere posse, concedamus; tamen ad eorum figuram, motumque planè extraordinarium, ipsumque tempus generationis ac durationis, divinam virtutem effectricem, ac motricem concurrere, exemplis docet S. Scriptura, & experientia confirmat, Christianique Philosophi agnoscunt, ac prædicant. Quicquid fuit, quod *Jeremias* vidit, ab *Angelis*, divinâ voluntate, effectum, motumque fuisse, negare nequit. Sed & stella illa quæ *Magis* ad Christum præluxit, quam ex naturalibus principiis productam nulla vetat ratio, non potuit istum in modum moveri, & quiescere, nisi *Angeli* ministerio. Si nescis veram hujus pueri Deitatem; attende stellam in cælo fulgentem, *Magos* præcedentem, & iter ignorantibus ostendentem. Hæc stella nunquàm antè apparuit; quia nunc eam Puer iste creavit, & *Magis* ad se venientibus præviam deputavit, ut ait *Fulgentius* in serm. de Epiphan. ubi, in Cælo, intellige, in aëre: non enim illa in Cælo sydereas vias tenuit, sed hominibus quærentibus ad Christum viam, usque ad locum in quo natus fuerat demonstravit, *August.* de Temp. serm. 34. Idem affirmandum de Cometâ, qui antè excidium, urbi sanctæ integro anno superimpendisse perhibetur à *Jo-*

Sepho; supra urbem ait stetisse sydus gladio simile, totaque anno perseverasse Cometam: præmiserat autem Judæos sprevisse prodigia, & velut attonitos, qui nec oculos haberent, neque mentes, DEl edita insuper habuisse, 1. 7. de B. Jud. cap. 12. Sed de his postea, cum de significatione, ipsoq; fine Cometarum, dicemus.

29. Species hujus Meteor. ex situ, duæ sunt: alii enim Cometæ ut dictum aërii, alii ætherei sunt: ex figurâ, triplices vulgò, criniti, barbati, caudati: si motum spectes, plerique moventur quidém; sed & aliquandò sunt immobiliès. Sed & coloribus differunt, candidi, rubri, cruenti, flammei, &c. Noster Prophetæ videtur fuisse aërius: Caudatus, sed corpore ipso non exactè rotundo, in modum aheni, aut ollæ: nam nec sydere omnia orbes sunt; nec falsus Cleantes, qui quædam *κωνοειδῆς* esse statuit, apud Stobæum in Eclog. Cavum quoque instar vasis dicti, & pellucidum fuisse, qui radios Solis accipere & in caudam transmittere posset, nihil prohibet. Nam cauda non est pars corporis, sed fulgoris appendix. Cometarum corpus corrodatur, splendor autem longior, quàm cæterorum syderum apparet, Seneca 7. Q. Nat. cap. 26. Qui tamen non tam ab ipso, quàm à Sole, radios suos q. per vitrum trajiciente: quod hoc argumento constare ajunt, quod semper caudam proficere so-
leat à Sole aversam; post occasum Solis, versum orientem, ante ortum in occidentem: uti quem nuper conspeximus. Habere tamen proprium ignem & lumen disputant, contra Scaligeri Exerc. 79. neque toto corpore transmittere radios Solis,

lis, sed solo q. capite, aut cerebro: undè tanta *candæ varietas*, ut modò clarior, modò obscurior, modò recta, modò obliqua, nunc simplex, nunc bifida aut trifida appareat.

30. De Figurâ testatur Propheta *flammeum* sibi visum instar *ollæ exsufflatæ*: quo ipso indicat *flamman* non visam sibi *sinceram*; nec *tenuem*, sed *multum circa se volventem fumidi ardoris*, ut de simili Seneca l. cit. cap. 17. *Caudam* verò habuisse *baculo similem*, albo, decorticato, rectam & simplicem; quales sunt, quos Græci vocârunt *Acontias*, qui jaculi modo *ocysimè vibrantur*, Plinius l. 2. cap. 25. *Motus Terminus à quo*, plaga Aquilonaris, respectu Hierosolymæ; quæ quodammodò ab ortu habebat mare mortuum Orientale dictum; ab occidente, Mediterraneum; à meridie desertum Pharan. & Ægyptum; à Septentrione Chaldæam & Babylonem, juxta descriptionem Sacrorum Auctorum: *Terminus ad quem*, Judæa, ejusque caput & Regina urbs Sancta dicta: ferebatur ergò à parte Boreali, quæ inter Ortum & Septentrionem est, *Nordosten*; in partem Meridionalem, quâ ad occidentem vergit, *Sudwesten*: Et quia caudam huc porrigebat, à Sole sequenti averfam, ante lucem summo mane conspectum fuisse consequens est, ex dictis. Videtur autem Propheta non tantùm spectavisse *motum communem*, quo mundus ab ortu in occasum volutus cœlestia secum rapit; sed etiam *proprium celeritatem*, à Septentrione in Meridiem. Nam prior æqualis est, & statâ celeritate absolvitur; hoc verò prodigium festinâsse dicitur.

hujus festinationis nulla certa ex naturâ adferri potest. Nam quod igneum modò alimentum suum sequutus hic Cometa, quæ quorundam opinatio est, fortè dicatur; nihil est: stare potiùs debuerat, ubi natus erat, in Septentrione, ubi plurimum est aëris pigri, crebrioraque meteora ignea: vide Senecam l. cit. cap. 21. & quod de impulsu syderis aliqujus dominantis dicitur, quo Cometæ moveantur, gratis dicitur. Rectè ergò Vossius de Idololat. 3. cap. cit. 9. *Hujus motus quia rationem ignoramus, [nam valde infirmæ sunt causæ, quas adferunt viri eruditi,] confugiamus sanè, dùm certiora se offerant, ad extremam anchoram, ut Angelico ductu ferri credamus.*

31. De Tempore generationis dictum est suprà num. 8. Ortum visumq; anno Regis Josiæ XIII, & quidem, ut modò, ante Solis ortum summo diluculo: Si mensem, diem & horam nossemus, possemus quoque scire, sub quo signo Zodiaci, De Durationis morâ, & ubi extinctus fuerit ac quandò? nihil reperimus. Si vera esset observatio Astrologica, quam Cometa belli Germanici, Anno 1618. prænuncius, suggessit, durare & lucere has faces tot diebus, quot annis secuturus eventus; Diebus fortè LXX. visus fuisset: tot enim annis vasta jacuit Judæa post excidium Babylonicum, Jerem. 25. v. 10. 11. Aliàs brevissimum, quo cernerentur, spatium septem dierum annotatum est; longissimum (Centum &) octoginta, Plinius 2. cap. 25. Seneca 7. Q. Nat. cap. 21. Verùm nec hoc certò exploratum est; & causa latet. Nam quod ajunt, diutius durare qui copiosio-

remo

rem pinguioremque habent materiam, ignemq; minùs auide depascentem; de Elementaribus fortè an credi posset; ubi & materia talis, & ignis pascens: an & in aurâ illâ æthereâ? Difficile creditu. Nisi Cometas cœlestes putemus similes, cùm nascuntur, stupæ; quæ cùm primùm inflammatur gravitate suâ deorsùm, mox incensa ignis levitate fursùm fertur, cumque conflagravit, solos remittit cineres. Qui Solem & sydera ignea dixerunt, nec sine pastu aliquo posse permanere; non eo tamen igne constare senserunt, qui confector est & consumptor omnium: Sed illi similem, qui corporibus animantium continetur, vitalisque est, ut Stoici apud Ciceronem 2. de Nat. DEor. Quod si Cometarum apparens ignis materiam incendio absumeret, in cœlo, ut fortè in aëre, hæcque causa esset motus irregularis, quâ venâ pabuli duceret, ut apud Senecam c. 21. l. cit. quod tamen ipse improbat; quomodo non totum Cœlum consumeretur? illud enim totum ignis cœlestis atomis constare, aut plenum esse, ratio suadet; quibus ut astra sic Cometæ quoq; astrici pascantur. Quare ad DEI iterum Providentiam refugiendum est; quæ & imortales & mortales stellas creat, & has, quousque visum est, conservat.

32. Atque hæc de Naturâ Cometarum, & ejus quem vidit Jeremias: quæ quamvis manifestas olim causas habere possint; nam ut Eleusis servat, quod ostendat revisentibus; ita Rorum Natura Sacra sua non similè tradit: ex quibus aliud hæc ætas, aliud quæ post nos subibit, aspiciet; Seneca cap. 31. Tamen tam mirum rarumque Mundi spectaculum, ut

idem Cometas appellat, sine peculiari curâ & nutu Numinis, nec exsistere, nec moveri, nec durare, nec deficere, certissimum esse debet. Restat ut agamus.

De SECUNDO: Quæ significatio fuerit visionis?

Hic differendum erit, 1. *An Cometa aliquid significant?* 2. *Quid illud, Bonumne an Malum?* 3. *An id Eundem cognosci possit?*

33. DE I. QUESTIONE; *An Cometa sint signa rerum futurarum?* ita loquuntur quidam, ut in totum videantur negare: Alii ita, ut in affirmando excedât regulam veritatis, misceantq; urnas superstitiones: Medii distinguunt inter Cometas, & signa. De singulis aliqua audire Testimonia operæ est pretium.

Ac Epicurus quidem, secutus in Physicis, ut habet Cicero, Democritum, totam hanc de Meteoris doctrinam docet unice spectare ad ἀναγκαῖον, ut animus vacet perturbationibus: neque enim vitam nostram opus habere aut stultitiâ aut vanâ gloriâ, ἀλλὰ τὴν ἀπορροήν τῆς ψυχῆς, sed ut tranquille vivamus. Itaque Μανικὸν insanum ait esse, quod Astrologi vani causas talium frustra reddant, nec Divinam naturam isto absolvant ministerio, in Epist. ad Pythoclem. Itaque docuit mortales, religionem pedibus subjicere, ut laudat Lucretius l. 1.

*Quæ caput à cœli regionibus ostendebat,
Horribili super adspectu mortalibus instans.*

Sic

Sic Seneca 6. Q. Nat. c. 3. illud, inquit, proderit, præsumere animo nihil horum DEOS facere: nec irâ Numinum aut Cælum conciti, aut terram: suæ ista causas habent, &c. Hoc erat solatium quærere, & ab illis demere religiones, si vè vanos metus.

34. Hanc Epicuri causam egit nuper Petrus Gassendus: Hoc, inquit, loco, quid potius usurpem, quam illud Epicureum, *μὴδὲς ἀπὲς*; Fabula absit! Argumenta profert 1. quod seu præfuerint Cometæ, seu absuerint, fames, bella, cæteræque calamitates, omnia pari modo eveniant: 2. Quia Cometæ non consistant, aut univè domui, si vè urbi, si vè regioni impendant: 3. Quia superiora illa corpora non optimates potius quàm plebejos respiciant: 4. Quia mista densantur Principum & subditorum funera. 5. Quia quicquid calamitatem affert uni, præstat alii emolumentum; unius clades, alterius est victoria, &c. Hinc concludit, Cometæ non prædicere talia: Ecquid ergò diros, lethales, timendos dicimus Cometæ potius, quàm benignos, salutare, amabiles? Terrifici sunt sed dementiâ nostrâ, quæ Panicos sibi terrores objicit &c. Eadem ferè dixit Tycho de Brahe, de Novâ stellâ aut Cometâ Anni 1577. addidit argumentum ab experienciâ, quod multos Cometæ nihil ejusmodi subsecutum sit: Vide D. Takii Cæli Anomalon, Giesæ editum Anno 1653. p. 31. & seqq. Sed & Scaliger Exerc. 79. Sect. 2. Quod quæritur; Cometæ signare sint, an Causæ? neutrum censeo. Etenim existimare à Cometâ Regem interfici, ridicule dementiæ est, &c. Intelliget Lector, è quâ pharetrâ tela sua depromserit, qui nuper quæstus est, vulgò nos in Cometæ; tanquàm malorum omnium causas inveni,

invehi, eosq; q. funebres faces, & infausta sydera horrere: qui tamen non negat tandem aliquose eorum esse effectus ad terram pertingentes, de quo plura quaestione sequenti. Quilic sentiunt, videntur peccare in defectu.

35. Alii in excessu: Sic Poëtæ nunquam Cælo spectatum impunè Cometam: - non illum navita tutò, ut canit Claudian. l. Raptus.

• Non impunè vident populi, sed crine minaci
Nunciat aut ratibus ventos, aut urbibus hostes.
Et Manilius, cum de causis naturalibus & speciebus eleganter egisset, tandem ad super naturalem deflexit:

Seu DEUS, instantis fati miseratus, in Orbem
Signa, per affectus Cœlique incendia, mittit: -
Nunquam futilibus excanduit ignibus æther!

Quæ tamen nescio an quis, nisi planè Epicureus, damnare possit? Cœtera deinceps. Neque Plinius malè videtur dixisse; Terrificum magnâ ex parte sidus esse: at quæ sequuntur, de significatione, & undè ej⁹ ratio sumenda, superstitiosa sunt, suo mox loco examinanda. Apud Silium l. 8. - crine corusco

Regnorum everfor rubuit lethale Cometæ.

Sic ait - tantâ miseris, jamque impendente ruinâ, non cessârunt superi vicinas prodere clades. Sic Lucanus l. 1. - addita fati

Pejoris manifesta fides, superique minaces
Prodigiis terras implerunt, æthera, pontum.
Inter quæ refert - faces crinemque timendi
Syderis, & terris mutantem regna Cometam.
Quo pertinet Senarius ille:

ἡδεῖς κομήτης, ὅστις ἔκαστον φέρει

Non

Non est Cometa, qui malum non afferat.

In Poëtis tamen laudo, quod totum hoc ad DEUM referunt. Idque ex verâ Philosophiâ petitum esse, & jam ostendi, & mox repetendum erit. Quod Astrologi divinant, vanis nititur hypothesibus, de quibus etiam deinceps.

36. Qui *mediam viam* tenent, i. advertunt, *Signa* alia esse primò *Necessariâ*, quæ *Τεχνικὰ* dicuntur, & cum re signatâ habent necessariam connexionem, ut causa cum effectu, nisi quid impediat, effectus cum causâ, proprium cum suo subiecto; ita ignis significat incendium, fumus ignem, risus hominem: alia *contingentia*, quæ *εὐχρικὰ* vocantur, ut cum dico; pallet, ergò aut studet, aut amat: Deindè alia esse *Naturalia*, quæ naturalem habent respectum ad id quod signant ut quæ modò attuli: alia *arbitraria*, quæ ad signandum ordinantur sive à DEO, ut Sacramenta, sive *ab hominibus*, ut hedera vini vendibilis; sive *aliquam habent naturalem relationem* pro fundamento, ut iris ad DEI fœdus de non immittendo diluvio, nam ferentitatis index est: sive *nullam*, ut pileus libertatis, annulus nobilitatis, sceptrum regni. 2. Notant aliter pronunciandum esse de Cometis *sublunaribus*, aliter de *sydereis*.

37. His præmissis rectè *affirmant*; Omnes Cometas aliquo modo occultorum aut manifestorum, præsentium vel futurorum esse signa. Quod nescio, an quisquam negare possit? Nam sive hos ignes ad manifestas causas referemus, sive ad occultas, & ex parte tantùm cognitâs, sive ad Deum; semper *effectus signabit causam*.

Si-

*Sivè igitur ratio præbentis semina terræ,
Involvens ignes, potuit generare Cometas;
quæ Aristoteles sententia fuit, fieri per ἀνάθυ-
µισιν:*

*Sivè illas natura faces sub juncta creavit
Sydæra, per tenuis Cælo lucentia flammæ;
quæ Anaxagoræ & Ægyptiorum, Cometen esse
Σύναντες Planetarum, aut συνόδον duarum vel pluri-
um stellarum: nisi fortè in conjunctione Plane-
tarum creari censuit ex atomis cœlestibus, ut su-
prà dixerat: Esse cunctis permixtos partibus ignes:*

*Seu trahit ad semet rapido Titanius æstu
Involvitque suos flammantes igne Cometas,
Ac modò dimittit - deniq; - Seu DEUS mittit:
Quorum illud Pythagoræ placuit, & Senecæ
probatum fuit, esse æterna sydæra, sed modò sub
Sole abscondi, modò Heliacè q. oriri; hoc verò
communis opinio renuit: semper aliquid signi-
ficant Cometæ docentq; homines; esse DEUM;
quod hinc Cleanthes communi notione cogni-
tum dixit:*

*Primus in orbe Deos fecit timor, ardua cælo
Fulmina cum caderent, &c.*

*Item, posse aliquid in cælo nasci, & interire: non er-
gò æternum esse: metuendam esse mundi, ἐκπύρω-
σις - affore tempus*

*Quo mare, quo tellus, quoque arduus ardeat æther,
& sic deinceps. Cùm ergò extra dubium esse ap-
pareat, Cometas esse Signa;*

38. *Primò, quia extraordinaria Mundi specta-
cula sunt, à DEO producta, cujus sapientia nihil
facit frustra: Deindè quia omnia cœlestia corpo-
ra Si-*

Signa sunt & ab ipso met DEO dicuntur: Ad-
 ec quia tam insolita opera; tam stupenda ma-
 nitudinis, quorum substantiam, & accidentia,
 guram in primis tam variam, motumque planè
 ingularem, mirari liceat, non rimari; absurdum
 est cogitare, nullâ causâ efficiente, nullo fine,
 nullo effectu existere: *Pteterèa* quia multorum
 eculorum experienciâ, talia non frustrâ extitisse,
 e, confirmatur: *Insuper*, quia attentio & formido,
 ne spectantur, à rectâ ratione, à naturali quâdâ
 ρεῦληφι, ab ipso Deo, animis omnium hominum
 ndita: *Deniq*, quia conspirant omnes ab omni
 etrò ævo Sapientes, etiam qui contradicere vi-
 lentur: Sanè nuperus auctor, citatus suprâ n.
 4. sub fin. Sic tandem quæstionem concludit:
Equidem existimo, has stellas non sine causâ lucere, cum
DEUS & Natura nihil faciant frustrâ: existimo dein-
è, earum aliquos effectus ad terram pertingere, ob con-
ensionem & sympathiam, quam habent mundi partes
inter se; quemadmodum laborante pede, aut alio mem-
bro toti Microcosmo est male. Ignoro tamen, quales in
hecie effectus causent, malosne an bonos? Sed & Ty-
cho Braheus hoc tantum negat; ea quæ statim
post Cometarum apparitionem in hoc inferiori mundo
subsequuntur, idè à Cometis SEMPER præsignifica-
ri, aut effici: hoc qui statuunt, ait sepe numero causam
non causâ assumere: Videtur ergo omninò lar-
giri, aliquando præsignificare, & causas adeò quo-
que esse. Sic Gallendas; fieri hoc posse, ut divinitus
id aliquid nobis significandum usurpantur, concedit;
hoc tantum negare vult, ut apparet, sciri à nobis
posse quid significant: quæ alia Quæstio est, in lo-
 cum

cum *Tertium* à nobis seposita, suprà num. 32. extr
 39. Par est, nos progredi ad *QUESTIONEM* SE-
 CUNDAM; ac inquirere II. *Quid significant Comete*
nàm sive boni quid sive mali sit, necesse est signi-
ficare eventum quorundam. Hic ut pede inoffen-
 so procedam, præmittam necesse est *EXEMPLA* *Co-*
metarū, TESTIMONIA *Sapientum.* Si *Fromondus* ac
manum esset, aut *Kekermanni Disputatio Extra-*
ordin. de *Cometis*, aut alii, qui fortè talia ex ipsis
 fontibus auctorum, maximè *Veterum*, de-
 promferunt, poteram laboris facere compendi-
 um. Dabo quæ collegi ipse, quantum satis erit
 addent alii aliundè quantum volent.

EXEMPLA COME- TARUM.

40. Rectè *Seneca* dixit, hoc ostentum accura-
 tius contemplaturo, necessarium esse, *veteres or-*
tus Cometarum habere collectos. Sed mox addit: *No-*
va hæc Cælestium observatio est, & nuper in Græciam
inveſta: *Eudoxus*, qui *Platoni* ætate suppar, circa
Olympiadem 103. primus ab Ægypto hos syderum
motus in Græciam transtulit, de Cometis nihil dicit
 Sed & *Conon* postea, diligens & ipse inquisitor, nul-
 lam eorum mentionem fecit. Undè apparet, ut ait *Se-*
neca, ne apud *Ægyptios* quidem, quibus major, *Cæl-*
cura fuit, hanc partem fuisse elaboratam, l. 7. *Q. Nat.*
 cap. 3.

41. Antiquissimus observatus creditur in *Græ-*
ciâ *Anaxagoræ*, quem *Alstedius* primum recenset
 in *Chro*

in Chronolog. Cometar. Anno 2. Olymp. 78. (ante Christum 465.) quo flagrante, in *Thraciâ* ad *Ægos flumen*, lapis, magnitudine vebis, ex aëre decidit, τοῦ πνεύματος ἀφ' οὗ ἀσπὴς à flatu vehementi sufflatus, ut ait Aristoteles 1. Meteor. c. 7. quanquam è sole lapsum credidit Anaxagoras; Plinius 2. c. 58. *Charimander*, qui de Cometis scripsit, grande insolitumq; lumen fuisse, ait, magnitudine amplè trabis, & id per multos dies fulsisse, Seneca. l. cit. c. 5. Siccam tùm hyemem fuisse, magnosq; fluctus, ventis Boreâ & Austro, inter se confligentibus, Aristot. l. cit. Eodem anno *Hieronem* Syracusis, & biennio post *Xerxen*, Græciæ terrorem, obiisse, observat Petavius ex Diodoro & Justino. His ergò funebribus fuisse videatur; *letus* verò Syracusanis, qui *Thrasylulo* Hieronis fratre pulso recuperatq; libertate, deinceps annos 60. in summâ tranquillitate vixerunt: Sed & Judæis salutaris, sub benigno Rege Artaxerxe Longimano, Esdræ c. 7. & Nehem. 2. & c. *Damachus* de Religione durasse scribit diebus LXXV. agitatumq; fuisse variis & q. fractis motibus, ex quâ jactatione varia, hinc inde avulsa à se invicem, fragmenta, stellarum saltantium speciem retulerint: dubitat de ejus fide Plutarchus in *Lyfandro*: hoc tamen ostento cladem *Atheniensium*, urbisq; expugnationem & murorum demolitionem, præsignificata innuit. Accidit annis post Cometam, præter propter, 64. cum jam eo exoriente, bellorum incendia gliscerent.

42. Post hunc famosus est, qui ante pugnam *Leuctricam* biennio fulgit. Fuisse effigiem ignis longi, *Callisthenes* tradit, in quo multa digna notatu; ma-

ximè illud, quod simul ac fulsit, statim, super Burin & Helicen, urbes Achajæ in sinu Corinthio, mare fuit; nam terræ motu & fluctibus absorptæ sunt: quarum in alto vestigia apparent, Plin. 2. cap. 92. Seneca l. c. cap. 5. Strabo l. 8. In Leuëtricâ pugna cecidit Cleombrotus Spartanorum R. septennio post in Mantineensi, Dux Thebanorum, victor Epaminondas. Sequuta varia bella, Græciæ exitiosa: Sociale in primis & Sacrum, donec in Macedonum dominationem incidit. Meminit hujus Cometæ Pausanias, in Achaicis, sivè l. 7. Ignis longo flammarum tractu per Cælum discurrere: Siderum etiam non antè conspectæ formæ magnum hominibus pavorem incussere. Talibus enim miraculis, & prodigiis, terræ motum divinitus indicatum, sicq; DEUM velle homines præmonere. Ephorus apud Senecam refert l. c. cap. 19. hunc Cometam in duas stellas discesisse: negat hic, auctoritatem detrahit: Sæpè, inquit, decipitur, sæpè decipit. Visus hic Cometæ ante Christum Anno 371.

43. *Post mortem Demetrii Syriæ Regis, cujus Demetrius & Antiochus liberi fuere, (qui obiit ferè Anno M. 3798.) paullo ante Achaicum Bellum, quod cœpit A. M. 3804. Cometæ effulsit non minor Sole; primo igneus ac rubicundus orbis fuit, clarumq; Lumen emittens, quanto vinceret noctem: Deinde paulatim magnitudo ejus districta est, & evanuit claritas, &c. Seneca l. cit. cap. 15. Exitialis hic fuit fortè Carthagini & Corintho: quæ uno eodemq; anno citato 3804. eversæ à Romanis: quibus his victoriis viam muniebat Fatum & Monarchiam, novumq; Solem parturiebat mundo. Addit eodem*

dem loco Seneca : *Attalo regnante , initio Cometas apparuit modicus ; deinde sustulit se diffuditq̃ , & usque in equinoctialem circulum venit : ita ut illam plagam Cœli, cui Latæa nomen est , in immensum extensus æquaret.* Regnârunt autem Pergami tres Attalidæ Reges , ex parvis initiis in maximas opes proVecti ; quorum primus annis XLIII. alter XLIX. præfuerunt : ultimus Philometor cognomine Populum Romanum hæredem scripsit, Strabo l. 13.

44. E Romanâ historiâ *Julius Obsequens*, ejusq̃ reſtitutor *Lycoſthenes*, de prodigiis, plures Cometas, & cœlo ardentes faces commemorant. A. Urbis Cond. 607. antè Christum circiter 145. *Stella arſit per dies XXXII. mox Carthago diruta.* Hic aut idem fuit, de quo modò num. 43. aut biennio præceſſit.

Sic A. U. C. 710. ante Christum 42. poſtquàm (Octavius Cæſar Romam intrâſſet) *Ludis Veneris Genitricis, borâ undecimâ, ſtella crinita, ſub ſeptentrionis ſidere exorta, convertit omnium oculos. Mox: arbores radicitus, & pleraque teſta eVerſa, Fax cœlo ad occidentem viſa ferri. Stella per dies ſeptem inſignis arſit. Soles tres fulſerunt, tandèm ſole in unum circulum redactò, multis menſibus languida Lux fuit.* Inter Cæſarem & Antonium bella civilia exorta. Triumvirorum poteſtas, & in Octavium tandèm delata Monarchia, aliaque horum temporum nota ſunt, &c. de quibus illa:

*Non aliàs cœlo ceciderunt plura ſereno,
Fulgura, nec diri ſoties arſere Cometa:*

*Ergò inter sese paribus concurrere telis
Romanas acies iterùm vidère Philippi,
Virgilii 1. Georg. Et Manilii 1. extr. de Cometis :
Civiles etiàm motus, cognataque bella
Significant : nec plura aliàs incendia mundus
Sustinuit, quàm quàm Ducibus jurata cruentis
Arma Philippéos implerunt agmine campos.*

45. Pertinet huc *Julium* illud *sidus*, omnibus
ejus ætatis Poëtis celebratum : de quo *Virgilius*,
salutiferum sed *adulatoriè* prædicans :

Ecce Dionæi procedit Cæsaris astrum ;

Astrum, quo *segetes* gauderent *frugibus*, &c.

*Ecl. 9. Suetonius de Julio Cæs. c. 88. In DEorum
numerum relatus est, &c. Siquidem Ludis, quos ei pri-
mò consecratos heres Augustus edebat, stella crinita
per septem continuos dies fulsit, exoriente circa horam
undecimam : creditumque est animam esse Cæsaris Cæ-
lo recepti, & hac de causâ simulacro ejus in vertice
additur stella. Hæc est de quâ modò dicebam ex
Obsequente. Itaque Cometes in uno totius orbis loco
colitur Romæ in Templo ; admodum faustus Divo
Augusto judicatus ab ipso : interiore gaudio, sibi illum
natum seq, in eo nasci interpretatus est : & si verum
fatemur, salutare id terris fuit, ita Plinius l. 2. cap.
25. ubi plura. Rectè uterque, & sapientiùs quàm
vulgus, quod animam Julii in astrum hoc tran-
siisse opinabatur. Natum fuit Augusto, salu-
tare Terris ; tum propter conditum Imperium
Rom. cum propter mundo mox natum Salva-
torem. Sed & non paucis mortiferum, Cassio,
Bruto, Antonio, Lepido, Pompejo, quiquique eo-
rum partes secuti.*

46. Obi :

46. Obiter hîc nota, novam Cometarum significationem, *Στροβώσους*: Magnorum Virorum à morte animas in astra recipi, & in Cometas converti: scil. ut paullò post evanescerent cum ipsis, & bis morerentur. Ità superstîtio quos colit violat. Hæc enim stultitia animis detrahit Heroum, quam maximè optabant, immortalitatem. Bodinum in Theatro Naturæ l. 2. *tâm stultè sapuisse, ut putaret; Illustrium virorum Mentem esse Cometam; tandemque obituras, ut omnia orta, extremos hoc modo triumphos agere, ac propterea sequi famem, pestem, bella, &c.* miratur Vossius l. cit. 3. c. 9. Et sunt in ejus Phÿsicis multa ejus generis, non tâm miranda, quàm Christianis abominanda. Hoc tamen non ipse putat, sed *Theorum* opinantem inducit; Cui ipse *Mystagogus* satis frigide regerit: *de rebus tâm arduis nil temerè esse affirmandum*, p. 222. Vulgata aliàs opinio fuit, *mentes hominum esse ex ignibus illis cœlestibus immortalibus*, aut ut Epicharmus Ennii, *ignem de Sole sumptum*, apud Varon. de Ling. Lat. l. 4. Ergò solutas vinculis corporeis redire undè illud apud Aristophanem de Pace; *Verumne sit, quod vulgò perhibent, quod mortui evadant astra?* At magnis viris præcipuum in Cœlo locum, & magna fidera assignavit adulatio, ut apud Poëtas, Virgil. i. Georg. Valer. Flacc. & Lucan. aliosq̃. Sed redeamus.

47. Sub Augusto quòque apparuit *stella Nat̃ Salvatoris*: ejus meminisse Chalcidius in Timæum Platonis; *quod non morbos mortemque, sed descensum DEI ad homines, &c. nunciavit, &c. fertur.* Sed de eâ Theologi copiosè: vide Spanhemi Dub.

Evang. Stellam elementarem, sed motus supernaturalis compotem, Deique ad Magos extraordinarium nuncium, fuisse, scire hîc sufficit. De eâ accipi posset, quod habet Plinius l. cit. *Fit ☿ candidus Cometes, argenteo crine, ita resurgens, ut vix contueri liceat, specieq; humanâ DEI effigiem in se ostendens.* Et sane eadem ferè de hac nostrâ veterum quidam; apparuisse in illâ effigiem pueri crucem gestantis, qui Magos & docuerit & in Judæam duxerit: sic Auctor Imperf. in Matth. Fabulæ auctores Sethiani antiquissimi hæretici: nec dubium ferè, tale aliquid Plinium, ut erat librorum helluo, alicubi legisse. Quo tempore orti fuerint Sethiani non liquet: Nicolaitarum progeniem fuisse veteres testantur, & portuit hoc commentum ipsis fuisse antiquius.

48. Sub exitum Claudii, veneno boletis infuso, hic *DEorum cibis* indè dictus, perempti, & dominante Nerone *assiduum propè ac seivum* hoc terrificum sidus: *Inter præsagia mortis Claudii referebatur*, Sueton. & sub Nerone vulgi opinio erat; *mutationem Regis portendere*: igitur quisnam, depulso invisissimo Tyranno, deligeretur, nec tacitè inquirebant, Tacit. XIV. qui lib. seq. ait; *hoc sidus semper sanguine illustri Neroni expiatum.* Quomodò? Narrat. Suetonius; *Stella crinita, quæ summis potestatibus exitium portendere vulgò putatur, per continuas noctes oriri cœperat: anxius eâ re, ut ex Babilo Astrologo didicit; solere Reges talia ostenta cœde aliquâ illustri expiare, atque à semet in capita procerum depellere, nobilissimo cuique exitium destinavit.* Ità diri & cruenti hî Cometa multis, ipsisq; tandem

dem Neroni; sed & Reip. Romanæ, meliore tamen exitu: & Judææ exitiosus inter hos, ille qui quasi immobilis Metropoli superstabat anno integro, de quo dixi ex Josepho: nec minus Laodiceæ, Hierapoli, Colossis Asiæ urbibus, quæ post semestrem Cometam terræ motu conciderunt. Mirandum igitur quomodo affirmarit Seneca; Cometam sub Nerone Cæsare apparuisse, qui *Cometis infamiam detraxerit*, l. cit. cap. 17. nisi quod & ille adulari didicisset. Idem cap. 28. *Fecit Cometes, qui Paterculo & Vepisco Coss. apparuit, quæ ab Aristotele & Theophrasto sunt prædicta. Fuerunt enim maxime & continua tempestates ubiq;.* At in Achajâ Macedoniâq; urbes terrarum motibus sunt prorutæ.

49. Multos omitto sciens; addam alios per fatu-
ram: nam neq; me, nec Lectorem detinere pos-
sum; magis tamē tantum memorabiles. Ammia-
nus Marcellin. l. 25. ante Joviani obitum, *per con-*
tinuos dies, inquit, velut offenso Numine, multa vise-
bantur & dira: quorum eventus fore luctificos, gna-
rirerum prodigialium præcinebant. Inter alia, *visa*
sunt interdiu (quod & aliàs contigit) *sidera Cometa-*
rum. Aristoteles tradit & *simul plures cerni*: nemi-
ni compertū alteri, quod equidem sciam, ait Pli-
nius 2. c. 25. Sic tamen A. D. 729. mense Janua-
rio *duo circa solem visi*, unus Orientem præcedens,
alter vespere Occidentem secutus: caudam in A-
quilonē porrigebant. Duratio fuit duarum septi-
manarum. Pestis secuta in Oriente. quæ Constan-
tinopoli 300000. homines absumpsisse dicitur: In
Occidente Saraceni Gallias vastabant, Luitpran-

duſ Rex Rōmā obſidebat &c. Cent. Magd. VIII. c. 13. & alii.

50. Rejicit Seneca auctoritatem Ephori, quod ſcripſerit; Cometam in duas Stellās diſceſſiſſe: Quis enim, inquit, poſſet obſervare illud monumentum, quo Cometes ſolutus, & in duas partes redactus eſt? l. 7. Q. Nat. c. 16, At enim Dion. l. 54. antè mortem Agrippæ ea refert ſigna eveniſſe, quæ maximas calamitates præcurrere ſolent; Nam ut cætera non repetam; Cometa, inquit, quū multos dies urbi imminens conſpectus eſſet, in faces abiit. Negant certo loco ſic impendere, poſſe, ut cui minetur indicet: at quo tempore, ſub Arcadio Imp. Gainas Gothorum Dux Conſtantinopolin cogitabat evertere, Cometa apparuit, has inſidias portendens, qui ſuper Civitatem maximus apparebat, ad ipſam uſque terram ſerè pertinens, cui ſimilem nunquā viſum affirmabant, Sozomenus, lib. 8. c. 4. & Socrates l. 6. c. 6.

51. Quā minus ille, Britannico de quo Sigebertus A.D. 457. Sexto Imp. Martiani: cujus radius gladius igneus Draconi ſimilis adharebat: ex ore hujus duo procedebant radii, alter verſus Galliam, alter verſus Hiberniam: & hic in ſeptem minores radios terminabatur. Circa ea tempora Romani in Britannia à Scotis preſſi, cū fruſtrā opem è Gallia flagitaſſent, ad externa Anglo-Saxonum auxilia confugerunt; Hi occupatā Inſulā ſeptē in ea regna condiderunt, Beda &c. Sed non minus mirus quem Nicetas Choniates, ſub Alexio Comeno, depingit: Diebus, inquit, illis Cometa in cælo conſpectus eſt, qui graviffimus clades, quæ ſecutæ ſunt, portendit, ipſumque ad eò Andronicum, auctorem

rem

rem. scilicet, expressit. Nam serpentem sinuosum representās, nunc porrigebatur, nunc in spiras se colligebat, nunc cum horrore spectantium, quasi inferiores devoraturus, humani sanguinis avidus, vastum dictum aperiebat. Sed cū non ultra diei illius reliquum, & secutam noctem durasset, evanuit.

§ 2. Anno Heralii XXIII. *Terræ motus* factus est in Palæstinâ, & apparuit signum, quod appellatur *Δοκίτης* Docites Cometa trabalis, contra meridiem, Arabum potentatum prænuncians: erat verò *Ξιφοειδής*, ensiformis, & duravit diebus Triginta. Proximo anno mortuus Abubeker, Muhammedis successor, in suum locum abiit, eiūque Omar successit, Theophanes & Paul. Diacon.

Anno Justiniani V. *Lampadias Cometes*, quod radios sursum facis instar erigeret dictus, visus Constantinopoli, seditionem, cædesq̃, nam ad XL. millia è populo cæsi, urbisq̃; incendium significavit, Zonaras Annal. Tom. 3. Qui & non multò antè sub Justino Pogoniam, sive Barbaturum, radiis deorsum vergentibus conspectam refert. Tūc Anazarba urbs terræ motu collapsa; Pompejopolis, mediâ parte, hiatu absorpta; Edessa, Scirto fluvio, qui eam perfluit, exundante submersa. Verūm αἷμα δρῦς, & satur jam sum historiarum. Alia exempla fortè deinceps miscebo. Ex hac inductione colligunt plerique; Cometæ potissimum iræ & vindictæ esse nuncios, rarò aliquos salutare, nec sine mixturâ malorum magnorum ulum. Idque confirmant afferendo

Sapientum TESTIMONIA.

53. Ac I. quidem hanc vulgò communem, & ab omnibus ferè Gentibus, non barbaris, receptam fuisse opinionem, sæpiùs audivimus jam. Quæ *Historicorum* sententia fuerit dictum. *Mortem* in primis regnāntium, ac Principum significasse innumeris locis testati sunt, ut Augusti, *Eutropius*; Claudii, aliorumque, *Xiphilinus*; Vespasianus, ut erat facetus, conspectum, ad Regem Parthorum pertinere, qui capillatus esset, jocatus; mortis nuncium esse mox sensit, *Sueton. Xiphilin. de Macrino*, *Dio*: cui successit pestis Imperii Heliogabalus. A. D. 218. De Constantino M. Anno D. 337. *Eutropius* l. 10. *Denunciata mors ejus per crinitam stellam, quæ inusitata magnitudinis aliquamdiu fulsit*: de Joviano, *Amm. Marcell.* ut & *Valentiniano*, l. 30. nam diebus antè paucissimis, *ruinas fortunarum indicantia celsarum, arsere crinita sidera Cometarum.* Biennio ante obitum *Ludovici Pii Imp.* A. D. 837. ut *Calvis, ex Aymon* 3. April. *Cometa sidus, Dirum semper ac triste portentum, in signo virginis apparuit, intra penulam ejus & caudam serpentis, Hydræ, corvumque*; (eo ferè loco, ubi nuperus conspectus primùm,) qui cū per XXV. dies, Leonis, Cancrī, Geminorumque signa pertransisset, in capite Tauri tandem defecit. Imperator tū piè; dicenti ex Prophetā, non esse metuendum à signis Cæli, *Jerem. 10. v. 2. Non alium, inquit, timere debemus præter illum qui nostri, hujusque sideris Creator est*; sed ejus clementiam non satis mirari & laudare possumus. qui nostram inervitiam, cū simus peccatores & impænitentes, talibus indiciis dignatur admonere. Quia ergo & me &

omnes

omnes communiter, hoc ostentum tangit, omnes pro posse & sapere, ad meliora festinemus: ne fortè, misericordiam illò prorogante, & nostrà impœnitudine impediēte, nos illà inveniamur indigni, refert scriptor qui præsens adfuit, & repetit Vossius l. cit. Rege digna sententia, Pio nomine & re, & cùm omnibus, tùm Regibus in primis, auscultanda, lege totam historiam. Neque plura in hac classe addo: nam & qui recentiora tempora attigerunt historici, eandem opinionem tenuerunt.

§4. Jam 2. Poëtarum Testimonia multa audivimus. Homerus, ut apparet, hanc stellam crinitam, 4. Iliad.

ἢ ναύτησι τέρας, ἢ στρατῷ ἐυρέϊ λαόν

Vel nautis portentum, vel exercitui lato populorum appellavit. Imitatus manifestè Claudianus 1. Rapt. Proserp. non illum navita tutò, non impune vident Populi. Virgil. l. 1. Georg. Dirum sidus dixit. Silius 1. Lethiferum micantem, & crine flammifero terrentem FERA Regna Cometen. Virgilio item 10. Æn. Cometae sanguinei lugubre rubent, Lucanus l. 1. crinemq; timendi sideris, & terris mutantem regna Cometam. Silius l. 4. Regnorum everfor rubuit lethale Cometes. Petrus Apollonius Collatius (de cuius ætate Scaliger in Hypecrit. Margarinus tamen annis abhinc ferè mille scripsisse putat) lib. 1. Excidii. Hierosolym. inter alia cœli minacis monstra, Igneum gladium descripsit, sanguineis sparsum maculis, crinesq; timendi syderis. Præfatus ista pia-pia curâ Tonantis

Scilicet in magnis semper fuit ista ruinis,

Humanum monuisse genus: nec publica mundo

Pœna

*Pœna venit, cui non facies prænuncia cœli
Efficiat diversa fidem, &c.*

Huc imprimis faciunt Sibyllina Oracula, quorum apud eos, qui talia contemnere docent, aliâs magna est auctoritas, l. 3. ubi de Cometâ;

*Stella relucebit, gladii mortalibus index
Et famis, & mortis, præclarorumque Virorum,
Atque Ducum interitus, &c.*

Quod & Connimbr. allegant,

§ 5. At 3. de Philosophis supervacaneum est dicere; præter Epicurum cæteri ferè omnes veteres consentiunt, varia partim naturaliter, partim divinitus, mala portendere. De Aristotele & ejus affeculis notius est, quàm ut prolixè agendum sit, tædetque omnibus obvia exscribere. Quare 4. ad Christianos Doctores veniamus, quos Patres salutamus. Hos inter Synesius de Calvitiotorum hoc argumentum, secutus Aristotelem, absolvit.... Ille hos *φειδονύμους ἀστέρας* ait significare, publicas calamitates, popularum *ἀνδραποδισμούς*, Urbium everSIONES, Regum interitus: nihil parvum, nihil mediocre. Sic Iscanius, vulgò Cornelius Nepos, de Bello Trojano l. 2. - regna Cometa dispensant. Damascenus de Orth. Fide l. 2. cap. 7. vocat *σημεία τινὰ θάνατον δηλοῦντα βασιλέων*. signa quedam mortis Regum nunciâ; ac verè ait Divino imperio suo tempore existere, & dissolvi, nec esse stellas. Id visum fuisse quibusdam dictum est; Aristoteli & Manilio, &c. *Ελέστην*, unam Plejadum, quidam crediderunt, rarò conspicuam.

*Diffusamque comas cornu, erinisque soluti
Monstrari effigie; diras hos fama Cometas.*

Com-

Commemorat, &c. Avienus in Phœnom.

Sic Honorius sentisse videtur de Imag. Mundi c. 137. *Cometæ sunt stellæ crinitæ flammis, in Lactea Zonâ versus Aquilonem apparentes, regni mutationem, aut pestilentiam, aut bella, ventos, æstus, vel siccitatem portendentes.*

56. Eusebius 3. Histor. Eccl. de prodigiis ante excidium Hierosol. *Mollire, inquit, mentes eorum duritiam nitebatur divina majestas, signis & prodigiis cœlitus datis, terroresque & minacem dexteram ostentando potius quàm inferendo. Sequitur narratio de Cometâ &c. Sic Egesippus, quisquis fuit; l. 5. cap. 44. Si voluissent credere, evidentia imminentis signa excidii habebant: quibus veluti claris vocibus admonebantur, sinem sibi affore. Nam per annum ferme, supra Templum ipsum Cometes, passim ignis & gladii quandam præferens similitudinem, denunciabat quoque ferro, & igni, gentis & regni, urbisq; ipsius vastitatem futuram. Quid enim similitudo gladii, nisi bellum? Quid ignis nisi incendium denunciaret? Putes ad id Manilii allusum l. 1. extr.*

Quùm fera Ductorem rapuit Germania Varum,

Infecitque trium legionum sanguine campos;

Arserunt toto passim minitantiâ Mundo

Lumina, & ipsa tulit Bellum natura per ignes,)

Opposuitque suas Vires sinemque minata est.

57. Sanè Basilii, ubi negat Stellam Magorum fuisse Cometam, qui Regum mutationes & nova Imperia portendere videatur; hoc non negat, homil. de Hum. Christi Generet. Origenas, quem Eusebius, Augustinus, alique communiter secuti, *Signa cœlestia nihil quidem in fatiis efficere, significare tamen*

tamen nonnihil affirmant, ex ejus hom. 2. in Genes. Cometæ prodigiis jure annumerantur, quæ quodammodò *contranaturam* fiunt: undè autem prodigia, nisi quod porrò dicant, id est, futura prædicant: Augustin. de Civ. D E I. l. 21. cap. 8. Eorum motum regi ab Angelis, exemplo Stellæ Magorum, ex eodem de Mirabil. S. Scr. vel quicunque Auctor est, ut & in Serm. de Temp. & Theophylacto in cap. 2. Matth. & aliis, confirmari potest. Quà de causâ? nisi quia DEI q. ad homines Lingux cœlestes sunt? Illud omninò certum est, quod Johann. Saresber. l. 2. Nug. Curial. cap. 13. habet: *Hoc divine miserationis est, quod signorum suorum indicio, ignorantiam nostram quandoque præmunit.* Cometâ siquidem apparente, inquit, creduntur imminere Comitia (alii legunt tonitrua, rectiùs exitia) *An ignoras - terris mutantem regna Cometem?* Neque, puto, quisquam Ecclesiasticorum Doctorum, ante hos ex Epicuri Ludo, unquam negavit. Ipse Philostorgius l. 10. sect. 8. cum descripsisset, insolitum in cœlo Lumen κώνε αἴμα præferens, quod plusquam IV. mensibus duravit, sub Theodolio Juniore, etsi propter figuram inusitatam negârit fuisse Cometam; tamen testatus est fuisse σημεῖον πολέμων μεγάλων, καὶ φθορᾶς ἀνθρώπων ἔ ρήτης σύμβολον, signum gravium bellorum, & indicium incredibilis hominum interitus. Glycas Annal. p. 1. cum præfatus esset, id omnium confessione constare; nos de signis quibusdam, id quod futurum est, quamvis obscurius, prævidere & conjectare posse; Quid, inquit, multis opus est? qui conspiciuntur in aëre Cometæ,
natu-

naturali quidem ratione oriuntur; sed interim vel Regum, vel aliarum illustrium personarum interitus denunciant, quemadmodum Magnus ille, Cœlestiumque rerum interpres Basilus, docet. Interdum æstus, vel ventos subsecuturos indicant. Idem miseratione divinâ ait evenire, ut signa nobis subministret, de quibus futura prospicientes, hoc pacto securitati nostræ consulamus. Quod ita communis hominum sensus confirmat, ut ex paganis plerique crediderint, teste Manilio supra num. 35. Quamobrem, ut hanc alteram Questionem concludamus, audire decet

SACRÆ Scripturæ Oracula:

§ 8. Quod vulgò dicitur;

Prodigia sunt mali imminentis nuncia:

id S. Literæ passim confirmant, cum testimoniis quibus talia prædicuntur, tum exemplis quibus evenisse referuntur. Nam quod de Ægyptiis habet Herodotus: *Plura ab eis prodigia comperta sunt, quam à cæteris omnibus hominibus: nam cum prodigium extitit, scribunt id, observantes quomodo evenit: & si quando postmodum hujus simile extiterit, exemplo prioris putant eventurum:* hoc de Sacris Scriptoribus, Populoque DEI, manifestum est affirmari posse. Quæ in Ægypto, ante Populi liberationem, edita fiat, celebrat David Psalm. 78. v. 12. 43. & 105. v. 27. Quæ antè Chaldaicam & Romanam Hierosolymo everisionem; prædixit olim Joël, cap. 2. v. 10. & 30. neque pluribus nunc opus est. Ipse nos Dominus, si talia fiant, oculos aperire, diligenter attēdere, & quæ prædicta sunt accu-

accurato studio expendere jussit, Matth. 24. v. 15. Luc. 21. v. 28. &c. Neque abs re est, quod talia dicantur **אֹתוֹת** *Otbot*, à *veniendo*, quod aliquid venturum significant; sive quod *Literæ* q. sint in Tabulis cœli depictæ, ex quibus futura legi queant: & **מוֹפְתִים** *Mophtim* monstra, vel signa *evidenter* aliquid *demonstrantia*: & apud Chaldaeos **זִמְמִין** *Zimmin* q. d. *citationes*, quibus vel Creaturæ ad pugnam cientur, vel homines ad DEI tribunal vocantur. Optandum erat, ut aliquis hanc materiam *de Prodigis* & *Signis* ex S. Literis, debitâ industriâ elaboratam, nobis explicaret.

59. Inter hæc sæpissimè **IGNIS** memoratur, & alia quæ ad hunc locum propriè spectant, *מַעֲרָעָה*. Et quamvis Cometarum nulla nomine tenus fiat expressa mentio; neque illi ullum proprium habere nomen videantur in S. Literis; (Chaldaicè & Thalmudicè dicitur hoc fidus, **זִקִּין** *Zikin*, à *Zakan* barbâ, q. *barbatum*) tamen sub nomine *Ignis* prodigiosi, & *stellarum* illos describi nil vetat, Judic. 5. v. 20. de Sifarâ dicitur: *De cœlo dimicatum est, contra eos: Stelle, manentes in ordine & cursu suo, adversus Sisaram pugnaverunt.* Quonam modo? **DEUS**, inquit philo Biblicus, *præcepit astris; Descendite, inquit, & incendite inimicos meos, ut sciant virtutem meam: & descenderunt astra, & expugnaverunt castra eorum.* Si ut sonant verba accipias, fabula erit. *Sidera in stationibus suis, velut exercitus in acie, steterunt: Sed, ministerio Angelorum Cometas & fulgura*

fulgura, ventorumque procellas excitatas, ejaculari visa sunt; Indè *Danicus Terror*, & clades hostium, sic Abulentis & post alii Commun. sic Theodosio

-- *Militat æther, & conjurati veniunt ad classica venti.*

Neque incredibile est; noctu, quâ pugnatum fuit, repentè terrificum Cometam, qui gladium igneum, ex aëre in terram usque demitteret, conspectum, quem procellæ & terræ motus comitariæntur, itâ in fœder olam, omnia quæ in cœlo & terris sunt contra *Sisaram* pugnasse, dicitur.

60. De Chaldæorum exercitu Joël 2. v. 3. *Ante faciem ejus ignis vorans, & post eum exurens flamma: Quomodo ante?* De igni qui Chaldæis in argenteis altaribus ante exercitum præferri solebat, non ineleganter interpretatur sanctius, vide Comment. meum in Joëlem; primitias meorum scriptorum, Anno 1640. Spiræ editum. At simplicius *de Cometa* intelligemus, qui tùm quoque visus fuerit, cùm hæc Propheta nunciaret; ut ante ultimum Urbis excidium. Et hic potuit *siccitatis æstusque* ejus causa fuisse, quam cap. præced. v. 19. 20. deploravit. Sic postea cap. cit. 2. vers. 30. inter Prodigia ultimæ everisionis recensetur. *Ignis & Vapor fumi.* Nam ignis quo Judææ urbes, ipsaque Regina Hierosolyma, à Romanis incensæ conflagrârunt; & ætera mala, non prodigia venientis ruïnæ, sed ipsa fuerunt. Præcessit igitur in terrâ *Sanguis* per varias seditiones largiter effusus: in aëre *Ignæ meteora, & fumi*, in cœlo horrenda *Solis*
d
& Lu-

☿ *Luna deliquia.* Quæ omnia à tempore Passionis Dominicæ, usque ad Urbis & Templi Halósin evenerunt. Sed veniamus ad ejus prodigii significationem, quod hoc loco, quem sub manibus habemus, describit *Jeremias*.

61. Quid ergò *Virga vigilans*, cauda Cometæ celerem imminere DEI vindictam. Quia, inquit Dominus, ego vigilabo super verbo meo, festinabo, ut faciam illud. Quid olla succensa, corpus Cometæ ollæ ardenti simile? modum vindictæ & instrumentum, locumque undè ventura erat; scilicet ab Aquilone, à Chaldæis. Nam ab Aquilone pandetur malum, exitium per hanc ollam flammæ undique spargentem ostensum, super omnes habitatores Terræ hujus. Ipse Eventus postea per *ἡνὶ πύριν* ita ob oculos ponitur, ut & causa puniens Principalis, DEUS; & ministerialis, populi Regnorum Aquilonis; & Objectum pœnæ, Hierosolyma, ceteræque urbes Judææ; & causa promerens, justitiam divinam provocans; apostasia à DEO & idololatria; & denique finis gloria Divinæ Justitiæ, disertis Verbis exponantur. Primò itaque DEUS pœnam minatur; deinde τὸν χρόνον modum indicat, ut habet Chrysostomus. *Virga DEI vigilat*, cuncta Populi peccata considerans, ut percutiat ☿ corripiat delinquentes. Ad hoc enim Dominus corripit ut emendet, Quibusdam gradibus peccantibus tormenta tribuuntur, ut paullatim veniant ad salutem. Qui noluerint percutiente Virgâ emendari, mittuntur in ollam aeneam atque succensam. Sancti autem non sunt habitatores

erra,

terra, sed advenae & peregrini hæc ex Hieronymo. Hæc enim maxima DEL medicina est, servare ægrotantem terrere, ad sanam mentem inducere, per visionem ipsam, per ocularem intuitum, reducere, & abstrahere, locumque ac tempus dare ad pœnitentiam. Quâ de causâ aliquantis per adhuc monatur, idque molitur, ut fidem adhibeant. Αἱ τῆς ὀφείας mentem ipsum concitans, vivamque & spirantem orationem exhibens, Chrysostomus.

62. Ex his tandem omnibus conficitur
CONCLUSIO 1. Cometas non tantum esse signa Physica, Mundi q. ægrotantis, & ut sic dicam febris ardenti, quam πυρετὸν S. scriptura, Medici καύσωνα appellant, laborantis: cujus symptomata sint, quæ Cometis accidunt & eos sequi solent: venti, tempestates, æstus, siccitas, terræ sterilitas, aëris intemperies, morbiq. & mortes, de quibus Connubr. ex Arist. Ex quibus ἀεγρωσις de ipsâ Mundi q. ægritudine & causis institui possit: nam juxta Aratum,

Crinitæ existunt multe squalentibus annis.

In Phænomen. Itâ inter alia Manilius l. 1. circa finē:

Funera cum facibus ventunt, terrisque minantur

Ardentes sine fine rogos, quàm Mundus & ipsa

Ægrotet natura, novum sortita sepulchrum.

Ubi tamen nota 1. Talia sequi in primis Cometas aërios, qui quò nos propiùs tangunt, eò magis feriunt: æthereos verò, per Consensum & Sympathiam mundi superioris, cum inferiore, ut rectè statuebat. Nuperus Auctor Viennensis, non minùs afficere terrena corpora, sed occultius & subtilius: 2. Non sequi autem semper, nisi & causæ

particulares ac propiores concurrant. 3. Szpè effectum itàque suspendi, vel ab his, vel à primâ causâ. 4. Tandem tamen *Mundo esse salutare*; ut ex morbis debellatis oritur constantior sanitas. Sic enim *Deus magna hæc corpora curat, ut inæqualitatem revocet ad coæquationem, &c.* Per omnem enim naturam commeat, rumpendo, concinnando, solvendo, jungendo, fundendo: *Aridum liquefacit & solvit, guttas evaporat, laxatum aërem condensat, continenter superna submovet, & inferiora stabilis: Hæc est Mundi egrotantis curatio!* ut piè vereque Heraclitus in Epist. ad Amphidamantem: verum etiam, quæ est.

63. CONCLUSIO 2. esse frequenter *Signa Hyperphysica*, à DEO creata & assumpta, ad significandas eas calamitates, quas homines suo sibi q. jumento, suâque culpâ, accersunt. Hæc ratione *Imperiorum* portendunt *Mutationes*, eaque quæ vel præcedunt eas, vel sequuntur: qualia sunt; Regnantium mortes, bella, everfiones urbium, vastitas regionum, & id genus. Sic ergò multis *funerea* facies sunt, aliis tamen *salutares*; DEI electis semper: his enim sunt signa Theologica, & ἐμφυχοὶ λόγοι, ut dicam cum Chrysostomo, *vivæ commonitiones*, de Mundo, de Angelis, de Microcosmo, inprimis de Temperamento *Misericordiæ & Justitiæ Divinæ*. Quæ omnia ex dictis adeò sunt manifesta, ut neque qui Epicurum defendunt, audeant negare. Hoc scilicet *Animæ Testimonium est*. Neque DEUS, neque natura mentitur: ut & natura & DEO credas, crede

crede *Animæ*, ait Tertullian. de Testim. *Animæ* cap. ult.

64. Sit itaque immotum, *Cometas Iræ Divinæ* nuncios esse, sed & *Clementiæ*: Timendos iis, qui non timent DEUM-*Quia non metuendi*

Causa, Timere DEUM: quem quisquis non timet unum,

Omnia jure timet, ut S. Paulinus cecinit.

Quod non semper eveniant, quæ minantur; inde est, quia *minæ* plerumque sunt eventuum, non *causæ*. Arbitraria signa sunt DEI, terrere sæpius volentis, quàm ferire, Jerem. 18. v. 7. 8. 9. Amos. 9. v. 8. 9. 10. Quod ajunt, *non consistere, neque unò loco impendère*; utrumque aliter esse docuimus: nam & quidam immobiles sunt, & super certa loca fixi: cùm verò altiùs evehuntur, supra plurius Populorum vertices, pluribus meritò metuendi. Denique *Optimates magis respiciunt, quàm plebejos*: quia major de illis cura est DEO. Et quamvis *unius corruptio, sit alterius generatio*; tamen vicissim unius generatio, alterius est corruptio. *Clades Turcarum sunt nostræ victoriæ: sed Turcarum victoriæ sunt nostræ clades.* Neutra pars, inquis, *habet, quod cœlitùs illas magis metuat, quàm has speret*: Verùm rectissimè subnectis: *si humana omnia sint paria*: ubi igitur non sunt, habet altera quod magis metuat, quàm quod speret. Et uti

Iliacos intra muros peccatur, & extra;

Sic intra Ecclesiam & extra: gravius tamen intra, quàm extra: sæpiusque irascitur DEUS suis quàm extraneis: *Quia magna ira est: quando pec-*

erantibus non irascitur DEUS, Hieronymus ad Castracium: *tunc enim magis irascitur DEUS*, cum non irascitur, Bernhardus serm. 42. in Cant. vide Amos. 3. v. 2. Luc. 12. v. 47. &c. Quamobrem superest, ut expediamus.

6^a. *QUÆSTIONEM TERTIAM: An igitur unde cognosci possit, quid Cometae igitur quibus indicent? Vehemens hic Gassendus, & acutus: verum vehementia sine causa est; fluctus movet in simpulo: acumen nimis tenue, quod de Chrysippéo dixit Seneca, retunditur, igitur in se replicatur: pungit, non perforat. Dices, inquit; Cometæ divinitus ad aliquid nobis significandum usurpari: Ac sanè id fieri posse non inficior. Benè habet: & fieri & adeò posse fieri, verò & argumentis vicimus. Quid ergò? sed interim, pergit, undenam constat id reipsâ fieri? an aliunde, quàm ex Vanitate, quâ miseri turgescimus, idum digni nobis ipsis videmur, propter quos hæc ostenta sunt? Primum si ostenta sunt, quomodo nihil ostendunt? & cui, si non nobis? an potius brutis, in ventrem pronis? an Angelis, qui consilii divini conscii & administri, talia nostri causâ efficiunt ac moderantur? Deinde an indigni nos, propter quos fiunt? propter quos omnia & fiunt & facta sunt, quosquæ DEUS in hoc q. Theatro posuit, ut spectatores simus rerum supernarum igitur cœlestium, quarum spectaculum ad nullum aliud animantium genus pertinet, ut Cicero rectè iudicavit: denique quorum causâ ipse Mundus, & ut dicam quod maximum est, ipse Deus Verbum Homo factus est. Quis unquam de Homine tam abjectè, quis æquè in DEUM ingrater sentit; nisi Epicu-*

Epicu-

Epicurus, quem loquentem hîc mihi omninò videor audire. *Undenàm, inquit, constat?* diximus, undè: ex testimonio Naturæ, *Experientiæ, Animæ, & DEI ipsius Magistri magistrorum*, ut loquar cum **Tertulliano**. His immorari nimis longum est. Pergamus, & audiamus cætera.

66. *Quid enim? declaravitne Ter Maximus Deus fore, ut si quandò Cometa in occasum tendat, caveamus ab externis; sin in ortum, à domesticis: An Principes admonuit, ut caveant ab iis Cometis, qui matutinum occupant signum, factum ipsis horoscopum, aliisque consimiles nugas?* Rectè; nugas nugonibus istis maximis relinquamus; **DEUS** non nugatur: alia serja & cavenda declaravit, & admonuit, quæ mox dicentur: nàm indignos nos dignatus est alloqui & erudire: ut scias hominem non esse tumultuarium opus, neque temerè ex limo **Epicuri calefacto**, uterisque nescio quibus, quos radicibus terræ coherentibus primùm ajebat increvisse, membratos provenisse, apud **Censoriû**. de Die Nat. cap. 4.

67. *Quid porrò? Qui patienter, inquit, istos feramus, qui sic speciatim omnia definiunt, sic bellè sibi sapiunt, quasi, quod ille ajebat, Jupiter Opt. Max. admiserit ipsos in concilium Deorum.* At enim verò nos neutros patienter feremus, nec ariolos istos curiosos, nec **Epicurum** contra **Providentiam** grunnientem. *Quid tùm? annon obsequio patienti audiemus & feremus, qui, quantum opus nobis est, & sufficit, talia ex Verbo DEI, & rectâ ratione definiunt, nec sibi sapiunt, sed DEO?* Nam quid **Jupiter ille**, nec bonus, nec magnus,

nedùm Opt. Max. Junl noni suæ in aurē dixerit, nau-
ci facimus, ut & ipsum, cum toto concilio DEo-
rum suorum. Quid multa? *Nemo scilicet, inquit,*
satis attendit; quia neque sibi cum Seneca satis id obji-
cit: Ergò tu in tantis erroribus es, uti existimes, Deos
mortium signa præmittere, & quicquam in terris esse
tàm magnum, quod perire mundus sciat. Obsecro Te.
Christiane Lector!

Ut nemo in sese tentat descendere! nemo!

Et tu, ô bone, in tantis erroribus es, uti neges
Deum mortium signa præmittere, aut mortales
variis modis suæ admonere fragilitatis? Mun-
dus nihil scit; DEUS omnia; etiã capillos ca-
pitis nostri, quos in numerofo habet. Potestne
magis esse error abominabilis, quàm negare
hoc? ac statuere, DEO nesciente perire, non dico
Principem, sed vel unicum ex infimâ plebe, ho-
minem? quo nihil majus habet mundus? Ver-
bum non amplius addo,

68. Hic si dixerò & demonstravero; Undè co-
gnoscere possimus, quid & quibus Cometa portendant?
Causa perorata est. Faciam id breviter; nam
in calce sumus. *In manibus terra.*

Undenam igitur? Tria invenio cognoscendi
principia: 1. *Sophisticum* falsum & fallax: 2. *Topi-*
cum, conjecturale & probabile; 3. *Apodicticum*,
demonstrativum, & infallibile. De singulis pau-
ca; nam totum hoc exhaurire, nec hujus loci est,
nec meæ professionis.

69. SOPHISTICA Principia sunt, qualia vulgò A-
strologi, ex vanis & superstitiosis paganorum la-
cunis, afferunt. Talia sunt quæ Plinius recitat l. 2.

c. 25. Referre, inquit, arbitrantur, in quas partes se se jaculetur; de quo postea: aut cuius stella vires accipiat; quod æquè in abdito est: quasq. similitudines reddat, & quibus in locis emicet: V. gr. Tibiarum specie? Musica arti portendere: obscenis autem moribus, in verendis partibus signorum: ingenuis & eruditioni, si triquetram figuram, quod ratamve, paribus angulis, ad aliquos perennium stellarum situs edat: Venena fundere in capite Septentrionalis Austrinaeve serpentis. Horum quædam adeò sunt germanæ gerræ, ut vel Crasso risum queant extorquere: ut si quis dicat, acontiam minari sagittariis, Pagoniam barbatis, Xipham gladiatoribus, Ceratiam cornutis, Hippeum equitibus, Pithiten vel doliariis vel crassis ventribus: sed pergo. Solet enim stultitiæ notam incurrere, quisquæ laborat stultissime dicta refellere, ut quidam dixit.

70. Ad hanc classem refero, quæ ex Ptolomæi quadripartito opere & Centiloquio promuntur: Si Cometa, undecim signis à sole distantes, in cardinibus apparuerint, Rex aut Princeps morietur: Sin in loco succedente, benè habebunt se ejus thesauri, sed gubernatorem mutabit: at si in declinante, repentinæ mortes erunt: Si ab occasu moveatur in ortum externus hostis veniet; si contra, domesticus. Martiales & Mercuriales, quos ex coloribus volunt agnosci, illos flammeos & rubicundos; hos albos &c. bella, exilia, mortes portendunt: Mars enim discordias & cædes; Mercurus dolos & fraudes significat. Loca, in quibus futura contingent, ex locis signorum Zodiaci, & ex iis, quæ sunt in directo stellæ caudatæ, cognoscuntur; Species eventuum, ex formâ accedentis:

d s dura-

duratio, tempus indicat: cum manè apparebit, max eveniat; cum vespere, tardius. Suunt alia ejus genera plurima, quæ doctissimi quicq; ut incertis, imò falsis, hypothesebus nixa, ridenda propinant. Neq; nunc in Astrologos conjectores differendi locus est, & materiam hanc Summi Sanctissimiq; viri dudum occuparunt. *Artes* has, quas Ægyptii & Chaldæi, sed serò, ut ex Senecâ didicimus, pepererunt; Arabes inter mortuas pænè ex Orco reduxerunt, Christiani quidam, si tamen, ornare studuerunt; damnatas DEI Verbo, & Ecclesiæ Catholicæ consensu, sæpè è Rebus publ. proscriptas; has, inquam, *omnes artes, vel nugatorie, vel noxiæ superstitionis, ex quâdam pestifera societate hominum & Dæmonum, quasi pactu infidelis & dolosæ amicitie constitutæ, penitus repudiandas & fugiendas Christiano esse, rectè censuit S. Augustinus, quâ de re vide Alex. de Angelis in Astrolog. Conjector. lib. 5. & alibi passim.*

71. TOPICA, quæ experientiâ & ratione probabili, cum S. Literis non pugnante, nituntur, opinionem efficiunt, cui tamen aliquandò falsum subesse potest. Talia sunt, quæ nobis *Propheta noster* suggerit, sumpta 1. à colore, & figurâ: igneus ille, quem vidit, similis, quoad caudam, Virgæ, seu baculo, qualem Judices populi gestare solebant; quoad corpus, ollæ succensæ, vindictam DEI judicis, & ignem, id est Halósin, minabatur. Sic candidum salutarem ad propagandam fidem; Sanguinum & ruffum bella; nigram & obscuram, famem; pallidum, mortes prænunciare, ex Apoc. cap. 6. vers. 2. & seqq. conjicere licebit. De variis

variis figuris & eventis exempla suprà attulimus.

72. Deindè, 2, à *Motu*. Nàm celeritas proprii motus, celerem poenam nuntiabat: eaque mox post *Josia* Regis secuta est mortem, meritò justis threnis deploratam, 2, Paralipom, cap. 35, y. 25. Sic enim Divina Providentia Regna mutatura, è medio tollit Principes, quorum incolumitate stat Salus publica, quique pietate ac justitiâ suâ properantem vindictam possint remorari. Horum igitur obitum etiam à Comitis significari, nihil puto vetat: is enim plerumque calamitatum intentatarum principium est; Quod ad publicas preces nobis esse debet incitamentum, Jerem. 29. v. 7. Baruch. 1. v. 11. 12. 1. Tim. 2. v. 1. 2. 3. Adulator est Firmicus cùm scribit: *Solus Imperator stellarum non subjacet cursibus. Solus est in cuius fato stellæ non habent decernendi potestatem: Cùm enim sit totius orbis Dominus, fatum ejus DEI summi judicio gubernatur: Quia totius orbis terreni spatium Imperatoris subjacet potestatibus etiam ipse in eorum DEorum numero constitutus est, quem ad faciendâ & conservandâ omnia divinitas statuit Principalis*, l. 2, cap. ult. Nàm ut de Fato stellarumque potestate impiè proposuit; in *Manibus Domini omnes sunt sortes nostræ!* ità optimè de *Providentiâ speciali*, in summos rerum arbitros, subjunxit: Verùm contrarium potius inferre debuit: Quæ contra aut supra naturam in cœlo spectantur, tantò magis metuenda sunt summatibus, quàm iusmatibus; quanto major de illis cura est Numinis, majorque
ex

ex eorum interitu calamitas. *His stantibus omnia florent!* Sic judicavit suprà num. 53. Ludovicus Imperator Anno 837. verè Pius. Illud verò quod præfatus erat Firmicus; *Non oportet, nec licet, ut de statu Reip. aliquid nefariâ curiositate dicamus; sed & sceleratus atque omni animadversione dignus est, si quis interrogatus de Fato dixerit Imperatoris:* hoc inquam, in pagano Astrologo tantò magis laudandum est, quantò minùs ferenda nostrorum Calendario graphorum temeritas, piis omnibus execrabilis.

73. Adhæc 3. *è terminis motus;* Nàm ab Aquilone veniens noster Propheta, tendensque Hierosolymam, undè & quò veniura esset pœna designabat. Sic qui certæ regioni, aut urbi impendent, quorum exempla vidimus, quibus minaces sint, ipsi demonstrant. Ità non abs re est, quod nostrum, (quem in Hydrâ primùm conspeximus, signo aqueo; ex quâ ad Tropicum Capricorni delatus, reversusque in Bridanò & Ceto apparuit, undè in Arietem proVectus nobis propius illuxit;) docti quidam conjectant, *Aquaticis & Marinis populis minari, à quibus bellum in Europâ conflatum, ad Indos fortassis profecturum, inde in Europam reversurum, non sine fundamento, metuumdum videatur.*

74. His addi potest 1. *duratio*, moram malorum; & 2. *frequentia* talium, certitudinem ut sigillis obliptatam, innuens. Quid frequentes Cometæ sub Nerone, & qui ante ac post Ludovici Pii obitum visi, denotârint, ex historiis manifestum est. Qui ejus obitum præcessit, nostro

Itro huic nupero, valdè similis apparuit. Si de similibus simile ferri debeat judicium; conferamus tempora, ejusque Potentiæ, quæ sub Pio isto Imperatore cœpit, longisque Ecclesiasticorum ac Politicorum collisionibus aucta, per octingentos annos huc usque progressa est, Periodum consideremus.

65. *An ex asterismis, intra & extra Zodiacum, significatio peti possit?* minùs certum est. Celebres tamen Astrologi ferè conveniunt hodiè; *Loca illa Imaginum Symbolica, eò quod Intelligentia Cometæ Rētrix non ignorārit, elegeritque præ aliis ad cursum Cometæ conficiendum, non vane assumpta fuisse; idq; ajunt, Symbolorum Interpres sibi aliisq; haud dubie persuadebit: Verba sunt Astrophili cujusdam, ex Judicio ejus de Cometâ Anni 1652. Coloniae impresso. Certum est, hos asterismos nullas ad efficiendum vires habere. Si quæras quid significant? Respondebo interim, illud vetus: Non liquet. Quàm antiqui sint isti asterismi; qui primi Cœlum hieroglyphicis imaginibus inscripserint? quò fine? quid singulæ signent? negotium majoris curæ & altioris est indaginis. Nos ad exitum properamus; vide Alex. de Angelis l. 4. cap. 23.*

76. Hactenùs *Topica* & conjecturalia: supersunt Apodictica & demonstrativa, quæ ex *Revelatione divinâ* pendent; non quidem nunc *immediatâ*; quam post S. literas nuspiam expectandam scimus, & si vel alicui obtingeret, an verè sit; nesciremus: quod alibi demonstratum
fatis

fatis est. in iudicio de *Novis Prophetis*, quod *Apo-
calyptico Indici*, contra Anonymi *Clavem resera-
tam*, præfixum extat: Ergò ex eâ quæ per S.
Scripturam Communis est omnibus fide-
libus.

Scimus autem 1. *Magnis peccatis magna debent
supplicia*: 2. Quid DEUS hoc ipso loco Jeremiæ,
apostatis & idololatriis: non tam crassis illis extra
Ecclesiam, quàm & subtilioribus intra eam, com-
minatus sit? 3. *Gravius punire DEUM Populum
suum*, quàm hostes, dùm in tertis versamur, ut
conversæ Electorum reliquæ olim salventur in
Cœlis. 4. *Horrendas calamitates, horrendis à DEO
indicari prodigiis*: 5. Nos propè à fine Mundi
abesse, *tempusque* in quod incidimus, *ultima iræ*,
& DEL, & permissu ejus Diaboli, esse. Denique
6. quas pœnas, & quibus, ante novissimum
Diem-quem nobis *Vatum prædicta* priorum *Terribili
monitu horrifcant*, Daniel inprimis, & S. Johan-
nes in Apocalypsi, omnium ferè Christiano-
rum Interpretum consensu, prædixerint. Quæ
si singula explicare cuperem, nova & longa mi-
hi exordienda esset tela.

Anno Dom. 1106. *insolita stella in Austrum
& Occidentem lucere visa est*: & per 25. dies eâ-
dem semper horâ circa vesperum splenduit. Non
multò post *Cometes longos & flammeos crines manè
ducens apparuit*. Elmerus Monachus Malmas-
buriensis, hoc conspecto, exclamâsse dicitur a-
pud Schedelium, citante Wolffio Cent. 12. pag.

346. *Venisti tandem, venisti multis matribus lugen-*
tum malum! dudum est, quod te vidi: sed nunc multo
terribiliorem te intueor, Patriæ hujus, Angliæ, exci-
lium supremum minantem! Nos & timeamus;
nam justus semper timidus est; sed & spere-
mus: parati ad quidvis ferendum dicamus:

Salve flagellum DEI!

suspiremus;

VENI DOMINE JESU, VENI!

Amen.



HAG 2005490





